




Exemplum


Et Quintus ex domo Wm. Presulij Jo. Campin

donatus, ad usum Antiqui M. Hieronymi Tarta

de Vitalibus duafit. Anno 1690 =

= Paulo ante tanti Presulij obitu =





Et Deinde ex dono Wm. Presulij Jo^h Campin
 Donatarij, ad usum Antonij M^o Hieronymi Tarto
 de Vitalibus inagis. Anno 1690 =
 = Paulo ante tanti Presulij obitum =



James M. Smith

Received of the
Hon. Secy of the Interior
the sum of \$100.00
for the purchase of
land in the State of
California

James M. Smith

CARPANI
INSTITVTIONVM CIVILIVM
COMPENDIARIA EXPLICATIO.

C A R A O

INSTITUTIONAL CLINIC

CONTEMPORARY ARTS

3
INSTITVTIONVM

IVRIS CIVILIS

BREVIS DILVCIDATIO

A IOSEPHO CARPANO

ROMANO L. V. D.

Sedis Apostolicæ Protonotario,

Et in Romana Vniuersitate

Primario Iuris Ciuilibis Professore Emerito

In Gratiam Romanæ Iuuentutis elaborata

Anno Christiano 1690.

Ex libris Amicis



Alghini

R O M A E,

Typis, Francisci de Lazaris, filij Ignatij. M.DC.XCI.]

SVPERIORVM PERMISSV,



13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

13.4.B3

ROMANAE IVVENTVTI

Ad Legalem facultatem comparandam

Propensæ

Timorẽ Domini Initium Sapientiæ,

Et deliberatam addiscendi voluntatem

precatur

IOSEPH CARPANVS



Nstitutiones Iuris Civilis ab Imperatore Iustiniano opera Triboniani, Theophili, ac Dorothei eximiorum sui temporis Iuris Consultorum diligentissimè confectas, ab Accursio glossis eruditissimis exornatas, à tot præclaris Legum Professoribus doctissimis Commentarijs illustratas, à me inter ceteros minimo à die 12. Nouembris 1641. vsque ad diem 4. Augusti 1689. intra domesticos parietes Auditoribus meis, Deo Optimo Maximo fauente, pro meis viribus copiosissimè, & maiori qua potui facilitate enucleatas, tandem post completum inde-


ficientium laborum meorum cursum , septuagesimo
sexto ætatis meæ anno, in compendium redactas,
ipsimet textui fideliter inhærendo, in publicam lu-
cem libenter profero, easque Vobis, Adolescentes
studiosissimi, libentissimè dirigo; vt postquam
longæua, & valde incommoda senectus amplius
Vobis inservire non permittit, hoc saltem certissi-
mum de vestro profectu voluntatis meæ pignus
accipiat, Canonicarum etiam Institutionum Bre-
uiarium mox accepturi, si tempus, & vires suppe-
ditabit Deus, quem Vos enixè deprecor, vt pro
me precemini, quemadmodum ego hoc idem
pro Vobis agere numquam deficiam.





I Nstitutiones Iuris Ciuilis, viri clarissimi IOSEPHI
 CARPANI, Iuris vtriusque in Academia Ro-
 mana Professoris emeriti, ex commissione Reueren-
 diſſimi P. F. Thomæ Mariæ Ferrari Sacri Apostolici
 Palatii Magistri volupe legi. In eis vbiq̃ue comperij
 nitorem purum, doctrinam ſnam, fidem rectam; il-
 lum dictionis, iſtam rerum, hanc Auctoris. Ideoque
 illaſcenſeo non tantum typis, ſed etiam cedre dignas.
 Hac die 22. Auguſti 1691.

*Iacobus Pignatellus, Paſtor apud S. Mariam
 Monticellanam Urbis, & S. Theologie ac
 I. V. Doct̃or.*






Imprimatur

Si videbitur Reuerendissimo Patri Magistro Sacri Palatij Apostolici.

Steph. Ioseph Menastus Ep. Cyren. Vicesg.

Imprimatur.

Fr. Thomas Maria Ferrari Sacri Apostolici Palatij Magister, Ord. Præd.



INDEX TITVLORVM,

6

Qui in Quatuor libris Institutionum
Iuris Ciuilis continentur.



Primus numerus est Titulorum.
Secundus est paginarum.

| | |
|--|---------------|
| <i>Premiffa ad totum Opus.</i> | <i>pag. 1</i> |
| <i>Proemium Institutionum Ciuilium.</i> | <i>pag. 5</i> |
| TITVLI LIBRI PRIMI | |
| <i>De Iustitia, & Iure Tit. 1.</i> | <i>pag. 9</i> |
| <i>De Iure naturali, gentium, & ciuili. 2.</i> | <i>15</i> |
| <i>De Iure Personarum. 3.</i> | <i>26</i> |
| <i>De Ingenuis. 4.</i> | <i>29</i> |
| <i>De Libertinis. 5.</i> | <i>31</i> |
| <i>Quibus ex causis manumittere non licet. 6.</i> | <i>34</i> |
| <i>De Lege Fufia Caninia tollenda. 7.</i> | <i>36</i> |
| <i>De His, qui sunt sui, vel alieni iuris. 8.</i> | <i>37</i> |
| <i>De Patria potestate. 9.</i> | <i>39</i> |
| <i>De Nuptijs. 10.</i> | <i>41</i> |
| <i>De Adoptionibus. 11.</i> | <i>53</i> |
| <i>Quibus modis ius patrie potestatis soluitur. 12.</i> | <i>59</i> |
| <i>De Tutelis. 13.</i> | <i>60</i> |
| <i>Qui testamento tutores dari possunt. 14.</i> | <i>70</i> |
| <i>De Legitima Agnatorum tutela. 15.</i> | <i>73</i> |
| <i>De Capitis diminutione. 16.</i> | <i>75</i> |
| <i>De Legitima Patronorum tutela. 17.</i> | <i>76</i> |
| <i>De Legitima Parentum tutela. 18.</i> | <i>77</i> |
| <i>De Fiduciaria tutela. 19.</i> | <i>ibidem</i> |
| <i>De Aftiliano Tutore, & eo, qui ex lege Iulia, & Titia da.</i> | |

| | |
|--|----|
| <i>dabatur.</i> 20. | 79 |
| <i>De Auctoritate Tutorum.</i> 21. | 80 |
| <i>Quibus modis tutela finitur.</i> 22. | 83 |
| <i>De Curatoribus.</i> 23. | 85 |
| <i>De Satisfactione Tutorum, vel Curatorum.</i> 24. | 86 |
| <i>De Excusationibus Tutorum, vel Curatorum.</i> 25. | 88 |
| <i>De Suspectis Tutoribus, vel Curatoribus.</i> 26. | 93 |

TITVLII LIBRI SECVNDI

| | |
|---|---------|
| <i>De Rerum diuisione, & acquirendo ipsarum dominio.</i> | |
| <i>Tit. 1.</i> | pag. 98 |
| <i>De Rebus corporalibus, & incorporalibus.</i> 2. | 123 |
| <i>De Seruitutibus Prædiorum.</i> 3. | 124 |
| <i>De Vusufructu.</i> 4. | 130 |
| <i>De Vsu, & Habitatione.</i> 5. | 132 |
| <i>De Vucapationibus, & longi temporis Præscriptionibus.</i> 6. | 134 |
| <i>De Donationibus.</i> 7. | 139 |
| <i>Quibus alienare licet, vel non.</i> 8. | 143 |
| <i>Per quas Personas nobis acquiritur.</i> 9. | 145 |
| <i>De Testamentis ordinandis.</i> 10. | 149 |
| <i>De Militari Testamento.</i> 11. | 154 |
| <i>Quibus non est permittum facere testamentum.</i> 12. | 157 |
| <i>De Exheredatione Liberorum.</i> 13. | 159 |
| <i>De Heredibus instituendis.</i> 14. | 164 |
| <i>De Vulgari substitutione.</i> 15. | 168 |
| <i>De Pupillari substitutione.</i> 16. | 174 |
| <i>Quibus modis testamenta infirmantur.</i> 17. | 177 |
| <i>De Inofficioso testamento.</i> 18. | 180 |
| <i>De Heredum qualitate, & differentia.</i> 19. | 183 |
| <i>De Legatis.</i> 20. | 186 |
| <i>De Ademptione legatorum.</i> 21. | 203 |
| <i>De Lege Falcidia.</i> 22. | ibidem |
| <i>De Fideicommissarijs hereditatibus, & ad S. C. Trebellianam.</i> 23. | 205 |
| <i>De singulis rebus per fideicommissum relictis.</i> 24. | 210 |
| <i>De Codicillis.</i> 25. | 211 |

TITVLI LIBRI TERTII

| | |
|--|--------|
| <i>De Hereditatibus, quæ ab intestato deferuntur</i> Tit. I. pag. 214 | |
| <i>De Legitima Agnatorum successione.</i> 2. | ibidem |
| <i>De S. C. Tertulliano.</i> 3. | ibidem |
| <i>De S. C. Orphiciano.</i> 4. | 215 |
| <i>De Successione Cognatorum.</i> 5. | ibidem |
| <i>De Gradibus cognationum.</i> 6. | 221 |
| <i>De Servili Cognatione.</i> 7. | ibidem |
| <i>De Successione libertorum.</i> 8. | ibidem |
| <i>De Assignatione libertorum.</i> 9. | ibidem |
| <i>De Bonorum possessionibus.</i> 10. | 224 |
| <i>De Acquisitione per arrogationem.</i> 11. | 225 |
| <i>De eo, cui libertatis causa bona addicuntur.</i> 12. | ibidem |
| <i>De Successionibus sublati, quæ fiebant per bonorum venditionem, & ex S. C. Claudiano.</i> 13. | 226 |
| <i>De Obligationibus.</i> 14. | 227 |
| <i>Quibus modis re contrahitur obligatio.</i> 15. | 228 |
| <i>De Verborum Obligationibus.</i> 16. | 235 |
| <i>De duobus Reis stipulandi, & promittendi.</i> 17. | 240 |
| <i>De Stipulatione servorum.</i> 18. | 241 |
| <i>De divisione stipulationum.</i> 19. | 242 |
| <i>De inutilibus stipulationibus.</i> 20. | 243 |
| <i>De Fideiussoribus.</i> 21. | 254 |
| <i>De Litterarum obligationibus.</i> 22. | 258 |
| <i>De Obligationibus ex consensu.</i> 23. | 259 |
| <i>De Emptione, & venditione.</i> 24. | 260 |
| <i>De Locatione, & conductione.</i> 25. | 262 |
| <i>De Societate.</i> 26. | 267 |
| <i>De Mandato.</i> 27. | 269 |
| <i>De Obligationibus, quæ ex quasi contractu nascuntur.</i> 28. | 271 |
| <i>Per quas Personas nobis obligatio acquiritur.</i> 29. | 274 |
| <i>Quibus modis tollitur obligatio.</i> 30. | 275 |

TITVLI LIBRI QVARTI

| | |
|---|-----|
| <i>De Obligationibus, quæ ex delicto nascuntur.</i> Tit. I pag. 278 | |
| <i>De vi bonorum raptorum.</i> 2. | 284 |
| <i>De</i> | |

| | |
|---|-------|
| <i>De Lege Aquilia. 3.</i> | 287 |
| <i>De Iniurijs. 4.</i> | 289 |
| <i>De Obligationibus, quæ ex quasi delicto nascuntur. 5.</i> | 291 |
| <i>De Actionibus. 6.</i> | 292 |
| <i>Quod cum eo, qui in aliena potestate est, negotium gestum esse dicitur. 7.</i> | 312 |
| <i>De Noxalibus actionibus. 8.</i> | 314 |
| <i>Si Quadrupes pauperiem fecisse dicatur. 9.</i> | 315 |
| <i>De lis, per quos agere possumus. 10.</i> | 316 |
| <i>De Satisfactionibus. 11.</i> | ibid. |
| <i>De Perpetuis, & temporalibus Actionibus: & quæ ad he- redes, & in heredes transeunt. 12.</i> | 317 |
| <i>De Exceptionibus. 13.</i> | 319 |
| <i>De Replicationibus. 14.</i> | 323 |
| <i>De Interdictis. 15.</i> | 324 |
| <i>De Pœna temerè litigantium. 16.</i> | 329 |
| <i>De Officio Iudicis. 17.</i> | 330 |
| <i>De Publicis Iudicijs. 18.</i> | 331 |



AD INSTITUTIONES IVRIS CIVILIS

P R A E M I S S A E.



VM indecorum sit interpretationem aliquam protinus aggredi, origine eius, de quo agendum est, non repetita, ut inquit Caius in l. 1. ff. de orig. iur. idcirco valde congruum esse duxi, Adolescentes optimi, ut Institutiones Iuris Civilis breuiter explicaturus, ante omnia originem harum Institutionum Vobis indicarem, ut dum per eas ingenium vestrum spatiabitur, in luce, & non in tenebris ambuletis.

Sciatis igitur, quod Imperator Iustinianus, qui per triginta, & octo annos regnavit quinto seculo post Christum natum, ex tribus Codicibus, qui extabant, & ex innumeris antiquæ Iurisprudentiæ Voluminibus, quæ supra duo millia erant, inordinata, & indigesta, & per consequens maximam ingerebant confusionem, ita ut Iuvenes legalem facultatem addiscere posse desperarent, iussit per Tribonianum, Theophilum, & Dorotheum, aliosque viros sui temporis Iurisperitissimos, meliora, & utiliora seligi, & ex illis Corpus Iuris Civilis constari, quo hodie utimur.

Vniuersum hoc Iuris Civilis Corpus in tres partes distributum fuit, quarum prima dicitur Digestum, secunda dicitur Codex, tertia dicitur Authenticum.

Digestum fuit dictum ad similitudinem digestionis naturalis, quia in ipso superflua reiiciuntur, & utilia bene ordinata, ac digesta admittuntur. Dicuntur etiam Pandectæ à græco vocabulo, Πᾶν, quod significat, Totum, & à verbo, Διχομαζω, quod significat capere, & continere, quasi sit Volumen totum continens, idest vniuersam doctrinam legalem complectens. Digesta autem, seu Pandectæ scribuntur duplici ff. sed per errorem, qui tamen inuoluit; nam cum in græco scriberentur per primam litteram Pandectarum, nempe, Π. fuit per errorem, cum habeat similitudinem duorum ff. conuersum à nostris librarijs in duo ff. Ita Alciatus lib. 3, Dispunct. cap. 16, Doctores autem Ultramontani, qui nolunt

hoc errore uti, scribant Digestum per litteram. D.

Digesta, seu Pandectæ diuiduntur in quinquaginta libros; & totum hoc Volumen integrale per accidens, ad vsum nempe commodiorem, diuisum fuit in tres partes, seu in tria Volumina partialia, quorum

Primum fuit dictum Digestum Vetus, continens primos viginti quatuor libros, & dicitur Vetus, ex eo, quia incipit à Iure vetustiori usque ab origine Romanæ Urbis.

Secundum fuit dictum Infortiatum, quod incipit à titulo, *se- luto matrimonio quemadmodum dos petatur* - Et dicitur Infortiatum, quia continet leges fortes, ut inquit glossa. *illius tit. in rubr.* licet eadem glossa ponat ibi etiam alias deriuationes, quibus tamen, omis- sis, placet, quam retuli, scilicet quia continet leges fortes; quamvis enim omnes leges contentæ in Corpore Iuris dicantur fortes, cum omnes ligent: istæ tamen, quæ in hoc Volumine continentur fortes speciali modo dicuntur, cum respiciunt potissimum dispositiones vltimarum voluntatem, quæ fortissimæ sunt, utpotè irrevocabiles. Complectitur autem quatuordecim subse- quentes libros.

Tertium denique Volumen fuit dictum Digestum Nouum, vel ex eo, quia est vltimum, vel quia incipit à titulo *de Operis noni num- siatione*, ut dicunt communiter Doctores; & continet vltimos duo- decim libros. In his autem quinquaginta Digestorum, seu Pan- dectarum libris sunt registratæ dispositiones antiquorum Iuris- consultorum, quæ dicitur antiqua Iurisprudentia.

Codex dicitur Codex per antonomasiam, seu excellentiam, quia cum quilibet liber secundum Grammaticos dicatur Codex: hic tamen dicitur Codex simpliciter, & sine addito, ex eo quia con- tinet constitutiones ipsorum Imperatorum, quæ dignissimæ sunt, Et complectitur duodecim libros, quorum nouem priores in pro- prio Volumine sunt positi: tres verò posteriores sunt registrati post Volumen Authenticorum, & allegatur per litteram. C.

Volumen Authenticorum dictum est ab Auctore suo Iustinia- no, qui ipsum approbavit, eique legum auctoritatem dedit. Quod Volumen diuisum fuit in nouem collationes, sic dictas, quia in eis sunt collectæ, & simul positæ constitutiones ipsius Iustiniani. Dicuntur etiam Nouellæ, ex eo quia ab eo nouiter factæ fuerint post Codicis compilationem.

Differt autem *authentica* ab *authentico*, quia *authentica* sunt quæ- dam particulæ *authenticorum* translatae in ipsum Codicem, & sub titulis congruis appositæ ab Yrnerio quingentis annis post Codi- cis

eis promulgationem; vt aduertit Cæsar Costa *lib. 1. variarum ambiguitatum Iuris cap. 34.* Authentica autem citantur per prima verba ipsius *authentica*, addendo titulum Codicis, sub quo positz sunt v. g. *auth. Sacramenta puberum C. si aduersus venditionem: Authentica* verò citatur per prima verba *paragraphi*, addendo titulum ipsius Authentici v. g. *§. deinceps auth. de nuptijs.*

Post Volumen Authenticorum ponuntur vltimi tres libri Codicis, cùm in proprio Volumine nouem priores tantùm contineantur, vt supra dixi: sed additur his tribus vltimis libris numerus ipsius libri, quando citantur. v. g. *lib. 10. lib. 11. vel lib. 12.* Deinde est partiale Volumen continens constitutiones; seu consuetudines feudales, diuisum in duos libros; post quas sunt nonnulla alia opuscula Friderici, & Henrici Imperatorum. Et demum in fine istius integri Voluminis sunt positz Institutiones, consecræ ab eodem Iustiniano, pro quadam facili via ad addiscendam legalem disciplinam, & præcipuè ad cognitionem terminorum. Diuiduntur autem Institutiones in quatuor libros, quia quatuor sunt principalia subiecta Iuris ciuilis, scilicet Personæ, Res, Obligationes, & Actiones.

Quilibet liber horum Voluminum continet titulos, & textus. Titulus est inscriptio indicans quid contineatur in textu; & titulus dicitur etiam rubrica, quia rubro colore scribi solet: textus verò dicitur, nigrum, ad differentiam rubricæ; & dicitur textus, quia est veluti quædam textura verborum, continens aliquam dispositionem. Textus verò vel est lex, vel pars legis. Legis pars vel est principium, vel paragraphus, vel finis. Paragraphus incipit post primam clausulam, quæ facit principium; & dicitur *paragraphus* ex græco, id est *breuis scriptura*. Scribitur autem hoc signo §. lex autem scribitur per litteram. l.

Circa textum est glossa, quæ licet propriè sit verbum aliquod obscurum indigens explicatione ex Quintiliano *lib. 1. cap. 8.* tamen communiter accipitur pro commento ipso, quod est circa textum, & debet esse Accursij, quæ notatur per litteras alphabeti. Cetera quæ sunt circa textum, non faciunt glossam: sed sunt vel casuumfigurationes, vel additiones, vel apostillæ. Glossa autem post textum non leuem habet auctoritatem.

Pro ordine verò, quo hæc Iuris Ciuilis Volumina in lucem prodierunt, scire debetis studiosi Adolescentes, quod tempore Iustiniani Imperatoris tres Codices extabant, Hermogenianus, Gregorianus, & Theodosianus, & supra duo millia librorum volumina, quæ, vt dixi, tantum ingerebant confusionem, vt im-

4
 possibile videretur hominis ætatem tot Voluminum lectioni sufficere; ideoque mandauit Iustinianus Triboniano, ceterisque sapientibus illis Viris, vt ex dictis tribus Codicibus vnum componerent, quem Iustinianum appellari voluit, qui tamen hodie non extat. Deinde ex reliquis illis constitutionibus dispersis, & confusis quinquaginta libros Digestorum, seu Pandectarum conficari; post quorum confirmationem Compendium Iuris Ciuilis, idest hos quatuor libros Institutionum ex Codice, & Pandectis fieri iussit, & tandem ad prioris Codicis emendationem, & secundam ipsius editionem manum apposuit, addendo ex integro quamplures nouas constitutiones, quæ in priori editione non habebantur, quamplurimasuè detrahendo. Vnde in eo aliquoties Iustinianus mentionem facit Institutionum iam compositarum, vt in *l. unic. C. de emendat. Iustinianei Codicis*, & in *l. meminimus in princ. C. de legitimis herediis*. & e contra in hisce Institutionum libris non semel meminit constitutionum, quas in Codice suo exare refert, cum re vera in hoc nostro. quo vrimur, non extent, vt in *§. sed nec huiusmodi Instit. de legat.* & in *§. legataris Instit. de testam. ordinand.* Postremo nouellas Constitutiones, quas *Vulgus Authenticum* nuncupat, protulit, quibus tandem *Consuetudines feudales*, & quædam alia opuscula sunt adiecta, vt iam dixi.

Et hæc satis quoad editionem, & ordinem Librorum Iuris Ciuilis, inter quos Institutiones secundum obrinent locum quoad originem, vt audiistis. Originem vero ipsius Iuris Ciuilis copiosissimè describam inuenietis in *l. 2. ff. de origin. Iuris*.



INSTITVTIONVM IVRIS CIVILIS

PROE M I V M

DE CONFIRMATIONE INSTITVTIONVM

In Nomine Domini Nostri Iesu Christi

Imperator Cæsar Flavius Iustinianus &c.



Reuiter adnotanda sunt quæ in hoc Proœmio continentur . Ponitur primo loco inuocatio nominis Iesu Christi. Ex qua colligitur quòd Imperator Iustinianus fuit Christianus, & Catholicus; alioquin nulla lex ab eo lata obseruaretur, quia non haberet iurisdictionem in Christianos, & Catholicos *arg. text in c. Ecclesia Sancta Maria de*

Constitutionib. Hinc manifestum est quòd in quocumque opere, quod agimus, debemus inuocare diuinum nomen, quia cum omnis actus à Deo sit, vt dicitur *Ioann. 1. Omnia per ipsum facta sunt*, ab eodem Deo debet deriuari, & vbi Deus fundamentum non est, non potest superimponi bonum ædificium *can. cum Paulus 1. quest. 1.* Hoc autem omnes, & singuli cuiuscunque artis, seu scientiæ Professores facere consueuerunt, quia ex inuocatione diuini nominis habetur bonum principium, melius medium, & optimus finis, vt dicitur in *auth. quomodo oporteat Episcopos in princ.*

Post inuocationem diuini nominis ponitur nomen Imperatoris, cum omnibus ipsius denominationibus, quas à deuictis popu-

pulis, additisque Imperio Romano nationibus, & rebus feliciter gestis adeptus fuerat. Has omnes copiose explicat *gloss. huius rubr.* & Myssing. *hic* Ex hoc autem colligitur quòd quilibet potest suas dignitates licite profiteri, & à se met ipso scribere; Unde Comes se Comitem, Abbas se Abbatem, Doctor se Doctorem nuncupare, & subscribere potest. Ita DD. *hic*.

Demum in hac *rubr.* Imperator dedicat hos libros Institutionum cupidæ legum Iuuentuti. Ex quibus verbis colligitur quòd qui legibus operam daturi sunt, duo insimul habere debent, cupiditatem scilicet, sine qua nihil agitur, & iuventutem; Nam licet senectus venerabilis sit, ut inquit I. C. in l. *semper ff. de iur. immunit.* & melior sit umbra senis, quàm gladius Iuuenis secundum Baldum *post tex. in c. 1. de renunciat.* tamen iuuenilis ætas ad studendum magis apta, & idonea esse creditur, quia quò quis est iunior, eò docilior, & perspicacior esse præsumitur iuxta *gloss. in l. Gallus in princ. in verb. si filius, ff. de lib. & posthuu.*

Imperatoriam Maiestatem

Iustinianus in hoc principio proëmij concludit quòd Imperator debet esse versatus tam in armis, quàm in legibus. Et ratio est quæ in ipso tex. ponitur, dum dicit, *ut utrumque tempus, & bellorum, & pacis rectè possit gubernari.* & confirmatur ex ratione rationis, quæ subditur, *domini dicit, & fiat tam Iuris religiosissimus, quàm deuictis hostibus triumphator magnificus.*

§. Quorum

Poterat obijci ab aliquo, quomodo probas, ô Iustiniane, te habuisse notitiam legum, & armorum, cum dixeris, quòd Imperator debet esse peritus tam in armis, quàm in legibus. Quamuis autem Princeps non teneatur suum dictum probare l. *omnium C. de testam.* sicuti tenentur ceteri homines l. *actor C. de probat. & l. qui accusare C. de edend.* nihilominus voluit probare quod dixerat, & efficacissima probationis ratione usus est, scilicet per attestationem inimici, & per euidentiã facti. Prima est ibi, *protestantur.* Secunda est ibi, *constitutiones antea confusas in luculentam ærexiimus consonantiam.*

Si quis opponeret quòd Imperatorin hoc tex. videatur se ipsum laudare, & laus in ore proprio sordescit, quæ iactantia prohibita est. *Proverb. cap. 27.* Responderi potest, quòd laus propria aut

PROEMIVM.

7

aut est necessaria, aut est utilis, aut voluntaria.

Necessaria permittitur, imò necessaria est, vt in casu *l. 2. C. de his, qui ven. atat.* sic etiam pro defensione famæ licita est laus propria, cum vita, & fama pari passu procedant *l. iusta causa ff. de manumiss. vindict.* Sic etiam est necessaria quando tenemur reddere rationem officij nostri. Sic pariter quando sumus inter personas nostri notitiam non habentes, vt apud Virg. *Aeneid. 1. Sum pius Aeneas &c.*

Utilis quoque laus permittitur, vt ad ædificationem aliorum. Sic D. Paulus 2. ad Corinth. 11. ait de semetipso, *ter fustigatus sum ter naufragium pertuli &c.* Item ad imitationem sui, ad incitamentum aliorum, & his similia.

Voluntaria verò, aut est modica, & excusatur: aut est immoderata, & hæc reprobatur, de qua loquitur locus Prouerb. cit. Imperator autem licet se ipsum laudauit ex necessitate officij sui, vt tyronibus traderet exemplum, quo alacri studio, & summa vigilātia ad studendum accingerentur.

S. Cumque hoc Deo

Ex hoc tex. notandum est, quòd in constitutione harum Institutionum quatuor causæ, quæ in vnoquoque opere solent intercedere, pariter interuenerunt.

Prima est efficiens, quæ duplex est, remota, & proxima. Remota fuit Deus, & ideo punitur in textu, *cumque hoc Deo proptio*. Proxima alia est mediata, alia immediata. Mediata fuit ipse Imperator, & ideo dicit, *Mandauimus*: Immediata fuerunt Tribonianus, & illi alij Iurisperiti, & ideo dicit, *Triboniano &c.*

Secunda est materialis, ex qua res fit, & hæc notatur in textu dum dicit, *non ab antiquis fabulis, sed ab Imperiali splendore*, id est ex legibus Imperatorum.

Tertia est formalis, quæ dat esse rei. Et hæc est ipsa compositio Institutionum in talem formam, quæ designatur ibi, dum dicit, *componerent &c.*

Quarta est finalis, propter quam res fit, quæ ponitur in textu ibi, *ut liceat vobis &c.* & ibi, *ut & initium vobis &c.*

S. Igitur, cum S. seq.

Ostendit Imperator ordinem, qui fuit seruatus in compilatione harum Institutionum, quas dicit se legisse, recognouisse,

PROEMIUM:

robur aliarum suarum constitutionum plenissimum dedisse:

S. fin.

In hoc tex. Imperator hortatur Iuvenes ad studium legalis disciplinæ, ab honesto, ab utili, & delectabili. Ab honesto, quia proponit illis præmium, & Magistratus pollicetur, qui secum summum honorem asserunt; ait enim I. C. in l. 1. ff. de Iust. & Iur. quod homines effici debent boni, & recti non solum metu pœnarum: sed etiam præmiorum spe. Ab utili, quia Magistratus habent secum adnexa salaria l. diem funeto ff. de offic. Assessor. Vnde Imperator in *S. fin. in fin. auth. de hered. & salcis*, inquit, quod leges neminem in paupertate viuere, neque in anxietate mori permittunt. A delectabili, quia honestas, & utilitas maximam pariunt iucunditatem.

Finis itaque principalis incumbentium ad legalem facultatem debet esse, vt societas humanæ vitæ Iure, ac Iustitia, sine quibus diu stare nequit, incolumis conseruetur, & Dei honor, ac gloria in optima Reipublicæ administratione elucescat, atque extollatur.




INSTITUTIONVM

I VRIS CIVILIS

LIBER PRIMVS

De Iustitia, & Iure;

T I T. I.



Fert se primo loco rubr. inscripta de Iust. & Iur. quæ rubr. continuari non potest; cum enim continuatio facienda sit de tit. ad tit. & ex præcedenti tit. deducatur iux. *tex. in l. 2. ff. de statu hom.* consequens est, ut hic tit. ex eo quod primus est non possit ad præcedentes, quos non habet, continuari. Sed tamen aliqua ratione,

cum sequentibus connecti potest, nempe, erat agendum infra de pertinentibus ad iustitiam, & ius, ideo primo ponitur de iustitia, & iure, ut in ipso vestibulo dignoscatur obiectum, & quid sit id, ad quod cetera, de quibus infra tractatur, sunt ordinata.

Particula, *De*, quæ primo ponitur, in omnibus rubricis stat demonstratiue, & materiam subiectam designat, id est indicat id, de quo in eo tit. agitur. Bart. in *l. Prator ait §. quod de fructibus ff. de bon. auct. Induc. possid.* Bald. in *l. 1. §. Ius naturale, & in l. ex hoc iure ff. de Iust. & iur.* & ceteri DD. communiter.

Ex ordine verborum huius rubr. colligitur quòd ius à iustitia procedit Sed quia non desunt aliqui DD. qui dicunt iustitiam à iure procedere, ideo concludamus cum distinctione; aut loquimur de derivatione nominis, & iustitia dicitur à iure, seu à iusto secundum regulas Grammaticorum: aut loquimur de derivatione rei, quam Legistæ attendunt, & ius à iustitia descendit, ex eo quia prior est iustitia, quàm ius, cum ipsa sit mater iuris, ut inquit gloss. in *l. 1. in verb. iustitia ff. eodem.*

Post rubr. sequitur principium textus, ex quo duo adnotare

B

de

debemus; Primò definitionem Iustitiæ. Secundò descriptionem Iurisprudentiæ.

Definitio Iustitiæ talis est. Iustitia est constans. & perpetua voluntas ius suum unicuique tribuendi. Pro qua intelligenda.

Not. est Iustitiam aliam esse vniuersalem, quæ in omnibus virtutibus reperitur, & quam matrem omnium virtutum nuncupari testatur Aristot. *lib. 3. Ethic. cap. 2.* aliam vero esse particularem, & specificam, quæ est vna ex quatuor virtutibus moralibus, distincta specie ab alijs tribus; hæc enim ad alteram ordinata est, & versatur circa actus externos: ceteræ vero solum ad se ipsas sunt ordinatæ idest ad perficiendum proprium subiectum, in quo recipiuntur, actusque internos respiciunt.

Huius autem iustitiæ particularis duæ sunt species, altera dicitur distributiva, altera commutativa.

Distributiva versatur circa distributionem honorum, dignitatum, & præmiorum secundum merita *l. vt gradatim ff. de munerib. & honorib.* & etiam circa pœnarum inflictionem pro qualitate delictorum; vnde respicit homines in aliqua qualitate constitutos, idest bonos, vel malos.

Commutativa verò respicit simpliciter rerum qualitatem sine ulla personarum acceptione. Versatur autem circa contractus, commercia, societates, ceteraque humana negotia, in quibus seruat æqualitatem, non admittens illa claudicare *l. 1. ff. de rer. permut.* debet enim æqualiter distare ab extremis, quæ vitiosa sunt. Versatur etiam circa obligationem antidoralem, idest remuneratariam, vt beneficienti beneficiamus, in quo etiam seruatur æqualitas *l. sed & si lege §. consuluit ff. de petit. heredit.*

His positis. Iustitia dicitur constans, & perpetua voluntas, idest quædam animi nostri facultas, mouens, & excitans nos ad dandum unicuique quod suum est; quæ facultas dicitur constans, & perpetua, quia proprium virtutis est esse inuariabilem. Dicitur deinde, ius suum cuique tribuendi, idest alteri distincto a se. Ex quo inferitur quòd cum iustitia sit ad alterum, hominis ad se ipsum non est propriè iustitia specificè sumpta, neque Patris ad filium, aut filij ad Patrem; nam quod homo sibi debet, veluti conseruationem sui, debet ex præcepto naturæ: quod verò debetur Patri à filio, ex naturali pietate debetur tanquam principio fuisse: quod autem Pater filio debet, eidem debet ex naturali præcepto, tanquam sibi ipsi debitum; est enim filius aliquid Patris, scilicet fructus eius, & veluti pars ab illo abscissa, in qua, paterna natura conseruatur. Quare cum tanta inter ipsos sit vni-

maius debitum inter illos est, quam iustitiæ vulgaris.

Sic explicata definitio iustitiæ dico quod est optima, & adæquata, etiam secundum regulas dialecticorum. Quod probatur, quia constat ex suo genere, & differentia, ex quibus quælibet bona definitio componi debet, cum essentia rerum consistant in genere, & differentia, & definitio sit oratio explicans essentiam rei. quod verò talis sit definitio iustitiæ, patet, voluntas enim constans, & perpetua ponitur loco generis, cum sit apta prædicari de pluribus virtutibus, quæ quidem inter se specie differunt. Ius verò suum cuique tribuendi ponitur loco differentia, per quod Iustitia differt à ceteris virtutibus, quæ solum se ipsas respiciunt, ut supra dixi: Illa verò verba, constans, & perpetua voluntas, debent intelligi exactiori, & perfectiori modo, quo potest in homine reperiri, idest cum admixtione aliquorum imperfectionum, cum mens Imperatoris fuerit definire iustitiam humanam: homo autem licet iustus septies in die cadit *can. septies cadit de qeniti dist. 3.*

Ponitur secundo loco in eodem princ. nostri textus definitio Iurisprudentiæ, quæ talis est, Iurisprudentia est diuinarum, atque humanarum rerum notitia, iusti, atque iniusti scientia.

Hoc verbum; Iurisprudentia, componitur ex Iure, & Prudentia, Ius autem est ars boni, & æqui *l. 1. ff. eod.* Ars nihil aliud est, quam collectio plurium præceptorum, seu regularum, quibus se conformans operans, recte dicitur operari, est autem discrimen inter bonum, & æquum, quia bonum est id, quod solum prima facie prodesse videtur: consideratis tamen circumstantiis potest esse quod non sit bonum. Sic voluptas erit bona, sed non æqua: virtus verò erit, æqua, quia in ultimis circumstantiis est bona, licet prima facie non videatur bona, sed ardua, & difficilis *ad tex. in l. bona fides ff. deposit.* Prudentia verò dicitur longa conuersatio, & studium factum in Iure: vade Doctores non dicuntur Iurisprudentes, nisi post maximam experientiam, ex diuturno studio in legali facultate comparatam.

Iurisprudentia itaque dicitur diuinarum, atque humanarum rerum notitia, quia rerum humanarum gubernatio à notitia rerum diuinarum pender. Sic inquit Plato *lib. de legib.* Potest etiam dici quod Iurisprudentia sit diuinarum, & humanarum rerum notitia, quia ad perfectum Iurisconsultum non solum cognitio Iuris Civilis pertinet, sed etiam Iuris Canonici; vnde apud antiquos Iurisconsulti dicebantur, Diuini, & humani Iuris periti. Quare facultas illa, quæ diuinas, & humanas res docet, rite

Iurisprudencia appellatur. Quæ etiam dicitur iusti, æque iniusti scientia, quia requiritur ut Iuris Consultus cognitionem habeat tam iusti, quàm iniusti, ad hoc ut possit æquum ab iniquo discernere. & licitum ab illicito separare, quod proprium ipsius munus est, ut inquit *tex. in l. 1. in princ. ff. eod.*

S. His igitur.

Imperator in hoc *tex.* indicat ordinem, quo docens discensium capacitati accommodare se debet. ne imbeciles animos Iuuenum rerum varietate nimis grauet, exemplo naturæ, quæ primò nos lacte cibatur, deinde cibo consolidatur: & more boni artificis, qui primùm lineamenta ducit, deinde opus proprijs coloribus informat, alioquin si talis ordo peruertatur, duorum, alterum contingere necesse erit, aut quòd Iuuenis studia deseret, aut quòd tardius, & cum magna diffidentia noticiam legum acquirere.

Hinc colligitur quòd in vnaquaque re seruandus est ordo, quoniam per ordinem confusio euitatur, ut habetur in §. *inordinatum auct. de hered. & falcid.* Ordo autem triplex est, naturæ, dignitatis, & doctrinæ.

Ordo naturæ est ille, per quem vna res est prior altera secundum naturam. Sic habitus præponitur priuationi; vnde prius est rem dare, quàm illam auferre. Bald. in l. 3. C. de codicill. Sic in dubio prius ordine naturæ censetur, mortuus pater, quàm filius l. qui duos §. cum in bello ff. de reb. dub. & similia.

Ordo dignitatis est, per quem digniora præferuntur. Sic Imperator prius egit de personis, quàm de rebus, cum personæ dignissimæ sint omnium creaturarum l. iustissime ff. de adili. edit. digniora enim sunt præferenda l. 1. & 2. ff. de alb. scrib.

Ordo doctrinæ est, per quem ab vniuersalioribus exordimur, quia faciliora sunt, à facilioribus enim est incohandum, & per faciliora incedendum, quia magis intellectui nostro imprimuntur, ut inquit Cagnol. in l. 1. ff. de reg. iur. n. 15. Sic tacit Iustinianus hic, qui incipit à Iuris præceptis, quæ vniuersalissima sunt ut in §. seq.

S. Iuris præcepta.

Iuris præcepta sunt quædam Iuris communis principia, ex quibus omnia, quæ à Iure vel iubentur, vel prohibentur, emanare so-

solent; propria enim legis virtus est iubere. atque vetare *l. legis virtus ff. de legib.* Hæc autem Iuris præcepta tria numerantur. Honestè viuere. Alterum non lædere. Ius suum cuique tribuere, ut dicitur *hic*, & in *l. Iustitia ff. eod.* Quæ præcepta generalissima sunt, ex his enim tanquam ex fontibus omnes leges deducuntur, & respiciunt omnem hominis statum, & conditionem.

Honestè viuere respicit se ipsum, scilicet ut omnes nostræ cogitationes, locutiones, & operationes ita regulentur sicuti recta ratio suadet, ne quid temere, negligenter, vel inconsultò contra honestatem cogitemus, dicamus, vel agamus: sed in omnibus vitæ nostræ actionibus non solum id quod licet, sed etiam quod honestum est spectemus iuxta *tex. in l. semper in coniunctionibus ff. de reg. iur.* Honestè autem viuere dicitur ille, qui vivit secundum mores suæ Ciuitatis, seu Populi ubi permanet *can. quisquis 41. dist.* Quod si mores illius Populi, aut Ciuitatis iuri naturali, vel diuino contradicerent, tunc licet quis secundum illos mores viveret non tamen diceretur honestè viuere *can. flagitia 32. quest. 7.*

Alterum non lædere respicit proximum, quia per hoc præceptum prohibetur quæcunque proximi offensio, non solum circa corpus: sed etiam circa famam, quæ vitæ æquiparatur *l. inst. causa ff. de manumiss. vindict.* prout etiam circa res, & bona, quæ secundus sanguis hominis esse dicuntur secundum *gloss. & DD. post tex. in l. Advocati in verb. vitam C. de Advocat. divers. iudicior.* fuit autem introductum hoc præceptum ratione tradita per *gloss. in c. 1. de summ. Trinit. & fid. Cathol. in verb. ordinatissimam*, scilicet, quod tibi non vis alteri ne feceris. Ex quo sequitur, quod nemo possit se ipsum lædere, quia si ex præcepto charitatis prohibetur læsio alterius, multò magis est prohibita læsio sui ipsius, cum prima charitas sit circa se ipsum, unde si quis se ipsum læderet, gravius puniretur, quàm si alium læderet *l. omne delictum §. qui se vulnerant ff. de re militar. l. si quis aliquid la 2. §. fin. ff. de penis.*

Ius suum cuique tribuere respicit res, bona, & facultates, ne quis contrahendo, emendo, vendendo, aut permutando alterum decipiat, sed suum cuique tribuatur. sic etiam pœna afficiantur mali, & præmio boni, & sic tam ad Magistratus, quàm ad priuatos distributiuæ, & commutatiuæ iustitiæ pertinet, ut dicunt *DD. hic.*

Si quis diceret quod Imperator videtur fuisse superfluous assignando tria præcepta; sufficiebat enim dicere, honestè viuere; ille enim qui vivit honeste, certum est quòd neminem lædit, & quòd

quòd ius suum vnicuique tribuit; alioquin non diceretur honestè viuere. Responderi potest quod sub præcepto generali honestè viuendi omnia contineri potuissent: tamen voluit Imperator hic expressè ponere hoc præceptum tanquam distinctum à reliquis, vt significaret hoc præceptum hic sumi in specie, quatenus ordinatur ad se ipsum, & ad proprios bonos mores vniuscuiusque. Est autem regula, quòd quando genus ponitur cum aliqua sua specie copulatiuè, tunc non stat amplius pro genere, sed pro specie, vt notatur per DD. in rubr. C. de seruitutibus, & aqua. Si quis verò è contradiceret quòd imò Imperator videtur fuisse defectiuus in assignandis solùm tribus præceptis, non enim assignauit præceptum adiuuandi alterum, de quo in can. pascere 86. dist. Responderi potest quòd præceptum adiuuandi alterum positiuè sufficienter continetur sub præcepto alterum non lædendi, nam cum quis alterum in extrema necessitate existentem adiuuare potest, & non adiuuat, satis lædit, vt in d. can. pascere clarè dicitur, *pascere fame morientem; quisquis enim pascendo hominem seruare poterat, si non paupers, occidisti.* ad quòd facit etiam tex. in can. qui potest obuiare 23. quæst. 3.

S. fin.

Dicit textus quod duæ sunt positiones, seu partes Iuris; aut enim est publicum, aut priuatum. Publicum est quod ad Populum Romanum spectat; nam propriè publicum dicitur quod Populi Romani est, quasi populicum per excellentiam l. bona Ciuitatis ff. de verb. signific. Hoc autem ius publicum consistit in rebus sacris, Sacerdotibus, Magistratibus, & his similibus, per quæ vniuersaliter conseruatur Imperium, & status Populi Romani.

Ius autem priuatum dicitur, quod ad singulorum vtilitatem pertinet & hoc versatur circa acquirendum, conseruandum, & amittendum dominium. Hoc autem ius priuatum, de quo agendum est, est collectum ex præceptis naturalibus, gentium, & civilibus, quæ constituunt ius naturale, ius gentium, & ius ciuile, & ideo sequitur.

De Iure Naturali, Gentium, & Civili.

TIT. II.

Ius naturale est quod natura omnia animalia docuit. Pro cuius definitionis intelligentia.

Supponendum est duplicem esse naturam, naturantem scilicet & naturatam. Natura naturans est ipse Deus, Dominus, & Autor natura naturatz, quæ in omnibus rebus à Deo productis reperitur. Hæc autem natura naturata nihil aliud est, quàm inclinatio, seu instinctus ad aliquid, quem statim ac res est, habet, ut in graui tendere deorsum, in leui ascendere sursum &c. Vnde quando quæritur quid sit ius naturale, quæritur quæ nam sint ea, ad quæ seruanda statim ac animalia sunt ex suis principijs intrinsecis ordinantur.

Quo supposito bene assignatur in text. definitio Iurisenaturalis, scilicet, ius naturale est quod natura omnia animalia docuit, id est, ius naturale nihil aliud est, quàm collectio eorum præceptorum, ad quæ seruanda animalia statim ac sunt, ex naturæ instinctu feruntur. Quæ præcepta duo sunt, scilicet conseruatio sui, & conseruatio speciei. Horum autem duorum naturalium præceptorum quamplures sunt naturales effectus; nam ad hoc ut animal sui conseruationem assequatur, sequitur quod comedat, bibat, dormiat, ambulet, quiescat, vim repellat vi &c. Ad conseruationem verò speciei sequitur quod coniungat se cum femina, filios procreet, illosque alar, & ad perfectionem perducatur. Quia verò homo naturaliter differt à brutis per ipsam rationem, & consequenter præcepta ista naturalia cum ratione seruare debet, id est considerare qualitates, & circumstantias, ut in operationibus etiam à brutis distinguatur, non immerito ab aliquibus Doctoribus adduntur definitioni traditæ hæc particulæ (secundum genus suum) id est ius naturale est id, quod natura omnia animalia docuit secundum genus suum, id est bruta docuit sine ratione, sed per merum impulsus, & instinctum; homines verò docuit cum ratione, id est cum discursu, & reflexione suarum operationum, considerando illarum circumstantias &c.

Ex qua explicatione definitionis bene saluari potest vnicum tantum esse ius naturale commune brutis, & hominibus, & esse in eodem gradu, quod dicunt, primarij, neque dari aliud secundarium

rium, quod sit proprium hominum : sed differentiam solum esse respectu subiecti, & modi operandi, qui in hominibus debet esse cum ratione, in brutis verò sine ratione : non autem ex parte præcepti, quod vnicum est in omnibus animalibus, sed diuersimodè seruatum, & exequutum, non solum respectu conseruationis sui ipsius, verum etiam respectu conseruationis speciei, pro qua natura induxit maris, & feminae cōiunctionem, quæ eadem est in omnibus animalibus, cum per easdem potentias, & organa fiat in omnibus : sed diuersimodè tractatur ista coniunctio ab hominibus, qui debet considerare circumstantias, cum qua oporteat, quando oporteat, ubi oporteat, & similia, qui modus cōiunctionis à nobis matrimonium appellatur, vt dicitur *in textu*, licet ipsa cōiunctio naturalis sic eadē in omnibus animalibus, quæ tamen in brutis matrimonium non appellatur, sed simpliciter cōiunctio, per quam habetur conseruatio speciei ; & sic bruta etiam comprehenduntur sub hac definitione Iuris naturalis, non actiue, quia non cognoscunt quomodo natura in ipsis operetur, cum solus homo hoc intelligat, qui operatur per potentias, & facultates ab ipsa natura receptas ad exequendum id, quod ipsa docet, quas mediante ratione, & discursu cognoscit : passiue verò bruta bene sunt capacia iuris naturalis, quia recipiunt id, quod in ipsis natura operatur per easdem potentias, & facultates, quas tamen non cognoscunt ex eo quia ratione carent : & sic per solum impulsus, & instinctum, operantur.

S. Ius autem Civile.

In hoc textu Imperator assignat differentiam inter Ius gentium, & Ius Civile ; nam Ius gentium est illud, quo gentes communiter vtuntur, quod ab ipsis naturali ratione proponente inductum est, vsu idest vtilitate, & humanis necessitatibus exigentibus. Necessitatis causa orta sunt bella, & sequuntur captiuitates, ac seruitutes. Vtilitatis gratia omnes penè contractus introducti sunt : Ius verò Civile est illud, quod vnaquæque Ciuitas sibi constituit, pariter propter necessitatem, & vtilitatem ; Vtilitas enim de Iure civili introduxit v. g. vt stantibus masculis feminae non succedant ad hoc vt bona conseruentur in familia &c. Necessitas induxit, vt si ciuitas v. g. egeat frumento, statuatur priuilegia eis, qui illud aduexerint &c. Ita exemplificat Theophilus *hic*

S. Sed Ius quidem Civile.

Cum dicitur Ius Civile non addendo cuius Ciuitatis sit, per antonomasiam intelligitur Ius Civile Romanorum. Ex quo colligitur quod æquiuoca sunt accipienda in potiori significatione, & ad probandam hanc regulam allegatur hic textus. Æquiuoca dicuntur ea, quæ habent idem nomen, sed diuersam substantiam. gloss. in l. quoties in stipulationibus ff. de verb. oblig. & gloss. in l. imaginaria ff. de reg. iur. v. g. hoc nomen canis, quod tam cœlestem significat, quam terrestrem, & marinum, qui in substantia differunt, & sic quando profertur, canis sine addito, de terrestri intelligitur, tanquam de specie præstantiori. Vniuoca verò habent idem nomen, & eandem substantiam, vt hoc nomen animal, quod tam in homine, quam in equo, vel quocumque alio animali semper significat principium sentiendi. Sic Ius Civile, quia potest significare Iura propria diuersarum Ciuitatum, quæ regulariter differunt in substantia, est nomen æquiuocum, & consequenter quando profertur sine addito, debet accipi in significatione principaliori, quod est Ius Ciuitatis Romanæ; Vrbs enim Romana quidquid apud ceteros populos præclare, beneque constitutum erat, in vnum collegit, & ex illo Ius suum composuit; adeoque sicut Roma inter Ciuitates, sic Ius illius inter cetera Iura primatum tenuit. Et sic illa regula, verba generalia generaliter sunt intelligenda, de qua in l. 1. §. generaliter ff. de legat. præstan. procedit in vniuocis, in quibus species sunt æquales, & eiusdem rationis: non autem in æquiuocis, in quibus species vna est præstantior altera, & sic de præstantiori intelligi debet, Ita Menoch. de præsumptionib. lib. 2. præsumpt. 6. in princ.

S. Ius autem gentium.

Quid sit Ius gentium diximus supra in §. Ius autem civile. Hic autem superest tantummodò videre quotuplex sit. Et Doctores communiter ex hoc tex. conantur inferre, quod duplex sit, alterum primarium, alterum secundarium. Primarium dicunt esse illud. quod naturalis ratio inter omnes homines constituit, vt est religio erga Deum, amor Patriæ, honor Parentum &c. l. veluti ff. de iust. & iur. sic etiam fidem seruare l. 1. ff. de consti. pecun. sic disponere de rebus suis ad libitum. l. in re mandata C. mandat. & cetera id genus. Secundarium dicunt esse illud, quod vñ, & hu-

manis necessitatibus exigentibus introductum est, quod naturali iuri contrarium est, ut sunt bella, captiuitates, seruitutes, & contractus.

Nos autem sicuti supra diximus vnicum esse ius naturale, ita etiam dicimus vnicum esse ius gentium.

Probatur primo quia vnica est illius definitio, quæ cum sit oratio explicans essentiam rei, non possunt per vnicam definitionem explicari duæ essentiae.

Probatur secundo euidenti ratione. Nam omne id, quod à iure gentium dispositum est, naturali ratione constitutum est. Et licet aliqua sint introducta vsu exigente, & humanis necessitatibus, non per hoc contra naturalem æquitatem, & naturalem rationem introducta sunt; bella enim introducta sunt, ut vis repellatur vi; & quis se ipsum, & sua defendat, quod & bruta faciunt *l. ut vim ff. de iust. & iur.* Item captiuitates, & seruitutes habent aliquo modo fundamentum in æquitate, & ratione naturali; capti enim in bello statim occidebantur, & quoniam hoc erat nimis in humanum, ut captus in bello, occideretur extra consilium, introductum fuit naturali ratione hoc dictante, quod captus seruetur, nec occideretur. Posito hoc, ratio naturalis pariter vult, ut per obligationem antidoralem qui seruatur, seruiat illi, à quo seruatur, unde seruus dictus est *§. serui autem ex eo infr. de iur. person.* ille autem qui nascitur seruus, ex alio capite est seruus, ut videbimus *infr. in tit. de ingenuis.* Quod idem de contractibus dicendum est; nam cum de iure gentium fuerint distincta rerum dominia *l. ex hoc iure ff. de iust. & iur.* quod quidem ius gentium à naturali ratione non recedere probat *textus expressus in §. singulorum infr. de rer. diuis.* ubi dicitur, *quarundam rerum dominium nanciscimur de iure naturali, quod sicut diximus appellatur ius gentium, & gloss. ibi in verb. diximus,* assignat ubi dixerit, *cueniebat, ut facta rerum diuisione, vnus re alterius indigeret, & sic ut posset quis rem, cuius indigentiam patiebatur, legitimè acquirere, eadem ratio naturalis, quæ diuisionem dominiorum induxit, constituit pariter contractus, ut furta, & rapinae euitarentur, & legitimè res acquirerentur, & acquisitæ possent per earum dominos in signum dominij alienari.* Quæ omnia habent fundamentum in ipsa ratione naturali, & quamuis in nostro textu dicatur, quod *sunt naturali iuri contraria*, tamen explicari debet, quod videntur solum prima facie esse iuri naturali contraria, sed re vera non sunt ex rationibus supra assignatis; non enim omne quod in Iure dicitur esse contrarium, contrarium est.

est, sed aliquando videtur tantum esse contrarium. ut explicat glossa in l. si is, qui ducenta s. verum, in verb. contraria sint ff. de reb. dub. Tam igitur bella, captiuitates, & seruitutes, quam contractus sunt inducta à gentibus vlu, idest vtilitate, & humanis necessitatibus exigentibus, sed omnia sunt inducta ita dicente lumine rationis naturalis. Non datur ergo hoc Ius gentium secundarium, quod Doctores communiter sibi fingunt: sed vnicum est ius gentium, sicut vnicum est ius naturale, & in hoc solum differt, quod ius naturale totum simul ab initio positum fuit, quando Deus creauit orbem Terrarum. Ius gentium verò non fuit positum totum simul à Gentibus. sed aliqua vniuersaliora, & magis nota ab initio, ut religio erga Deum, honor parentum, fidem seruare &c. aliqua verò post intervallum temporis secundum humanas necessitates, & vtilitates, ut bella, contractus &c. sic proponente ipsa ratione naturali.

Habet hæc opinio Auctores suos, ne temerè hoc dixisse videamur. Tenent illam Corasius in l. frater à fratre n. 28. ff. de condi. indeb. Cardenas lib. 1. verisimilium cap. 4. Beringucius in rubr. ff. de verb. oblig. Romuleus in l. 1. n. 80. ff. de acquir. posses. Ricciard. in rub. Inst. de testam. n. 128. & in princ. Inst. de obligat. n. 52. & alij plures.

Dicit textus omnes penè contractus esse inductos à iure gentium, ut excipiat stipulationem, litterarum obligationem, emphiteusismo, & donationem propter nuptias, qui contractus à Iure ciuili introducti sunt, ut inquit Glossa, hic, & Doctores :

S. Constat autem

Cum omne Ius sit vel scriptum, vel non scriptum, sic pariter Ius ciuile aut est scriptum, aut non scriptum. Non scriptum est consuetudo, de qua *infr.* in §. ex non scripto. Scriptum est quod antea non fuit, quam scriptura esset; & huius Iuris scripti sex sunt partes, nempe Lex, Plebiscitum, Senatus Consultum, Principum Placita, Magistratuum Edicta, & Responso Prudentum.

S. Lex est

Lex est quod Populus Romanus Senatorio Magistratu interrogante, veluti Consule, constituebat. Hæc est vera definitio legis sumptæ in specie, quam P. R. conficiebat; postquam enim Senatorio Magistratus aliquid decreuisset, proponebatur scriptum in magnis quibusdam tabulis, ut à Populo legeretur, & deinde in-

interrogabatur Populus mediante persona Consulis, an id veller habere pro lege. Quòd si Populus eam recipiebat, dicebatur *lex rata*: si non recipiebat, dicebatur *abrogatum legi*: si verò in parte recipiebat, & in parte non, dicebatur *derogatum legi*, *derogatur ff. de verb. signific.*

Potest assignari etiam alia definitio legis in genere sumptæ nempe Lex est Sanctio Sancta iubens honesta, prohibens contraria; competit enim hæc definitio cuicumque legi siue diuinæ siue humanæ. Vnde sciendum est quòd hic terminus Lex sumitur tribus modis.

Primo in genere generalissimo, vt significet omne id, quod est obseruandum; in qua acceptione quodlibet pactum, seu conditio Lex dicitur *l. sed si hac lege ff. de in ius vocand. l. si quis hac lege ff. de oper. libertor.*

Secundo accipitur in genere subalterno, vt veniat quodlibet præceptum eorum, qui dominantur, in qua acceptione verificatur definitio legis in genere sumptæ modò assignata, quæ desumitur ex *l. 2. & ibi gloss. fin. ff. de legib.* in qua acceptione Lex dicitur à ligando.

Tertio accipitur in genere infimo, seu in specie, prout est prima ex sex partibus Iuris ciuilis scripti, prout accipitur *hic* & sumitur pro eo quod à P. R. constitutum est, vt supra dixi, & in hac acceptione dicta est non solum à ligando, sed etiam à legendo.

Modum ad ynguem, qui seruabatur in ferendis legibus Romanorum ponit Paulus Manutius in suo libello de legibus Romanorum.

Lex vt bona sit, & obliget subditos, debet esse honesta, iusta, possibilis, & ad communem Ciuium vtilitatem introducta. *can. erit autem lex 4. dist.*

S. Plebiscitum

Plebiscitum est quod Plebs plebeio Magistratu interrogante, veluti Tribuno, constituebat. Scitum dicitur à verbo antiquo, *scisco*, *sciscis*, quod significat statuere. Plebiscita autem habuerunt originem ex eo quòd Plebs cum à Patritijs nimis grauaretur, secessit ab Vrbe in Auentinum, vbi creauit suos Magistratus, quorum caput ex tribus, in quibus diuisa erat, Tribunum appellauit, vt is de casuum emergentium decisione interrogaret Plebem, sicut Consul interrogabat Populum Postea verò conciliata Plebe cum Patritijs per Hortentium, decretum fuit vt deinceps

ceps Senatus nihil decerneret inconsulto Tribuno Plebis, qui staret ad fores Senatus, & decretum Senatus ostenderetur Tribuno, qui inspiceret, an esset præiudiciale Plebi, & si non erat præiudiciale, signabat illud, ponens manu sua litteram T. & ita ab omnibus recipiebatur, alioquin illud decretum nullius erat momenti. Plebiscita autem per legem Hortensiam non minus valere quam leges, & ab omnibus servari cæperunt.

Dicitur in textu quòd Plebs ea ratione differt à Populo, quæ species a genere. Hoc autem non videtur verum, quia posita specie ponitur genus: non autem posita Plebe ponitur Populus; non enim sequitur, Plebs est, ergo Populus est. Sed Respondetur duplex dari genus, & duplicem speciem. Aliud est pro vt appellant Dialectici id, quod prædicatur de pluribus differentibus specie: & species est id, quod prædicatur de pluribus differentibus numero. *Gloss. & ibi DD. in l. 2. ff. si cert. petat.* Aliud genus est totum integrale, & species est pars integralis; & ita sumitur in hoc tex. vt inquit Cagnol. in l. in toto ff. de reg. iur. & ita à toto ad partem sequitur consequentia, vt domus est; ergo tectum: sed non è contra. Ita etiam hic, Populus est; ergo Plebs: non è contra. Sed communior Responso est, quòd textus non dicit Plebem esse speciem, & Populum esse genus: sed quòd ita se habet Plebs ad Populum, sicuti se habet species ad genus, id est sicut genus continet speciem, ita Populus continet Plebem: & sicut species continetur sub genere, ita Plebs continetur sub Populo.

§. Senatus consultum

Senatus consultum est, quod Senatus ipse iubet, atque constituit; nam cum potestas condendi leges apud Populum esset, & cum non posset amplius propter multitudinem in vnum conuocari, totam suam potestatem Populus in Senatum transtulit, ita vt solus Senatus decerneret: sed Tribunus Plebis staret ad fores Senatus &c. vt diximus. Et hac ratione caput Senatus vice Populi Consuli, id est interrogari. Ex quo colligitur quòd subrogatum sapit naturam eius, in cuius locum est subrogatum; pro qua regula allegatur *hic textus*.

§. Sed, & quod

Principum placita, quæ faciunt quartam partem Iuris Civilis

le.



legum vim obtinent. Vnde Imperator *in l. fin. C. de legib. ait*, sacri legum esse dubitare de potestate legum Imperialium, quia ad Imperatorem pertinet, & leges condere, & interpretari; Nam per legem Regiam, quæ de eius Imperio lata est, Populus ei, & in eum omne imperium suum, & potestatem concessit, ut dicitur *in lex.*

§. Prætorum quoque

Post Reges Romanorum expulsos, summa potestas fuit penes Consules: sed cum eos ab esse ob res bellicas opus esset, nec esset in Vrbe, qui Ius redderet, fuit electus Prætor Urbanus, postea etiam peregrinus, deinde alij, ut frumentarius, fideicommissarius &c. Demum fuerunt electi Aediles Curules, qui de ædibus sacris, & priuatis, de seruis, & animalibus morboſis, & vitiosis cognoscerent; nam si quis seruum, aut iumentum morboſum profano vendidisset, edicto Aedilium succurrebatur emptori actione redhibitoria, vel quanti minoris, ut *toto tit. ff. de aedil. edict.*

Prætores durabant anno, nec poterant facere, aut tollere leges: sed solum illas corrigere, & supplere, & proponere quædam edicta ad supplendum legi, vel ad eam emendandam, ut *in princ. infr. de honor. possess.* Verum quia Prætores sæpè varia, & contraria præcedentibus proponebant edicta, Sylla tulit legem, ut sequentes Prætores vterentur edictis præcedentium, & ita edicta Prætorum fuerunt facta translatitia. Sed quia adhuc remanebat aliqua contrarietas in edictis Prætorum præcedentium, ideo Saluius Iulianus tempore Adriani Imperatoris composuit librum de Edictis Prætorum, sine vlla contrarietate, & factus Prætor illa proposuit seruanda, & impetrauit ab Adriano ut edicta illa fierent perpetua, & omnes Prætores deinceps illa seruarent, vnde hac ratione fuit effectum edictum perpetuum, & ita pro parte Iuris ciuilis habitum. Videte de hoc *in l. 2. ff. de orig. iur.*

Quæres qui nam hodie dicantur Prætores? Respondetur, quod quilibet Iudex ordinarius dicitur Prætor. Cagnol. *in l. Prætor ff. de reg. iur.* Sed vtrum Barones, Comites, Marchiones, & Duces nostri temporis faciant Ius prætorium, an verò Ius ciuile? & ita an sint Prætores, vel Principes? Et hanc quæſtionem examinant DD. *in rubr. C. qui admitti.* Et firman quòd si habeant magna feuda, dicantur Principes, & faciant Ius ciuile: si verò sint parua feuda, sint Prætores, & faciant Ius prætorium. Discrimen autem est, quia si est Ius prætorium, non durat nisi tempore vitæ

eorum : si verò est Ius ciuile , durat etiam post eorum mortem ; quia hoc est proprium Iuris ciuilis , vt sit perpetuum . Quid verò de Episcopis dicendum est , an faciant Ius pratorium , vel ciuile ? & dicunt iidem DD. *ubi supra* quòd sunt Prætores ; vnde eorum constitutiones non durant vltra eorum vitam , nisi fuerint factæ in Synodo , quia cum Synodus sit perpetua , perpetuæ fiunt etiam eius constitutiones , quæ propterea Synodales dicuntur .

S. *Responsa Prudentum*

Responsa Prudentum sunt sententiæ , & opiniones eorum , quibus permissum erat iura condere secundum vnam lectionem : sed secundum aliam , quibus permissum erat de iure respondere . Et quidem quæstio est apud DD. *in l. Gallus ff. de liber. & posth.* vt Iuris consulti potuerint leges condere ? & concludunt quod non , siue ante Augustum , siue post illum ante Theodosium , qui licet auctoritatem Iuris dederit Responsis Prudentum : tamen hanc auctoritatem non dedit responsis viuentium , sed mortuorum . Verum tamen est quòd si erat communis eorum sententia , illa seruabatur pro lege , maxime si erat recepta à Populo . Ita Alciatus *in d. l. Gallus* .

Sequitur ergo quod Doctores nostri temporis non faciant auctoritatem necessariam , sed tantum probabilem ; quamuis si sit communis opinio , illa seruari debeat , & magis communis præfertur communi : communissima verò præfertur magis communi ceteris paribus . Ita Córati *in tract. de communi opinione* .

S. *Ex non scripto*

Ius non scriptum nihil aliud est , quàm consuetudo . Consuetudo verò est ius quoddam moribus introductum , quod pro lege suscipitur . Ad hoc autem vt consuetudo vim legis habeat , plura requiruntur .

Primo quod sit non scripta quoad sui originem , & introductionem , cum oriatur ex tacito consensu Populi . Pro memoria tamen conseruanda in scriptis redigi potest , sicuti consuetudines feudales hodie sunt scriptæ , & registratæ post Authenticum . De hoc latè Bart. *in l. de quibus ff. de legib. in 2. lect. n. 11.*

Secundo requiritur quòd sit inducta ab eo Populo , qui potest legem facere , vel saltem cum tolerantia Principis , quando Populus non potest amplius leges facere , ex eo quia totam suam

auſtoritatem tranſtulit in Principem , vt contingit in Populo Romano .

Tertio quòd ſit rationabilis , & quando ſit rationabilis iudicat Iudex . Datur autem regula , quòd nunquam conſuetudo eſt rationabilis , quoties eſt inductiua peccari , quo caſu dicitur ab vſu , corruptela , & vetuſtas erroris *c. ſin. de conſuet. & c. Iacobus de ſimon.*

Quarto requiritur quòd actus illius ſint clari , non obſcuri , neque æquiuoci . Ita Gonzal. *ſuper 8. Reg. Cancell. gloſſ. 45. §. 2. n. 41.*

Quinto quòd ſit præſcripta ſpatio decem annorum de Iure ciuili , ſed de Iure Canonico ſpatio quadraginta annorum *d. c. ſin. & ibi gloſſ. in verb. legitime* ; quando tamen ageretur de rebus reſeruatis Principi , vel de rebus præiudicialibus , & in caſibus ſpecialibus ſimilibus , tunc tempus ſupradictum non ſufficeret ad præſcribendam conſuetudinem , ſed requireretur tempus immemorable , ideſt cuius initium non ſit in memoria hominum , quod eſt ſpatium centum annorum , vt in *l. 1. §. ſin. & ibi gloſſ. in verb. vetuſtatem* , & in *verb. diu ſſ. de aqua pluia arcend.* cum in his caſibus Populus non habeat facultatem Ius faciendi .

Sexto requiritur quòd ſit frequentata , ideſt quòd ſpatio illius temporis requiſiti ad illam præſcribendam , plures actus notrij , & publici circa illam emanauerint ; vnus enim actus non ſufficeret , quia fortasſe illum actum Populus acceprauiſet per errorem , ſeu vt vitaret ſcandalum ; quòd non poteſt dici , ſi illum actum ſæpius iterauit . Ita Bart. & Bald. in *d. l. de quibus* , & Angel. *hic* .

Cetera de conſuetudine videre poteritis apud Oinotimum , & alios DD. *hic* , vbi de ea diffuſè tractant .

§. Et non ineleganter

Textus dicit , quòd optima ratione fuit diuiſum Ius Romanorum in ſcriptum , & non ſcriptum ; originem enim habuit ab Athenienſibus , & à Lacedemonijs , quorum primi Iure ſcripto , ſecundi Iure non ſcripto utebantur , prout teſtatur Plutarchus in *vita Ligurghi* , & ab his Romani ſua Iura ceperunt , vt narratur in *l. 2. ſſ. de origin. iuris* .

§. Sed naturalia

Dicitur in tex . quòd Iura naturalia ; ideſt ius naturale cuiuſcumque animantis eſt immutabile , quoniam diuina prouidentia conſtitutum eſt . Ius verò ciuile mutari poteſt vel contraria conſue-

suetudine; vel posteriori lege scripta, quæ contradicat priori *l. sed & posteriores ff. de legib.* nisi lex prior contineat clausulam derogatoriam ad leges futuras, nempe si dicatur in priori lege: & Volumus hanc legem valere non obstantibus quibuscumque alijs legibus in futurum promulgandis, quia tunc prior non tolleretur per posteriorem etiam contrariam; nam illa clausula derogatoria est protestatio Principis, per quam declarat se velle priorem legem non tolli per posteriorem: si tamen vellet postea illam tollere, requiritur quod in lege posteriori ponatur clausula reuocatoria illius derogatoriae, nempe & volumus, hanc posteriorem legem valere non obstantibus quibuscumque prioribus etiam habentibus clausulam derogatoriam ad leges futuras. Quod si clausula derogatoria sit specialis, non sufficit reuocatoria generalis, sed ipsa quoque debet esse specialis. Exemplum. & volumus hanc legem valere, non obstante qualibet alia lege in futurum promulganda, nisi præsens lex fuerit in ea de verbo ad verbum registrata; quia tunc est necesse quod in posteriori lege vel registretur prior de verbo ad verbum, yt posterior tollat priorem; vel quod in posteriori dicatur, & volumus hanc legem valere non obstante quod in priori dixerimus nolle valere, nisi tuerit prior registrata de verbo ad verbum, quia volumus haberi perinde ac si de verbo ad verbum esset registrata, & ita tollitur prior. Quod habet locum etiam in testamentis *l. si quis in principio testamenti ff. de legat. 3.* & in omnibus alijs similibus dispositionibus, vt dicunt communiter DD. in *l. omnes populi ff. de iust. & iur.*

S. fin.

Colligitur ex textu, quod vniuersum Ius versatur circa personas, circa res, & circa actiones, quæ nascuntur ex obligationibus, & ita tria sunt explicita subiecta Iuris, licet virtualiter, & implicite quatuor sint, personæ scilicet, res, obligationes, & actiones. Quamuis autem appellatione rei contineantur etiam personæ *l. rei appellatione ff. de verb. signif.* tamen in hoc casu non veniunt personæ sed solum res prout a personis distinctæ; & ratio est quam alibi diximus in assignatione præceptorum Iuris, nempe quod quando genus ponitur cum suis speciebus copulatiue, tunc non stat pro genere, sed pro specie vt dicunt DD. in *rubr. C. de seruitutib. & aqua.*

Colligitur pariter quod personæ sunt dignissimæ omnium creaturarum *l. iustissime ff. de adulter. edict.* propter quas cetera om-

nia creata sunt, & ideo prius de illis tanquam de digitoribus agendum est; digniora enim sunt præferenda l. 1. & 2. ff. de alb. scrib. c. quod in dubijs, de consecrat. Ecclesiar. & ideo sequitur.

De Iure Personarum.

TIT. III.

Idem est dicere de Iure personarum, ac de qualitate personarum; Ius enim inter suas significationes habet etiam hanc, ut significet qualitatem. Bolognett. in suo tract. de multiplic. diff. iur. & fact. Persona autem est individuum substantiæ rationalis.

Prima igitur diuisio personarum est, quod homines aut sunt liberi, aut serui. Hæc diuisio est de Iure gentium, & concordat cum tex. in l. summa ff. de stat. homin. Est & alia diuisio personarum quæ est de Iure ciuili, de qua infr. in tit. de his qui sunt sui, vel alien. iur.

Nec obstat si dicatur contra primam diuisionem quod dantur statu liberi, & adscriptitij, qui videntur constituere tertiam speciem personarum, cum non videantur esse nec liberi, nec serui. Sunt enim statu liberi illi, quibus libertas ex die, vel sub conditione relicta est l. 1. ff. de statu lib. In multis autem tractantur ut liberi, veluti si committant aliquod delictum pendente die, vel conditione, puniuntur ut liberi l. sed si statu liberum ff. si ex noxali caus. agat. l. moris §. fin. ff. de pen. l. statu liber ff. de questionib. Adscriptitij verò sunt illi, qui perpetuò adscripti sunt, & addicti ad alicuius fundi culturam, inde nunquam recessuri unde videntur esse serui l. ne diutius, & l. fin. C. de agricol. & censu lib. 11. ex alio capite videntur esse liberi, cum d. l. fin. ponat aliquam differentiam inter seruos, & adscriptitios. Et sic videtur dari tertia species personarum, eorum scilicet qui non sunt nec liberi, nec serui.

Huic tamen difficultati respondetur quod statu liberi verè de præsententi sunt serui: puniuntur tamen pœna liberorum si delinquant pendente die, vel conditione propter spem futuræ libertatis, quam perfectè non consequerentur si punirentur pœna seruorum, quæ irrogat infamiam. Adscriptitij verò sunt verè liberi, quamuis fundo seruire teneantur in perpetuum inde nunquam recessuri; aliud enim est seruire, aliud esse seruum, & hoc patet, quia adscriptitij possunt facere testamentum, possunt esse testes, & possunt alios actus ciuiles exercere, licet alienari non possint d.

Do-

Domino fundi, nisi consequentur ad alienationem ipsius fundi, cum qua transeunt etiam adscriptitij, ex eo quia locauerunt in perpetuum operas suas circa illius fundi culturam, quod non tollit libertatem *l. quemadmodum C. de agricol. & censit. lib. 11.* Et sic non datur ista tertia species personarum, cum statu liberi verè sint serui, & adscriptitij verè sint liberi.

S. Et libertas

Libertas est naturalis facultas faciendi quod sibi libet, nisi quod vi, aut iure prohibetur. Hoc idem dicitur in *l. libertas ff. de stat. homin.* Illæ autem vltimæ particulæ, nisi quod vi, aut iure prohibetur, ponuntur, ut ostendatur, in quo consistat perfectio, & reſtitutio ipsius libertatis; Ad hoc enim ut libertas perfecta sit, ita debet in actum exire, ut nihil operetur contra id, quod publica vis prohibet. Vt autem dicatur esse recta, & non deprauata libertas, debet conformari cum regulis ipsius Iuris, quibus alligata debet in actum prodire; nam ut egregie inquit M. Tullius in *orat. pro Cluentio, legum serui sumus, ut liberi esse possimus.*

Dicit aliquis. Seruus etiam habet facultatem naturalem faciendi quod sibi libet, nisi quod vi, aut iure prohibetur, & in tantum aliqua non facit, in quantum vi, aut iure prohibetur; ergo definitio tradita non est bona, cum per illam homo liber non differat à seruo.

Huic difficultati respondetur, quod hæc naturalis facultas in homine libero est expedita, & potest quodcumque exire in actum licitè, dummodo sit conformis regulis ipsius Iuris, & nulla vi prohibeatur, ut supra dixi. Non sic in seruo, in quo hæc naturalis facultas licet physicè sit, moraliter tamen non est, quia est impedita ne exerceatur propter constitutionem Iuris gentium, qua seruus Domino subijcitur, Hoc autem intelligi debet circa ea, quæ Iuris ciuilibus sunt; nam eorum, quæ sunt Iuris naturalis, & quæ consistunt in facto naturali, bene sunt capaces serui. Hæc autem differentia non est necesse quod ponatur in ipsa definitione, quia per illam definitur libertas hominis liberi, idest libertas physica, & moralis, quæ in Iure considerabilis est: non autem libertas physica tantum, quæ in seruo est, quia hæc non consideratur in Iure, cum serui dicantur esse mortui ciuitati, in quæ non dicuntur habere caput *l. quod attinet ff. de reg. iur.*

Libertas secundum Doctores communiter diuiditur, quodq; alia est natua, alia datua, Natua est cum quis nascitur liber

Patius est quæ datur seruo à Domino. Quæ diuissio an bona sit, videbimus infra in tit. de libertinis.

§. Seruitus autem

Seruitus verò est constitutio Iuris gentium, qua quis dominio alieno contra naturam subijcitur. Quæ definitio licet tradatur per effectum, tamen sustinetur, ex quò non potest essentia seruitutis melius demonstrari, quam per effectum; non enim definitiones in iure sunt ita rigorosæ, sicut in Dialectica, secundum quam definitio debet tradi per genus, & differentiam, & assignari per causam: sed regulariter in Iure sunt potius descriptiones, quæ etiam per effectum possunt tradi. Ita Cagnol. in l. omnis definitio ff. de reg. iur. Nec illa particula, contra naturam, est intelligenda, quòd verè sit contra naturam, sed, solum quòd videtur prima facie esse contra intentionem nature, vt explicauimus supra in §. Ius autem gentium, de Iur. nat. gent. & ciu. videte quæ ibi diximus.

§. Serui autem ex eo

Colligitur ex hoc tex. Etimologia serui, qui dictus est à seruando, ex eo quia captus in bello, seruabatur, nec occidebatur, de quo etiam supra satis diximus. Postea formatum est verbum seruo, quod significat facere id, quod faciunt serui, ex quo verbo dicti sunt illi, qui seruiunt, idest seruitores, seu famuli.

§. Serui autem aut

Serui deducuntur in esse tribus modis. Primo natura, idest natiuitate, vt quando nascuntur ex ancillis nostris. Secundo euentu, cum capiuntur in bello, non tamen inter Christianos; & hoc est de Iure gentium. Tertio electione, quod est de Iure ciuili, cum ad pretium participandum paritur quis se venundari; ad quod plura requiruntur, quæ videre poteritis in gloss. hic in verbo, maior, in qua satis clarè, & diffusè recensentur. Nec obstat si dicatur, quòd res quæ non potest recipere pretium, non potest vendi §. 1. infr. de empt. & vendit. Libertas autem non potest recipere pretium, cum sit res inestimabilis l. libertas la prima e la seconda ff. de reg. iur. l. fin. ff. de his, qui de iec. vel effud. Vnde non videtur quòd homo liber possit vendi. Respondetur enim huic difficultati.

scilicet quòd quando homo liber patitur se venundari, renunciat non ipsi libertati, quod facere non potest: sed solum exercitio ipsius libertatis, quod potest facere *ad tex. in l. fin. C. de pact. & ita venditur vt seruus, non vt liber; seruus enim dicitur seruus, non quia libertatem non habeat, sed quia illam exercere non potest.*

S. Fin.

In seruis autem non est aliqua differentia specifica, seu substantialis, quamuis multæ sint differentia accidentales. Alij enim dicebantur serui ordinarij, alij vicarij, alij attrienfes, alij veteratores, alij nouitij &c. quorum nomina passim in libris Digestorum occurrunt. Hæc autem non faciunt diuersitatem in substantia; non enim vnus erat magis seruus, quàm alius: sed solum respiciebant diuersitatem officiorum. In liberis autem duæ sunt differentia substantiales, quæ constituunt diuersam speciem, nempe quòd quidam sunt ingenui, & quidam libertini, & cum ingenui præstantiores sint, ideo prius de illis videndum est. Vnde sequitur.

De Ingenuis

T I T. I V.

Ingenuus est is, qui statim ac natus est, liber est. Pro cuius rei intelligentia.

Not. est primo quod libertas consideratur tribus modis ad similiendinẽ seruitutis, scilicet in natiuitate, in vita, & in morte. In natiuitate libertas habet locum in natis ex ingenuis, & seruitus habet locum in natis ex ancillis. In vita libertas habet locum in libertinis, de quibus *infra*; & seruitus in illis, qui passi sunt se venundari ad pretium participandum, de quibus *supra* diximus. In morte libertas habet locum in deditijs: & seruitus consideratur in latinis, de quibus dicemus *in eod. tit. de libertinis*.

Not. est secundo quòd ingenuitas potest prouenire à natura, à lege, & ab hominis voluntate.

A natura, si nascatur quis ex duobus ingenuis, vel ex duobus libertinis, vel ex vno ingenuo, & altero libertino: imo etiam ex patre seruo, dummodò mater sit libera, *vt in §. 1. infr. hoc eodem tit.*

A lege, vel diuina : Sic olim anno Iubilei omnes serui ex diuina determinatione liberi, & ingenui fiebant. vel canonica, cum serui Dominis scientibus Religionem ingrediuntur. vel ciuili, vt quando per sententiam Iudicis quis pronunciatur ingenuus, & sententia fecit transitum in rem iudicatam; res enim iudicata pro veritate habetur *l. ingenuum ff. de stat. homin. & l. res iudicata ff. de reg. iur.* Item per natalium restitutionem, cum seruus, vel libertus speciali Principis beneficio restituitur in natalium splendorem, & pristinam ingenuitatem *l. 2. cum ibi not. ff. de natal. restit.* Item in præmium, cum quis in præmium à Domino suo libertatem accipit. Item per adoptionem, nam libertus adoptatus fit ingenuus, vt habetur *infra in tit. de adoptionib.*

Ab hominis voluntate prouenit ingenuitas, vt si quis habens ancillam prægnantem, partum nasciturum heredem instituat; nam tunc ingenuus nascitur partus etiam ex matre ancilla, & patre seruo, vt in *l. cum inter C. de fideicom. libertatib.*

S. Sed, & si quis

Dicit textus quòd etiam si quis nascatur ex patre seruo, & matre libera, adhuc liber nascitur, quemadmodum qui ex matre libera, & patre incerto natus est; & hoc fauore libertatis. Et licet sit regula quòd filius sequitur patrem, & non matrem, vt in *l. filiam ff. de Senatorib.* hæc tamen regula communiter dicunt DD. quòd habet locum quoad familiam, dignitates, & honores: non autem quoad statum, quia quoad statum filius debet sequi ventrem, seu matrem, ex quo mater semper est certa, pater verò multoties incertus.

Est tamen adnotandum quod si mater fuerit libera vno vno ex tribus temporibus, nempe conceptionis, vel gestationis in utero, vel natiuitatis, qui nascitur ingenuus nascitur, quia potuit aliquando habere principium ingenuitatis, ex quo mater fuit aliquando libera, & ita habet ius quæsitam ingenuitatis ratione principij libertatis, & fit ingenuus, quia non debet calamitas matris nocere ei, qui in utero est; vnde lex fingit filium esse natum eo tempore quo mater libera erat *l. qui in utero, & l. Arcthusa ff. de stat. homin.*

S. Fin.

Textus inquit quòd ingenuus, si fuit in seruitute, & postea manumissus sit, fit ingenuus.

Sed

Sed contra hanc textus decisionem videtur obſtare textus in *l. homo liber ff. de ſtat. homin.* vbi dicitur quod ingenuus, qui ad pretium participandum paſſus eſt ſe venundari, ſi poſtea manumittatur, fit libertinus, & non ingenuus. Et ratio eſt quia à priuatione ad habitum non datur reſſus *l. qui res ff. arcam ff. de ſolutione. l. Manius S. duorum ff. de legat. 2.*

Huic tamen difficultati reſpondetur, quòd aut priuatio fuit de iure, aut fuit de facto. In primo caſu non datur reſſus. In ſecundo caſu datur. *In d. l. homo liber* fuit priuatio de iure, ex quo ille, qui ſe venundari paſſus eſt, fuit factus ſeruus de iure. Sed in tex. noſtro fuit ſeruus de facto, quia fuit habitus pro ſeruo, ſed re vera non fuit ſeruus. Ponit exemplum Theophilus de puero nato domi meæ ex ſamula libera, quam heredes mei credebant eſſe ancillam, & ita hunc puerum vendiderunt vt ſeruum, ſi poſtea manumittatur, non nocet ei in ſeruitute fuiſſe, ſed, fit ingenuus, & itponderat Cuiac. illa verba, *fuſſe in ſeruitute*, quæ denotant factum, ſecus ſi dixiſſet, *ſeruus eſſe*, quia tunc denotarent ius.

De Libertinis.

T I T. V.

S Equitur de alia ſpecie liberorum, qui dicuntur libertini. *Libertini* autem ſunt qui ex iuſta ſeruitute manumiſſi ſunt. Per illud verbum, *iuiſta*, denotatur quod debet eſſe ſeruitus de iure, & non de facto, & ſic confirmatur id, quod modò diximus.

Libertini, & liberti licet olim differrent, vt libertini dicerentur illi, qui naſcebantur ex ſeruis manumiſſis, qui ſerui manumiſſi liberti dicebantur: hodie tamen idem ſunt, & tam libertus, quam libertinus eſt ille, qui ex iuſta ſeruitute manumiſſus eſt. Differunt ſolùm in relatione, ſeu reſpectu, quem dicit libertus ad Patronum, quem non dicit libertinus; per libertinum enim ſignificamus hominis conditionem, ſicut per ingenuum: per libertum verò ſignificamus quendam reſpectum priuatum ad Patronum manumittentem. Sic dicimus Titius eſt libertus Caij: non autem poſſumus dicere, eſt libertinus Caij, quia terminus libertinus abſolutè ponitur, ſolùm ſignificans ſtatum, ideſt quòd ſit ſeruus manumiſſus, non habita relatione ad manumittentem. Ita Iſon in *l. manumiſſiones ff. de iuſt. & iur.* Iſta autem relatio, ſeu reſpectus ex
ma

manumissione resultans, qui dicitur *Iuspatronatus Dominorum* in pluribus consistit.

Primo ut si decedat libertus ab intestato sine filijs, in eius bonis succedat ipse Patronus: si verò testamentum faciat, nec habeat filios, tenetur Patrono portionem legitimam bonorum suorum relinquere, ut habetur *infra in tit. de successione libertorum*.

Secundo quia persona Patroni semper liberto videri debet *sanda*, & honesta *l. liberti ff. de obsequ. à liber. & libertin. prest.*

Tertio, quia libertus non potest vocare Patronum in iudicium, nisi impetrata venia *§. penales infr. de actionib.*

Quarto quia si libertus existit ingratus aduersus Patronum, potest reduci ad pristinam seruitutem.

Quinto quia libertus tenetur alere Patronum pauperem, & eius filios, si habeat in bonis, ut in *l. fin. ubi gloss. C. de bon. liber.* Quæ omnia constituunt respectum, seu relationem illam, quam dicit libertas ad Patronum, quam non dicit sub nomine libertini.

§. Manumissio.

Definitio, seu descriptio manumissionis est; Manumissio est datio libertatis. Et dicitur manumissio, quia seruus mittitur, idest ponitur extra manum, hoc est extra potestatem Domini, quia manus hic pro potestate accipitur, ut dicitur *in textu*.

Dices. Nemo dat quod non habet *l. nemo plus ff. de reg. iur.* Sed Dominus non habet nisi propriam libertatem; ergo aliam dare non potest. Item qui dat quod habet, priuatur eo, quod dat *§. per traditionem, infr. de rer. diuis.* Sed Dominus dat libertatem seruo, & non habet nisi propriam; ergo illam dando, debet ea priuari, & consequenter fieri seruus. quod est absurdum dicere.

Respondetur quod datio in hac descriptione sumitur improprie, idest non pro datione physica, sed pro detractione, seu solutione, aut remotione impedimenti; quoniam Dominus non dat nouam libertatem seruo, sed libertatem naturalem illius ligatam, seu velatam seruitutis velamento, seu vinculo detegit, seu soluit; naturalis enim libertas non potest tolli, cum ius naturale tolli non possit, eo quod immutabile est: sed solum per constitutionem iuris gentium impeditur eius effectus, ut non possit operari: sicuti si quis non posset ambulare, quia haberet pedes ligatos, non per hoc tolleretur potentia motiua, sed solum exercitium illius esset impeditum; quod si hoc vinculum soluatur, ille ambulat per eandem potentiam, quam habet sine aliquo de nouo suo.

superaddito . Et ita solvuntur obiectiones supra positz, scilicet quod Dominus non dat libertatem seruo, sed soluit illud vinculum, & tollit illud impedimentum exercitij naturalis libertatis illius cedendo iuri suo, idest ponendo seruum extra manum suam, idest extra potestatem, & dominium suum. Vnde colligitur non dari libertatem datiuam, vt communiter Doctores dicunt, sed vnicam tantum esse libertatem, nempe naturalem, in homine libero expeditam, in homine seruo ligatam, & impeditam circa actus ciuiles propter constitutionem Iuris gentium.

S. Multis autem, cum omnibus SS. seqq.

Pro intelligentia sciendum est quod Romani habebant circa suos actus quædam, quæ appellabant naturalia, & quædam quæ legitima nuncupabant. Omnia autem serè legitima habebant distincta ab alijs gentibus. Sic in manumissione tria erant legitima, nempe legitima ætas in seruo manumittendo, vt esset maior triginta annis: legitimum dominium manumittentis, quod erat de iure Quiritum, idest per æs, & libram, hoc est dominium acquisitum per quandam imaginariam emptionem: & legitimus modus manumittendi, qui triplex erat, scilicet vindicta, idest cum ante Consulem virga vindice leuiter caput serui à Domino percutiebatur, dicendo, esto liber: censu, cum Dominus permittebat seruum deferre nomen suum in censum Ciuum Romanorum, & testamento, cum Dominus faciens testamentum, dicebat Sticcus seruus meus liber est. Cetera erant naturalia, communia alijs quoque nationibus, nempe ætas serui citra triginta annos: naturale dominium manumittentis, quod erat per traditionem: & naturales modi manumittendi, vt in Templis, inter amicos, per epistolam, in conuiuio, & similia.

Hoc posito. Si in manumissione tria supradicta legitima concurrerant, nec seruus infamiam contraxerat, fiebat Ciuis Romanus, plenam consequens libertatem. Si verò infamia erat aspersus, fiebat dedititius, idest tempore vitæ erat seruus, moriens fiebat liber. Si verò non fuerat infamis, sed aliquod ex legitimis enumeratis deesset, vt quia manumissus non haberet triginta annos, vel non manumitteretur vno ex tribus prioribus modis enumeratis, sed aliquo ex posterioribus, vt inter amicos, vel in conuiuio &c. fiebat latinus, idest tempore vitæ erat liber, moriens fiebat seruus. Ita Theophilus *hic*, & Vlpianus *in fragmentis tit. de libertis*. Verum Imperator Iustinianus vult omnes fieri ci-

nes Romanos , & plenam libertatem consequi , sublatis dediti-
tiji , & latinis . imò vult vt omnes fiant ingenni , & possint defe-
re anulos aureos , vt *in auth. vt liberti de cetero annulo aureo non in-
digeant* .

De modis manumittendi seruos apud Romanos , & de solem-
nitatibus , quæ in eis requirebantur , videte Oinotimum , & Mys-
fingerum *hic* , & auctores ab ipsis relatos .

Quibus ex causis manumittere non licet .

T A T. V I.

Sunt tamen aliquæ causæ , quæ manumissionem impediunt ,
de quibus agitur in hoc titulo in quo duæ causæ assignantur .
Prima est fraus . Secunda est defectus ætatis in manumittente .

Et quoad primam , tunc non licet manumittere seruos .
quando quis in fraudem creditorum manumitteret , quia
tunc manumissio nulla est ; actus enim factus contra prohibiti-
onem iuris est nullus *l. non dubium C. de legib.* Nec obstat regula
quod quilibet possit disponere de rebus suis ad libitum *l. in re
mandata C. mandat.* quia respondetur regulam hanc habere locum
ceteris paribus , idest quando non sequitur præiudicium tertij ,
prout sequitur in casu nostro , in quo ex ista manumissione
sequitur præiudicium creditorum , imò non diceretur dispo-
nere de re sua , sed potius de re aliena , quando Dominus soluendo
non est ; vnde dicitur grauatus ære alieno .

S. Licet autem .

• Nihilominus miserationis causa permittitur illi , qui soluendo
non est , dare in testamento libertatem vni ex seruis suis , qui sit
eius heres necessarius , & soluat creditoribus , vendendo bonis
defuncti nomine suo , ne iniuria defunctus afficiatur . imò si seruus
id facere uolet , possunt vendere ipsi creditores nomine serui here-
dis , & sibi satisfacere . Sed non potest testator nisi vnum seruum
heredem nominare , & si plures nominauerit , primò nominatus
heres erit , & liber , quia primò nominatus dicitur magis dile-
ctus . Quod totum intelligitur si in eo testamento testator ne-
minem alium heredem nominauerit , aut si instituerit aliquem ,
qui tamen ex quacumque causa heres non extiterit :

Quod

Quòd si testator instituerit seruum suum heredem, nec dixerit esse liberum, tamen intelligitur, quia qui vult consequens, vult etiam eius necessarium antecedens. sed non potest seruus vt seruus esse heres *ad tex. in l. quod attinet ff. de reg. iur.* ergo vult eum esse liberum *ad tex. in l. cuius iurisdictio ff. de iurisd. omni. iudic.* Quod procedit etiam in eo Domino, qui soluendo est, si instituat heredem seruum suum. Et ille dicitur esse soluendo, qui totum, idest integrum debitum soluere, possit: & e contra. Regulariter autem præsумitur quis soluendo *l. soluendo, vbi Alciat. ff. de verb. signific.*

§. In fraudem.

In fraudem autem creditorum dicitur quis manumittere, quando habet animum fraudandi, & re vera sequitur fraus; quod si vnum deficiat, tenet manumissio; vnde si Dominus habuit animum fraudandi creditores, sunt tamen alia bona in hereditate, ex quibus possunt creditores sibi satisfacere, manumissio valet. fraus autem semper sumitur in malam partem: dolus verò etiam in bonam; vnde dicitur dolus bonus, & dolus malus. *l. 1. §. non fuit ff. de dol. mal.*

Dices. In textu fit maxima vis in animo. & tamen animus non spectatur *l. cogitationis ff. de pœnis*, vbi dicitur, cogitationis pœnam nemo patitur.

Respondetur quòd aut cogitatio manet intra se, & tunc non spectatur, cum solus Deus sit scrutator cordium: aut egreditur extra se. ad opus externum, & tunc spectatur. Ita *gloss. in d. l. cogitationis*. In nostro autem tex. animus egreditur extra se, quia ex ipsa manumissione facta fraudantur creditores.

§. Eadem lege.

Alia causa impediens manumissionem est defectus ætatis in manumittente, quando scilicet Dominus est minor viginti annis, quia tunc per dispositionem legis Aelie Sentie non potest manumittere seruum suum, nisi deducta causa iusta apud Concilium, illaque ab eo approbata. Concilium autem est selectorum Virorum coadunatio. Et iustæ causæ enumerantur in hoc textu, & in *l. iusta ff. de manumiss. vindict.*

Quæres quomodo potest quis manumittere patrem, vel matrem suam, fratrem, aut sororem &c. vt dicitur in *tex.* cum non

apparcat quomodo possit eos habere seruos ?

Respondetur vt in *gloss. hic in verb. Patrem*, quæ satis clarè hoc indicat. Videte illam.

S. Semel autem.

Quod si causa manumissionis est a Concilio approbata, quamuis non sit vera, idest iusta, tamen manumissio tenet. Ex quo colligitur *verum* aliquando significare *iustum*, & *falsum iniustum*; alioquin si causa fuisset *falsa*, idest *mendax*, retractatur libertas, quia quod falsum, & mendax est, nihil est. *gloss. in princ. in auth. de instrum. cautel. & fid.*

S. Fin.

Ex prohibitione legis Aeliæ Sentia eueniebat magnum absurdum; nam minor viginti, maior quatuordecim annis poterat facere testamentum, & de omnibus bonis suis disponere, & tamen non poterat dare alicui seruo libertatem; Vnde Imperator corrigens legem Aeliam Sentiam dicit, quod maior septemdecim annis possit manumittere in testamento seruos suos. De scæmina verò dubitarunt DD. & voluerunt in decimo sexto anno completo, vt statuatur medium tempus inter viginti, & duodecim annos, cum scæmina possit testari post duodecimum annum. Sed adhuc remanebat idem absurdum, cum maior quatuordecim posset testari, & si erat minor septemdecim, non poterat dare libertatem seruis suis. Vnde idem Iustinianus nouissimè disposuit, quod in ea ætate, in qua quis potest facere testamentum, possit etiam ad libitum omnes seruos suos manumittere, sublatis tam lege Aeliæ Sentia, quam quibuscumque alijs legibus incontrarium facientibus. Ita in §. 1. *auth. de sponsal. largitas.*

De lege fusia Caninia tollenda.

T I T. V I I.

Quoniam inter ceteras causas, quæ manumissionem impediunt, erat etiam lex quædam à Furio, seu Fusio Caninio lata impediens manumissionem certis modis, ideo sequitur presens tit. Et dicitur tollenda, quia Imperator illam tollit, quam

quàm inuidam, & inhumanam; disponebat enim, quod qui haberet tres seruos v.g. non posset in testamento manumittere nisi duos: qui haberet quinque non nisi tres &c. & ita certum numerum præscribebat; quod non habebat locum in manumissione facta inter viuos. Quapropter Imperator disposuit licere vnicuique non solum inter viuos, sed etiam in testamento manumittere omnes seruos suos ad libitum, considerans actum pietatis; quæ ratio militat non solum inter viuos, sed etiam in vltimis voluntatibus.

Ex hoc tex. colligitur valere argumentum à contrariis ad vltimas voluntates, & ab actibus inter viuos ad actus causa mortis, si tamen militet eadem ratio in vtroque casu: secus si diuersa; quia vbi militat eadem ratio militat eadem Iuris dispositio *l. illud ff. ad legem Aquil. l. 1. ff. de fonte*, & vbi militat diuersa ratio militat diuersa Iuris dispositio *l. adigere ff. de Iurepatr. Euerard. in sua centur. in loco a contrariis ad vltimas voluntates.*

De his, qui sunt sui, vel alieni Iuris.

T I T. V I I I.

Altera diuisio personarum est de Iure ciuili, scilicet quod quidam sunt sui, & quidam alieni Iuris. Et illi sunt sui Iuris, qui non sunt in potestate dominorum, nec in potestate parentum; Vnde habetur sermo de his, qui sunt alieni Iuris, vt per contrarium intelligatur qui sint sui Iuris; cognito enim vno contrariorum cognoscitur, & aliud *§. 1. infr. de tutel.*

§. In potestate, cum ceteris §§. seqq.

In potestate Dominorum sunt serui de Iure gentium, quæ potestas maxima erat etiam apud Romanos, sicut & parentum inter liberos; nam poterat Dominus impune necare seruos suos, & Pater filios suos *l. in suis ff. de liber. & posthum.* Postea vtraque potestas coercita est, vt non nisi modice liceat eos castigare *l. unic. C. de emendat. seruor. & l. unic. C. de emendat. propinquor.*

Permissum tamen est Patri ex necessitate famis filium suum vendere, ita tamen vt emptor deinde cogatur oblato pretio, vel æquali mancipio d. filium in pristinam libertatem reponere *l. 1. C. de Patrib. qui filios distrax.* Non tamen potest Pater filium suum pi-

pignorare contra glossam in d. l. 2. in verb. *vendideris*. Et ratio est; quia facilius pignoraret, quam venderet etiam sine extrema necessitate; quod esset cum maximo filij detrimento. Ita Iason in d. l. in suis n. 28. Neque enim in hoc est constitutus Iudex à lege inter patrem, & filium, quæ stat paternæ assertioni, cum non presumat lex Patrem esse adeo inhumanum, vt velit filium suum vendere, nisi positus verè sit in extrema necessitate, cum plus Pater diligat filium, quàm se ipsum l. isti quidem in fin. & ibi gloss. in verb. *magis ff. de eo quod met. caus.* Quæ præsumptio cessaret in pignoracione, cum per ipsam filius seruus non fieret, sed solum maneret sub iure recipientis ipsum in pignus, & sic facillimè pignoraret.

Si verò seruus ob scuitiam Domini ad Ecclesiam, vel ad statum Principis confugerit, debet Magistratus cognoscere causam: & si grauitè actum cum seruo repperit, debet cogere Dominum ad vendendum illum: si verò sine iusta causa seruus ad Ecclesiam, vel ad statum Principis confugerit, debet Magistratus illum reddere Domino suo.

Ex hoc colligitur primo quod immunitas Ecclesiarum est etiam de Iure ciuili; quæ olim extendebatur ad ambitum per triginta, vel quadraginta passus, quadraginta, vbi asseruabatur diu, noctuque Sanctissimum Eucharistiæ Sacramentum: triginta, vbi non asseruabatur. Sed hodie immunitas ambitus non seruatur ob frequentiam Ecclesiarum, quia quilibet reus esset tutus domus suæ. Sunt tamen qui non gaudent hac immunitate, vt incendiarij, publici latrones &c. vt in constitutione Gregorij xiv. lata super immunitate Ecclesiarum, quam commentatus est Alexander Ambrosinus.

Colligitur secundo quod statua Principis erat loco asyli. Sic de consuetudine meretrix petens condemnatum in maritum, cum liberabat, & Cardinales occurrentes condemnatis, eos pariter liberabant. Cohellius in suo tract. de notis. *Cardinalatus cap. 16. priuil.* 27. & Iul. Clar. in sua praxi §. fin. *quest. 98. versic. quero etiam, & versic. vltius quero*, secundum distinctionem ab ipso ibi allatam. Quæ priuilegia in desuetudinem abierunt, quia dabant occasionem delinquendi. Imò hodie clamantes franchitias palatia Principum, & statuas, grauissimis pœnis afficiuntur, ex constit. 17. Iulij III. 47. Pij IV. 12. Gregorij XIII. 6. Sixti V. & demum Innocentij XI. lata 12. Maij 1687.

Colligitur demum, quod licet nemo cogatur emere, vel vendere l. nec emere C. de Iur. delib. cogitur tamen ob publicam vtilitatem.

licitatem, prout in constitut. Gregorij XIII. de iur. congr. & ob alias causas, quas congerit Petrus Duenas in suis regulis, & salentij.

De Patria potestate.

T I T. I X.

Qui sunt alieni iuris quidam sunt in potestate dominorum, & quidam in potestate parentum; De his qui sunt in potestate dominorum, iam supra satis dictum est. Modò videndum est de his, qui sunt in potestate parentum, & ita sequitur præfens tit.

Patria potestas est Ius, quod habet Pater in liberos suos, cuius iuris plures sunt effectus, quos videri poteritis in gloss. §. Ius autem infr. hoc cod. tit. in eod. verb. ius autem, ubi clarè & distinctè recensentur.

Dicit Imperator in hoc tex. quòd in potestate nostra sunt liberi nostri, quos ex iustis nuptijs procreauimus. Loquitur ipse in persona omnium ciuium Romanorum. Et cum dicit, *liberi*, intelliguntur omnes descendentes, quia liberorum appellatione veniunt omnes descendentes l. liberorum ff. de verb. signif. sicuti appellatione parentum veniunt ascendentes omnes tam masculi, quàm fœminæ l. appellatione parentum ff. eod. tit. de verb. signif. quamvis secundum subiectam materiam, ubi agitur de patria potestate, non veniant fœminæ, quia fœminæ non habent liberos in potestate §. fœmina infr. de adoptionib.

Colligitur ex textu quòd qui non sunt ex iustis nuptijs procreati, non sunt in potestate parentum, nisi ab illis legitimentur, ut in §. fin. infr. tit. seq. Item qui non dum sunt procreati, idest cum fœtus non dum est animatus, non dicuntur esse in potestate parentum.

§. Ius autem.

Dicit textus quòd Ius patriæ potestatis proprium est Ciuium Romanorum. Hoc autem Ius est totum id, quod à Iure ciuili fuit additum patriæ potestati naturali, quod consistit in illis effectibus, qui enumerantur à glossa hic in verb. ius autem per vos videnda. Ciues autem Romani ab initio fuerunt omnes, qui

Ro-

Romæ habitabant, & inter ciues recepti erant. Deinde alij populi finitimi obtinuerunt Ius Ciuitatis Romanæ. Postea deuietis alijs nationibus, fuit idem Ius illis tributum, adeo vt deinde Antoninus Imperator concesserit omnibus, qui essent sub Imperio Romano, Ius Ciuitatis Romanæ, ita vt fruerentur omnibus prærogatiuis competentibus ciuibus Romanis; quod hodie explicat Bartol. in *l. hostes ff. de captiu* quem sequuntur communiter DD. debere intelligi de omnibus, qui obediunt Ecclesiæ Romanæ, ita vt possint viuere secundum iura Ciuitatis Romanæ, & frui prærogatiuis, & priuilegijs Ciuium Romanorum.

S. Fin.

Est ad notandum ex *hoc tex.* quòd filius natus ex legitimo matrimonio est in potestate sui Patris: & nepos ex eodem filio ex legitimo matrimonio natus, est in potestate sui Aui, & sic deinceps omnes descendentes sunt in potestate primi parentis, si sint legitimi, & non emancipati, vel nati ex non emancipatis. Et ratio est, quia actio, & passio non possunt esse in eodem subiecto *ad tex in l. Vranus ff. de fideiusurib.* Vnde si filius est in potestate Patris, & ita patitur, non poterit alios in potestate habere, & ita agere. Vnde dicitur in *l. sic eueniet ff. ad legem Iul. de adulter.* quod qui est in potestate vnus, alium in potestate habere non potest.

Est pariter adnotandum quod nepos natus ex filia mea, quam habeo in potestate, non est in mea potestate: sed in potestate Patris sui, vel Aui paterni, si illum habeat, aliàs est sui iuris. Nec obstat quod filia mea sit in mea potestate, quia respondetur quod in tantum Pater dicitur habere nepotem in potestate, in quantum filius ipse deberet habere suum filium in potestate, cuius exercitium transfunditur in patrem quousque uiuit. Sed filia non potest habere suum filium in potestate, cum foemina non habeant liberos in potestate vt supradiximus, etiam si foemina esset sui iuris; ergo neque auus potest habere nepotem ex filia sua in potestate; nam propter quod vnum quodque tale, & illud magis *auth. multo magis C. de sacros. Eccles.*



De Nuptijs.

TIT. X.

Dictum est de patria potestate. Verum quia patria potestas inducitur per nuptias, merito sequitur tit. de nuptijs.

Nuptiæ, seu matrimonium, quod idem est, definitur in §. *nuptia supra tit. proximo*, scilicet matrimonium est viri, & mulieris coniunctio, indiuiduam vitæ consuetudinem continens. Et dum dicitur, *coniunctio*, intelligitur principaliter quoad animos, quia matrimonium non concubitus, sed consensus facit. *l. nuptias ff. de reg. iur. l. cum hic status §. si diuortium vers. si mulier ff. de donat. inter viri. & vxor. l. fin. C. de repud. & §. nuptias itaque auth. de nupt.*

Nuptiæ autem dictæ sunt à nubendo, idest velando, quia velatæ mulieres debent incedere ad domum mariti, in signum quod debent esse subditæ viris suis *can. femina 30. quest. 5. can. mulier debet 33. quest. 5.* cuius subiectionis signum naturale sunt comæ; unde mulieres non debent sibi comam amputare, quia eis illam dedidit Deus in signum subiectionis, & illam amputando, viderentur velle resolvere hoc ius subiectionis *can. quacunq. 30. dist.*

Dicuntur autem nuptiæ matrimonium, & non patrimonium, tum ad evitandam æquiocationem, cum patrimonium communiter appellentur bona paterna: tum quia maiora sunt onera matris, quam patris; proles enim est matri onerosa ante partum, dolorosa in partu, & laboriosa post partum *c. fin. de conuers. infidel.* unde dictum est matrimonium, quasi matris onus.

Vxores autem dictæ sunt ab vngendo, ut putat Seruius in 4. *Aeneid.* quasi vniores, ex eo quod antequam limen domus mariti transirent, postes auerrucandorum, idest expellendorum malorum causa vngerent, prout etiam scribit Plinius *lib. 28. cap. 9.* Vxoris autem nomen est genus tam ad eas, quæ fiebant matres familias, quam ad eas, quæ fiebant matronæ, quam etiam ad eas, quæ nubebant per farreationem. Pro cuius rei intelligentia,

Sciendum est, quod matrimonium de Iure gentium solo consensu contrahebatur. Sed Populus Romanus, ut proprio Iure viueret, tres nuptiarum species seruabat. Prima erat in partem tori, cum vxor veniebat solum in partem tori, idest lecti coniugalis, & nihil amplius, & ista vocabatur matrona. Secunda erat per

as & libram, idest per fictam quandam coemptionem, cum iuni-

cem se emebant coniuges, interposita stipulatione per hæc verba, promittis te futurum coniugem ~~pater~~ familias? promitto. promittis te futuram coniugem matrem familias? promitto. Et tunc vxor in manum, mancipiumque viri conueniebat, omniumque eius fortunarum fiebat particeps, & marito suo intestato vt heres succedebat, & maritus vicissim illi, & huiusmodi vxores matres familias vocabantur. Tertia species erat, cum adhibito libo, farreo, certa sacrificij solemnitate, nuptiæ contrahantur; quæ solemnitate soli Sacerdotes utebantur in contrahendis nuptiis. Et ista species matrimonij dicebatur per farreationem; quod non nisi per diffarreationem dissoluebatur. Diffarreatio autem erat aliud sacrificij genus, quo nuptiæ per farreationem contractæ contrario ritu dissoluebantur. Ita Boetius in *Topica Ciceronis*.

Cum autem Populus Romanus Christianæ Religionis nomen dedisset, solo consensu cœpit contrahere matrimonium, deletis omnibus supradictis ritibus, & superstitionis solemnitatibus, cœpitque pariter in materia matrimonij seruare Ius Canonicum, quod disponebat, vt fieret in faciem Ecclesiæ, idest, vel in Ecclesia ipsa, vel coram cognatis, vel coram Presbytero. Postea, verò Concilium Tridentinum dedit formam, vt contrahatur coram Parocho, & duobus, vel tribus testibus, aliàs matrimonium dicatur clandestinum, & nullum. Potest etiam contrahi coram alio Presbytero de licentia Parochi, vel Episcopi. Ita *sess. 24. in decreto de reformat. matrim.* Præscribit etiam Concilium quod siant trine denunciationes per tres dies festos continuos præcedentes in Ecclesia, quæ si omittantur, matrimonium dicitur clandestinum: sed non dicitur nullum. Circa sponsalia autem Conc. nihil innouauit, & propterea sponsalia clandestina, quæ fiunt de nocte, vel non præsentibus testibus non sunt nulla, sed seruiatur Ius canonicum antiquum.

His positis, inquit text. quod iustas, idest legitimas nuptias inter se ciues Romani, idest liberi, & Christiani, contrahunt, seruantes legum, sed hodie Canonum, & Concilij Trid. præcepta; unde serui inter se non matrimonium, sed contubernium, contrahere dicebantur: hodie verò de Iure Canonico etiam serui si sint Christiani, contrahunt inter se verum matrimonium, c. 1. de coniug. seruor. Et masculi contrahentes matrimonium debent esse puberes, idest maiores quatuordecim annis: feminae verò viripotentes, idest maiores duodecim. Sed de Iure Canonico si probetur potentia coeundi ante hanc ætatem, quæ non potest probari nisi per euentum ex effectu subsequuto, cum sit præ-

præsumptio Iuris, & de Iure, quod nemo ante hanc ætatem sit potens, quæ non admittit probationem in contrarium, nisi eulentiam, poterunt etiam ante contrahere matrimonium. Ita Nauarrus in Manual. cap. 22. n. 29. Et quamvis per principium nostri textus necesse sit præcedere Patris iussum, & consensum, quod etiam de Iure Canonico antiquo requirebatur: hodie tamen non requiritur: quoniam si filius sine Patris consensu contrahat, matrimonium est validum, quamvis peccet, quia non honorat parentes in tam graui negotio. Nec possunt hodie parentes irrita facere matrimonia liberorum legitime contracta: & si quis contrarium dixerit, est anathema, Conc. Trid. sess. 24. cap. 1. de reform. matrim.

Matrimonium duplex est, ratum, & consummatum. Ratum est quando fuit præstitus consensus mutuus, sed non dum sequuta est copula. Consummatum dicitur post copulam sequutam. Et primum differt à secundo, quia primum potest dissolui per Papæ dispensationem, vel per ingressum Religionis alterius ex coniugibus, etiam altero inuito, emissa tamen solemnī professione ex parte tua, de conuers. coniugator.: secundum verò nullo modo dissolui potest.

S. Unde.

Cessat hodie difficultas de filio, seu filia patris furiosi, prout in textu, cum de Iure Canonico possint filij hodie sine consensu patris contrahere matrimonium, ea, quæ seruabantur de iure civili, videte in text. & ipsius gloss.

S. Ergo, usque ad S. Affinitatis.

Colligitur ex his §§. quod sunt aliqua impedimenta circa matrimonium contrahendum; quæ impedimenta sunt in duplici differentia: alia enim dicuntur impedimenta impediencia tantum, & non dirimentia: alia verò impediencia, & dirimentia.

Impedimenta impediencia tantum sunt illa, quæ impediunt ne matrimonium fiat: tamen si fiat, non dirimunt matrimonium, vel contrahere matrimonium sine consensu parentum: omittere trinas denunciationes in Ecclesia per tres dies festos præcedentes contrahere tempore vetito, id est accipere benedictionem nuptiarum, vel solemniter traducere sponsam à prima Dominica Adventus usque ad Epiphaniam, & à die cinerum usque ad octauam

Paschatis Resurrectionis, & alia similia, de quibus diffusè agitur in Institutionibus Iuris Canonici, & ponit Nauarrus in *Manual. cap. 22. n. 74.*

Impedimenta verò impediencia, & dirimentia sunt illa, quæ non solum impediunt ne matrimonium fiat: sed si fiat, illud reddunt nullum, & irritum. Hæc autem sunt duodecim, quibus additur aliud ex determinatione Concilij Trid. & memoriæ causæ continentur his carminibus

Error, conditio, votum, cognatio, crimen;

Cultus disparitas, vis, ordo, ligamen, honestas;

Si sint affines, si fortè coire nequebunt,

Si Parochi, & duplicis desit presentia testis.

Hæc facienda vetant connubia, facta retractant.

Error intelligitur in persona, ut si credo ducere Titiam, & sit Scia: error tamen in fortunis, vel alterius similitis qualitatis, non dirimit, ut si puto ducere diuitem, & sit inops &c.

Conditio, ut si puto ducere liberam, & sit serua.

Votum, ut si antequam nuberet quis, emiserat solemniter votum in professione religiosa, quia tunc matrimonium non tenet, etiam sequuta copula, sed debet regredi ad Religionem.

Cognatio, vulgo parentela, de qua infra dicemus.

Crimen, quod triplex est, Primum est uxoricidium, seu maritiduum, causa contrahendi cum altero, seu altera, utroque machinante. Secundum est uno tantum machinante, sed cum interuentu adulterij. Tertium est adulterium scienter commissum, cum fide data contrahendi post mortem alterius coniugis. Idem Nauarrus *d. cap. 22. n. 46.*

Cultus disparitas, ut si Christianus ducat Iudæam, vel Iudæus Christianam. Sed si Christianus Catholicus cum hæretica, vel schismatica contrahat, vel e contra, matrimonium tenet, cum ambo sint baptizati, licet grauissimè peccet. Verum contrahens cum non baptizato, non tenet, etiam si esset cathecumenus, cum adhuc sit diuersitas religionis.

Vis, ut si contractum sit matrimonium per vim, aut per metum; consensus enim habitus per vim, aut per metum non inducit matrimonium *c. cum locum, & c. veniens, & ibi Abbas, & ceteri DD. de sponsalib.* & licet in aliquibus casibus coacta voluntas sit *l. si mulier §. si metu il. 2. ubi gloss. in verb. voluit ff. de eo quod met. caus.* tamen in matrimonio contrahendo consensus debet esse omnino spontaneus *d. c. cum locum.* Sed non sufficit quicunque metus, & quæcunque vis: sed debet esse metus cadens

in constantem virum, vel in constantem foeminam *c. cum consulta-
tioni in fin. de sponsalib. c. cum dilectus de his, qua vi, metusue caus.
fiunt: Secus si vanus esset timor, quia vani timoris nulla est exe-
quutio l. vani timoris ff. de reg. iur.*

Ordo, nempe si sit sacer, scilicet Subdiaconatus, Diaconatus,
& Presbyteratus: Ordines autem minores non dirimunt; dantur
enim etiam Clerici coniugati.

Ligamen, vt qui habet iam vnā coniugem, alteram accipere
non potest, & si accipiat, nullum est secundum matrimonium,
etiam sequuta copula cum secunda, & tenetur redire ad primam
etiam non sequuta copula cum illa prima.

Honestas, vt si sit impedimentum iustitiæ publicæ honestatis,
quæ varijs modis contingere potest, vt infra dicitur.

Si sint affines, idest impedimentum affinitatis, de qua dicemus
infr. in §. affinitatis.

Si forte coire nequibunt, idest impotentia coeundi, de qua in
Institutionibus Canoniciis §. item frigidas tit. qua matrimonium im-
pediri poss.

Novissimum impedimentum impediens, & dirimens est si con-
trahatur matrimonium contra formam præscriptam à Conc. Trid.
hoc est sine præsentia Parochi, seu alterius Presbyteri de licentia
Parochi, vel Episcopi, & sine præsentia saltem duorum testium;
quia tunc matrimonium est clandestinum, & nullum, vt supra-
diximus.

Inter impedimenta enumerata frequentiora sunt cognatio, &
affinitas. De cognatione modò dicemus. de affinitate dicemus
in §. affinitatis.

Cognatio est personarum proximitas ex eo proueniens, quod
vna persona descendit ab altera, vel ambæ ab eadem. Triplex au-
tem est linea cognationis. Prima ascendentium, quæ est à Patre
supra. Secunda descendentium, quæ est à filio infra, & inter istos
perpetuò sunt prohibitz nuptiæ vsque in infinitum, adeo vt si
Adam hodie esset superstes extincta Eua, non posset amplius vxor-
em ducere, cum omnes mulieres, quæ in mundo sunt, & futuræ
sunt, sint descendentes ab Adam. *gloss. in l. nuptia la 4. ff. de rit.
nuptiar. Abbas in c. non debet n. 8. de consanguinit. & affinit.* Tertia
est linea collateralium, seu transuersalium, quæ est inter fratres,
& sorores, filios fratrum, & patruos, aliosque hinc inde. Et
inter istos olim erat prohibitum matrimonium vsque ad septimum
gradum *can. nulli 35. quest. 2.* Sed hodie est prohibitum vsque ad
quartum gradum de Iure ciuili, & de Iure Canonico est prohibi-
tum

tum etiam in quarto : sed sufficit quod vnus sit in quarto, & alter in quinto, quia attenditur remotior gradus. In materia autem matrimonij seruatur Ius Canonicum propter periculum animæ, & ita connumerantur gradus secundum Ius Canonicum, quamuis in successione gradus connumerentur secundum Ius ciuile.

Aduertendum autem est, quod inter ascendentes, & descendentes eodem modo connumerantur gradus de Iure Ciuili, & Canonico, quia dempta prima persona, quot deinde personæ, seu generationes gradatim sequuntur, tot gradus faciunt. Exemplum, quod ponit Azo in *Institutionib. tit. de gradib. cognat.* est. Ad faciendam primam fenestram requiruntur duæ columnæ: deinde ad faciendas singulas alias fenestras, singulæ columnæ sufficient: ita ad faciendum primum gradum ascendentis, & descendens requiruntur duæ personæ: deinde quot personæ, seu generationes gradatim descendunt, tot gradus faciunt. Sic Pater cum filio facit primum gradum. Nepos cum Auo facit secundum. Pronepos cum Proauo facit tertium, & sic deinceps. Sed inter Collaterales est differentia inter Ius Canonicum, & Ciuile, quoniam personæ pates de Iure Canonico faciunt vnum gradum: sed de Iure Ciuili duplicant illum. Sic fratres, & sorores siue germani, siue consanguinei, siue uterini de Iure Canonico faciunt primum gradum collateralitatis: sed de Iure ciuili faciunt secundum: & filij istorum de Iure Canonico faciunt secundum, sed de Iure ciuili faciunt quartum, & sic deinceps. In nuptijs autem attenditur Ius Canonicum, vtsupra diximus. Regulas autem ad dignoscendas graduum distantias, & differentias videate *infr. post tit. de gradib. cognat.* vbi ponitur arbor, & ipsius declaratio, quam etiam ponit Oinotimus in *hoc tit. de nupt.*

Cognatio triplex est, naturalis, legalis, & spiritualis.

Naturalis cognatio prouenit ex propagatione carnis, vt inter patrem, & filium, fratres, & sorores &c.

Legalis cognatio inducitur per adoptionem, & per arrogationem *c. vnit. de cognat. legal.* vbi Abb. & hæc triplex est. Prima dicitur quasi ascendentium, & descendentium, quæ facit impedimentum perpetuum, vel duret adoptio, vel dissoluatur per emancipationem, vt dicitur in *hoc §. ergo, & in can. ita diligere 30. quest. 3.* Secunda contrahitur inter vxorem adoptati, & patrem adoptitium, & inter vxorem adoptantis, & adoptatum. Et hæc etiam perpetuò durat, etiam dissoluta adoptione per emancipationem *l. adoptiuus ff. de rit. nupt.* Tertia est quasi transversalium, & hæc etiam durat inter adoptatum, & filios legitimòs, & naturales.

ado-

adoptantis, durante tamen adoptione, vel durante filio legitimo, & naturali esse in potestate Patris, quia si emancipetur adoptivus, vel filius legitimus, & naturalis; cessat inter collaterales ista cognatio legalis, nec remanet inter eos impedimentum iustitiae publicae honestatis, quod semper remanet inter ascendentes, & descendentes etiam dissoluta cognatione legali per emancipationem; abhorret enim à publica honestate, ut quis coniungatur cum ea, quam loco filii, seu neptis prius habuit *l. si quis alumnam. C. de nupt.*

Spiritualis cognatio hodie quoad effectum matrimonij contrahitur solum inter Patrinum, & baptizatum, eiusque patrem, & matrem. Item inter baptizantem, & baptizatum, eiusque patrem, & matrem: non autem inter Patrinum, & baptizantem, neque inter alios. Idem servatur etiam in Chrismate. Ita Conc. Trid. sess. 24. cap. 2. de reformat. matrim. & secundum opinionem Nauarri idem servatur etiam in Cathéchismo, idest in instructione ad fidem, ut explicabimus in institutionib. Canonicis in tit. de triplici cognatione.

Est tamen adnotandum, quod non possum ducere in uxorem filiam fratris mei; vel sororis meae quamvis sit mecum in quarto gradu de Iure civili, quia est loco filii: sicuti nec filiam fratris mei adoptivi: sed si sit filia sororis meae adoptivae, potero illam uxorem ducere etiam de Iure Canonico, quia filia sororis meae adoptivae non est mihi cognata, & ita nullum impedimentum intercedit: sed in filia fratris mei adoptivi est impedimentum, quia illa fit mea cognata. Vnde sciendum est, quod illa persona, quae per adoptionem mihi non agnoscitur, neque cognoscitur. *l. si quis ff. de rit. nupt.* Agnasci est fieri de eadem familia. Cognasci est fieri cognatum, seu consanguineum, vulgo, *parente*; sic filia fratris mei adoptivi est de familia mea; ergo fit mea cognata: sed filia sororis meae adoptivae non sequitur familiam meam, sed patris sui; ergo non fit mea cognata. Item dicitur de matertera, quia soror matris meae adoptivae non fit mea cognata: sed amita, idest soror Patris mei adoptivi fit mea cognata, nisi sit ex altero patre nata *d. l. si quis in fin. ff. de rit. nupt.* & ita dicitur amita adoptiva, non tamen dicitur matertera adoptiva, quia matertera est nomen cognationis, non agnationis. Et quamvis in *l. per adoptionem ff. de rit. nupt.* legatur matertera adoptiva, illud tamen intelligitur secundum vulgarem sermonem, non autem propriè. Videte totam glossam hic in §. item amitam in verb. materteram.

S. Affinitatis, usque ad S. si Vxor:

Alterum impedimentum principale impediens, & dirimens est affinitas. Affinitas autem est attinentia personarum ex concubitu procedens, quæ de Iure civili non inducitur nisi ex matrimoniali concubitu: sed de Iure Canonico inducitur etiam ex illicito c. 1. & 2. de eo qui cognovit consangu. vxor. sua, imo inducitur etiam ex concubitu coactio c. discretionem & ibi DD. eod. tit. de eo qui cogn. cons. vx. sua. Affinitas autem inducitur ex eo quod vna cognatio accedit ad fines alterius cognationis l. non facile §. ad fines ff. de gradib. cognat.

Affinitas inducitur inter vxorem, & cognatos mariti, & inter maritum, & cognatos vxoris, sed inter cognatos vxoris, & cognatos mariti nulla inducitur affinitas; ideoque duos fratres possunt ducere duas sorores, & Pater, ac filius possunt ducere matrem & filiam. filij pariter ex diuersis coniugibus nati possunt inter se contrahere, etiam si habeant fratrem, sororemue ex matrimonio postea inter eorum parentes contracto natos, quia nullum est inter eos impedimentum aut cognationis, aut affinitatis.

Est autem aduertendum, quod quoto gradu distat cognatus à cognato in cognatione, eodem gradu distat à coniuge eius in affinitate. Vnde ego, qui disto à filio fratris mei in secundo gradu cognationis, disto ab vxore ipsius in secundo gradu affinitatis. Est autem dubium quare maritus, & vxor vtantur matrimonio post illius consumationem, si matrimonium prohibitum est ratione affinitatis? & ad dubium respondet Addito ad gloss. hic in verb. affinitatis, scilicet maritum, & vxorem non esse affines, sed principium, fontem, & originem affinitatis, quæ inducitur inter maritum, & cognatos vxoris, & inter vxorem, & cognatos mariti: non autem inter maritum ipsum, & vxorem, neque inter cognatos mariti, & cognatos vxoris, vt supra diximus. Licet autem vir, & vxor propriè non sint affines, tamen in materia fauorabili veniunt appellatione affinium vt inquit Bart. in l. 1. ff. vnd. vir, & vx. & ita stante Statuto quod causæ affinium compromittantur, causæ inter virum, & vxorem sunt compromittendæ. Ias. in l. seruum ff. de condit. caus. dat. caus. non sequit.

Affinitas duplex est, naturalis, & legalis. Naturalis est quæ medio cognationis naturalis inducitur. Legalis quæ medio cognationis legalis, vt si ego adopto Titium in filium, vxor eius
fit

fit mea affinis legalis in primo gradu, & vxor mea fit eidem Titio affinis legalis pariter in primo gradu.

Est autem affinitas impedimentum impediens, & dirimens vique ad quartum gradum inclusivè: sed ex illicito concubitu non impedit post secundum gradum ex dispositione Conc. Trid. seu potius ex declaratione sanct. me. B. Pij Quinti facta anno 1566. & propterea non possum ducere in vxorem socrum meam, idest matrem vxoris meæ, etiam mortua vxore mea propter affinitatem, quam cum illa contraxi; quod si copula non fuisset sequuta cum vxore mea, nec possem ducere propter impedimentum iustitiæ publicæ honestatis. Si autem viveret vxor mea, ob aliam rationem non possem ducere illam, scilicet propter impedimentum ligaminalis, quia nemo potest eodem tempore duas vxores habere, ut in ipso textu dicitur. ex quo colligimus regulam, quod ubi in aliqua dispositione concurrunt duæ causæ, seu rationes, quarum una cessat, & alia remanet, remanet etiam dispositio; quod est intelligendum ceteris paribus, idest si sint duæ rationes totales, & adæquatæ, ut in casu huius tex.

S. Si vxor.

Ad intelligentiam præmitto, quod sponsa non est vxor, sed promissa futura vxor; unde sponsalia sunt futurarum nuptiarum sponsio, & repromissio l. 1. ff. de sponsalib. sponsalia autem sunt per verba de futuro, ut accipiam te in vxorem, accipiam te in virum: matrimonium verò sic per verba de præsentì, accipio te in vxorem, accipio te in virum; quod intelligitur coram Parocho, & testibus, ut sit validum. Inter inhabiles verò, ut inter impuberes, licet sint verba de præsentì, tamen non contrahitur matrimonium: sed illa verba resoluuntur in futurum, & sic sunt sponsalia; ideoque si impubes dicat alteri, accipio te in vxorem, perinde est ac si dixerit, accipiam te in vxorem, quando ero pubes.

Item præmitto quod diuortium est dissolutio matrimonij, quæ utroque coniuge vivente contingit; & hodie non potest fieri, nisi quando non est sequuta copula, per vorum solemne in professione religiosa emissum, vel per Papæ dispensationem: sed postquam est sequuta copula, nullo pacto potest fieri diuortium, si matrimonium est validum: si verò esset invalidum propter aliquod impedimentum dirimens, potest declarari nullum. Potest tamen hodie fieri separatio tori, quæ succedit in locum diuortij, non quoad dissolutionem matrimonij, quia remanent veri coniuges, quando

matrimonium est validum: sed quoad mutuum corporum seruitutem; unde committeretur adulterium, si post hanc separationem vnus ex coniugibus cum aliquo alio coniungeretur. Potest autem hæc separatio tori fieri varijs ex causis, veluti propter adulterium ab vno ex coniugibus commissum, propter hæresim superuenientem, propter odium capitale, inimicitias capitales, nimiam sœuitiam, infirmitatem incurabilem &c. Si quis autem dixerit errare Sanctam Matrem Ecclesiam, cum docet posse fieri separationem tori ex varijs causis, est anathema. Conc. Trid. sess. 24. de sacram. matrim. can. 7. & 8. Quæ tamen separatio non potest fieri propria auctoritate, sed præcedente sententia Iudicis Ecclesiastici.

His præmissis noto quòd si feci diuortium cum vxore mea, quæ postea alteri nupta filiam procreauit, quamuis hæc non sit mea priuigna, tamen non possum illam ducere in vxorem propter impedimentum iustitiæ publicæ honestatis. Sed hic casus de Iure Canonico non potest contingere, quia diuortium verum non potest fieri, & etiam quia iam est contracta affinitas; sin autem non est sequuta copula cum illa mea vxore, neque possum eam ducere propter iustitiæ publicæ honestatis, propter quam nec sororem, nec filiam, nec matrem meæ sponsæ possum in vxorem ducere. c. sponsam, de sponsal. & c. litteras de desponsat. impub. quæ iustitia hodie si sponsalia sint valida non impedit nisi, in omni primo gradu, cum olim impediret vsque ad quartum c. non debet de consangu. & affinit. Si verò sponsalia sint inualida, hæc iustitia publicæ honestatis non inducitur.

S. Illud certum :

Naturalis cognatio spectatur in matrimonijs, adeoque qui sunt serui inter se cognati, si postea fiant liberi, illa cognatio contracta in seruitute impedit matrimonium vsque ad gradum prohibitum. Ideo autem dicit textus, si manumissi fuerint, quia serui non poterant contrahere matrimonium, sed contrahebant concubinum, cum non essent ciues Romani. Sed de Iure Canonico si sunt serui Christiani contrahunt inter se verum matrimonium. c. fin. de coniug. seruor. & de Iure Canonico possunt serui contrahere matrimonium etiam cum libera persona, sciente tamen talem conditionem seruilem.

S. Sunt, & alia:

Sunt etiam alie personæ, quæ prohibentur nuptias contrahere, nam non potest tutor ducere pupillam, quam habuit sub tutela, nec curator adultam suam, *ut toto tit. C. de interd. matrim.* Sed de Iure Canonico redditis rationibus possunt. Et sunt etiam alie personæ de quibus diximus in impedimentis supra positus, & de illis videte *glossam hic in verb. enumerati.*

S. Si aduersus:

Matrimonium factum contra ius non tenet, quia nullus actus factus contra dispositionem Iuris est validus *l. non dubium C. de legib.* & propterea nulli sunt effectus, quia quod nullum est, nullum producit effectum *l. à nullo C. de fer.* vnde non est dos, non donatio propter nuptias, non patria potestas: imò ex parte eius, qui est in mala fide confiscatur dos, aut donatio, si incestus nuptiæ contraxerint *Alciat. in l. 1. ff. solut. matrim.* Sed ex parte eius, qui est in bona fide validi sunt omnes effectus, vnde etiam liberi sunt legitimi, & in potestate, & adeo sunt legitimi, ut possint promoueri ad ordines, & dignitates Ecclesiasticas, quia sufficit bona fides vnius.

Noto ex textu quòd filij spurij dicuntur vulgo concepti, quasi sine patre, à litteris S. P. ita Theophilus *hic.* Sed in genere appellatione spuriorum veniunt omnes illegitimi, inter quos Naturales sunt nati ex concubina domi retenta. Manzeres sunt nati ex scortis, idest ex mulieribus extra domum habitis per consuetudinem. Nothi sunt qui nascuntur ex matrimonio non legitimo, v. g. contracto ommissis trinis denunciationibus absque licentia Ordinarij. Adulterini sunt nati ex adulterio, quod committitur cum coniugata. Incestuosi sunt nati ex consanguineis transuersalibus. Nefarii sunt nati ex ascendentibus, & descendentibus. Sacrilegi sunt nati ex personis Deo sacris. Et omnes isti veniunt sub nomine spuriorum lato sumpto vocabulo.

S. Fin.

Illegitimi autem possunt legitimari quatuor modis.

Primo per oblationem factam Curie, cum scilicet filius naturalis offertur à patre seruizio Prætoris, ve. Præsidis Prouincie,

ut dicitur hic, & in §. si quis auth. quib. mod. natur. efficien. sui; qui modus hodie non est amplius in usu.

Secundo per rescriptum Principis, vel habentis legitimandi potestatem, prout sunt Comites Palatini &c.

Tertio per nominationem factam à Patre in testamento, vel in instrumento, ut si Pater in instrumento publico, siue priuato trium testium fide dignorum manu subscripto: vel in testamento, filium suum naturalem, susceptum ex muliere libera, quæ ei vxor esse poterat appellauit legitimum *auth. si quis liberos C. de natural. liberis*. Quod intelligitur, non existentibus filiis legitimis, & naturalibus, ut per glossam in verb. si quis, cum sua additione.

Quarto per subsequens matrimonium c. tanta, qui fil. sint legit. Sed hoc modo non legitimantur nisi illi, inter quorum parentes potuisset esse matrimonium tempore procreationis; ideoque si vnus parens habet coniugem eo tempore, adulterinus non legitimatur per subsequens matrimonium, quia retrahendo matrimonium ad tempus procreationis, appareret quod vnus habuisset duas coniuges eodem tempore, quod fieri est impossibile.

Ex hoc infertur ad Clericum Beneficiatum, qui ex aliqua muliere libera filios suscepit, & deinde dimisso beneficio ipsam ducit in vxorem, numquid legitimantur illi filij antea suscepti? Et ista quæstio controuersa est apud DD. quoniam si legitimarentur, retrahendo matrimonium ad tempus procreationis fingeretur quod Beneficiatus habuisset vxorem simul cum beneficio, quod est prohibitum. Sed possumus dicere quod legitimarentur, quia Papa potest dispensare quod Beneficiatus habeat vxorem, & ita hic casus non est omnino impossibilis: sicut est impossibile quod vnus eodem tempore habeat duas vxores, vel vna habeat duos maritos. Fictiones autem Iuris fundantur super probabili, vel possibili, non autem super impossibili, quia esset contradictio ut suo loco dicemus.

Cetera, quæ de matrimonio essent dicenda, habentur in Institutionibus Iuris Canonici, vbi est propria sedes huius materię, cum hodie in matrimonijs contrahendis: seruetur Ius Canonicum, ut supra diximus.



De Adoptionibus :

T I T. X I.

Dictum est de nuptijs, per quas inducitur patria potestas. Verum quia inducitur etiam per adoptionem, merito sequitur titulus de adoptionibus.

S. Adoptio, usque ad S. cum autem

Adoptio dicta est quasi ad optionem, idest ad electionem, quia ex lege Anastasiana ex pluribus adolescentibus eligebatur adoptandus.

Adoptio sic potest describi. Est legitimus actus, per quem fit quis filius, qui verè filius non est, ad instar naturæ. Ita Doctores in l. adoptio la. 1. ff. eod. sumitur autem adoptio in genere & in specie. In genere continet adoptionem specificam, & arrogationem.

Adoptio in specie fit, quando Pater filium suum, quem habet in potestate, dat in adoptionem alteri apud Magistratum. l. 1. ff. eod. & quamvis olim transiret in potestatem adoptantis: hodie tamen non transit, nisi sit datus in adoptionem Avo paterno, vel materno; tunc enim transit in potestatem illorum, quia tunc adsunt duo vincula, nempe vinculum naturale cum adoptatus sit conjunctus iure sanguinis cum adoptante, & vinculum civile, nempe adoptionis; duo autem vincula magis ligant quàm vinculum vnum l. penult. C. eod. Quod tamen non contingit in patruo, quia si patruus adoptet nepotem suum in filium, non per hoc acquirit patriam potestatem in adoptatum, sed remanet in potestate sui patris naturalis, licet in illo quoque concurrant duo vincula; non enim vinculum sanguinis, quo nepos coniungitur cum patruo, est vinculum sanguinis naturalis; idest ascendentiæ. quæ est capax patris potestatis: sed vinculum sanguinis transversalis, qui non est capax patris potestatis. Patri tamen adoptivo, quicumque sit, indistinctè ab intestato filius adoptivus semper succedit.

Arrogatio fit, quando adoptatur ille, qui sui iuris est ex Principis rescripto, quia cum Populus imperium suum transfulerit in Principem, §. sed & quod Principi sup. de Iur. nat. gent. & civ. Princeps hodie hanc Populi auctoritatem exercet, & ita arrogatus tran-

transit in potestatem arrogatoris, cum omnibus suis bonis, & IN
beris. Adoptatus verò hodie non transit in potestatem adoptan-
tis, sed remanet in potestate sui Patris naturalis, nisi sit datus in
adoptionem Auo paterno, vel materno, vt supra diximus.

Dicta est autem arrogatio, quia fiebat ad Populi rogationem;
nam volens adoptare aliquem sui Iuris, interrogabat Populum
Romanum dicens, velitis iubeatis Quirites me talem habere in
filium? & ratio est, quia cum is, qui sui iuris est, non possit de
se disponere, cum Resp. sit Domina Ciuium suorum *l. liber homo*
ff. ad l. Aquil. hinc est quòd volente, & permittente Rep. debe-
bat transire in potestatem alterius. Quod totum fiebat in Comi-
tijs. Ita ex *Aul. Gell. lib. 5. Noctium Atiliar. cap. 19.* Non potest
autem adoptari filius illegitimus, ne detur occasio impediendi
matrimonium.

S. Cum autem

Si arrogandus sit impubes datur supplicatio Principi, expri-
mendo quòd est impubes, & Princeps in Signatura Gratiæ recri-
bit alicui Magistratui, vt cognoscat an causa huius arrogationis
sit honesta, & utilis pupillo, ipsam admittat, secus non. Imò
debet etiam arrogator cauere, idest promittere, & se obligare,
quòd si arrogatus morietur impubes, restituet omnia bona illius
proximioribus ipsius impuberis, qui ab intestato successuri fuis-
sent, si arrogatio facta non esset. & hoc, ne arrogator insidie-
tur vitæ impuberis, vt habeat eius bona. Item tenetur, si postea
ipsum exheredauerit, vel emancipauerit sine iusta causa, restituere
ei omnia bona sua cum commodo, quod ex eis provenit, &
de suis proprijs dare ei legitimam, quæ legitima consistit in
quarta parte eius, quod esset habiturus ab intestato. Exemplum.
Habeo duos filios veros, arrogo mihi tertium; legitima arroga-
ti est quarta tertiæ partis meæ hereditatis. Sed dubitatur num-
quid ista quarta legitima adoptiuorum sit aucta ad tertiam, sicut
aucta est legitima filiorum naturalium, vt in *auth. de trient. & se-
miss.* Et veteres negabant esse auctam, dicentes hanc quartam
adoptiuorum remansisse incorrectam, prout testatur *Myssinger,*
hic. Sed recentiores tenent quod sit aucta, quia Imperator in *d.*
auth. loquitur de filijs generaliter, & sic veniunt etiam adoptiui;
quamuis regulariter appellatione liberorum non venient adopti-
ui; nisi in casibus à Iure expressis. *gloss. in l. si ita quis in fin. in*
verb. consequi ff. de legat. 2. Hinc fit, vt adoptiuus non admittatur

In feudis *cap. 2. §. adoptivus, si de feud. defunct. fuer. controu.* in *offib. feudor.* Sic non admittitur in emphiteusi. Item nec in substitutionibus, adoptivus enim filius non excludit substitutum. Idem, in statutis, & privilegijs, quia verba in statutis, & privilegijs debent proprie, & strictè intelligi. Carpan, *ad stat. Mediol. cap. 122. n. 2. vol. 1. & in pralud. n. 247.* ubi quamplures alios DD. adducit. Similiter filix exclusæ per masculos liberos, non intelliguntur exclusæ per filium adoptivum. Rip. *in l. si unquam C. de renoc. donat.* Nihilominus in *d. auth. de trient. & semiss.* generali appellatione filiorum veniunt etiam adoptivi ratione materis, de qua disponit ille textus; loquitur enim de legitima, quæ est portio debita filijs de iure naturæ, qua non possunt filij privari sine iusta causa, ut suo tempore videbimus, & sic comprehenduntur etiam adoptivi, cum adoptio sit actus legitimus ad instar naturæ, & sic ea quæ competunt filijs naturalibus secundum naturam, debent competere etiam adoptivis.

S. Minorem.

Minor natus non potest adoptare maiorem natu, quia adoptio imitatur naturam; sicut enim per naturam non potest quis generare sibi filium ætate maiorem, ita nec debet hoc posse fieri per artem. Ex quo colligitur, quod ars debet imitari naturam; & propterea non potest quis adoptare sibi aliquem in fratrem, quia nemo generat sibi fratrem *l. nec apud peregrinos C. de hered. instit.* Dicitur in textu quod adoptans debet præcedere adoptandum decem & octo annis. Videtur ex hoc sequi absurdum, scilicet quod non possit quis adoptare in decimoquinto anno, cum tamen possit per naturam generare in decimoquinto anno.

Ad hanc difficultatem Resp. Raynald. *Corpus lib. 2. indagatio. Iur. cap. 13.* scilicet rationem esse, quia debiliior est ars, quam natura; unde si posset quis adoptare in decimoquinto anno, plus esset in arte, quam in natura, quia, quilibet per adoptionem, posset habere filium in decimoquinto anno: non tamen posset quilibet per naturam habere filium in decimoquinto anno, ut patet, & ideo ut tollatur hoc absurdum, assignatur pro adoptione plena pubertas, idest ætas decem, & octo annorum, quo tempore regulariter solet quis esse habilis ad generandum.

S. *Licit autem.*

Dicit text. quòd potest quis adoptare sibi aliquem in nepotem, quamvis non habeat filium naturalem. Videtur tamen hanc textus decisionem pati aliquam difficultatem; nam adoptio imitatur naturam, ut saepius diximus: sed per naturam non potest quis habere nepotem nisi per filium; unde non videtur quòd possit quis adoptare aliquem in nepotem, nisi habeat filium.

Respondetur tamen quòd adoptio imitatur naturam in eo, quod est, non autem est necesse, ut imitetur illam in modo elcendi, nam sunt plerique, qui habent nepotem, etiam si non habeant filium, puta si filius iam mortuus sit; & hoc sufficit ad adoptionem, ad quam inducendam non queritur, quomodo possit quis habere nepotem sine filio: sed satis est quod detur ille casus. Et hoc extenditur pariter etiam si adoptans nunquam habuerit filium, imò nec uxorem, quia sufficit quod habitu, & potentia illum habeat, nec requiritur quòd actu habeat, seu habuerit. Vide de gloss. hic, in verb. *habeat*, cum additione.

Sin autem ego velim adoptare mihi aliquem in nepotem tanquam natum ex filio meo vivente siue naturali, siue adoptivo, hic filius meus consentire debet, quia nepos adoptivus post mortem meam transit in potestatem huius filij mei, & fit ei suus heres. Ne ergo ei invito suus heres fiat, debet consentire. Et suus in hoc casu non est pronomen relatiuum, sed est nomen civile designans continuationem dominij post mortem patris. Unde suus heres est filius, vel nepos, qui est in potestate Patris, vel Aui, & nemo ei praecedit ad capiendam hereditatem §. *hui*, *instr. de hered. qual. & differ.* duo enim sunt requisita iustitiae, patris potestas, & coniunctio immediata cum eo, cui succeditur.

Si verò Auus det in adoptionem alicui nepotem suum, non est necesse, quod filius eius, Pater huius nepotis consentiat, quia cessat praedicta ratio, quòd heres ei invito suus heres, cum iam sit ei suus heres.

S. *In plurimis.*

Pater adoptivus potest filium suum in adoptionem alteri dare dummodo cum habeat in potestate, sicuti est arrogator, vel Auus paternus, aut maternus.

S. Sed, & illud.

Textus dicit, quòd castrati non possunt adoptare, quia non possunt generare: spadones verò possunt adoptare, licet non possint generare, & ita textus est clarus. Sed difficultas est in explicando qui nam sint castrati, & qui spadones. Et glosa, ac veteres dixerunt, castratos esse frigidos à natura, & impotentes, quali castè natos: spadones verò esse eos, qui spata, idest ferro præcisi sunt. Sed Alciat. in l. *spadonum* ff. de verb. signif. & DD. Ultramontani contrarium tenuerunt, dicentes quòd castrati sunt illi, qui ferro sunt præcisi, & spadones esse frigidos, & impotentes.

Hanc quæstionem late examinat Ant Augustinus lib. 3. *emend. Iur. cap. 5.* & concludit cum Alciato, motus præcipuè auctoritate Theophili *hic in paraphrasi græca*, qui dicit Eunuchorum duas esse species, altera est eorum, qui sunt castrati, in quibus nulla est spes generationis: altera est eorum, qui dicuntur spadones, qui adiuti medicamentis possunt generare; & ita vera est conclusio, quòd castrati non possunt adoptare, quia non possunt generare; & sic nec possunt matrimonium contrahere, quia in illis est desperata generatio ex constit. 59. *Sixti Quinti*.

Ex hoc inferitur ad quæstionem, vtrum Clericus constitutus in sacris, qui non potest legitimè generare, possit adoptare. Et Portius ita arguit, qui non potest legitimè generare, nec potest legitimè adoptare. Sed constitutus in sacris non potest legitimè generare; ergo neque poterit legitimè adoptare. Hoc tamen argumentum non concludit; non enim datur adoptio non legitima, quia aut legitima est, aut nulla est: sed generatio reperitur etiam non legitima, scilicet extra matrimonium. Communis opinio est, quòd constituti in sacris possunt adoptare, quia attenditur solum naturale impedimentum. Imò sicut spadones adiuti medicamentis possunt generare, & ita possunt adoptare: ita etiam constituti in sacris adiuti dispensatione Summi Pontificis, possent etiam legitimè generare, & sic nulla est ratio, cur non possint adoptare.

S. Femina.

Feminae non possunt adoptare, quia nec habent liberos in potestate, quasi dixerit textus quòd cum per adoptionem transeant
H libe,

liberi in potestatem adoptantis, & fœminæ non habeant liberos in potestate, sequitur quòd non possint adoptare. Vnde posset dubitari, numquid hodiè cum adoptio non transferat patriam potestatem in adoptantem extraneum, possint fœminæ adoptare in hac specie adoptionis, quæ non inducit patriam potestatem. Et dicitur quòd non possunt, nisi ex indulgentia Principis, quia adoptio est actus ciuilis, cuius fœmina non est capax, nisi per Principem habilitetur, & solùm possent hodie ad solamen filiorum, amissorum, & ideo requiritur quòd fœmina habuerit liberos, eosque amiserit. Ex quo colligitur, quòd inhabilis ad aliquem actum ciuilem potest per Principem habilitari *l. fin. ubi DD. ff. de militar. testam. & l. fin. C. de Testam. militis.*

§. Illud proprium.

Non solùm transit in potestatem arrogatoris arrogatus, sed etiam omnes illi, qui in eius sunt potestate per rationem aliàs dictam, scilicet quòd qui est in potestate vnus non potest alium habere in potestate. *l. sic eneniet ff. ad l. Iul. de adult.* Et hoc comprobatur, quia Augustus Cæsar non antea Tiberium, qui deinde ei in Imperio successit in adoptionem accepit, quàm is Germanicum adoptasset; cùm enim vellet habere Tiberium loco filij, & Germanicum loco nepotis, atque id vnica adoptione fieri cuperet, curauit vt prius Germanicus à Tiberio adoptaretur, & ita ipse deinde adoptando Tiberium, habuit Tiberium in filium, & Germanicum in nepotem. Tacit. lib. 1. *annal.* & Sueton. *in vita Tiberij.*

§. Fin.

Seruus non potest adoptari à Domino, & si defacto adoptetur, adoptio non tenet, sed tunc seruus ille fit liber, non virtute adoptionis, quæ nulla est: sed ex voluntate Domini per illum actum demonstrata, quia si voluit esse filium suum, multò magis præsumitur voluisse esse liberum, quia non est credendum patrem velle filium suum in seruitute manere, cum maiorem dolorem sentiat Pater in persona filij, quàm sui ipsius *l. isti quidem in fin. ff. de eo quod met. caus.* Vnde colligitur ex hoc tex. quòd ex vno actu licet imperfecto potest colligi voluntas ad alium actum perficiendum.

Ita etiam si Dominus vocauerit seruum suum appellatione filij
actis

actis interuenientibus, idest in Iudicio, seu eorum Iudice exercitante suam iurisdictionem, ille seruus liber fit, non tamen fit filius. Et ratio est, quia filiatio inducitur solum per certos, & determinatos modos, idest per nuptias, & per adoptionem *l. non epistolis, & l. non nudis C. de probationib.*

Quibus Modis Ius Patriæ Potestatis soluitur.

T I T. X I I.

Visum est quibus modis Ius patriæ potestatis inducatur. verum quia inductum aliquando solui necesse est, meritò sequitur hic tit. Pluribus autem modis soluitur.

Primo per mortem naturalem vel patris, vel filij, quia mors omnia soluit *S. deinceps auth. de nupt.* Sed si nepos sit in potestate Aui viuo Patre suo, qui sit in potestate eiusdem Aui, tunc nepos mortuo Auo reincidit in potestatem Patris sui: sed si Pater sit mortuus, vel emancipatus, tunc nepos fit sui iuris, quia emancipatus habetur pro extraneo.

S. Cum autem, usque ad S. filius familias.

Secundo soluitur ius patriæ potestatis per mortem civilem vel Patris, vel filij, quæ contingit duobus modis, vel per maximam, vel per mediam capitis diminutionem.

Maxima est, per quam amittitur ciuitas, & libertas, vt accidit in illis, qui fiunt serui vel per venditionem sui ipsius, vel quia redigantur in seruitutem ob ingratitudinem, vel quia fiant serui pænæ, nempe per condemnationem ad metalla, vel ad bestias, quam pœnam dicunt DD. æquiparari pænæ mortis.

Media est, per quam amittitur ciuitas, sed non libertas, & tales sunt deportati in Insulam; nam cum soli Ciues Romani habeant ius patriæ potestatis in liberos suos, deportatus, qui amittit ciuitatem Romanam, & consequenter pro peregrino habetur, non potest amplius habere liberos in potest. & è contra idem dicimus in filio deportato. Ita Theophilus *hic*. Relegati verò non amittunt ciuitatem, nec libertatem, & ideo retinent ius patriæ potestatis. Sed si deportatus restitutus fuerit à Principe, recuperat omne ius, & ita etiam ius patriæ potestatis: non ita si solum illi fuerit indultum, quia per solam indulgentiam remittitur pæ-

na, non tamen cetera restituuntur. *l. fin. C. de sentent. pass. & restituit. ibique gloss. in §. fin. in verb. indulgentia.*

Deportatio est vnus loci permissio, & omnium aliorum locorum prohibitio in perpetuum. Relegatio est idem, sed ad tempus. Exilium verò est vnus loci prohibitio, & omnium aliorum locorum permissio, & potest esse perpetuum, & ad tempus, certum, vel arbitrarium.

Differt autem deportatio à relegatione, non solum quia deportatio est perpetua, & relegatio ad tempus: sed etiam in ordine ad penam contra transgressores; nam si reuertitur relegatus, duplicatur tempus relegationis, quod supererat: si verò reuertitur deportatus, punitur poena mortis.

Quæres Banniti nostri temporis, quibus æquiparantur deportatis, an relegatis?

Respondetur cum Iul. Clar. in sua prax. crimin. §. fin. quest. 71. versic. dixi autem, circa fin. quòd neque deportatis, neque relegatis comparantur: sed constituunt tertiam quandam speciem; & propterea non licet arguere à deportato, seu relegato ad bannitum, nec è contra: sed standum est vel decisionibus, seu statutis de bannitis in specie loquentibus, vel consuetudini locorum.

S. Filius familias.

Tertio soluitur ius patriæ potestatis per dignitatem v.g. Patritius, idest summi Consiliarij Principis, quasi sit Principis Pater, vts inquit gloss. hic. & hodie duodecim sūt dignitates, per quas soluitur ius patriæ potestatis vt in auth. Constitutio quæ de dignitatib. §. 1. & §. generaliter. Quæ sunt illæ eadem, quæ liberant aliquem à Curiali conditione. & enumerantur in l. fin. C. de Decurionib. lib. 10. Et licet dicat hic noster textus, quòd dignitas Consularis non liberat à patria potestate: hoc tamen hodie est correctum per textus supra citatos, in quibus inter illas duodecim dignitates enumeratur etiam Consularis. Ceteras videte in supra citatis textibus.

Quæres primo an Sacerdotium liberet filium à iure patriæ potestatis.

Respondetur negatiuè, vt in auth. Presbyteros, & Diaconos C. de Episc. & Cleric. quamuis Pater non possit se ingerere in his, quæ pertinent ad Sacerdotium, nec de acquisitis ex Sacerdotio vel Clericatu habet administrationem, quia ista reputantur esse bona quasi castrensia, & dicuntur peculium Clericorum, in quo Pater non dicitur habere vsufructum l. sacrosancta & ibi Bald. & alij

DD. C. de Episc. & Cleric. Hoc tamen intelligitur de minoribus sacerdotibus, quia magnum sacerdotium, nempe Episcopatus liberat filium à iure patriæ potestatis, *auth. sed Episcopalis C. de Episc. & Cleric. & Illud d. auth. Constitutio que de Dignitatib.* Nam qui omnium Pater est, non potest alterius potestati subditus esse. Cardinalatus etiam Dignitas eximit filium à iure patriæ potestatis, etiam si Cardinalis Episcopus non sit, & hoc ob ipsius sublimitatem. *Gloss. in extrau. execrabilis in verb. sublimitatem, de prebend.*

Neque obstat quòd Clericatus tollat dominium, quod est quid maius *can. si seruus sciente, & can. ex antiquis §4. dist.* ergo debet etiam tollere patriam potestatem, quæ est quid minus *arg. text. in l. nec ea §. fin. ff. ad l. Iul. de adult.* quia respondetur diuersam esse rationem; nam seruitus, & Clericatus non possunt stare simul *can. frequens §4. dist.* benè tamen patria potestas concurrere potest cum ipso Clericatu, *ut in d. auth. Presbyteros, & Diaconos.* Quæres secundo an Monachus, seu Religiosus professus exeat de patriæ potestate?

Respondetur communiter quòd sic, quia Monachus, & Religiosus professus per votum obedientiæ transit in potestatem Abbatis, seu Superioris Religionis, etiam circa ea, quæ sunt iuris naturalis. Sin autem Pater ipse fiat Monachus, tunc nec habet amplius filios in potestate, quia cum Monachus dicatur mortuus mundo *l. De nobis C. de Episc. & Cleric.* perdit ea, quæ Iuris Ciuilibus sunt, nec dicitur capax eorum, quæ sunt Iuris naturalis, sine licentia sui superioris. Hinc dicitur Monachum non habere velle, nec nolle *c. 2. de testam. in 6.* & sic filius Patris effecti Monachi eo viuente potest sibi condere testamentum, & si pupillus est, debet ei dari tutor. *Bart. in l. Pater, ff. ad l. Iul. de adult.*

Quæres tertio an militia, & Doctoratus dignitas tollat ius patriæ potestatis.

Respondetur negatiuè. De militia loquitur textus noster. De doctoratu dicunt DD. communiter præcipuè Bald. *in l. si maritus C. de patr. potest.* Verum tamen est, quòd in rebus acquisitis ex militia, quæ dicuntur peculium castrense: & in rebus acquisitis ex doctoratu, quæ dicuntur peculium quasi castrense, filius habetur perinde ac si esset paterfamilias, cum de illis ad libitum disponere possit *l. 2. ff. ad S. C. Macedon. & §. ult. infr. de mil. test.*

Aduertendum autem est, quòd filius qui per dignitatem exit de potestate Patris, non perdit iura filiorum *d. §. illud auth. constitutio quæ de dignitatib.* & ita filij eius mortuo Auo reincident in ipsius

ipsius potestatem, ut ibi dicitur. Sic etiam remanet suus heres patri suo, quia lex, quæ cum favore induxit pro filio, noluit tollere suitatem, per regulam, id quod in favorem alicuius indutum est, non debet in eius odium retorqueri *l. quod favore C. de legib. & l. nulla ff. de legib.*

S. Si ab hostibus.

Quarto soluitur ius patriæ potestatis per captiuitatem; unde capti ab hostibus cum fiant serui, ut dicitur *hic*, non possunt esse in potestate parentum, nec habere alios in potestate.

Hostes intelliguntur illi, quibus Populus Romanus, idest hodie Populus Christianus publicè indixit bellum, vel qui indixerunt Populo Romano *l. hostes ff. de captiu.* prout hodie sunt Turcæ, & ceteri Infideles. Hæretici autem licet habeantur pro hostibus, tamen magis propriè dicuntur ciues rebelles, quia Christiani sunt, sed separati ab vnione Ecclesiæ Catholicæ. Item, piratæ, & latrones si sint Christiani non sunt hostes; & propterea capti ab his, vel ex his capti à nobis, non fiunt captiui, & serui, vel capti inter Christianos bellum inuicem gerentes.

Sin autem capti ab hostibus reuertantur, recuperant iure postliminij omne ius quod antea habebant, & ita etiam patriam potestatem, quia ius postliminij fingit eum, qui reuertitur ab hostibus, semper fuisse Ciuem Romanum, & nunquam fuisse extra Ciuitatem: non tamen si fuisset transfuga, ut in *l. i. ff. ad l. Iul. maieſt.* prout hodie si quis Christianus fieret Turca, & postea relicta infidelitate rediret ad Christianos, quia tunc non recuperaret iura Ciuitatis. Est etiam alia fictio, quæ dicitur legis Cornelie, quæ fingit eum, qui moritur apud hostes, fuisse mortuum in ipsa hora captiuitatis *l. retrogreditur, & l. post liminium ff. de captiu. l. lege Cornelia ff. de testam.* Dum autem manet quis in captiuitate, suspenduntur iura liberorum ex iure postliminij propter spem reuersionis.

Postliminium dictum est à limine, & post, quia captus, & deinde liberatus ab hostibus ad idem postea limen Imperij Romani reuertitur. Sic autem postliminium definitur, est ius amissæ rei recuperandæ, & in statum pristinum restituendæ *d. l. postliminium ff. de captiu.* Quod totum procedit per fictionem Iuris. Pro qua re intelligenda.

Notandum est, fictionem esse assumptionem factam à Iure pro veritate contra veritatem *l. si is, qui ff. de usucapion.* Datur etiam
præ-

præsumptio, quæ eodem modo definitur, sed differt à fictione, quia præsumptio cadit in re dubia: fictio verò in re certa. Hinc contra fictionem nulla admittitur probatio in contrarium: contra præsumptionem verò admittitur, nisi sit præsumptio Iuris, & de Iure, contra quam non admittitur probatio in contrarium, nisi per euidentiā. Duplex enim est præsumptio, alia Iuris tantum: alia Iuris, & de Iure. Iuris tantum est quando lex præsumit aliquid, non tamen statuit super præsumptione, sed relinquit illud in sua dubietate. Iuris, & de Iure est, quando lex non solum præsumit, sed statuit super præsumptione ut in c. litteris de præsumpt. gloss. in l. vnic. §. accedit, in verb. presumatur C. de rei uxor. act. & tradunt communiter DD. in d. l. si is, qui

Fictio autem triplex est, Inductiua, Priuatiua, & Translatiua. Prima est, per quam lex fingendo aliquid, quod verè non est, inducit ac si esset. Exemplum est in mortuo in acie, qui verè mortuus est, & tamen dicitur viuere per gloriam, ut habetur *infr. de excusat. tutor. in princ.* sic etiam in posthumo, qui verè non est natus, tamen habetur pro nato, quando agitur de illius utilitate, l. qui in utero ff. de stat. homin. Secunda est, per quam lex fingendo id, quod verè est, priuat ac si non esset. Exemplum est in deportato, qui licet verè sit viuus, lex tamen fingit esse mortuum ciuitati. Et in Monachis, qui cum verè vini sint, lex fingit esse mortuos, & ciuitati, & mundo l. quod attinet ff. de reg. iur. & l. Deo nobis C. de Episc. & Cleric. Tertia est, per quam lex id quod est, fingit alio modo ac est, veluti de persona ad personam, de re ad rem, de loco ad locum, & demum de tempore ad tempus. Tercio modo verificatur fictio postliminij. Quarto modo verificatur fictio legis Cornelie ut dicitur *hic in nostro textu.*

§. Præterea.

Quinto soluitur Ius patriæ potestatis per emancipationem, quæ nihil aliud est, quam paternæ potestatis relaxatio, ac dissolutio, & dicitur emancipatio quasi extra mancipium positio, quia antiquitus fiebat per quandam imaginariam venditionem, scilicet per æs, & libram de Iure Quiritum. De hoc ritu latè Boet. in 3. part. comment. in Topic. Cicer. Vnde pater, qui volebat liberare filium à patriæ potestate, ipsum extra mancipium ponebat, vendendo illum per dictam solemnitatem, & emptor faciebat ipsum seruum, & postea manumittebat eum ut seruum, eique succedebat, sicut Patronus liberto, nisi fuisset inter patrem, & ipsum emptorem.

con.

conuentum, vt ipse pater mortuo filio succederet; & tunc dicebatur manumissio contracta fiducia.

Sed hodie est sublata ista solemnitas, & sufficit coram Iudice competente filium liberare, vel filiam, vel nepotes; qui actus emancipationis debet redigi in instrumentum apud acta publica. *l. penult. & ibi gloss. C. de emancip. liberor.* & semper intelligitur cum clausula, *contracta fiducia*. scilicet vt pater succedat: imò hodie pater succederet ab intestato de Iure ciuili, *vt in auth. de hered. ab intest. venient.*

Hodie emancipatio non potest appellari manumissio, cum filius in seruilem causam non cadat: imò requiritur consensus ipsius filij emancipandi, vt dicitur in *§. fin. huius tit.*

Sciendum tamen est, quòd Pater non potest emancipare filium ad vnicum actum v. g. ad faciendum testamentum, quia patria potestas indiuisibilis est. Ita Bologn. in *d. l. si is, qui n. 206. ff. de usucap.* Nec obstat, quòd filius habens peculium castrense, vel quasi castrense quoad illud habeatur pro patre familias, & ita pro parte sit in potestate Patris, & pro parte non; quia Respondetur quòd hoc facit lex: sed non potest hoc facere Pater, qui est priuatus homo.

Præterea si filius impubes emancipetur, parens sit ei legitimus tutor, & hodie succedit ei etiam ab intestato.

Quæres an filius emancipatus, possit ob ingratitudinem reuocari in pristinam patriam potestatem.

Respondetur affirmatiuè, vt habetur in *l. unic. C. de ingratis liberis*.

§. Admonendi.

Parens habens filios, & nepotes, potest emancipare filios, & retinere nepotes in potestate, vel è contra, vel omnes emancipare.

§. Sed, & si Pater.

Sexto soluitur ius patriæ potestatis per traditionem filij in adoptionem Auo paterno, vel materno eiusdem filij, cum in isto casu transeat in potestatem patris adoptiui, vt supra diximus in *tit. de adoptionib.* & sic soluitur ius patriæ potestatis sui patris naturalis incommutabiliter, ita vt post mortem Aui non redeat amplius in illius potestatem. Cetera requisita ad hanc traditionem videtur in *textu hic*, qui clarus est, & in *eius gloss.*

S. Illud.

Si nepos est conceptus, cum pater eius erat in potestate Aui etiam si tempore natiuitatis pater eius sit emancipatus, tamen nascitur in potestate Aui: sed si est conceptus post emancipationem sui Patris, nascitur in potestate Patris. Et si filius transiuit in potestatem Patris adoptiui, & postea nepos conceptus sit, nascitur in potestate Patris adoptiui.

S. Fin.

Ex hoc textu colligitur quod liberi non possunt cogere parentes, ut ipsos emancipent, nec e contra, ut habet *gloss. hic in verb. penè in fin.* quia id, quod nostrum est, sine facto nostro à nobis auferri non potest. *Id quod nostrum ff. de reg. iur.* sic ius patriæ potestatis, & ius filiationis parentum, & liberorum est. imò in inuitum non confertur beneficium *l. inuito ff. de reg. iur.* sed emancipatio est beneficium, quia filius fit pater familias, ut in *S. hoc quoque infr. per quas person. nob. acquir.* ubi dicitur, quod emancipatio est honor, ideo non poterit emancipari inuitus.

Limitatur ista conclusio in illis casibus, in quibus potest quis exheredari, quia tunc potest compelli ad emancipationem. Et sunt quatuordecim casus, in quibus filius exheredari potest à patre: & octo, in quibus pater à filio, qui casus enumerantur in *auth. ut cum de appell. cognosc. §. aliud quoque capitulum, vers. causas autem, & §. siue igitur, vers. has autem.* Addunt DD quod filius rixosus potest inuitus emancipari, si ex lege statutoria pater teneretur soluere condemnationem pro filio. Ita Iacob. de Insul. in *l. quidam cum filio ff. de verb. obligat.* Addite etiam casus, in quibus filius potest cogere patrem, ut illum emancipet, qui enumerantur à *gloss. hic in d. verbo penè* Videte illam.

Quæres numquid filiusfamilias per contractum matrimonij exeat de patria potestate.

Respondetur negatiuè de Iure communi. Si verò adesset aliquod ius municipale, vel consuetudo in contrarium, exiret, ut seruari in Hispanijs testatur Couarruu. in *lib. 4. Decretal. part. 2. cap. 7. n. 13.* De filia verò est aliqua difficultas, quia vxor videtur esse sub potestate viri sui. Sed respondetur quod vxor est subdita viro solum quoad obsequia maritalia, & quoad acquisita ex operibus maritalibus: quò verò, ad cetera manet sub potestate Patris. Vn-

de secundum Ang. & alios D.D. in princ. infr. ad S. C. Tertyll. vi-
nente Patre, non potest filia condere testamentum ad tex. in l. qui
in potestate ff. de testam. Item nec donare causa mortis sine consen-
su Patris l. tam is §. 1. ff. de donat. caus. mort. Item quicquid acqui-
rit non ex rebus mariti, nec ex operibus maritalibus, ut quia
instituitur heres à consanguineo, vel ab extraneo, hoc Patri acqui-
rit quoad usum fructum, proprietas verò remanet filii §. 1. infr.
per quas pers. nub. acquir.

Est etiam alius modus soluendi ius patris potestatis, quem
ponit gloss. in l. nec filium. in verb. pena in fin. C. de patr. potest. &
refert Abb. in c. litteris n. 5. de consens. Infidel. videlicet quòd Pa-
ter denegans iniuste alimenta filio, amittit ius patris potestatis;
necare enim videtur non tam is, qui partem abijcit, quam qui
alimenta denegat l. necare. ff. de liber. agnoscend.

Præterea Pater contrahendo cum filio, vel dando ei legitimam
suam adhuc vivens, constituit filium in quasi possessione liberta-
tis, & dicitur factus sui iuris. Imò sufficit habitatio seorsim à
Patre, ut inquit Bald. in l. post mortem ff. de adoptionib. Sic, filius,
qui diu patrem familias se gesserit sciente Patre, & patiente, præ-
scribit ius patris potestatis ex tex. in l. 1. & ibi gloss. in verb. cum
diu C. de patr. potest. quæ explicat, diu, idest per decennium in-
ter præsentis, & viginti annos inter absentes, ad similitudinem
libertatis, quæ eodem tempore præscribitur. Videte d. gloss. &
iura per eam allegata.

Demum Hæretici eo ipso quòd sunt Hæretici de Iure Canoni-
co desinunt habere liberos in potestate c. 2. §. fin. de hæret. in 6. ex
eo quia sunt Ciues rebelles, & sic perdunt iura Ciuium Roma-
norum.

De Tutelis.

TIT. XIII.

Nunc Imperator prosequitur alteram partem diuisionis per-
sonarum positæ in tit. supr. de his, qui sunt sui, vel alieni iu-
ris; cum enim huc usque tractauerit de his, qui sunt alieni iuris,
incipit modò agere de his, qui sunt sui iuris. Hi autem sunt in
duplici differentia, aut enim sunt sub tutela, vel sub cura: aut
neutro iure tenentur. Agit Imperator de his, qui sunt sub tutela,
vel cura, quia his intellectis intelliguntur etiam qui neutro iure

tenentur, vt dicit *lex. hic in princ.* Quoniam autem persone prius indigent tutela, quam cura, ideo prius ponitur tit. de Tutelis.

S. Est autem

Ponitur in hoc tex. definitio tutelæ, quæ talis est. Tutela est vis, atque potestas in capite libero ad tuendum eum, qui propter ætatem se defendere nequit, iure Ciuili data, atque permiffa. Hoc idem habetur in l. 1. ff. eod. Quoniam verò perfectæ cognitio rei, ab intelligentia definitionis pendet, idcirco explicamus singula verba definitionis traditæ; definitio enim est oratio explicans essentiam rei, vt aliàs diximus.

Dicitur primo *vis, atque potestas*, non vt significetur violenta potestas, vt malè dixit *gloss. hic*, nec ex parte pupilli, cui etiam inuito datur tutor l. 2. ff. eod. nec respectu ipsius tutoris, qui si non habet legitimam exculpationem, tutelam subire compellitur, vt tot. tit. *infra. de excusat. tutor.* sed illud verbum, *vis*, accipitur pro iure, idest pro facultate, seu auctoritate, quam habet tutor, vt patet ex hoc §. in *vers. tutores*, ita vt eiusdem significationis sit hoc verbum, *vis*, cuius est *potestas*, & verbum, *potestas*, sit positum deinde ad explicandam magis efficaciam ipsorum verborum.

Dicitur, in *capite libero*, vt ostendatur quòd ista potestas, & facultas non competit seruis; seruus enim regulariter tutor esse non potest, nisi sub conditione, scilicet quando erit factus liber, vt habetur in tit. proximo. & in l. in *seruili C. qui dari tutor. & curat. poff.*

Dicitur, *ad tuendum*, vt excludatur patria potestas, quæ est ad regendum, & gubernandum: & etiam dominica potestas, quæ est ad imperandum, & pro libito disponendum.

Dicitur, *eum*, vt excludantur curatores; hi enim dantur ad tuenda bona principaliter, & minus principaliter ad tuendam personam: tutores verò dantur principaliter ad tuendam personam, & minus principaliter ad tuenda bona.

Dicitur, *qui propter ætatem se defendere nequit*, ad ostendendum quòd est differentia inter tutorem datum pupillo, & curatorem datum furioso; nam curator datur furioso ad tuendam personam, & bona propter defectum mentis: pupillo autem datur tutor ad tuendam eius personam, & etiam bona, quia propter ætatem se defendere nequit.

Dicitur, *iure ciuili*, ad differentiam tutelæ proprii corporis, quæ est de iure naturali, vt supra dictum est in tit. de *Iur. nat. gent.*

¶ *ciu. & ad differentiam tutela Ecclesiarum, quæ est de Iure Canonico.*

Dicitur, *data*, scilicet personæ: *atque permissa*, scilicet minus principaliter rebus. Seu *data*, quia quidam tutores dantur à lege, ut sunt tutores legitimi: *atque permissa*, quia quidam dantur à testatore, vel à Iudice permittente lege, ut sunt testamentarij, & datini, de quibus infr.

¶ Ponitur secundo loco in tex. quid sit tutor. Tutores autem sunt qui hanc vim, & potestatem exercent, ex qua re ipsi nomen acceperunt; appellantur enim tutores, quasi tuitores; idest defensores. Ex quo colligitur valere argumentum ab ethimologia ad ethimologatum, sed negatiue, non affirmatiue v. g. Titius non tuetur, ergo non est tutor, optima consequentia: affirmatiue non valet, ut Titius tuetur; ergo est tutor, falsa consequentia; dantur enim alij modi defensionis præter tutelam civilem. Sic etiam licet mutuum dicatur ex eo quod de meo sit tuum, quasi meum tuum: tamen argumentum negatiue valet, non affirmatiue; unde si dicas, de meo non sit tuum; ergo non est mutuum, optima consequentia: Si verò dicatur, de meo sit tuum; ergo est mutuum, consequentia non valet, quia potest etiam ex alio contrahere de mea fieri tua. DD. in l. 2. §. appellata ff. si cert. petat. & in l. 1. ff. de testam. Ab ethimologato autem ad ethimologiam valet argumentum affirmatiue, ut est tutor; ergo tuetur: non autem valet negatiue, ut non est tutor; ergo non tuetur. Sic in mutuo, nempe si dicatur, est mutuum; ergo de meo sit tuum, valet consequentia: secus autem si dicatur, non est mutuum; ergo de meo non sit tuum, consequentia non valet.

Si Permissum.

¶ Ad intelligentiã præmitto quod tutela multiplex est. Prima dicitur testamentaria, quæ datur in testamento ab eo, qui habet liberos in potestate. Secunda dicitur quasi testamentaria; quæ datur in testamento ab eo, cuius, qui, quæque non habet liberos in potestate. Tercia est legitima, quæ datur à lege. & hæc triplex est, agnatorum, patronorum, & parentum. Quarta est fiducia. Quinta est dativa, de quibus omnibus infr. dicetur. Sexta dicitur anomala, quam habet mater, & avia; ut in *auth. matri. & avia C. quando mul. offic. tut. fung. poss.* & dicitur anomala, idest irregularis, quia fœminæ regulariter non possunt esse tutrices.

¶ Noto modo singula verba textus.

Dicitur primo *permissum*, quia de rigore Iuris nemo potest dare tutorem in testamento liberis suis, cum disponat post mortem suam, quo tempore non habet liberos in potestate; & par est aliquid fieri tempore habili, sed conferri ad tempus inhabile, ac fieri tempore inhabili *l. quod sponse C. de donat. ant. nupt.*

Dicitur secundo *parentibus*, quia alij agnati, seu cognati non possunt dare tutores agnatis, & cognatis suis. Item quia non possunt solum patres dare filiis suis, sed etiam aui, & proavi nepotibus, & pronepotibus, qui tamen non sint recasuri in potestatem paternam post eorum mortem.

Dicitur tertio *liberis*, quia potest dari omnibus descendantibus; & etiam quia extraneis, idest non existentibus in potestate dari non potest.

Dicitur quarto *impuerberibus*, quia si sint puberes, non potest illis dari tutor, cum tutela finiatur pubertate, ut infr. dicitur.

Dicitur quinto *in potestate*, quia emancipatis non datur tutor: & si detur, debet confirmari à magistratu.

Dicitur sexto *testamento*, quod olim intelligebatur de testamento specificè sumpto, idest quod fit cum heredis institutione: sed hodie intelligitur latè de quacumque ultima voluntate, quia potest dari etiam in Codicillis.

S. Cum autem.

Pro intelligentia huius §. præmittere debemus, quod posthumus tripliciter sumitur, propriè, impropriè, & impropriissimè. Propriè dicitur qui nascitur post mortem eius, de cuius hereditate agitur, quasi post illius humationem, idest sepulturam. Impropriè dicitur qui nascitur post testamentum eius, de cuius hereditate agitur. Impropriissimè dicitur qui natus quidem est tempore testamenti viuo testatore, fit tamen suus heres testatori post testamentum conditum, ut est arrogatus, vel legitimatus post testamentum, vel cum nepos mortuo Patre post testamentum Aui fit suus heres eidem Auo. Ita DD. in rubr. ff. de liber. & posthum.

His præmissis noto ex textu quod posthumis cuiuscumque generis sint potest dari tutor, dum tamen isti si nascerentur, fuissent sui heredes testatori. Et est notandum quod licet dicatur in textu, sui heredes, & in potestate, non propterea ponuntur tanquam res distinctæ, ita ut possit esse suitas sine patria potestate: sed ponitur etiam in patria potestate ad maiorem declarationem, cum suitas non possit esse sine patria potestate §. sui autem infr. de hered. qual.

& differen. nisi patria potestas sit sublata per dignitatem; vt supra dictum est. Ratio autem quare posthumis possit dari tutor, est, quia cum agatur de eorum commodo, per fictionem Iuris inducitur etiam habentur pro natis *l. qui in utero ff. de statu homin. vt sup. diximus.*

S. Fin.

Si detur tutor à Patre in testamento filio emancipato, debet confirmari à Magistratu, sed sine inquisitione, quamvis si detur à matre, debeat confirmari cum inquisitione, quia debilius est iudicium foeminarum.

Qui testamento Tutores dari possunt.

T I T. X I V.

D Ictum est supra de his, qui possunt dare tutores in testamento, & de his, quibus dari potest. Superest videndum de personis, quæ possunt dari; vnde merito subnectitur præfens tit. ex cuius principio

Notandum est, quod quilibet ciuis Romanus potest dari tutor, etiam si sit filius familias, & potest esse tutor etiam sine consensu patris; quo casu Pater solum obligatur, quatenus sit in peculio filij: sed si Pater consenserit, tenetur in solidum *l. si filius familias ff. de tutor. & curatorib. l. Lucius Titius ff. de administr. & pericul. tutor. & curat.*

Sed dicet aliquis. Filiusfamilias non est capax eorum, quæ sunt publici Iuris *l. qui in potestate ff. de testam.* vnde cum tutela sit publicum munus, vt habetur *infr. de excusat. tutor. in princ. non videtur quod filiusfamilias possit esse tutor.*

Respondetur tamen quod filiusfamilias non est capax actione eorum, quæ sunt publici Iuris: passivè tamen est capax; & ita non potest instituere heredem, potest tamen institui: non potest dare tutorem, potest tamen dari, & similia.

Sed iterum instabit. Qui est in potestate vnius, alterum in potestate habere non potest *l. sic eveniet ff. ad l. Iul. de adult.* sed filius familias est in potestate patris §. 1. *supr. de patr. potest.* vnde cum tutela sit potestas in alium §. 1. *supr. tit. prox.* non poterit filius familias dari tutor.

Ref-

Respondetur quod in his, quæ sunt publici Iuris, patria potestas non attenditur: sed filius familias tunc habetur loco patris familias *l. filius familias ff. de his, qui sunt sui, vel alien. iur.* Quod adeo verum est, ut etiam si filius non possit vocare patrem suum in iudicium, nisi impetrata venia: tamen si est tutor; poterit sine venia vocare patrem suum in Iudicium tutorio nomine. Gloss. & Bart. in *l. fin. in princ. in verb. necessitate C. de bon. quæ liber. quemadmodum libertus tutor potest sine venia vocare patronum suum in Iudicium tutorio nomine, ut in L. quæsitum ff. de in Ius vocand.*

S. Sed, & servus.

Servus non potest dari tutor, ut sit tutor: potest tamen dari, ut postea liber factus sit tutor. Vnde servus proprius si datus sit tutor, intelligitur etiam ei data libertas directa, quia qui vult consequens, vult etiam eius necessarium antecedens *l. cui iurisdictio ff. de Iurisdict. omn. Iudic.* sed non potest esse tutor nisi sit liber *ad tex. in l. quod attinet ff. de reg. Iur.* ergo necessarius vult esse liberum.

Non idem dicendum est, si per errorem quasi liberum eundem habuerit, quia qui errat non consensit *l. si per errorem ff. de iurisdict. omn. Iudic.*

S. Servus autem.

Si servus alienus datus est tutor simpliciter, datio nulla est, nisi detur sub conditione, id est si erit factus liber; & tunc dicitur dari illi fideicommissaria libertas, quia alieno servo non potest dare libertatem directam, nisi proprius Dominus. Fideicommissaria autem libertas dicitur, quando testator mandat, ut alter de servo libertatem: directa verò dicitur, quando ipse testator dat. Proprius autem servus datus tutor sub tali conditione, id est si erit liber, non erit tutor, ex quo cum esset in potestate testatoris dare illi libertatem, & hoc non fecit, volendo eum esse tutorem, qui sine libertate esse nequit, resultat quædam perplexitas in eius voluntate, quæ est contra naturam ultimæ voluntatis; quod enim in nostra potestate est, id non debet in casum conferri, ut inquit Theophilus *hic*.

S. Furiosus.

Furiosus non potest dari tutor, nisi fuerit factus sanæ mentis
Item

Item minor vigintiquinque annis non potest dari tutor, nisi fuerit factus maior, idest non poterit administrare, quia poterit dari, sed tunc erit tutor, cum maior factus fuerit. Romæ autem sufficit ætas viginti annorum; nam disponitur per statutum Urbis *lib. 1. cap. de maioribus*, quod in his casibus, in quibus de iure communi requiritur ætas vigintiquinque annorum, sufficiat Romæ ætas viginti,

S. Ad certum.

Tutor potest dari ad tempus, ex tempore, & sub conditione. Ad tempus, ut usque ad decimum ætatis annum pupilli. Ex tempore, ut à decimo anno. Sub conditione, ut si Titius Consul factus fuerit. &c. Nec obstat quod in *l. actus legitimi ff. de reg. iur.* dicatur quod actus legitimi non recipiunt diem, neque conditionem, inter quos actus legitimos, quos ibi textus enumerat, ponitur etiam tutoris datio. Quia respondetur quod ille text. loquitur de tutela dativa, non de testamentaria, de qua loquitur textus noster. Et ratio quare possit hoc modo dari tutor in testamento, non autem à Iudice, est quia si dat Iudex ad tempus, ex tempore, vel sub conditione, non est alius, qui possit supplere illi defectui: si verò hoc modo dat testator, est alius, nempe Iudex, qui supplet illi tempori, vel conditioni, dando alium tutorem quousque tempus illud aduenerit, vel conditio extiterit.

S. Certa autem.

Non potest dari tutor certæ rei, vel certæ causæ, quia tutor datur principaliter personæ, & solum consequutiue datur rei, vel causæ, quibus propriè curator dari dicitur, cum curator principaliter detur rebus, ut supra diximus.

S. Fin.

Noto ex testu quod si quis dederit tutorem filijs suis, intelligitur etiam dedisse filijs posthumis nascituris, vel post mortem suam, vel post testamentum confectum, & ita etiam futuris suis quoquo modo; quia filiorum appellatione veniunt etiam posthumi. Et si quis filijs suis dederit tutorem sub genere masculino, etiam filiabus datus intelligitur, quia masculinum concipit femininum *l. 1. ff. de verb. signif. & ibi gloss. in verb. verbum: non*

ta-

tamen è contra, vt eadem gloss. in fin. Sed si quis dixerit, filijs meis do tutorem, non intelligitur datus nepotibus, quia filij non sunt nepotes: secus si dixerit liberis, quia liberorum appellatione, veniunt etiam nepotes l. liberorum ff. de verb. signif. Nec obstat quòd in l. filij appellatione ff. de verb. signif. dicatur quòd filij appellatione venit nepos: Quia responderetur quòd filij appellatione venit nepos ex lata interpretatione, vel solùm ex quadam pietate parentum, qui omnes suos descendentes solent appellare filios suos: non autem veniunt ex propria significatione, vt dicitur in d. l. liberorum in fin. Hodie autem appellatione nepotum veniunt etiam filij fratrum ex vulgari sermone, & ex communi modo loquendi hominum.

Et hæc quoad testamentariam tutelam.

Quasi testamentaria tutela est, quæ datur in testamento ab eo, eaue, qui, quæuè non habet liberos in potestate, vt supradiximus, puta quæ datur à Patre filio emancipato, vel quæ datur à Matre.

De Legitima Agnatorum Tutela.

TIT. XV.

P Ost tutelam testamentariam, & quasi testamentariam, sequitur legitima, quæ triplex est, vt diximus, Agnatorum, Patronorum, & Parentum. Quoniam autem antiquior est tutela Agnatorum, quæ venit ex verbis expressis legum duodecim tabularum, meritò ponitur primò præfens titulus, qui tamen hodie est correctus, cum non solùm agnati, sed etiam cognati admittantur ad tutelam iuxta gradus prærogatiuam, vt qui proximior est in gradu sit tutor; hodie enim tutela deferitur iure successionis, & cum ab intestato vocentur hodie tam agnati, quàm cognati, vt in auth. de hered. ab intest. venient. §. si quis igitur defunctus, eodem modo vocantur ad tutelam, vt ibi dicitur, nisi pupillus habeat matrem, quia mater præfertur legitimis tutoribus, dum tamen renunciet secundis nuptijs & S. C. Velleiano auth. matri, & Aulia C. quand. mul. offic. tutel. fungi poss. Vnde si iterum nubat, tutelam amittit.

S. Sunt autem, cum S. seq.


Cognatio est ius sanguinis, unde descendentes omnes ex vno stirpe sunt cognati, quasi connati, idest simul nati, hoc est ex eodem sanguine nati. Agnatio autem est cognatio procedens ex masculino sexu conseruans familiam. Cognatio verò ex foemino sexu procedens non dicitur agnatio, sed simpliciter cognatio. Vnde valet consequentia; est agnatus, ergo cognatus: non tamen valet è contra, cognatus est; ergo agnatus; quia agnatio est iuris ciuilis inuentum, & ius additum cognationi. Sic filius fratris est agnatus & cognatus, quia est de eadem familia: sed filius sororis est solum cognatus, quia est de eodem sanguine, non tamen est agnatus, quia est de alia familia, nempe patris sui. In successioneibus autem ab intestato, & tutelis hodiè est sublata omnis differentia agnationis, & cognationis, vt diximus.

S. Quòd autem

Quamuis regulariter intestatus dicatur is, qui testamentum non fecit, vel si fecit illud tamen est nullum, vel irritum, vel ruptum, tamen dicitur in hoc proposito etiam intestatus decedere, parens, qui nihil de tutela disposuit, vel si disposuit, tamen vel tutor mortuus est viuo testatore, vel aliàs non habuit effectum; & propterea in omnibus istis casibus deficiente testamento, vel quasi testamento ad tutorem legitimum deueniendum est.

S. Fin.

Habetur ex hoc textu, quod agnatio tollitur per quamlibet capitis diminutionem, quia est iuris ciuilis inuentum, & ita contrario iuris ciuilis inuento tolli potest iuxta textum in *l. nihil la prima ff. de reg. iur.* vbi dicitur, *nihil tam naturale est, quàm unumquodque eo genere vinculi dissolui, quo ligatur.* Cognatio autem non tollitur, quia iura sanguinis nullo contrario iure tolli possunt *l. iura sanguinis ff. de reg. iur.* effectus tamen cognationis tolli possunt, & tolluntur per maximam & mediam capitis diminutionem. Sic tollitur ius successionis, & tutelæ. Quod vt intelligatur, sequitur



De Capitis Diminutione .

T I T. X V I.

C Aput hic accipitur ciuilliter . Sic in *C. habetur titulus , de capitatione censibus eximend.*

Capitis diminutio est prioris status commutatio , quæ tribus modis contingere potest ; quoniam aut est maxima , aut minor , seu media , aut minima .

S. Maxima , cum S. seq.

De maxima , & media diximus *supr. in S. cum autem quib. mod. ius patr. pot. solu.*

S. Minima .

Minima verò capitis diminutio est , quando retinetur ciuitas , & libertas , tamen mutatur status , quod accidit filiisfamilias , qui emancipantur , vel patribusfamilias , qui arrogantur , cum illi fiant sui iuris , & isti cum sint sui iuris , fiant alieni iuris , & ita mutant statum .

S. Seruus autem .

Seruus autem manumissus non dicitur capite minui , quia priuatio supponit habitum : sed in seruo non fuit habitus capitis , quia serui de Iure ciuili habentur pro nullis *l. quod attinet , & l. seruitutem ff. de reg. iur. & incipit seruus habere caput , cum manu mittitur ; vnde nil mirum , si non dicitur capite minui .*

S. Quibus autem .

Dignitate moti non dicuntur capite minui , quia dignitas non est status , de quo loquimur :

S. Quod autem .

Ius cognationis soluitur per maximam , & mediam capitis di-

minutionem : non verò per minimam, vt diximus in §. *fin. tit. preced.*

§. *Fin.*

Tutela defertur ad agnatos gradatim, sicut successio, vt qui proximiores sunt in gradu, præferantur, vt diximus in *princ. eiusdem tit. preced.*

De Legitima Patronorum Tutela.

T I T. X V I I.

Visum est de legitima agnatorum tutela, quæ venit ex verbis expresse legum duodecim tabularum. Verum quia est alia legitima tutela, quæ venit per interpretationem ex mente earundem legum, quæ dicitur patronorum, meritò ponitur hic titulus, post quem ponitur alter titulus de legitima parentum tutela, quæ neque venit ex verbis, neque ex mente legis, sed solum ex similitudine casus. Pro qua re intelligenda,

Sciendum est, quod in iure aliud est declarare, aliud interpretari. Declaratio fit quando adsunt verba legis in aliquo casu, sed verba sunt obscura, ex eo quia non exprimitur mens, seu ratio legis; vnde verba illa indigent declaratione. Interpretatio fit, quando non sunt verba legis in aliquo casu, est tamen eadem ratio cum alio casu expresso per verba legis; & tunc dicitur esse ex mente legis, & fit interpretatio intensiua. Sic dicitur vbi militat eadem ratio militat eadem iuris dispositio *l. illud ff. ad l. Aquil.* Si verò in aliquo casu non adsunt verba legis, nec est identitas rationis, sed solum quædam similitudo casus, tunc fit interpretatio extensiua, & dicitur extensio legis *l. non possunt ff. de legib.* vbi dicitur, non possunt omnes casus in iure decidi: sed vbi non est decisus, de similibus ad similia procedendum est.

Hoc posito. legitima agnatorum tutela est inducta à legibus duodecim tabularum per verba expressa, scilicet, quibus testamento tutor datus non est, agnati tutores sunt, quæ tamen verba indigent declaratione, ex eo quia mens, seu ratio legis non exprimitur; vnde declaratio fit assignando rationem, quæ ratio est, quia si pupilli morerentur, agnati succederent; ergo ipsi sint tutores, quia vbi est commodum successionis, ibi debet esse incommodum tutelæ, per regulam, qui sentit commodum, debet sentire in-

com-

inmodum, & c. contra l. secundum naturam. ff. de reg. iur. c. qui sentit, de reg. iur. in 6.

Sumitur mens legis in patronis, & ita fit interpretatio intensiva, videlicet si morerentur pupilli manumissi, succederet patronus; ergo patronus fiat tutor per identitatem rationis; quamvis hoc non procederet in patrona, quia ipsa succederet quidem, non tamen esset tutrix, quia femina non possunt esse tutrices; nisi Mater, & Aua filiorum, & nepotum suorum, si tamen renunciauerint secundis nuptijs, & S. C. Velleiano, quod prohibet ipsas obligari *auth. matri, & aua C. quand. mul. offic. tutel. fung. poss. vt supra diximus*. Imò Mater, & Aua præferuntur omnibus tutoribus legitimis, nisi testator prohibuerit ipsas esse tutrices.

De Legitima Parentum Tutela.

T I T. X V I I I.

EX Similitudine casus procedit tutela parentum, quia parens, qui emancpauerat filium suum de Iure Quiritum, idest per æs, & libram &c. ei non succedebat, sed succedebat extraneus manumissor, & ita deficiebat mens, seu ratio legis. Verùm similitudo erat, quod sicut patronus, qui manumisit seruum suum pupillum, fieret eius tutor: ita parens, qui emancpauit filium suum pupillum, fieri debeat eius tutor non considerando modum manumissionis, seu emancipationis: sed solum ipsum actum.

Hodie hæc tutela non est amplius legitima, sed est effecta noua legitima, quia ex noua constitutione Iustiniani Pater succedit filio emancipato, *vt in auth. de hered. ab intest. venient*. Et quod ex nouis legibus prouenit, legitimum nouum nuncupatur §. 1. *infr. de S. C. Orphician.*

De Fiduciaria Tutela.

T I T. X I X.

Fiduciaria tutela contingebat in duobus casibus.

Primus est, quando parens habens plures filios maiores, & vnum pupillum, emancpabat pupillum, & fiebat eius legitimus tutor. Mortuo patre, frater maior non poterat esse sui fratris

tris pupilli legitimus tutor agnatus, quia emancipatio agnationem subtraheret: nec etiam legitimus tutor patronus, quia ipsum non manumiserat: nec minus legitimus tutor parens, quia ipsum non emancipauerat: tamen propter illam coniunctionem sanguinis lex confidebat de illo, & vocabat ipsum ad tutelam, & dicebatur tutor fiduciarius.

Alter casus est: Si pater habebat filium suum in potestate, & nepotem pupillum ex eo emancipauerat, fiebat eius legitimus tutor; sed ipso auctore mortuo, tunc pater pupilli fiebat tutor illius: sed non poterat esse legitimus tutor agnatus, nec legitimus tutor patronus, nec legitimus tutor parens, ob rationem supradictam: tamen fiebat tutor fiduciarius propter illam maximam sanguinis coniunctionem.

S. At qui patrono?

Ex hoc textu quaeritur, quare mortuo patrono legitimo tutore liberti sui pupilli, filij eiusdem patroni fiant etiam legitimi tutores eiusdem liberti pupilli: non autem pater mortuo auctore fiat legitimus tutor filij sui pupilli: vel frater mortuo patre fiat legitimus tutor fratris sui pupilli, sed solum fiant tutores fiduciarij, ut supra diximus.

Respondetur rationem esse, quia filij illius patroni defuncti iure hereditario habuissent illum seruum pupillum in potestate, & dominio, si à patrono non fuisset manumissus, & ideo iure hereditario continuent eandem legitimam tutelam. Pater verò recepit filium suum in potestate post mortem Auctoris non iure hereditario, sed proprio iure, quia Pater est. & frater pupillus mortuo Patre non reincidentem in potestatem sui fratris maioris, sed fuisset effectus sui iuris; & ideo neque pater, neque frater in casibus propositis fuissent effecti tutores legitimi, sed solum fiduciarij.

Hodie tamen non est amplius fiduciaria, sed est effecta noua legitima, cum tam pater filio emancipato ab Auctore, quam fratres fratri emancipato à patre succedant de Iure Ciuili, ex noua constitutione in d. *auth. de heredib. ab intest. venientib.* & ita debet esse tutela legitima, seu noua legitima.

S. Fin.

Circa ætatem requisitam in tutore, & curatore diximus in §. *furiosus. supra. qui testam. tutor. dar. poss.*

De

*De Attiliano Tutore, & eo, qui ex lege Iulia,
& Titia dabatur.*

T I T. X X.

Dictum est de testamentaria, & quasi testamentaria, de legitima, & fiduciaria tutela, sequitur de dativa, quoniam prædictis cessantibus debent agnati, & cognati ipsius pupilli, vel mater, & avia accedere ad Magistratum, & petere tutorem pupillis suis, alias priuantur eorum successione *S. penult. infr. de S. C. Tertullian.* Mater autem non potest esse tutrix, quando testator prohibuit eam esse tutricem; quod intelligitur de quocunque alio prohibito à testatore, ut dicunt DD. communiter.

S. Sed & si in testamento

Petitur etiam tutor à Magistratu casu quo testamento datus sit, sed sub conditione, aut ex certa die, ne interim pupillus sit destitutus defensore: sed postea existente conditione, aut die, deficit dativus, & incipit testamentarius. Item petitur existente etiam testamentario, ad actum aditionis hereditatis, quia hereditate adhuc non adita quæ scripta sunt in testamento non habent effectum *l. si nemo la 1. ff. de testament. tutel. & l. si nemo ff. de reg. iur.* & tunc alius dandus est tutor à Magistratu, qui si pupillus sit infans, ipse tutor datus nomine pupilli adibit: si vero sit maior infante, & tunc adibit pupillus auctoritate illius tutoris dati *l. si infanti C. de iur. de lib.* Qua hereditate adita dativus cessat, & testamentarius incipit post decretam administrationem.

S. Ab hostibus.

Item si tutor testamentarius, vel legitimus sit captus ab hostibus, quia tutor non est, ex quo servus est *ad tex. in l. 3. in fin. ff. de verb. signific. S. si ab hostibus, infr. quib. mod. tutel. finit.* alius petendus est à Magistratu, & dandus, qui reuerso testamentario, vel legitimo, desinit esse tutor, quia illi iure postliminij tutelam recipiunt.

S. Sed ex his, cum ceteris SS. seqq.

Cum Consules ceperunt dare tutores ex inquisitione, & deinde Prætores ex constitutionibus Principum, desierunt dari tutores ex l. Attilia, & Iulia, & Titia; vnde hodie non est amplius Tutor Attilianus, Iulianus, & Titianus, sed Iustinianus, quia Iustinianus nouissimè disposuit, quòd si facultates pupilli non excedant quingentos solidos, seu aureos, vt habet Theophilus, possint Defensores Ciuitatum cum præsentia Episcopi dare tutores, sine iussu Præsidentum: si verò excedant, non possunt dare nisi præcedente iussu Præsidentum. Et hoc seruatur in Prouincijs, Romæ verò dat Præfectus Vrbi, in cuius locum successit Gubernator, & Prætor Urbanus, in cuius locum successit Senator, vt inquit Grauat. in addition. ad Vestrium in tit. de Gubernatore, & de Senatore Vrbi.

In §. fin. dicitur quod tutela æquitate naturali inducta est, quæ finita debet reddi ratio administrationis.

De Auctoritate Tutorum.

TIT. XXI.

Quoniam Tutores, de quibus dictum est, in actibus pupillorum, debent interponere auctoritatem, ideo sequitur præsens tit.

Interponere auctoritatem est fieri auctor actus, qui geritur, quod contingit in superiore vnde Magistratus, tutor, ac parens auctoritatem interponunt. ceteri dicuntur præstare consensum; sed pater interponit aliquando iussum ad habilitandum filium ad aliquem actum, vt ad adeundam hereditatem illi relictam, sicut etiam Dominus respectu serui l. si quis mihi §. iussum ff. de acquir. heredit.

Discrimen autem est inter auctoritatem, iussum, consensum, & ratihabitionem; quia iussum præcedere debet, vt in princ. supr. de nupt. auctoritas debet in ipso actu interponi per verba denotantia auctoritatem, vt auctoritatem præsto, auctore &c. probatur in §. tutor infr. eod. & dicitur in d. §. iussum. consensus potest præcedere, potest in ipso actu interponi, & potest sequi, vt patet; ratihabitione, semper debet sequi c. ratihabitionem de reg. iur. in 6.

Aucto-

Auctoritas tutoris necessaria est pupillis in illis actibus, in quibus possunt facere deteriores suam conditionem, quia possunt quidem ipsi facere meliorem suam conditionem sine auctoritate tutoris: non tamen possunt facere deteriores; & propterea contrahentes sine tutoris auctoritate non obligantur: sed alij cum eis contrahentes obligantur. Sed si tutoris auctoritas intercedat, pupilli obligantur; quod si conditio eorum facta sit deterior, habent postea regressum contra tutorem per actionem tutelæ directam.

Quæres numquid pupilli sine auctoritate tutoris contrahentes obligentur saltem naturaliter?

Respondetur quod si sunt infantes, id est minores septennio, nullo modo obligantur, quia nullum habent consensum *l. in negotijs ff. de reg. iur.* Si verò sint maiores infante, obligantur naturaliter, nisi lex natiuitatem obligationis impediatur, ut si dixerit lex quod nullo modo obligentur, quia licet lex non possit tollere naturalem obligationem inductam, potest tamen per prohibitionem impedire ne nascatur, id est ne producat exceptionem, quæ est effectus ipsius obligationis naturalis, quæ in iure considerabilis est. Ita Tornell. in *l. Gallus ff. de liber. & posth. v. g.* si pupillus sine interuentu tutoris promittit Titio decem, certum est quod Titius non potest agere ad ista decem sibi promissa: sed si pupillus de facto sine auctoritate tutoris illa soluat, & deinde tutor pupilli nomine illa repetat à Titio, non poterit Titius se tueri exceptione, dicendo non teneor restituere, quia licet non potuissim cogere te ad soluendum, tamen tu soluendo fecisti quod debebas, nam illa decem mihi promissisti, & nihil est tam naturale, quam promissa seruari. Non habet Titius, inquam, hanc exceptionem, quæ oritur ex obligatione naturali, nisi lex impediatur hunc effectum, prout impeditur in isto casu favore pupillorum. Unde certa est conclusio quod contractus factus cum pupillo sine tutoris auctoritate est nullus, si ipse petat declarari nullum. Ita Gonzal. super 8. reg. Cancell. gloss. 56. n. 90. & seqq. qui idem firmat in Ecclesia, si contrahat sine auctoritate Superioris.

S. Neque tamen.

Pupillus sine auctoritate tutoris non potest adire hereditatem; nec petere bonorum possessionem, quæ dicitur hereditas prætoria, neque fideicommissum accipere. Primo quia potest facere deteriores suam conditionem, cum plura incommoda soleant latere


in hereditatibus . Secundo quia obligaretur ; nam heres aduendo dicitur quasi contrahere cum creditoribus hereditarijs , & ita obligari ad legata , & ad fideicommissa , & ad cetera onera hereditaria §. *heres infr. de obligat. que ex quasi. contract. nasc.* Sed verior , & vniuersalior assertur ratio , scilicet quia pupillus in tota pupillari ætate non intelligit actum additionis , quem heres intelligere debet *l. pupillus ff. de acquir. hered. & propterea etiam si hereditas esset lucrosa , & opulenta , per hanc rationem nec ipsam potest adire pupillus sine auctoritate tutoris . Pro quo est aduertendum , quod licet in littera Iustiniani legatur , quamuis illis lucrosa sit , ne vllum damnum habeant : tamen in littera Theophili legitur , quamuis illis lucrosa sit , nec vllum damnum habeat . & sic nec opulentam potest adire sine tutore ex prædicta ratione . & hanc litteram Theophili sequitur Anton. Augustinus lib. 3. emendat. *Iur. cap. 7.* Vnde valet illa ratio , scilicet quia pupillus non intelligit actum additionis , quem heres intelligere debet , *ut in d. l. pupillus , & l. præcedent.**

§. Tutor .

Auctoritas debet interponi à tutore in ipso actu , cum interponere auctoritatem sit fieri auctor illius actus , qui geritur : tamen incontinenti interposita sufficit per regulam , quæ incontinenti sunt , censentur inesse *l. lecta ff. si cert. petat.*

§. Fin.

Noto quod si inter tutorem , & pupillum lis moueatur , non datur prætorius tutor , vt olim , sed datur curator ad illam litem . Hodie tamen hic textus est correctus , quia nullus debitor , vel creditor pupilli potest esse eius tutor , vel curator , *ut in auth. ubi hi , qui se obligat. habet. perhibent res minor.* Limitatur hoc , quando esset tutor testamentarius , vel debitor , aut creditor in modica summa : vel si superueniat causa litis post tutelam susceptam , quia tunc non remouetur tutor , sed procedit dispositio huius textus . Bart. in *d. auth.* Et propterea mater si habeat litem cum pupillo , non remouetur à tutela , sed datur illi adiunctus , vt communiter dicunt DD.



Quibus modis Tutela finitur.

TIT. XXII.

Visum est de omnibus speciebus tutelarum. Verum quia quæcunque illa sit, necesse est finire, merito ponitur præsens titulus.

Primo itaque finitur tutela pubertate. quando autem diceretur pubertas, erant tres opiniones. Prima erat Proculcorum; qui volebant ut finiretur in decimo quarto anno completo in masculis, & in duodecimo completo in fœminis. Secunda erat Cassianorum, qui volebant ut inspiceretur habitudo corporum. Tertia erat Priscianorum, qui verumque requirebant. Ita Ulpianus in *fragm. tit. de tutel.* sed Iustinianus reprobans impudicam inspectionem corporum, dicens hoc esse indignum castitate suorum temporum, sequitur Proculcorum sententiam, & ita finitur hodie in masculis in decimoquarto anno completo, in fœminis in duodecimo.

Sed si quis antea fiat pubes, quod probatur ex potentia coeundi, idest generandi, seu concipiendi, cum effectu subsequuto, tunc antea etiam finitur tutela *c. puberes, & ibi gloss. in verb. generare, de desponsat. inpub.* quia tunc malitia supplet ætati. Fœmina autem citius pubescit quam masculus, quia citius perficitur, ut inquit Bart. in *l. omnes C. de his, qui ven. ætat. impetran.*

§. Item finitur.

Secundo finitur tutela ante pubertatem, si pupillus fuerit arrogatus, quia cum transeat in potestatem arrogatoris, non indiget amplius tutore.

Tertio finitur si pupillus fuerit deportatus. Sed quæres, quomodo pupillus potest deportari, si non potest delinquere, & poena non potest esse, ubi non est delictum *l. sancimus C. de pœnis*. Respondetur quod aut pupillus est infans, & nullo modo potest puniri, quia nullo modo potest delinquere, cum non habeat consensum: aut est maior infans, & tunc cum habeat aliquem consensum, potest delinquere: tamen si non est doli capax, non punitur *l. in negotijs ff. de reg. iur.* Vnde inquit Iul. Clar. in *sua praxi, criminal. §. fin. quasi. 60. in princ.* quod ut pupillus puniri possit, tria concurrere debent. Primo quod delictum sit in commit-

tendo, non in omittendo. Secundo quod sit *doli capax*, idest quod habeat animi iudicium ad distinguendum bonum, & malum. Tercio quod sit proximus pubertati, idest masculus excedat decimum annum cum dimidio, & foemina nonum cum dimidio. Gloss. communiter approbata in *S. in summa, infr. de obligat. que ex delict. nasc.* Nunquam tamen potest pupillus puniri poena, qua puniretur maior. Et statutum Urbis lib. 2. cap. 79. disponit quod si minor annis decem cum dimidio delinquat, ad nullam poenam teneatur: si ultra usque ad decimum quartum annum, teneatur ad medietatem poenae, qua tenentur maiores: & ex delicto capitali, puniatur usque ad tricentos aureos.

Quarto finitur si pupillus fuerit redactus in servitutem propter ingratitudinem. Quod si dicas quomodo pupillus potest redigi in servitutem propter ingratitudinem, si propter ingratitudinem non potest exheredari, ut inquit gloss. in *S. aliud quoque in verb. debitis auth. ut cum de appell. cognosc.* Respondetur esse diversam rationem; nam non potest exheredari, quia privaretur bonis sibi de iure naturae debitis, cum iure naturali successio deferatur liberis *can. Ius naturale 1. dist. 1. cum ratio ff. de bon. damnat.* Sed exercitium libertatis per manumissionem concessum est beneficium patroni, & ideo si est ingratus, bene potest reuocari.

Quinto finitur si pupillus sit captus ab hostibus, quia sit servus; *l. 3. ff. de verb. signif. & S. si ab hostibus supr. quib. mod. ius patr. potest. solu.* qui autem servus est, non potest esse sub tutela civis Romani. Cura autem adulti capti ab hostibus non finitur, quia cura principaliter datur bonis, quae remanent in ciuitate sine Domino; unde magis indigent curatore.

S. Sed, & si usque.

Sexto finitur, si datus fuerit tutor usque ad certam conditionem in testamento, & conditio extiterit, quia limitata causa limitatum producit effectum.

S. Simili modo.

Septimo finitur morte vel pupillorum, vel tutorum. Neque obstat quod hoc sit indubitabile, & lex debeat esse de casu dubitabili *l. quod Labeo ff. de Carbon. edict. & ibi gloss. in verb. de eo.* Quia Respondetur, quod erat dubium de hoc, cum legitima patronorum tutela non finiatur morte patroni, sed transeat ad illius here-

heredes, ut diximus *supr. de fiduciar. tutel. §. atqui patrono*,

§. Sed, & capitis

Octavo finitur per maximam, & mediam capitis diminutionem tutoris: per minimam verò non finitur, nisi legitima, sed hodie nec ista finitur, quia remanet cognatio, & cognatus potest esse tutor, ut diximus *supr. de legitim. agnat. tutel. §. sunt autem*. sed melius dicamus quòd finitur legitima, & noua legitima inducitur, quia sublata agnatione per minimam capitis diminutionem, remanet cognatio, & cognatus hodie potest esse tutor ex noua dispositione Iustiniani, ut supra diximus.

§. Præterea

Nono finitur, si fuerit datus tutor in testamento ad certum tempus, & tempus extiterit.

§. Fin.

Decimo finitur per excusationem perpetuam, vel per remotionem suspecti, de quibus infra.

De Curatoribus.

TIT. XXIII.

Vidimus quibus modis tutela finiatur. Verùm quia ea finita incipit cura, meritò sequitur tit. de Curatoribus.

Curatores autem dantur ad gerenda negotia illorum, qui propter ætatem, morbum, aliamuè causam negotia sua gerere nequeunt.

Curator autem datur puberi usque ad vigesimum quintum ætatis annum, quia licet possit suam personam tueri, non tamen dicitur habere tale iudicium, ut bona sua conseruet. Et ratio est quia cum Iuuenis speret diù viuere, sperat etiam multa acquirere, unde iam acquisita facilliter dissipat: è contra verò senes quia tenent se citò morituros, desperant posse amplius acquirere, & ideo sunt tenaces. Romæ autem usque ad vigesimum annum durat cura, quia ex statuto Urbis maiores viginti pro maioribus vi-

gintiquinq; reputantur , vt supra diximus .

Quæres quare citius fœmina exeat à tutela , quàm mafculus , non tamen citius exeat à cura ?

Refpondetur quia tutela datur ratione impubertatis : fed cura ratione defectus iudicij fœmina autem licet citius pubefcat , quàm mafculus , non tamen citius acquirit iudicium , quia debilius eft iudicium fœminarum ; vnde olim fœminæ femper erant fub curatore quouſque viuerent vt teftatur Boet. lib. 2. in Topic. Cicer.

S. Dantur autem , cum omnibus §§. feqq.

Curatores dantur ab eifdem Magiftratibus , à quibus dantur tutores . Dati autem in teftamento funt confirmandi decreto Magiftratus . Legitimi curatores folùm funt furioſorum , & prodigorum . In ceteris funt datui . Nec dantur inuitis , nili ad litem , fiuè agant , fiuè conueniantur , ſecundum Aretinum hic ; quia minores non habent legitimam perſonam exiſtendi in iudicio l. clarum ff. de auſtor. præſt. Potelt etiam dari ad certam cauſam , quæ patit litem ; cauſa enim eſt origo negotij , & litis c. forus de verb. ſignif. Datur etiam curator perpetuo morbo laborantibus , mente capris , ſurdis & mutis , bonis capri ab hoſtibus , bonis vacantibus . Item datur ventri , quouſque mulier pepererit . Item aliquando datur pupillo , vt ſi tutor non ſit idoneus , nec tamen fraude adminiſtret , quia tunc remoueretur . Datur etiam curator habenti patrem , qui latitat , & agitur de recuperandis bonis à Patre alienatis iuxta communem DD. opinionem .

De Satisfactione Tutorum , vel Curatorum .

T I T. X X I V.

QVoniam tutores , & curatores , de quibus dictum eſt , tenentur aliquando ſatiſdare rem pupilli , vel adulti ſaluam fore , ne habeant occaſionem minuendi , & diſſipandi eorum patrimonium , meritò ponitur præſens titulus . Præterea tenentur etiam cauere , vtilia facere , & inutilia prætermittere .

Satiſdare eſt ſecurum aliquem facere datis fideiuſſoribus l. 1. ff. qui ſatiſdare cogantur . Cauere eſt promittere cum obligatione bonorum ; & ſi iuramentum interueniat , iuratoria cautio nuncupatur . Qui autem ſolùm cauere tenentur , non tenentur dare fide-

fideiussores, aut pignora *l. sancimus C. de verb. signif.*

Satisfacere tenentur tutores, vel curatores legitimi, & dati sine inquisitione: testamentarii verò, & dati ex inquisitione non tenentur, quia eorum fides à testatore, vel à Iudice iam fuit approbata.

§. Sed si ex testamento.

Si plures sint tutores dati tam ex testamento, quàm ex inquisitione, potest vnus offerre satisfactionem, vt solus administret; & si nemo id faciat, debent vnum eligere, qui gerat; & electus à maiori parte geret, quia quod à maiori parte fit, ab omnibus fieri dicitur *l. quod maior ff. ad municipal.* Nec obstat *tex. in l. per fundum ff. de seruitut. rustic. præd.* vbi factum à maiori parte non dicitur factum ab omnibus. Quia Respondetur illud procedere in eo quod est commune pluribus vt singuli sunt; vt in prædio empto à pluribus, in quo non potest imponi seruitus, nisi omnibus Dominis consentientibus: non autem in eo, quod est commune pluribus, vt vniuersitas est, prout in casu nostro, in quo cum omnes isti tutores dati, non possint omnes simul administrare, ideo electus à maiori parte tanquam electus ab omnibus solus administrabit.

§. Sciendum, cum §. fin.

Est adnotandum in tutelari tres dari actiones. Prima dicitur actio tutelæ directæ, quæ datur pupillo, seu adulto contra tutorem, vel curatorem, de malè gestis. Secunda dicitur actio tutelæ contrariæ, quæ datur tutori, vel curatori contra pupillum, seu adultum pro eo, quod pro illis impendit, vel in quo se obligauit *§. tutorem, infr. de obligat. quæ ex quas. contrah. nasc.* Tertia dicitur actio tutelæ subsidiaria, quæ datur pupillo, seu adulto contra tutorem, vel curatorem in subsidium, quando tutor, vel curator non administrauit, & non administrando pupilli bona, vel adulti passa sunt detrimentum. Datur etiam hæc actio subsidiaria contra fideiussores. Præterea datur contra Magistratus, qui debebant recipere satisfactionem, & illam non receperunt, vel minus idoneam receperunt: non tamen datur contra superiores Magistratus. Sed hodie hæc actio contra Magistratus recessit ab Aula, quia in omnem euentum Magistratus non tenetur, nisi ex dolo.

De Excusationibus Tutorum, vel Curatorum:

T I T. X X V.

V Idimus qui dari possunt tutores, vel curatores, & quomodo dentur. Verum quia dati varijs ex causis possunt excusari à tutela, vel cura, ideo sequitur præsens tit.

Excusatio est legitimæ causæ allegatio cessationis à munere. Licet autem quis cogi possit ad subeundam tutelam, & curam, quia sunt publica munera, ad quorum administrationem vnusquisque de populo compelli potest *ut tot. tit. ff. de munerib. & honorib.* nihilominus per legitimæ causæ allegationem frequens admittitur ab earum susceptione excusatio. Quamplures autem sunt causæ excusationis, quæ enumerantur in præsentī titulo.

Prima causa est numerus liberorum; quoniam habitantes Romæ si habeant tres liberos: in Italia quatuor: in Prouincijs quinque possunt excusari, si tamen liberi sint superstites, & naturales, ac iegitimi; adoptiui enim non profunt, licet dati in adoptionem profint patri naturali. Sic nepotes ex filio profunt, ex filia non profunt. Nec pariter mortui profunt, quia mortui non numerantur, sicut nec nondum nati, licet concepti, quia quoad hoc non habentur pro natis, cum non agatur de eorum commodo, sed de alieno: non tamen si mortui essent in acie, quia mortui pro Rep. dicuntur adhuc viuere per gloriam: vulnerati autem in acie, sed mortui extra aciem, non prodesse ad excusationem, quia non dicuntur mortui in acie; ex quo infertur quod etiam effecti Religiosi præstant excusationem, quia licet dicantur mortui mundo, dicuntur tamen viuere per gloriam Christi, vt alibi diximus.

S. Item Dinus Marcus

Secunda causa excusationis est administratio rerum fiscalium, quamdiu administratio durat, quia agitur principaliter de publica vtilitate, cum in administratione tutelæ vel curæ agatur principaliter de priuata vtilitate, & minus principaliter de publica. Ex quo infertur quod administrantes etiam res Ecclesiasticas habent eandem excusationem, arg. textus in c. *vergentis, de hæresic.* Sic etiam administrantes patrimonium Principis excusantur.

S. Item

S. Item qui Reip. causa

Tertia causa est absentia necessaria, ut causa Reip. dum ipsa durat, & tutela, vel cura est noua; quia si iam aliquis tutor, vel curator est, & postea abesse coeperit, non excusatur, sed datur curator loco ipsius quousque ipse fuerit absens: imò reuersus non habet anni vacationem, quam habent solùm absentes causa Reip. vocati ad nouas tutelas, vel curas. Et hic textus procedit etiam in eo, qui de proximo est absuturus arg. *tex. in l. penult. ff. de milit. testam.*

S. Et qui potestatem

Quarta causa est cum quis habet potestatem, seu Iurisdictionem, quia per antonomasiam potestas intelligitur quæ de publico introducta est. Bart. in *l. Imperium ff. de Iurisdict. omn. Iudic. l. potestatis verbo ff. de verb. signif.* Vnde quilibet Magistratus etiam inferior potest excusari, quia in eo publicus fauor principaliter consideratur.

S. Item propter litem

Quinta causa est cum quis habet litem cum pupillo, vel adulto: Sed hodie frustra excusaretur, quia nullus creditor, aut debitor pupilli potest esse eius tutor, vel curator, *ut in auth. ut hi, qui se obligat. habet, perhib. res. minor.* Quod si tutor esset testamentarius, vel creditor, aut debitor in modica summa, non excusatur, sed datur curator ad illam litem, ut diximus supra de *auth. tutor. §. fin.*

S. Item tria onera.

Sexta causa est cum quis habet tres tutelas non affectatas, vel tres curas, vel mixtas vnam curam, & duas tutelas, vel è contra, accipiendo tamen vnam tutelam, vel curam, quando patrimonium non est diuisum; Vnde in pluribus fratribus patrimonio diuiso sunt plures tutelæ. Sic etiam si vna tutela esset ita onerosa, ut pluribus æquipolleret, præstat excusationem. *l. si is, qui tres §. ceterum. ff. cod. & affectata dicitur quam quis quæsiuit, vel dando pecuniam Officialibus, ut sibi illam committerent, ut in §. penult. infr.*

de susp. tutor. & curat. vel cūm quis se tutorem adscripsit in testamento l. vxor. ff. ad l. Corn. de falsi. tit. 2.

S. Sed & propter paupertatem

Septima causa est paupertas, quæ tamen sit impar tutelæ, ut quia necesse sit quotidie esse in agro, & laborare propter victum quotidianum; nam pauper etiam dici potest qui habet in bonis tantum, ut vivere possit; licet non secundum qualitatem suæ personæ; & propterea iudicium paupertatis in genere est arbitrium: Et regulariter non solent dici pauperes, qui possunt laborando aliquid lucrari; lacrum enim est id, quod superest, deductis expensis.

S. Item propter aduersam.

Octaua causa est aduersa valetudo, quæ tamen sit talis, ut impediatur etiam suis negotiis interesse. leuis autem morbus, vel leue vitium non præstat excusationem. Sic monoculus non excusatur: cæcus excusatur l. frater, & ibi gloss. C. eod.

S. Similiter eos.

Nonā causa est imperitia litterarum, idest nescire legere, & scribere; Bart. in auth. sed nouo iure C. si cert. petat: Sed hic textus intelligitur secundum aliquos, quod si sit peritus negotiorum, licet sit imperitus litterarum, non excusetur; quæ cognitio spectat ad iudicis officium.

S. Item si propter inimicitias, cum tribus SS. seqq.

Decima causa est inimicitiarum, quas Theophilus explicat, idest si quis inimicum suum liberis suis testamento tutorem dederit, ille excusatur. Vnde non videtur consona eorum explicatio, quod intelligatur quando quis dederit tutorem aliquem, quia ipsum odio prosequatur, ut oneribus tutelæ implicetur. Inimicitia autem debent esse capitales, & quod non intercesserit reconciliatio. Dicitur verò inimicitia capitalis, quæ inducitur ex atroci iniuria, de qua in §. atrox infr. de iniur. Bart. in l. 3. & 4. ff. de adm. legat. Sed verius est secundum Iul. Clar. in sua prax. §. fin. quest. 24. vers. item quare ut hoc sit iudicium arbitrium, & iudice.

cetur ex qualitate personæ loci, & iniuriæ. Et propterea etiam ex questione status videtur orta inimicitia capitalis, & datur excusatio. Non tamen datur ex eo quod tutor sit omnino ignotus patri pupillorum.

S. Item maior.

Vndecima causa est ætatis, ut si quis sit maior septuaginta annis l. 3. ff. de iur. immun. Minor autem viginti quinque, seu Romæ minor viginti frustra excusatur, quia nec potest esse.

S. Item in milite.

Duodecima causa est militia. imò nec volens miles admittitur ad tutelam, ne retrahatur à militia. Filius autem militis potest esse tutor, nisi ipse quoque sit miles. Et miles intelligitur qui vel actu militat, vel qui est descriptus in censu militum, ita ut ad nutum Principis debeat proficisci ad prælium Alex. in l. Centurio ff. de vulg. & pupill. substit. Hoc etiam extenditur ad milites cælestis militiæ, ut nec in sacris ordinibus constituti possint esse tutores, nisi consanguineorum suorum in eo gradu, in quo possunt succedere, ne retrahantur ab Ecclesiastico servitio, nec possunt ultra promoueri ad alios ordines, nisi reddita ratione administrationis.

S. Item Roma.

Decimatertia causa est si quis doceat Grammaticam, Rhetoricam, aut Medicinam, dummodo doceat in patria sua, vel Romæ cum Roma sit patria communis l. Roma ff. ad municipal. & sit intra numerum statutorum Professorum. Iuris periti verò si in publico Gymnasio doceant, vel sint de consilio Principis, pariter excusantur l. Medicos C. de Profess. & medic. lib. 10. l. sed & reprobari in fin. & l. Iurisperitos ff. cod. Ceteri verò ut Astrologi, Geometræ, Poetæ, & similes non excusantur l. Geometra ff. cod. l. Poeta C. de Profess. & Medicis lib. 10.

S. Qui autem vult.

Habentes plures excusationes si vnam in iudicium deduxerint, & eam intra legitimum tempus non probauerint, possunt alias

deducere intra idem tempus, & probare ad effectum excusationis. Tempus autem est quinquaginta dierum continuorum. Et continui dicuntur omnes successiui, etiam si Iudex non sedeat. Et hoc si sint tutores intra centesimum lapidem, idest milliare, ab eo loco, in quo dati sunt tutores. Si verò ultra habitent, dantur in singulos dies viginti milliaria, & in super triginta dies, qui tamen si essent minus quàm quinquaginta, nihilominus, & quinquaginta iidem habebunt. Sed si supersit vnum milliare ultra numerationem prædictam, pro eo habent alium integrum diem *l. itinere ff. de verb. signif.* Sed quid si per mare eundum sit? & Alciat. in d. *l. itinere* inquit nihil posse certi statui propter incertitudinem, & variationem nauigationis. Si quid tamen esset statuendum, quinquaginta milliaria in singulos dies essent computanda.

S. Qui autem excusare.

Tutor datus cuiuscunque generis sit non appellat à datione, sed tantum excusatur. Et ratio est, quia si est datus à testatore non appellat, quia à facto priuati hominis non datur appellatio *l. 1. in princ. ff. de appellat.* si verò est datus a lege; non appellat, quia à lege non datur appellatio, cum lex iusta sit *can. erit autem lex 4. dist.* Darius neque appellat, quia Iudex quando illum dat, ponit clausulam, si senseris te grauatum, compareas ad allegandam causam excusationis Bald. in *l. scire oportet ff. eod.* Sed si Iudex causam excusationis probatam concludenter non admittat, tunc potest appellari ab ipsa non admissione causæ.

S. Datus autem tutor.

Si datus est tutor simpliciter, ad vniuersitatem bonorum datus intelligitur.

S. Qui tutelam.

Ille, qui tutelam gessit, non compellitur eiusdem Curatorem fieri, quia sufficit in paucis seruuisse amico *ad tex. in l. tutori C. de negot. gest.*

S. Ibidem.

Maritus datus curator vxori suæ potest se excusare; imò nec po-

potest esse; unde excusatio in hoc textu intelligitur improprie, vt nec esse possit *l. maritus, vbi DD. C. de procuratorib.*

ii Quæres de quibus bonis intelligatur hic textus, quorum maritus non possit esse curator?

Respondetur, & primo de bonis dotalibus, & quasi dotalibus non intelligitur, cum maritus illorum sit Dominus, vt habetur *infr. quib. alien. lic. vel non in princ.* secundo neque intelligitur de bonis paraphernalibus, quorum maritus est legitimus administrator. Dotalia sunt quæ data sunt causa dotis. Quasi dotalia sunt quæ ex rebus dotalibus proueniunt v. g. si ancilla dotalis pepererit. Paraphernalia sunt quæ non sunt data in dotem, sed illata in domum mariti extra dotem, vt si quid vxori donatum fuerit. Textus itaque non potest intelligi nisi de bonis receptitijs, quæ sunt bona retenta à muliere, nec illata in domum mariti v. g. hereditas illi relicta &c. *Angel. in §. fuerat infr. de actionib.* De his igitur bonis procedit textus noster disponens, quod maritus non possit esse curator vxoris suæ in talibus rebus, in quibus licet ignorans se immiscuerit, potest tamen se excusare. Ceteri autem etiam si habeant diuersas excusationes ex supra enumeratis, si tamen in administratione se immiscuerint, amplius excusari non possunt, vt in *l. 2. C. si tut. vel curat. fals. allegat. excusatus sit.*

S. Fin.

Si quis allegauerit excusationem, quæ recepta fuerit, si tamen causa excusationis falsa reperiatur, non per hoc est liberatus ab onere tutelæ, sed tenetur à die dationis, vt per gloss. hic in verb. non est liberatus cum *ll. per eam allegatis*, & periculum bonorum pupilli ad eum spectat *l. 1. C. si tut. vel curat. fals. allegat. &c.* & ratio est, quia fraus, & dolus nemini prodesse debet *l. 1. ff. de dol. except.*

De suspectis Tutoribus, vel Curatoribus.

T I T. X X V I.

Quoniam tutores, & curatores non solum cessant à tutela, vel cura per excusationem admissam: sed interdum etiam quia ab ipsa remouentur tanquam suspecti, ideo ponitur præsens tit.

Crimen autem suspecti, prouenit ex *ll. duodecim Tabularum*, non quod *ll. duodecim Tab.* inducant hoc crimen: sed quia per ipsam

ipsam legem cognoscitur. In tantum enim cognoscimus crimina esse crimina, in quantum à lege prohibentur, & puniuntur, iuxta dictum Apostoli *ad Roman. cap. 7.* Peccatum non cognoui nisi per legem; nam concupiscentiam nesciebam, nisi lex diceret non concupisces. *c. nam concupiscentiam de constitutionib.*

S. Datum est autem

Ius remouendi suspectos tutores, vel curatores competit maioribus Magistratibus ut Romæ Prætori, & in Prouincijs Præsidibus, & Legato Proconsulis. Potest tamen demandari hoc ius *l. cognitio ff. de offic. eius cui mand. est. iuris d.* Hodie verò omnes Iudices, qui possunt dare tutores, vel curatores, sunt Iudices competentes ad cognoscendum de causa suspensionis, ut dicit Aldobrand. *huc.*

S. Ostendimus.

Cuiuscumque generis sint tutores, vel curatores, possunt fieri suspecti.

Sed dicit aliquis. Testamentarij fides à testatore approbata est. Legitimi suspicio cessat propter vinculum sanguinis quo pupillo, vel adulto iungitur. Datiuus autem ex inquisitione, vel ille, qui satisfactionem dedit, accusari posse suspectus non videtur, cum per inquisitionem à Magistratu iam approbatus fuerit, & per satisfactionem res pupilli salua censeatur. Non videtur ergo verum; quòd omnes tutores, vel curatores cuiuscumque generis sint, possint accusari suspecti.

Respondetur autem, quòd omnia supradicta non sufficiunt; quamuis enim boni habiti sint, ac fideles, muka tamen post susceptam tutelam, vel curam accidere possunt, ex quibus potest suspicio cum fundamento oriri, cum hominum cogitationes variabiles sint, nec vnquam in eodem statu permaneant; vnde si talis suspicio nascatur, debet statim remoueri, ne pupillorum bona detrimentum patiantur.

Aduertendum autem est, quòd si accusari debeat suspectus Patronus tutor, debet caueri, ne per hoc fiat infamis, idest non debet inferi causa, quòd fraude, vel dolo administrauerit, quia causa est quæ facit infamem, non ipsa poena *l. iustus fustium ff. de his. qui notant. infam.* Sic etiam coniunctus non potest remoueri, sed ei datur adiunctus, ne fiat infamis; habemus enim regulam, quòd famose actiones contra Parentes, vel Patronos Institui non
de-

debent & non debent §. i. ff. de dol. l. parens ff. de obsequ. parentib. & patron. præstand. secus autem propter culpam, de qua infr.

§. Consequens est

Accusatio triplex est. Priuata, quæ competit illis, qui prosequuntur iniuriæ suæ, vel suorum l. 1. ff. de accusationib. Secunda est publica; quasi publica, quæ competit cuilibet de populo pro publicis delictis, de quibus *instr. in tit. de public. iudic.* Tertia est quasi publica, idest quæ respicit tam priuatam, quam publicam utilitatem, prout est accusatio criminis suspecti tutoris, vel curatoris. Quæ accusatio ex eo quod est quasi publica, datur pariter omnibus. Mulieres autem sicut regulariter non admittuntur ad accusandum, nisi ad prosequendam suam, vel suorum iniuriam d. l. 1. ita etiam in hoc casu suspicionis illarum solum mulieres admittuntur ad accusandum suspectos tutores, vel curatores, quæ vinculo sanguinis coniunctæ sunt, vel pietate ducuntur, ut mater, auia, soror, nutrix, & similes.

§. Impuberes

Item adulti possunt accusare suspectos curatores suos, sed cum consilio propinquorum suorum, qui tamen si nolunt dare consilium, tunc iudex supplebit ex officio suo, sed impuberes non possunt tutores suos suspectos accusare, quia non habent animi iudicium ad cognoscendam causam suspicionis.

§. Suspectus autem est.

Suspectus tutor est is, qui fraude, vel culpa malè administrat. Quasi suspectus est, qui non dum administrat, est tamen suspicio ne malè sit administraturus. Duo autem sunt casus quasi suspecti, qui ponuntur in hoc textu. Primus est, quando quis alias tutelas malè gessit, quia semel malus semper præsumitur malus c. *semel malus*, de reg. iure in 6. Alter casus est, cum quis est pauper, nec tamen probatur fidelis, ac diligens.

§. Suspectus autem remotus.

Tutor suspectus remotus propter dolum, sic infamis: non autem remotus propter culpam.

Dolus est studium ad aliquem decipiendum, & duplex est, *verus*, & *præsumptus*. verus est cum constat manifestè, *præsumptus*, quando præsumitur ex circumstantijs facti.

Culpa est desidia, & negligentia circa aliquid. Culparum autem plures sunt gradus. Alia enim est latissima, alia lata, alia levis, alia leuissima. Bart. in *l. quod Nerva ff. deposito*. Sed Ioan. Coras. in *l. in actionib. ff. de in lit. iurand.* non ponit latissimam, dicens quod ista non distinguitur à dolo præsumpto.

Culpa itaque lata est non facere, & non intelligere quod quilibet faceret, & intelligeret. Culpa levis est non facere, & non intelligere quod quilibet diligens faceret, & intelligeret. Culpa leuissima est non facere, & non intelligere quod quilibet diligentissimus faceret, & intelligeret.

Dolus autem, & culpa lata in contractibus æquiparantur: in delictis verò non. Gloss. in *l. 1. §. lata ff. si mens fals. mod. dixer.* Unde tutor remotus propter culpam latam non fit infamis: secus autem propter dolum.

Infamia verò duplex est, alia iuris, & alia facti. Iuris est, quando à iure irrogatur, vel per sententiam Iudicis. Facti est quando opinio alicuius grauata est apud probos viros. Azo in *summa C. ex quib. caus. infam. irrog.*

§. Si quis autem.

Si tutor est accusatus suspectus, interea ei interdicatur administratio, quia melius est ante tempus occurrere, quàm post exitum vindicare *l. 1. C. quand. lic. unicuique sine Iudic. se vindic.* Per mortem autem tutoris, vel curatoris extinguitur cognitio suspecti, quia regulariter morte extinguitur omne crimen, exceptis quibusdam grauissimis, & atrocissimis, vt crimen læsæ maiestatis *l. fin. ff. ad l. Iul. maiest.* Item crimen hæresis, & alia quædam, quæ ponit Mantua in *l. Imperium ff. de Iurisd. omn. Iudic.*

§. Si quis Tutor, cum duobus §.§. seqq.

Potest item remoueri suspectus tutor, si non præstat alimenta pupillo; Nam postquam est ei decreta administratio, debet facere inuentarium omnium bonorum pupilli *l. Tutor, qui repertorium ff. de administr. & pericul. tutor.* & illud debet exhibere Iudici, qui possit pro qualitate personæ pupilli, & quantitate patrimonij designare quantum pro alimentis pupilli erogandum sit, ita tamen

ut aliquid semper superfit, quod ad honestum lucrum pupilli pertineat. Manzin. in trakt. de tutel. quasi. 3. *principali*. Et si hoc inventarium tutor non fecerit, illudque Iudici non presentauerit, presumitur in dolo, & poterit tanquam suspectus remoueri l. *fin. in fin. C. arbitr. tutel.* & poterit condemnari ad interesse pupilli d. l. *tutor qui repertorium*. Vnde multo magis poterit remoueri suspectus, si actu alimenta decreta non praestiterit, quia negans alimentata necare dicitur l. *necare ff. de liber. agnoscend.*

Nomine autem alimentorum venit non solum victus: sed veniunt etiam omnia necessaria ad perfectam pupilli sustentationem, & educationem, ut vestitus, & habitatio l. *si quis §. si vel parens*, & ibi gloss. in verb. *cetera onera ff. de liber. agnoscend.* & l. *legatis ff. de alim. & cibor. legat.* Sic etiam venit honorarium, quod singulis mensibus solui debet Praeceptoribus; cum enim tutor non rebus duntaxat, sed etiam moribus, & perfectae educationi pupilli praepouatur, in primis mercedes Praeceptoribus, non quas minimas poterit, sed pro facultate patrimonij, & pro dignitate natalium constituat. Ita his eisdem verbis statuit textus in l. *cum plures §. cum tutor ff. de administ. & pericul. tutor. vel curator.* & repetit gloss. in c. 1. de magistr. in verb. *beneficium*. Quod si tutor per mendacium neget polse pupillo decerni alimenta, remouetur, & punitur arbitrio Iudicis. Sicut etiam punitur ille, qui affectauit tutelam, vel curam, dando pecuniam, ut hoc ministerium acciperet. Punitur etiam libertus, qui fraudolenter tutelam filiorum, vel nepotum Patroni gessisse proberetur.

§. Nouissime.

Si tutor suspectus ex eo quod fraudolenter administret, velit dare satisfactionem, non auditur, sed remoueri debet, quia satisfactio propositum maleuolum non mutat, sed diutius crassandi in re familiari facultatem praestat, ut dicitur in textu hic.


§. Fin.

Demum si tutor sit talis, qui malis moribus possit corrumpere honestatem pupilli, remouetur ut suspectus, quia magis conferunt boni mores, quam diuitiae, & magis expedit Reip. habere bonos ciues, quam diuites ad tex. in l. 1. ff. de Iust. & iur. Ex quo sequitur quod si tutor, vel curator pauper sit, sed tamen boni nominis, fidelis, ac diligens, non propterea est remouendus quasi suspectus, ut dicitur in fin. huius §.

98
INSTITUTIONVM
I VRIS CIVILIS
LIBER SECVNDVS

*De Rerum Diuisione ,
& acquirendo ipsarum dominio .*

T I T. I.



Git Imperator in primo lib. de Personis . Incipit modo, in secundo agere de Rebus, quarum tractationem vsque ad titulum de obligationibus perducit, iuxta diuisionem traditam supra in *§. fin. de Iur. nat. gent. & ciu.*
In vestibulo huius secundi lib. inscripta est rubr. *de rer. diuis. & acquir. ipsar. domin.* Ex quorum verborum dispositione videtur sequi, quod diuisio rerum pariat dominium, vt notatur in *c. ratio nulla de prabend.* Doctores autem in *l. 1. ff. de acquir. possess.* dicunt quod ab initio omnia erant communia, nec erat meum, & tuum: postea facta diuisione incipit esse meum, & tuum, & ita dominium introductum est.

Sed dicit aliquis. In *sac. Genes. cap. 1.* habentur illa verba dominamini piscibus maris &c. & *psalm. 8.* dicitur, omnia subiecisti sub pedibus eius &c. Quae verba certum est fuisse prolata à Deo statim post primorum parenrum creationem ante vllam rerum diuisionem.

Respondetur tamen, quod verba Sacrae Scripturae allata intelliguntur de dominio vniuersali: nostra autem rubr. intelligitur de dominio particulari. Pro cuius distinctionis, & istius nostrae rubricae clariori intelligentia

Notandum est, dominium aliud esse vniuersale, aliud particulare. Vniuersale est illud, quod datum fuit à Deo primis Parentibus, quando dixit illis dominamini piscibus maris &c. quod
do-

dominium futurum erat commune vniuersæ posteritati, si pri-
mæuū iustitiæ candorem primi Parentes illibatum seruauissent.
Sed cum post peccatum originis eousque creuisset hominum im-
probitas, vt non possent amplius rebus communiter vti: & ex alia
parter ratio naturalis dīdaret iniquum esse, quōd ignaui, & desi-
des alieno vscerentur labore, cum quemlibet deceat in sudore
vultus sui comedere panem. Idcirco ius naturale, seu gentium,
hoc est ratio ipsa naturalis distinctionem dominiorum introduxit
l. ex hoc iure ff. de Inst. & iur. & vt vnusquisque quod suum est re-
tineret, quod alienum relinqueret, singulis rebus certa, & distin-
cta constituit dominia, vt hac ratione in humana societate per-
petua pax vigere posset.

Rerum itaque diuisio peperit dominium particulare, de quo
loquitur hic tit. vt habetur in *§. singulorum infr. eod. ibi singulorum
hominum multis modis res fiunt &c.*

Hoc autem dominium particulare sic definitur, est ius perfectè
disponendi de re, nisi lex obstet. Bart. in *l. si quis vi §. differen-
tia ff. de acquir. possess.* Dicitur ius, idest facultas, & potestas. Di-
citur disponendi de re, ad distinctionem possessionis, quæ est ius
insistendi in re, non autem disponendi de re. Dicitur nisi lex obstet
quia sunt nonnullæ personæ, quæ licet habeant dominium ali-
quarum rerum, non tamen de illis possunt perfectè disponere,
quia lex obstat ad maius bonum v. g. maritus licet sit dominus
fundi dotalis, non tamen potest illum alienare per prohibitionem
legis Iuliæ de fundo dotali, vt *infr. quib. alien. lic. vel non in princ.*
Sic etiam pupillus licet sit dominus bonorum suorum, non tamen
poteest de illis disponere sine tutoris auctoritate, vel decreto Iudi-
cis vt *supr. de aucto. tutor. per totum tit. & in §. nunc admoendi infr.
quib. alien. lic. vel non.*

Notandum est secundo dominium sic definitum duplex esse,
aliud directum; aliud vtile, Directum est quod non recognoscit
superiorem, & dicitur etiam proprietas. Vtile est quod recogno-
scit superiorem, vt est vsufructus, emphiteusis, & feudum. Quan-
do verò vna, & eadem persona habet simul eiusdem rei directum,
& vtile dominium, tunc dicitur habere plenum dominium illius
rei.

Præterea dominium aliud dicitur naturale, aliud ciuile. Natu-
rale est quod acquiritur medio traditionis factæ à Domino, vel
medio occupationis, vt *per totum hunc titulum.* Ciuile est quod ac-
quiritur per vsucapionem, & per donationem, de quibus *infr.*

Notandum tertio vltra dominium dari etiam possessionem, quæ

nihil aliud est, quam insistentia corporis in re, cum animo possidendi, ad hoc ut quis rem suam faciat, ut habetur in l. 1. ff. de acquir. possess. Possessio autem duplex pariter est, naturalis, & civilis. Naturalis est quæ acquiritur corpore, manibus, si est res mobilis, & pedibus si est immobilis. Civilis est quæ acquiritur animo, & animo retinetur l. licet C. de acquir. possess.

Notandum quarto quod si res nullius est, ad acquirendum particulare dominium ipsius, requiritur primo apprehensio, quæ est corpore facta occupatio. Secundo detentio, quæ est simplex quædam insistentia corporis in re, non adhuc cum animo possidendi. Tercio sequitur possessio, quæ est insistentia in eadem re cum animo possidendi, ad effectum ut rem suam faciat. Quarto sequitur dominium, quod est ius perfectè disponendi de re, ut supra diximus. Quod totum colligitur ex cit. l. 1. ff. de acquir. possess. Si verò res est alterius, tunc ad acquirendum ipsius dominium requiritur traditio facta à Domino ex causa habili ad transferendum dominium §. per traditionem infr. hoc eod. tit.

Vtrum autem ad dominium prærequiratur possessio, est ingens quæstio, agitata à DD. in rubr. ff. de acquir. possess. Et in partem affirmatiuam communiter inclinant. Sic autem breuiter possumus distinguere. Aut loquimur de dominij acquisitione, aut de dominij translatione. Si de dominij acquisitione, utique dominium earum rerum, quæ nullius sunt, acquirere non possumus, nisi præcedente possessione, & præambula apprehensione ut in d. l. 1. ff. de acquir. possess. Si verò de dominij translatione loquimur, potest tunc dominium non à possessione incipere: sed ipsa possessio à dominio.

Notandum Quinto dari etiam quasi possessionem in rebus incorporalibus, quæ acquiritur per quasi traditionem factam à Domino. Quasi traditio est patientia Domini circa aliquid, ut si ego do tibi ius transeundi per fundum meum ad fundum tuum, & patior te ire, per ipsam patientiam dicor tibi quasi tradere, & tu incipis quasi possidere hoc ius. Datur etiam quasi dominium, ut si eram in cursu usufructus, sed non dum usufructu, dicor quasi dominus illius rei, ut in §. sed ista infr. de actionib.

His pro præsentis rubr. intelligentia adnotatis, aggrediamur modò ipsius textus explicationem, in cuius principio ponitur prima diuisio rerum, quæ talis est, Res aut sunt in nostro patrimonio, aut extra nostrum patrimonium. Existentes in nostro patrimonio sunt quæ à nobis legitimo iure possideri possunt, prout sunt res prophanæ. Extra nostrum patrimonium sunt res, quæ à nobis

nobis legitimo iure possideri non possunt, prout sunt res sacræ, sanctæ, & religiosæ, de quibus infra. Concordat cum hac diuisione *tex. in l. 1. ff. de rer. diuis.* vbi dicitur quod res quædam sunt diuini, & quædam humani Iuris; nam esse diuini Iuris idem est, ac esse extra nostrum patrimonium: & esse humani Iuris idem est, ac esse in nostro patrimonio, in quò dicuntur etiam esse seruitutes reales, tùm quia cohærent prædijs nostris, tùm quia commodum, & vtilitatem ex eis percipimus, tùm etiam quia earum vsus est pretio æstimabilis.

Post hanc primam, & generalissimam diuisionem subnequitur secunda, scilicet quòd quædam sunt naturali iure communia omnium, quædam publica, quædam Vniuersitatis, quædam nullius, pleraque singulorum, quæ ex varijs causis vnicuique acquiruntur, prout infra.

S. Et quidem:

Communia omnium sunt, aer, aqua profluens, mare, & per hoc littora maris. Dum autem dicitur, communia omnium, non intelligitur omnium animalium, sed omnium hominum, prout habet Theophilus *hic*; quod etiam suadetur ratione, quia cum agatur de dominio, bruta non sunt capacia dominij, sed solum sunt capacia vsus, non quatenus iuris est, sed solum quatenus facti est.

Aer omnibus communis est, ita vt particularium fieri non possit, & ita est communis, vt vnus quisque possit altius tollere ædes suas ad libitum suum per *tex. in l. altius C. de seruitut. & aqua*, vbi dicitur, *altius quidem adificia tollere, si domus seruitutem non debeat, Dominus eius minimè prohibetur*. Non potest autem, quando domus seruitutem deberet, vel sequeretur, præiudicium tertij, vt in *l. 1. ff. de seruit. urban. prædior.*

Aqua profluens communiter explicatur esse aqua cadens de Cælo, prout tenet etiam gloss. *hic*. Sed contrarium probatur primo quia aqua cadens de Cælo est eorum, in quorum solum cadit *l. fin. §. penult. ff. de seruit.* Secundo quia dicitur profluens, quod est proprium fluuiorum, & non aquæ cadentis de Cælo, quæ non dicitur profluere, sed cadere. Tertio quia Theophilus habet, aqua perenniter fluens; quod non potest intelligi nisi de aqua fluminis. Nec obstat quod dicitur in *§. seq.* scilicet flumina esse publica, & non communia omnium; quia respondetur aliud esse flumen, quod publicum est: aliud aqua fluminis, quæ communis est, vt habetur in *d. §. seq.*

Mare

Mare ita est commune omnibus, ut in eo omnes piscari possint; imò contra prohibentem datur actio iniuriarum. Sed hoc limitatur primo si aliquis esset in quasi possessione piscandi in aliquo loco maris; tunc enim si iste alium prohiberet, ne ibi piscaretur; non daretur contra ipsum hæc actio *l. usum aquæ ubi DD. C. de aquæ duct. lib. 11*. Verùm ut quis constituatur in hac quasi possessione, requiritur possessio tanti temporis, cuius initij non extet memoria, quod est spatium centum annorum. Limitatur secundo si ius piscandi in aliquo loco maris fuisset à Principe alicui concessum, ut dicunt communiter DD. *hic*. tertio limitatur non habere locum, si vigeret consuetudo, ut quis solus in aliquo loco maris pro bono publico piscaretur *l. venditor §. si constat, ubi DD. ff. comm. prædior.*

Littus quoque maris dicitur esse commune omnibus. Et ratio est, quia littus est necessarium accessorium ad mare. Neque obstat si dicatur, quod si littus esset commune, ædificium quoque in littore positum deberet esse commune; nam ædificium cedit solo, ut in *§. cum in suo solo, infr. hoc eod. tit.* Sed ædificium in littore positum non est commune, sed ædificantis, ut in *§. littorum quoque infr. eod.* ergo neque littus potest esse commune. Respondetur enim, littus commune quidem esse, fieri tamen particulare per accedens quodammodo per occupationem ab ædificante factam, & ideo fit ædificantis, quamdiù durat ædificium, quo tamen destruito littus ad pristinam reuertitur naturam. & est commune sicut antea erat *l. quod in littore ff. de acquir. rer. domin.* Quod etiam dicitur de aere.

§. Flumina.

Publica sunt flumina, & portus, in quibus pariter datur ius piscandi, Portus est locus munitus pro latitudine navium. Olim verò dicebatur domus, in quam merces portabantur, & inde exportabantur *l. portus ff. de verb. signif.* Flumen autem est quoddam aggregatum ex tribus, nempe ripis, aqua, & fluxu; & magis fluxus facit flumen, unde nomen accepit. Quod si aqua non fluat, dicitur lacus, seu stagnum. Et si non fluat perenniter, dicitur torrens. Unde potest esse, quod flumen sit publicum, hoc est totum hoc aggregatum: aqua verò sit communis, ut supra dicebamus.

Publicum dicitur quod alicuius Populi est, & propriè per antonomasiam quod Populi Romani est *l. bona Civitatis ff. de verb. signif.*

gnif. Populus autem permittit aquam esse communem, ut quilibet ea utatur, non tamen flumen; ideoque auertere flumen, ponere molendina, ripas occupare, nemini permittitur.

S. Riparum.

Vfus riparum publicus quoque est: proprietas tamen est eorum, qui habent prædia cohærentia; unde arbores in illis natæ sunt eorumidem. At si nauta velit alligare nauem vni ex his arboribus, & Dominus vellet illam recidere, præfertur nauta propter publicam vtilitatem. Ripa autem est quod naturalem cursum fluminis continet; & nomine ripæ intelligitur illa decliuitas in aquam; unde planities superposita, & fructifera non dicitur ripa, sed ager. Bald. in rub. ff. de rer. diuis. n. 25. Ial. in l. quo minus ff. de fluminib. num. 70. ad fin.

S. Littorum quoque.

Littorum quoque vsus publicus est: proprietas verò nullius, sicut etiam nullius est proprietas ipsius maris. Discrimen autem, quare littorum proprietas nullius sit, riparum verò proprietas sit eorum, qui habent prædia cohærentia, est, quia ripa dominatur aquæ: littus verò dominatur ab aqua. Et littus est totum illud spatium arenæ, quod hybernus fluctus maximus excurrit.

S. Vniuersitatis.

Vniuersitatis, idest cuiusque Ciuitatis, & non singulorum ciuium sunt theatra, stadia, nemora, fontes, & his similia. Vniuersitas autem est aggregatum plurium, vel corporum, vel animalium, vel iurium, vel hominum. Corporum, ut sunt ædes constantes ex pluribus lapidibus. Animalium, ut grex. Iurium, ut hereditas. Hominum, ut Collegium. Est etiam vniuersitas mixta, iurium, & corporum, ut peculium, & dos. Bolognett. in suo tract. de multipl. differ. iur. & fact. n. 88. & seqq.

Agitur in hoc text. de vniuersitate hominum, quæ constituit aggregatum quoddam separatum à singulis; unde illa vniuersitas, quæ fuit mille ab hinc annis, est etiam hodie, quamuis illi primi homines, & alij successiue mortui sint. Ita tex. in l. proponebatur ff. de iudic. & ista vniuersitas est illa, quæ dicitur in hoc tex. quod habet dominium in theatris, stadiis &c.

S. Nul.

S. Nullius.

Nullius sunt res sacræ, religiøsæ, & sanctæ; nam ea, quæ diuini Iuris sunt, extra nostrum patrimonium sunt, vt supr. diximus. Quinque autem modis dicuntur res in nullius bonis esse. Primo natura, vt sunt feræ bestiæ §. *feræ infr. eod.* Secundo factio hominis, vt sunt res habitæ pro derelicto §. *penult. infr. eod.* Tercio euentu, vt est hereditas iacens l. 1. ff. de *acquir. rer. domin.* Quarto diuturnitate temporis, vt sunt thesauri §. *thesauros infr. eod.* Quinto censura hominum, vt sunt res Sacræ, Sanctæ, & Religiøsæ, de quibus *hic.*

S. Sacræ.

Sacræ res sunt quæ ritè, idest solemniter Deo per Pontifices, idest homines sacros consecratæ sunt, vt sunt Ecclesiæ, & ea, quæ ad vsum diuinum sunt dedicata; & ista non possunt alienari, neque obligari, nisi pro redimendis captiuis, pro alimentis pauperum, & pro soluendis debitis ipsius Ecclesiæ. Gloss. *hic & communiter DD.* Imò hodie per extrau. *ambitiosa*, Pauli Secundi, de *reb. Eccl. non alien.* nec etiã res prophanæ immobiles, quæ sunt Ecclesiæ, vel mobiles magni valoris possunt alienari inconsulto Pontifice. Et Pontifex oblata supplicatione rescribit ad Vicarium Urbis, si res est in Curia: si verò extra Curiam, rescribit ad Episcopum, vel alium in Dignitate Ecclesiastica constitutum, vt cognoscat, an talis alienatio, vel obligatio cedat in euidentem Ecclesiæ vtilitatem, illam admittat, secus non. Mandos. de *signat. Grat. tit. si in euidentem.*

Concludit Imperator hunc §. dicendo ex Papiniani sententia, quod locus, in quo Sacræ ædes sunt ædificatæ, demolito ædificio adhuc sacer remanet. Sed hoc limitatur, vt per gloss. *hic.*

S. Religiosum.

Religiosum propriè dicitur à relinquendo, quasi reliquiosum, vnde dicuntur reliquiæ. Et ita locus ille, in quo aliquid relinquitur, vt perpetuò ibi maneat, religiosus dicitur. Sic fuit dubitatum in l. 4. §. *non sit ff. ad l. Iul. peculat.* an locus, in quo esset sepulta pecunia, esset religiosus. Et dicitur quod non, quia pecunia non sepelitur, vt ibi perpetuò maneat. Locus autem vbi reliquiosum

Sum est hominis cadaver, propriè religiosus dicitur, & ubi est caput, ibi dicitur religiosus locus; & si sit solum facies in vno loco, & in alio reliquum caput, ubi facies est, locus religiosus est; cum facies sit pars dignissima hominis, per faciem enim cognoscimus homines. Hodie verò locus religiosus dicitur ille, ubi pietas Christiana exercetur.

S. Sancta.

Sanctum dictum est à sagminibus herbis, quæ desumptæ ex Arcæ Capitolina, & ligatæ in fasciculos, ante Legatos Pop. Rom. deferrebantur in hastis, in signum ne violari possent. l. *Sanctum ff. de rer. diuis. & qualit.* Vnde factum est quod omne inuiolabile sanctum dicatur. Sic muri, & portæ Ciuitatis Romanæ. Sic Ecclesiæ. Sic Clerici sancti, & sanctæ dicuntur, quia contra violatores pœna mortis spiritualis, nempe excommunicationis indicta est, ut in tit. de immunit. Eccles. & can. si quis suadente diabolo 17. quest. 4. quemadmodum pœna capitis constituta est in eos, qui aliquid in muros, seu portas Ciuitatis deliquerint, ut dicitur in hoc tex.

Quæres, si quis ascendat muros ciuitatis ad occidendum hominem, qui permittatur à Iure occidi, puta Bannitum, an sit pœna mortis puniendus?

Respondetur affirmatiuè, quia licet sit permessa talis occisio, intelligitur tamen permessa loco licito, & non prohibito. Ita Bell. in tract. de bannit. in 2. part. secundi temporis quest. 13. n. 29.

Ex fine huius §. adnotandum est, quòd illæ pœtes legum, uæ inferunt pœnas in illos, qui contra leges faciunt, sanctiores dicuntur in stricta significatione; late enim quælibet lex sanctio nuncupatur, ut ex definitione legis in genere subalterno, & est sanctio sancta, iubens honesta, prohibens contraria, ut dicimus in §. Lex est, supr. de Instit. & Iur.

S. Singulorum

Singulorum hominum sunt res multis modis, tam de Iure naturali, seu gentium, quàm de Iure Ciuili. De Iure naturali seu gentium, ut per totum hunc tit. De Iure Ciuili, ut per vñscapio-
m, & per donationem, de quibus infr.

Dum textus dicit commodius esse incipere à Iure naturali, quòd tiquius est, colligitur ab antiquioribus esse incipiendum.

S. Fera igitur bestia

Primus itaque modus acquirendi dominium de iure naturali, seu gentium est per apprehensionem in animalibus, quæ nullius sunt, venando, vel aucupando, vel piscando; & eatenus sunt capientis, quatenus in eius sunt custodia, quoniam si euaserint, ita ut non sint amplius in eius conspectu, aut difficilis sit persecutio, qui cœpit, amittit dominium. & iterum occupantis fiunt.

Hæc autem acquisitio est ita de iure naturali, seu gentium, ut nec possit à Principe prohiberi, nisi ex causa, ut inquit Facchin. lib. 1. *controuers. iur. cap. 1.* Causæ autem sunt, prima quando Princeps animaduertet, quod subditi ob venationem desererent negotia Ciuitatis. Secunda cum prætextu venationis deferrent arma, & quotidie venirent ad rixas. Tertia cum Princeps haberet suos redditus in venationibus, aucupijs, & piscationibus. Quarta si certo tempore prohiberet, vel certo loco, vel certis personis, sicuti Ius Canonicum prohibet Clericos esse venatores *c. fin. de Cleric. venat.* quamuis permittat eos piscari, quia piscando non ita distrahuntur à diuinis, sicuti venando; & ideo Christus Dominus piscatores, non venatores elegit Discipulos *can. Esau 86. dist. & ibi gloss. in verb. piscatores.*

S. Illud quæsitum

Quæstio est, verum si vulnerata sit fera, ita ut capi possit, statim vulnerantis esse intelligatur? Et pro affirmatiua dicitur, de proximo capienda habetur pro capta atq. *text. in l. penult. ff. de milit. testam.* vbi ponitur regula quod de proximo accingendus habetur pro accincto. Pro negatiua verò arguitur. Dominium acquiritur per possessionem, & possessio per apprehensionem in rebus, quæ nullius sunt *l. 1. ff. de acquir. possess.* Sed is, qui vulnerauit, nondum apprehendit; ergo non sit vulnerantis.

Imperator sequitur hanc vltimam partem. Et respondet ad contrarium, quod multa accidere possunt, ut eam non capias. Nec obstat regula quod de proximo capienda habetur pro capta, quia responderetur hoc procedere, quando esset omnino capienda, & infallibiliter v. g. si semimortua iacuerit in terra, ut inquit Port. *hic sub n. 24.* Sed textus noster non supponit, quod omnino, & infallibiliter fuerit capienda, sed solum quod poterit capi, & etiam non capi, quia fugiendo potuerit se absconde-

re:

re: & sic fallibiliter potuerit capi.

Sed quicquid sit de Iure, consuetudo tamen est in contrarium nempe ut sic vulnerantis, quousque illa fera in conspectu illius manerit; de qua consuetudine testatur gloss. in *l. naturali §. illud ff. de acquir. rer. domin.* Vnde ubi viget talis consuetudo, seruanda est.

Sic etiam si quis posuerit laqueum, vel retia, & fera capta est in laqueo, vel in retibus, de iure non est illius, qui laqueum, vel retia posuit, sed illius, qui ex laqueo coeperit, vel ex retibus *l. in laqueum ff. de acquir. rer. domin.* Consuetudo tamen in aliquibus locis contraria est. Et opinio venatorum, & hominum rusticorum est, quod sit eius, qui posuit laqueum, vel retia. Vnde Bart. in *d. l. in laqueum*, inquit, se nunquam esse capturum talia, animalia capta in laqueis, vel retibus alienis, ne incidat in opinionem furis apud rusticos.

S. Apum

Apum natura est fera, ideoque conceduntur occupantibus, sicut volucres, licet nidificauerint in arbore mea, & ipsæ apes in arbore mea confederint, nisi à me fuerint inclusæ; vnde textus non intelligitur de illis volucribus, quæ humana cura pascuntur, quæ non dicuntur esse feræ naturæ. Potest tamen in primo casu dominus tundi prohibere volentem ingredi ad eas capiendas, ne ingreditur, qui si fuerit ingressus, easque coeperit, suas facit: tamen poterit conueniri actione iniuriarum, quod inuito domino ingressus sit tundum §. *sed lex Cornelia, infr. de iniur.*

Examen apum, (id est noua apum soboles, quam cum grandiuscula est, parentes ex aluearibus exire cogunt, ut nouas sedes sibi comparent, prout explicat Aldobrand. in *addit. ad gloss. hic*) si ex alueario tuo euolauerit, eousque dominium illius retines, quousque coram oculis tuis est, & persecutio facilis sit; quod si conspectum tuum euaserit, vel persecutio difficilis sit, non est amplius tuum, sed occupantis sit.

S. Pannonum

Idem dicitur de pannonibus, & de columbis feris. Sed si animalia fera sint effecta hominum cura mansueta, intelliguntur esse in dominio domini, quousque mansuetudinem retinuerint, & reterem consuetudinem manendi, & redeundi ad locum à domi-

no destinatum; licet aliquando in syluam recedant;

S. Gallinarum

Gallinæ, & anseres, quorum, & quarum, non est fera natura; semper remanent dominorum, nec creditur eos dimisisse animum manendi, & redeundi: sed quod potius turbati aliò euolauerint & propterea si quis eos retinuerit animo lucrandi, furtum committit. Animus autem in brutis dicitur illa consuetudo.

S. Item ea, quæ ex hostibus.

Quæ ex hostibus capiuntur, iure gentium capientium fiunt. Sed communiter distinguitur, aut ista aliquando fuerunt nostra, & tunc iure postliminiij restituantur prioribus Dominis: aut semper fuerunt hostium, & tunc aut sunt immobilia, & fiunt Principis gerentis bellum: aut sunt mobilia, & tunc procedit textus noster; sed declaratur secundum Romul. in l. 1. ff. de acquir. possess. quod debeant deferri ad supremum Ducem exercitus, qui distribuat inter strenuos milites pro qualitate meritorum.

S. Item lapilli.

Lapilli, gemmæ, & similia, quæ ex natura loci intelliguntur nata in litore maris, vel delata fortuito, inuenta in litore inuentoris fiunt: si tamen sint talia, ut nullius ante fuisse appareat. Secus inuenta in vijs, vel in montibus; nam fiunt dominorum montium, & restituantur Dominis, qui ea amiserunt in via. Inuenire autem non significat solum scire locum, sed etiam apprehendere ad tex. in l. si Bersatorum C. de fideiussorib. & ibi additio ad glossam omnino videnda. Sic ad acquirendum dominium earum rerum, non satis est videre illas, sed requiritur corporalis apprehensio.

S. Item ea, quæ ex animalibus.

Quæ ex animalibus nostris nascuntur, nostra fiunt, nisi istorum animalium alius usum fructum habeat; foetus enim tunc est usufructuarij, sicut etiam pilus, lana, & lac.

S. Præterea.

Secundus modus acquirendi dominium de Iure naturali, seu gentium est per alluvionem. Alluvio est incrementum latens, quod fit per flumen, cum ita paulatim prædio adijcitur, ut comprehendi non possit quantum quoque temporis momento adijciatur. Glossa exemplificat in cucurbita, quæ citò crescit, nec potest videri quomodo crescat. Hoc tamen ius alluvionis cessat in igris militibus assignatis, qui limitati per Principem fuerunt assignati, ut appareat quid, & quantum cuique assignatum sit, ut explicat gloss. *hic in verb. intelligi non possit.*

Si verò appareat de augmento prædij factò per applicationem partis alterius agri, remanet illa pars sui Domini, quia apparet cuius sit. Sed si arbores, quas pars illa secum traxit radices egerint in fundo, cui pars illa adiecta est, tunc sunt illius, in cuius fundo radices egerint, quia alimentum recipiunt ab ipso, *ut infra in §. si Titius.*

S. Insula.

Insula propriè dicitur, quæ in salo, id est mari posita est. Dicitur etiam quæ in flumine sit, & impropriè dicitur una, vel plures domus, quæ habent viam vndequeque *l. si insulam ff. de verb. obligat.*

Si insula nascatur in mari Oceano, vel Mediterraneo, quod nullius sit iurisdictionis, sit primò occupantis. Si verò sit alicuius iurisdictionis, tunc sit civitatis, vel Principis dominantis. Non tamen si fuerit peninsula, quia tunc continenti cederet tanquam accessorium. Sed si Insula in flumine nata sit, & in medio est eorum, qui habent prædia coherentia hinc inde secundum latitudinem propè ripam. At verò si vni parti sit proximior, & nihil tangat de medio, tunc tota est eorum, qui ab ea parte habent prædia. Sed si Insula facta sit, ut quia flumen diuisum alterius agrum concluderit, tunc est illius, cuius & antea erat, quia apparet illius esse.

S. Quod si, cum S. seq.

Ad intelligentiam præmitto, quòd alueus dicitur venter fluminis secundum naturalem, & consuetum cursum: nec dicitur ille locus, in quo sunt plantationes, quia plantationes in alueo fieri non

nōn possunt Bald. *conf. 473. post num. 5. lib. 4.*

Hoc posito. Si flumen relicto alueo naturali cæperit fluere per agrum alterius, & illum fecerit alueum, primus alueus sit eorum, qui habent prædia coherentia ab utraque parte secundum latitudinem propè ripam, ut dictum est de Insula: & nouus alueus sit publicus, sicut est flumen, quia alueatio mutat speciem fundi. Bald. *ubi supr.* Sed si postea reuersum fuerit flumen ad priorem alueum, si eodem impetu, tunc nouus alueus restituitur Domino: sin autem longo tempore per eum fluxit, tunc quia immutata est species fundi, de rigore iuris sit eorum, qui habent prædia hinc inde, ut diximus.

Aliud autem est in inundatione, quia inundatio non mutat speciem fundi, sicut alueatio; & sic habens usufructum in fundo, per alueationem illum amittit, non autem per inundationem: inuò inundatio facit fundum feraciorem *l. cum usufructum ff. quib. mod. usufr. amitt.* Fundus autem dicitur prædium, quod potest fructus afferre.

§. Cum ex aliena.

Tertius modus acquirendi dominium de iure naturali, seu gentium est per specificationem, ut si quis ex aliena materia speciem aliquam fecerit v. g. ex alienis uuis vinum, ex argento alieno vas &c. cum distinctione tamen, quod si illa species potest reduci ad priorem materiam, est Domini materiz: sin autem non potest reduci, tunc sit specificantis.

§. Quod si partim

Si quis autem fecerit speciem partim ex aliena materia, & partim ex sua, tunc tota species sua sit, tūm quia partem materiz adiecit, tum quia operam dedit.

§. Si tamen

Quartus modus acquirendi dominium de iure naturali, seu gentium est per accessionem, ut si quis intexuerit purpuram alienam vestimento suo, quia tunc licet purpura sit præstantior, tamen cedit vestimento ratione accessionis, quia accessorium cedit suo principali, cui accedit *c. accessorium de rez. iur. in 6.*

Sed dubitatur quomodo intelligatur verbum illud, *intexuerit.*

Et

Et non intelligitur, quod ex filis alienæ purpuræ sit facta purpura; quia tunc esset acquisitio per specificationem: neque quod ex purpura aliena sit factum vestimentum, quia textus dicit *invenit*. Sensus igitur est, quod intelligatur de purpura aliena appositæ in ora, seu extremitate sui vestimenti, idest de lista purpuræ alienæ in extremitate vestimenti sui pro fascia ad ornamentum appositæ. Ita explicat Lazar. Bayff. in l. *vestis ff. de aur. & argent. legat.*, seu in suo tract. de re vestiaria cap. 10. ubi plures DD. adducit.

Ceterum licet Dominus purpuræ non possit vendicare purpuram, idest dicere purpuram esse suam, quia dominium amisit: potest tamen condicere, idest agere ad restitutionem purpuræ, tam contra furem, quam contra quemlibet possessorem vestimenti; vendicatio enim est actio realis: condictio verò est actio personalis; illa nascitur ex dominio: ista ex obligatione, ut infr. in *it. de actionib.* dicitur.

§. Si duorum usque ad §. cum in suo solo

Quintus modus acquirendi dominium de Iure naturali, seu gentium est per confusionem, ut si corpora aliena simul confusa fuerint ex voluntate dominorum, siue eiusdem generis, siue diversi sint, totum illud commune est. Idem si fortuito casu confusa sint. Confusio autem est quando non potest fieri reductio ad priorem materiam, quod contingit in rebus homogeneis v. g. vinum cum vino, oleum cum oleo, & similia.

Aliud autem est in commixtione, quæ contingit in rebus ethereis, quia si singula corpora in sua substantia durent, si de voluntate dominorum corpora mixta fuerint, totum commune est: si autem fortuito casu, vel sine voluntate unius domini fuerint mixta, tunc dominus vendicat sua corpora à possessore, si possunt distingui, ut si mixtum fuerit frumentum cum lentibus: si verò distingui non possunt, ut frumentum cum frumento; & tunc constituitur actio arbitraria, quia Iudex arbitrari debet, quante, & quantum fuerit petitoris frumentum v. g. quod fuit commixtum, & possessorem condemnare ad interesse petitionis, vel ad pecuniam, vel ad quantitatem pro rata; quod etiam servatur in confusione, quando corpora homogenea confusa fuerint ab uno domino, sine voluntate alterius domini.

S. Cum in suo solo

Sextus modus acquirendi dominium de Iure naturali, seu genitium est per ædificationem, ut si quis in suo solo ædificauerit ex aliena materia; ipse enim ædificans tanquam dominus soli, fit dominus ædificij; ædificium enim cedit solo: sed dominus materię non per hoc amittit dominium illius, nec tamen potest illam vendicare, ne destruantur ædificia contra publicam vtilitatem, sed tantisper expectare debet, idest donec casu corruat ædificium, & tunc poterit materiam suam vendicare. ut inquit *textus hic* nempe marmora, & lapides, ceterosque tignos, quorum appellatione venit omnis materia, ex qua ædificia construuntur: vel si non vult expectare, potest agere contra dominum soli actio, ne personali, ut sibi soluat æstimationem materię: & si hic fuit in mala fide, poterit agere ad duplum.

Quæres quomodo dominus soli cum sit dominus ædificij, non dicitur tamen esse dominus materię, qui enim habet totum, debet etiam habere singulas eius partes *l. quæ de tota ff. de rei vindicat.*

Respondetur ex Boetio in *Topic. Tullij lib. 1. S. non omnis ratio*, quod in ædificio duo considerantur, scilicet materia, ex qua componitur: & ordo, seu compositio iuncturæ, quæ magis dicitur facere ædificium, quàm materia. Et sic qui ædificauit in suo solo ex aliena materia, est dominus illius compositionis, & ordinis, non tamen est dominus materię. Hæc autem compositio, ordo, & iunctura partium non debet destrui, ut Dominus materię illam repetat, quia hoc esset destruere ædificium, quod est contra publicam vtilitatem.

S. Ex diuerso, usque ad S. si Titius.

Sed si quis ædificauit ex sua materia in alieno solo, ædificium fit eius, cuius est solum, quasi ipse ædificator voluerit quod ædificium sit Domini soli. Vnde aliqui DD. *hic* intelligunt materiam esse donatam, ex quo sciens ædificauit in solo alieno ex propria materia, & propterea nec respectu compositionis potest ædificium dici ipsius ædificantis, quia illa compositio cedit solo, sine quo stare non potest. Sed Facchin. *lib. 1. controuer. Iur. cap. 55.* inquit materiam intelligi venditam, & non donatam, quia nemo præsumitur velle iactare suum *l. cum de indebito ff. de probation. imò etiam*

etiam prædo repetit impensas necessarias, & utiles *l. planè ff. de petit. hered.* Nec textus noster dicit materiam esse donatam, sed dicit materiam esse alienatam; alienare autem est genus tam ad donationem, quam ad venditionem. Et hæc opinio verior videtur. Vnde ædificans in alieno solo ex propria materia, poterit petere pretium materiæ.

Nec obstat si dicatur, quod hac ratione non esset differentia inter ædificantem bona fide, & ædificantem mala fide; quia respondetur differentiam colligi ex §. seq. certè illud constat, nempe quia ædificator bonæ fidei non tenetur dimittere possessionem, nisi soluto pretio materiæ, & mercede laborum, & operatum. Sed ædificator malæ fidei, qui sciebat solum esse alienum, statim tenetur dimittere possessionem, postea verò poterit petere pretium.

Hæc autem opinio intelligitur procedere ex æquitate: secus autem de rigore iuris; de rigore enim ædificator malæ fidei amittit materiam, & sumptus *l. si is, contra quem C. de ædific. priuat.* Inspecta tamen æquitate expensas recuperabit, & materiæ æstimationem, non ut valuit, sed ut valet *d. l. planè* æquitas enim non patitur quem locupletari cum aliena iactura *l. nam hoc natura ff. de reg. iur.* Vnde siue sit in bona fide, siue in mala, recuperabit necessarias, & utiles expensas, ut supra diximus, non autem voluptuarias.

Regula autem huius nostri textus non habet locum in Ecclesia; quis enim ædificauerit Ecclesiam in alieno solo, ipsius Ecclesiæ non erit Dominus nec Dominus soli, nec ædificator: sed solum ædificans erit Patronus illius Ecclesiæ per ædificationem, & Dominus soli si pretium soli non repetat, acquireret ipse quoque usupatronatus illius Ecclesiæ per fundationem. gloss. in can. Apostolicos 12. quest. 2. in verb. construxisse, per vos videnda.

S. Si Titius, cum S. seq.

Habetur in hoc textu quod planta cedit solo, si radices egerit; sius rei arbitri sunt rustici, quorum relationi stare debet Index; am standum est Peritis in arte *l. inter artifices ff. de solution.* Et si in confinibus posita sit arbor, & ab utraque parte radices egerit, & communis eorum, qui sunt Domini illorum confinium; nam cum radices egerit, intelligitur facta pars ipsius fundi, ex quo incrementum percipit *l. ades in fin. & l. qua ratione ff. de acquir. rer. domin.* Idem dicitur de ijs, quæ lata sunt, quia cedunt solo: sed datur dem distinctio, quæ tradita est supra de ædificio.

S. *Littera.*

Litteræ cedunt chartis tanquam suo principali, ideoque sunt eius, cuius sunt chartæ. Sed in litteris plura possunt considerari. Primo materia, ut est atramentum, vel aurum; & hæc procul dubio cedit. Secundo consideratur figura, seu character, & iste etiam cedit. Tertio consideratur tenor, seu significatio, & ex hoc tex. videtur quod cedat, dum dicitur, *si carmen, vel historiam &c.* Potest etiam probari contrarium ex hoc eodem tex. quatenus subdit deinde, *huius corporis &c.* tenor autem non est quid corporale. facit *tex. in l. non figura ff. de action. & obligat.*

Sed dubitatur numquid hodie textus noster procedat, cum litteræ soleant esse pretiosiores chartis. Et Myssing. in §. seq. inquit, communem esse opinionem, quod hodie chartæ cedant litteris per tex. seq. ubi dicitur *quod tabula cedis pictura.* Sed hoc esse non potest, quia tex. noster dicit, *littera quoque licet aurea sint, chartis, membranisque cedunt, ac solo cedere silent ea, qua inadificantur, aut inseruntur.*

Sin autem Dominus chartarum petat ab eo, qui scripsit, suæ chartas, ille qui scripsit si est possessor bonæ fidei, non tenetur restituere chartas, nisi solutis expensis scripturæ: si verò male fidei possessor est, tenetur dimittere possessionem chartarum, & impensas non recuperabit, nisi fuerint necessariae, vel utiles.

S. *Si quis in aliena.*

Fuerat quæstio apud antiquos numquid pictura cederet tabulæ. Et quidam crediderunt cedere tanquam suo principali ad tex. in *l. in rem actio ff. de rei vendit.* Alij contrarium voluerunt, quia absurdum est, ut nobilissima pictura cedat vilissimæ tabulæ. Imperator sequitur hanc posteriorem sententiam. Sed non videtur esse bona decisio, quoniam aut consideramus materiam picturæ, ut sunt colores, & iam supr. dictum est, quod materia licet pretiosior, cedat suo principali, cui adhaeret, ut contingit in scriptura, aut consideramus ipsam figuram, & hæc etiam cedit, ut iam supr. dictum est de figuris litterarum, seu characteribus; ynde per decisionem huius textus videtur corrigi textus superior in §. *littera*, ut dicebat Myssing. Nihilominus hæc Imperialis decisio sustinetur propter absurdum, quod dicitur esse, ut pictura nobilissima cedat in accessionem vilissimæ tabulæ, quia in pictura exprimitur,

&

& consideratur ipsum artificium, & ingenium pictoris, quod non potest cedere tabulæ: in scriptura verò non consideratur, nec exprimitur ingenium, nec artificium auctoris, quod in eius mente manet, & voce exprimitur: sed solum consideratur illud materiale atramenti, vel auri, & characterum, quod cedere debet. Si verò pictura fiat in pariete, tunc cedit, tanquam immobili, & ut ipsius parietis ornamentum, ac accessorium, ut communiter dicunt DD. *hic*

Quòd si pictura possideatur à Domino tabulæ, qui eam pinxit, potest eam petere: sed non tenetur Dominus illi eam dare, nisi soluto pretio tabulæ. Sed si is, qui pinxit possideat tabulam, & à Domino tabula petatur utili actione in rem, non directa, cum desierit esse Dominus, si pictor bonæ fidei possessor est, non tenetur dare illam, nisi soluto pretio picturæ; quòd si malæ fidei possessor sit, tenetur dimittere possessionem, & impensas repetere non potest, nisi utiles, & necessarias. Et hoc mirabile est, quod non Dominus à Domino vendicat, ut inquit glossa *hic in verb. utilis actio*. Dicunt tamen communiter DD. hoc debere intelligi, ut sit in arbitrium pictoris, bona fide possidentis tabulam pictam, illam dare domino tabulæ actione utili eam petenti, vel illi solvere pretium tabulæ. Ita inter alios Iul, Pacius *hic*. Quòd si tabula fuerit subrepta à pictore, vel ab alio, datur Domino actio furti.

S. Si quis à non Domino.

Septimus modus acquirendi dominium de Iure naturali, seu gentium est per possessionem bona fide acquisitam; Nam bonæ fidei possessor facit fructus suos. Pro qua re intelligenda

Sciendum est quòd bonæ fidei possessor dicitur ille, qui putat radentem v. g. donatorem, aut venditorem fuisse verum dominum, vel quasi dominum, vel habuisse ius vendendi, seu donandi eam possessam *l. bona fidei ff. de verb. signific.*

Quadruplex autem est bonæ fidei possessor, alius cum tit. oneroso, qui scilicet rem emit &c. alius cum tit. lucroso, scilicet cui es donata est &c. alius cum tit. valido, qui scilicet possidet rem ex causa contractus à lege non prohibiti: alius cum tit. invalido, scilicet qui possidet rem ex causa contractus à lege reprobati. v. g. maritus possidens bona donata sibi ab uxore propria constante matrimonio, vel è contra *l. 1. ff. de donat. int. vir. & vxor.* Quæ omnia declarantur per Bart. *in l. ex diverso ff. de rei vendic.*

E contra verò malæ fidei possessor dicitur ille, qui possidet rem

sciens non esse suam, nec vllum ius in ea habere c. *fin. de praescrip-
tion.* Et hic malæ fidei possessor est in triplici differentia; alius
enim dicitur improbus, alius improbius, & alius improbißimus.
Improbis dicitur ille, qui habet titulum, & possessionem ab au-
ctore bonæ fidei, ipse tamen scit non fuisse rem illam auctoris, sci-
licet venditoris &c. Improbius dicitur qui v.g. emit scienter rem
à fure. Improbißimus est ipse fur, seu usurpator. Bald. in l. *malæ
fidei C. de condiß. ex leg.*

Sciendum etiam est, quòd fructus est quicquid utilitatis ex fun-
do percipitur, quod propriè est id, quod superest deductis expen-
sis. Fructus autem quidam sunt naturales, & quidam ciuiles. Na-
turales sunt quos natura, vel animalia producant; & horum qui-
dam sunt simpliciter naturales, in quibus magis operatur natura,
quàm industria, vt sunt castaneæ, nuces &c. quidam verò dicuntur
industriales, in quibus operatur magis industria, quàm natura,
prout sunt segetes, vites &c. l. *fructus ff. de usur.* Ciuiles verò fru-
ctus sunt qui neque naturæ beneficio, neque hominis industria pro-
ducuntur: sed ab ipso iure sunt inducti, vt sunt pensiones domo-
rum, fructus dotaless l. *de fructibus ff. de donat. int. vir. & vxor.* fru-
ctus locorum montium, fructus societatum officiorum, & similia.

Hic positus bonæ fidei possessor cum titulo, quicumque sit, dum-
modo sit validus, facit fructus suos v.g. qui emit fundum alterius
à non domino, quem credebat dominum, si postea dominus su-
perueniat, & fundum vendicat, non tenetur qui emit fructus per-
ceptos restituere, idest ciuiles, & industriales: naturales verò te-
netur. Ita communiter DD. veteres hic. Sed recentiores tenent
quòd nullos restituere teneatur, nec ciuiles, nec industriales, nec
naturales. Ita Carond. lib. 1. *verisimilium Iuris cap. 6.* Ita etiam
Emman. Soar. in *suis communib. in verb. fructus.* Et ratio est, quia
quoad fructus attinet, loco domini pœne est, inquit text. in l. *bonæ
fidei ff. de acquir. rer. domin.* & expresse docet Bart. in l. *ex diuerso ff.
de rei vendicat.* Probat etiam tex. noster, dum dicit, placuit fructus,
quos percepit, eius esse pro cultura, & cura. Explicat glos. pro cultu-
ra, vt segetes & sic industriales: & cura, vt pilus, lana, & lac &
sic naturales. Quod intelligitur de fructibus perceptis, & con-
sumptis; fructus enim extantes sequuta fundi vendicatione, resti-
tuere tenetur, vt ex ipso tex. colligitur, & ibi glos. in *verb. non
potest.* Sed malæ fidei possessor tenetur restituere omnes fructus;
etiam quos potuit percipere, & culpa sua non percepit, si nullum
habeat titulum: si verò titulum aliquem habebat v.g. quia rem
illam emit, non tenetur restituere illos, quos culpa sua non perce-
pit:

pie: ceteros verò tenetur restituere, vt in §. & si in rem infr. de officio
Iudic.

S. Is verò.

Vsfructuarius fundi non fit dominus fructuum, nisi eos perceperit. Et percepti dicuntur cum separati sunt à solo, vt si spica, aut fœnum est cælum, vna adempta, olea excusa &c. licet nondum frumentum, vel vinum, vel oleum factum sit l. si vsufructuarius ff. quib. mod. vsufr. amitt. & communiter dicunt DD hic Itaque si vsufructuarius moriatur fructibus non perceptis, sed pendentibus adhuc in plantis, non ad ipsius heredes pertinent, sed ad proprietarium.

Idem dicitur de Clerico Beneficiato, qui viuens dicitur vsufructuarius beneficii, cum fructus beneficiorum dentur pro Beneficiati labore inseruientis beneficio. Non dicuntur tamen fructus beneficiorum collecti, solum ex eo quod sint separati à solo, sed debent etiam esse inde exportati, alias non debentur heredibus beneficiati, sed spectant ad successorem, seu ad Cameram Apostolicam ex const. 7. Iulij Tertij.

S. In pecudum.

Dicit textus quod in pecudum fructu sunt fœtus, pilus, lana, & lac; Vnde ista sunt vsufructuarij. Sed partus ancillæ non est vsufructuarij, quia absurdum est hominem esse in fructu, cum natura omnes fructus gratia hominis comparauerit l. vetus ff. de vsufruct. &c.

S. Sed si gregis.

Qui habet vsum fructum gregis, si moriatur vna ouis, vel plures, tenetur in locum demortuorum alias ex fœtu substituere, sed quid si non possint haberi ex fœtu, an teneatur aliunde querere, & substituere? & communis opinio, est quod non teneatur, vt testatur Angel. & refert Myssing. hic. Sed Portius hic inquit communem opinionem esse quod teneatur aliunde querere. Possunt autem istæ opinioniones conciliari si dicatur, quod si plurius mortuæ sint, & non habeat ex fœtu, non teneatur aliunde querere; si verò paucæ mortuæ sint, & tunc teneatur etiam aliunde querere.

Idem dicitur de qualibet alia vniuersitate, tam animalium, quam

quàm corporum. Sic usufructuarius vineæ in locum arborum, vel vitium ex siccatarum debet alias eiusdem generis substituere, & ita totam vniuersitatem integram conseruare, & facere vt bonus paterfamilias.

Idem etiam dicitur de conductore gregis, vel armenti, qui ad instar usufructuarij tenetur in locum demortuorum capitum alia subrogare iuxta *lex. in d. l. vetus ff. de usufructu. &c.*

§. Thesaurus

Octauus modus acquirendi dominium de iure naturali, seu gentium est per inuentionem thesauri. Thesaurus autem duobus modis considerari potest, propriè, & impropriè.

Appellatione thesauri impropriè loquendo venit pecunia abscondita causa custodiæ, seu pecunia deperdita *l. thesaurus ff. ad exhibend. l. peregrè ff. de acquir. possess.* in quibus iuribus habetur licitum esse abscondere in terra etiam aliena pecuniam, & postea gratia requirendi illam ingredi prædium etiam contra voluntatem domini. *vt in d. l. thesaurus.* Hic autem thesaurus impropriè sumptus non conceditur occupanti; vnde qui eum inuenit, & non restituit, dicitur fur *l. qua ratione §. fin. ff. de acquir. rer. domin. l. 2. tutore ff. de rei vindicat.* vbi emptor domus, qui in ea pecuniæ quantitatem inuenit, si pecunia illa non est thesaurus propriè dictus, restituere tenetur venditori, vel ei, cuius fuerat. Secus si est thesaurus propriè dictus. Verum tamen est, quod si non potest inueniri dominus factis diligentijs, scilicet affixo libello &c. & inuentor pauper sit, illam retinere sibi potest tuta conscientia: si verò est diues, eam consignare debet confessorio, vel Episcopo erogandam in pijs operibus, vel eam tradere pauperibus secundum dispositionem Iuris Canonici.

Thesaurus propriè dictus est vetus pecuniæ depositio, cuius initium non est in memoria hominum, & cuius dominus ignoratur *l. nunquam nuda §. 1. ff. de acquir. rer. domin.* seu est pecunia ab ignorantibus dominis vetustiori tempore abscondita *l. vnic. C. de thesaur. lib. 10.* Dicitur etiam fortunæ donum *l. si is, qui §. 1. ff. de acquir. rer. domin.* quod idem est, ac Dei beneficium, *vt in d. l. vnic.*

An verò Thesaurus inuentus sit propriè, vel impropriè Thesaurus, cognoscitur ex pecuniæ qualitate, seu sculptura. Et quamuis thesaurus dicatur pecunia, tamen etiam ceteræ res pretiosæ ita absconditæ veniunt appellatione thesauri, vt per DD. *in d. l. vnic.*

fodiens verò argenti, auri &c. non veniunt appellatione thesauri
DD. *ibid.*

Hoc posito. Inueniens thesaurum propriè sumptum in loco
uo, etiam data opera, vel in loco sacro, aut religioso, sed casu
ortuito, totus ipsius est. Item si feudatarius in loco feudali, &
emphiteota in loco emphiteotico cum inuenerit, quia feudatarij,
& emphiteotæ, non autem superioris, aut directi domini est.

Si quis autem inuenerit thesaurum fortuito casu in loco alie-
no, siue publico, siue fiscali, siue Ciuitatis, siue priuato, di-
midium illius thesauri est inuentoris, & dimidium domini loci.
ed si quis data opera inuenerit, nihil de illo thesauro consequi-
tur, cum nemo debeat rebus alienis inhare: sed bonis suis frui
l. l. *unic. in fin. C. de thesaur. lib. 10.* Quod intelligitur in alieno
oco: secus si in suo, quia tunc etiam si data opera inuenerit,
ine tamen magicis, & illicitis, artibus, totus ipsius est, *ut supr.*
liximus, & notatur per DD. hic, & in d. l. si is qui ff. de acquir.
er. domin. & expressè habetur in d. l. unic.

Vsfructuarius verò non acquirit sibi thesaurum in fundo fru-
ctuuario inuentum, nisi pro dimidia parte, perinde ac si illum
nuenisset in fundo alieno: si quidem thesaurus in fructu non
est, quia semel perceptus non renascitur l. *fructus in princ. & l. seq.*
l. si vir. ff. solut. matrim. Quod intelligitur etiam si fructuarius
lata opera inueniat. gloss. in d. l. si is, qui in §. quod si seruus in
verb. aliud dedit. Hoc etiam dicitur de domino directo, si in-
uenerit thesaurum in fundo emphiteotico, quia dimidia pars est
domini directi, tanquam inuentoris, & dimidia emphiteotæ.
Item dicitur de creditore, qui inuenit thesaurum in fundo sibi
debitore pignorado, nam dimidium illius est inuentoris, & di-
midium domini fundi. d. l. si is, qui §. quod si creditor. Colonus
verò si laborando inuenerit thesaurum v.g. fodiendo vineam, di-
midium illius habebit tanquam inuentor: secus si ad hoc fuisse
et conductus, idest vt foderet terram pro inueniendo thesauro;
unc enim nihil de illo habet, quia pro mercede ad hoc locauit
operam suam, & ideo quicquid provenit ex illa opera, debet
esse soluentis mercedem, prout inquit Angel. relatus in additione
ad glossam hic in verb. suo, *vers. quid si mercenarius.*

Est autem controuersum, numquid inuenire in hoc textu si-
gnificet apprehendere, an solum scire locum; & videtur dicen-
tum quod sufficiat sola scientia, vt distinguatur hic modus ac-
quisitionis à superiori per apprehensionem. prout in §. Item la-
illi. Et hæc fuit opinio Gloss. ind. §. item lapilli, in verb. inueni-
toris.

oris. Nihilominus communior, & magis recepta est sententia Bart. in l. 1. in princ. ff. de acquir. possess. quod scilicet etiam hic requiratur corporalis apprehensio. Quod probatur ex textu in l. 3. §. Nertius ff. de acquir. possess. in fin. ubi dicitur, nec aliis eum, qui scit, possidere, nisi thesaurus loco motus sit; quæ possessio prærequiritur necessario ad acquirendum dominium thesauri, cum sic res nullius. Distinguitur autem hic modus acquisitionis à superioribus, quia in §. Item lapilli, disponitur de rebus inuentis in loco communi omnium, nempe in littore maris, & sic fiunt inuentoris: in hoc autem textu disponitur de thesauro inuento in loco alieno publico, vel priuato, & tunc secundum naturalem æquitatem dimidia pars conceditur domino loci. Præterea in §. item lapilli agitur de rebus, quæ sunt ibi natæ ex natura loci, idest in littore maris, vel delatæ fortuito, ut explicauimus in d. §. Item lapilli: hic verò agitur de re, quæ ab aliquo data opera abscondita fuit, qui tamen ignoratur ob temporis diuturnitatem; & sic tam ratione loci, quàm ratione rei hic modus octauus distinguitur ab illo primo modo acquirendi per apprehensionem.

§. Per traditionem.

Nonus modus acquirendi dominium de iure naturali, seu gentium est per traditionem. Traditio est rei corporalis de manu in manum facta translatio, idest de dominio in dominium. Datur etiam quasi traditio in rebus incorporalibus, quæ nihil aliud est, quam patientia Domini circa aliquid in usu vtentis iure sibi constituto, ut si constitui tibi seruitutem itineris per fundum meum ad fundum tuum, eo ipso quod patior te ire, dicor quasi tradere tibi ius illud, & tu incipis quasi possidere. Datur etiam ficta traditio, prout contingit in constituto v. g. si vendo tibi domum meam, & constituo, idest declaro, & statuo, me illam deinceps possidere nomine tuo. Datur etiam tacita traditio, ut contingit in societate, quando res inter socios communicantur l. 2. ff. pro soc.

Per traditionem itaque siue expressam, siue tacitam, siue veram, siue fictam, siue etiam per quasi traditionem transfertur dominium, si tamen concurrat voluntas domini, volentis dominium transferre. Item si concurrat causa iusta, idest titulus habilis ad transferendum dominium v. g. donationis, dotis, venditionis, legati &c. & res sit talis, cuius dominium transferri possit.

Dubitatur autem numquid per solam traditionem, non explicando voluntatem tradentis intelligatur donatio, an potius mutuum

um, an vero depositum. Et regula est, quod nunquam nuda traditio, idest sine titulo, & voluntate domini sufficit ad transfundendum dominium *l. nunquam nuda ff. de acquir. ver. dom.* Et in ubio regulariter non præsuntur quis tradere rem ad transfundendum dominium *l. cum de indebito ff. de probationib.* Vnde Facchin lib. 2. controu. Iur. cap. 53. inquit Iudicem arbitrari quid sit ex circumstantijs personæ dantis, & accipientis, an sit diues, vel pauper, an consanguineus, aut amicus, aut extraneus, & quæ uerunt acta, dicta, facta, sequuta, & similia.

S. Vendita

Aliquando traditio cum titulo habili non causat translationem domini, ut quando est facta titulo venditionis, non soluto pretio per emptorem, quia intelligitur tacita conditio, si pretium solueris; unde si emptor in hoc casu propria auctoritate occupet rem venditam, prædo diceretur *l. si ex stipulatione ff. de acquir. poss.* sed si habita sit fides de pretio, idest datus terminus ad soluendum, seu, ut vulgo dicitur, data res ad credentiam, et sit datum pignus, aut fideiussor, vel alio modo satisfactum sit creditori, intelligitur translatum dominium. Vnde cautus debet esse venditor, quando habet fidem de pretio, ut protestetur, quod non intendit transferre dominium, sed illud sibi referuat, donec sit solutum integrum pretium; alioquin periclitaretur, quia emptor posset in alium transferre rem, & pretium consumere, & venditor non haberet regressum ad rem, & difficultas esset in pretio consequendo. Vnde non translato dominio, emptor eandem rem in alium transferre non potest, quia semper venditor tanquam dominus posset rem suam vindicare. Imò bonum etiam esset protestari, quod nec intendit dare possessionem, sed nudam detentionem, & ipsi emptorem tanquam nudum custodem constituere, quousque soluerit integrum pretium. Ceterum si imminet cuiusdam, quia emptor a creditoribus venditoris molestetur, poterit emptor retinere pretium, vel illud deponere, quousque molestia duret, a quibus tenetur venditor illum liberare.

S. Interdum.

Item sine traditione rei, sed sola voluntate domini aliquando transfertur dominium: Ponitur in text. exemplum, ut si tibi comodaui, vel apud te deposui rem, eamque postea tibi vendide-

rim, vel donauerim, quamuis ex ea causa tibi rem non tradiderim. tamen transfertur dominium mutata causa possessionis, Ex quo apparet quod superueniente titulo potest quis mutare sibi causam possessionis, quamuis sit regula quod nemo possit mutare sibi causam possessionis *l. quod meo ff. de acquir. possess.* Sed intelligitur sine titulo; unde si quis antea possidebat corporaliter, quæ possessio dicitur detentatio, incipit postea possidere titulo emptionis, vel donationis, qui titulus est habilis ad transferendum dominium. Possumus autem dare aliud exemplum, in quo nulla præcesserit traditio, ut legata est mihi certa res v. g. domus. Mortuo testatore ipso iure fit dominus rei legatæ absque vlla traditione *l. 1. §. 2. C. commun. de legat.* & si heres à me illam rem emat, acquirit etiam dominium ex mea voluntate absque vlla traditione. Ecce duobus modis potest transferri dominium nulla præcedente traditione.

S. Item si quis

Interdum etiam transfertur dominium rei, non per traditionem ipsius, sed alterius æquipollentis, ut si vendo tibi merces, quas habeo in horreo, & trado tibi claues horrei, transfero dominium, quia claues sunt instrumentum immediatum, per quod ingreditur ad ipsas merces. Sed dubitatur numquid traditio clauium debeat fieri in conspectu horrei. & gloss. *hic* tenet quod sic per tex. in *l. clauibus ff. de contrah. empti.* sed secundum praxim, & de consuetudine sufficit in traditione clauium indicare præcisè locum, ubi est ille horreus.

S. Hoc amplius

Decimus, & vltimus modus acquirendi dominium de iure naturali, seu gentium est ex voluntate domini collata in incertam personam, ut cum spargitur pecunia in vulgus à Principibus; volunt enim, ut quisque illam capiat, suam faciat: sed postea incertitudo reducitur ad certitudinem per ipsam capturam.

Sic etiam aliquando acquirit quis dominium ex facto hominis habentis rem suam pro derelicto *l. 1. ff. pro derelicto*. Ad quod requiritur quod si est res mobilis, abijciat eam à se: si verò est res immobilis recedat ea voluntate, quia non vult amplius rem illam esse suam; neque sufficit dicere nolle esse in dominio suo, nisi recedat, & faciat possessionem vacuum. Seruus autem habitus à do-

domino suo pro derelicto, sit liber, idest quando dominus diceret, nolo amplius hunc seruum esse in bonis meis, aut mancipium suum ægrotum, aut sanum, sed alimentis egens, deferat, aut exponat, illud pro derelicto videtur habere, ac eius dominium amittit, eoque casu talis seruus veram sibi vendicat libertatem, vt probat Cantiuncula. *hic.*

Pro derelicto haberi potest solum res, quæ est in dominio nostro, & ita habemus in ea ius quæsitum, sed si habemus ius quærendum ex causa de præsentī, quod dicitur in specie ius delatum non potest haberi pro derelicto, sed solum repudiari *l. delata ff. de verb. signif.* vbi dicitur, delata hereditas est, quam quis potest adeundo consequi, vel repudiare si verò est ius quærendum ex causa de futuro, quod specificè, & propriè dicitur ius quærendum, vt si quis instituatur heres sub conditione futura, non potest haberi pro derelicto, neque repudiari, sed solum renunciari. Ita Bolognett. in *l. 1. C. de pact.*

§. Fin.

Quæ verò proijciuntur ex necessitate, non habent voluntatem domini dimittendi dominium, ideoque eiusdem permanent, pro ut sunt quæ ob naufragium iactantur in mare; nam si quis eas res vel in ipso mare, vel in littore depræhensas detinuerit animo lucrandi, committit furtum, nec valet consuetudo ea bona pro se retinendi, vt habetur in *constit. 20. Iulij Secundi.*

Idem intelligitur de his rebus, quæ de rhæda currenti non intelligentibus dominis, idest illis ignorantibus, nec videntibus cadunt, quia semper remanent in dominio eorum; quòd si scientibus etiam illis, veluti cum nimis onerati rem aliquam abijecerint in viam, mox reuersuri vt illam capiant, idem iuris est, ac de cadentibus de curru ipsis ignorantibus *l. qui lenanda ff. ad l. Rhædiam. de iactu.*

De rebus Corporalibus, & Incorporalibus.

T I T. I I.

Dictum est in superiori tit. quòd res quædam sunt in patrimonio nostro, & quædam extra nostrum patrimonium. Verum quia rerum existentium in nostro patrimonio quædam corporales

rales sunt, & quædam incorporales, meritò subnectitur præsens tit. Corporales sunt quæ corpus habent, idest] quantitatem, seu principium triplex dimensionis, & sic tangi, & videri possunt, vt homo, equus, lapis &c. quod intelligitur potentia; nam licet actu aliquando per accidens tangi, seu videri non possint, vt quæ in profundo mari, vel in aere sita sunt, non per hoc desinunt esse corporalia.

Incorporales res sunt, quæ non cadunt sub sensibus corporeis, quia corpus non habent; vnde nec tangi, nec videri possunt, & sic ea quæ in iure consistunt, abstrahendo illa à corporibus subiectis, incorporalia sunt, prout sunt actiones, obligationes, seruitutes, & similia quæ in iure consistunt.

Differunt autem corporalia ab incorporalibus, quia corporalia tradi possunt §. *per traditionem* *supr. tit. prox.* Incorporalia verò tradi non possunt, sed in eis patientia domini habetur loco traditionis l. *quoties ff. de seruitut.* Præterea corporalia possunt vendicari, incorporalia minimè l. *vindicatio ff. de rei vendic.* Sic etiam in rebus corporalibus cadit vera possessio: in incorporalibus solum quasi possessio. l. 3. *in princ. ff. de acquir. possess.* Sunt etiam aliæ differentiæ, de quibus apud Plat. in §. *aque infr. de action.*

De Seruitutibus Prædiorum.

T I T. I I I.

INter res incorporales connumerantur iura, idest seruitutes prædiorum rusticorum, & vrbanoꝝ, & ideo ponitur hic tit. Pro cuius intelligentia

Notandum est, quod seruitutes aliæ sunt merè personales, quæ debentur à persona personæ, vt est homo seruilis conditionis, qui cogitur domino suo seruire, & de his seruitutibus personalibus dictum est in superiori libro tit. *de iur. person.* Quædam dicuntur merè reales, quæ debentur à re rei, idest ab vno prædio alteri prædio, de quibus agitur in hoc tit. Quædam verò dicuntur mixtæ, quæ vel debentur à persona rei, prout est seruus adscriptus glebæ, seu fundo, & de his hic non agitur, sed supra dictum fuit in eod. tit. *de iur. person.* vel debentur à re personæ, prout est vsus fructus, vsus, & habitatio, de quibus habetur in duobus titulis. seqq.

In hoc itaque tit. agitur de seruitutibus merè realibus, quæ debentur

sentur à re rei, seu ab vno prædio, alteri prædio. Et seruitus realis sic definitur per Bart. in l. 1. ff. de seruit. Est ius quoddam prædio inhærens, per quod dominantis prædij utilitas augetur, seruientis verò minuitur.

Seruitus autem realis alia dicitur rustica, alia urbana. Rustica est quæ debetur prædio rustico, siue à rustico, siue ab urbano debeatur: Urbana est quæ debetur prædio urbano, siue ab urbano debeatur, siue à rustico, quia denominatio fit à prædio dominante, cui debetur seruitus, tanquam præstantiori.

Difficultas autem est quæ dicantur prædia rustica, & quæ urbana. Et in hac re tres sunt opiniones. Prima est quòd omnia ædificia sint prædia urbana, ubicunque posita sint. Ita gloss. in l. 1. ff. de seruit. urb. præd. Secunda est Alciati in l. urbana la 2. ff. de verb. signif. qui tenet, quod ædificia parata ad habitandum homines sint urbana, aliàs dicantur rustica. Tertia est Corasij in l. 1. ff. de seruitut. qui dicit urbana prædia esse ea, quæ sunt in continentibus, idest contiguis ædificijs. Sic stabula, quæ sunt contigua alijs ædificijs, sunt urbana, quæ verò per se stant rustica sunt. Ita in l. eo iure §. stabula ff. in quib. caus. pign. tacit. contrah. Vnde concordando prædictas opiniones possumus dicere, sola ædificia non esse urbana, nisi vel sint alijs contigua; vel in his habitent homines.

Seruitus item subdividitur tam rustica, quàm urbana. Rustica alia dicitur nominata, alia innominata. Innominata dicitur illa, quæ non habet nomen à iure, sed sibi ab actu, qui geritur, nomen assumit, de qua *infra* in §. inter rusticorum. Nominata est quæ à iure nomen habet, & ista quadruplex est, scilicet, Iter, Actus, Via, & Aquæductus, prout dicitur in *lex*.

Iter est ius eundi, & ambulandi hominis, non autem agendi iumentum, vel vehiculum, idest qui habet seruitutem itineris, vel solus, vel cum alijs transire potest, tam necessitatis, quàm voluntatis causa, & etiam letica portari, velequo duci: tamen vehiculo duci non potest, neque ibi agere iumentum, nisi equum ascendat l. qui sella ff. de seruit. rustic. præd.

Actus est ius eundi, & ambulandi hominis, ducendi iumentum, & vehiculum, non autem trabes trahendi, ut in d. l. qui sella. Et qui habet seruitutem actus, habet etiam seruitutem itineris, quæ etiam sine iumento uti potest.

Via est ius eundi, & ambulandi hominis, vehiculum ducendi iumentum agendi, trabes trahendi, & hastas rectas ferendi, ita ut fructus fundi non lædantur, ut in d. l. qui sella.

Aquæductus est ius ducendi aquam per fundum alienum, quod

potest constitui tam in aqua inuenta, quam in inuenienda *l. Labes ff. de seruit. rustic. prad.*

Ad hoc autem ut tam supradicta, quam infra dicenda sint seruitutes requiritur primo quod constituentur à domino. Secundo quod prædium sit contiguum, vnde si sit via, seu prædium intermedium, non erit seruitus, si sit via, vel prædium priuatum: secus si publicum iuxta text. in d. *l. qui sella §. fin.* & iuxta distinctionem per gloss. *ibi positam in verb. in rusticis*, quæ refert se ad text. in *l. seruitutes la 4. §. publico ff. de seruitut. & ibi gloss. in verb. haustus*. Tercio requiritur quod debeantur à prædio alteri prædio, & respiciant vtilitatem prædij si non immediatam, saltem mediatam: immediatam, ut ius hauriendi aquam ex puteo vicini ad irrigandum proprium prædium: mediatam, ut bibant operarij contigui prædij, & animalia, quæ illi prædio inseruiunt. Sed ut bibat paterfamilias, qui non colit tundum, non esset seruitus, sed obligatio personalis. Et discrimen est, quia mortuo eo, cui debetur, extinguitur obligatio: sed si est seruitus, semper sequitur ipsum fundum, & perpetuò manet *l. seruitutes la 3. in princ. & ibi Bart. ff. de seruitut.*

§. Prædiorum Urbanorum.

In hoc §. enumerantur seruitutes prædiorum urbanorum, quarum aliquæ sunt affirmatiuæ, aliquæ negatiuæ.

Inter affirmatiuas. Prima est seruitus stillicidij auerendi, idest ius, quo mediante alicui licitum est stillicidia domus suæ in domum, vel aream vicini auertere; nemo enim compellitur stillicidia vicini suscipere, nisi seruitus sit constituta *l. seruitutes §. si antea ff. de seruit. urban. prad.*

Secunda est seruitus itineris, seu aditus, idest ius, quo mediante alicui licitum est ire domum propriam per prædium alienum, ut in d. *l. seruitutes §. si domo ff. de seruit. urban. prad.* Ex quo colligitur quod seruitus itineris non tantum in rusticis, sed etiam in urbanis prædijs constitui potest. Sed qui habet seruitutem itineris per domum alienam ad domum suam, ea de die, & non de nocte uti debet *l. iter, ubi gloss. Bart. ut Bald. ff. comm. pradior. nisi aliud sit constitutum*.

Tertia est seruitus oneris ferendi, idest ius, quo vicinus tenetur sustinere onera domus vicini super parietem suum, vel propriam columnam *l. cum debere ff. de seruit. urban. prad.* Et hæc seruitus differt à ceteris, quia qui simpliciter tenetur ad alias, ad nullum factum

etiam tenetur, nisi ad præstandam patientiam: at verò qui tenetur ad hanc servitutem, cogi potest ad factum v.g. ad parietem, vel columnam reficiendam, si cõruerit, vt in d. l. cum debere.

Quarta dicitur servitus tigni immittendi, idest ius, quo licitum est vicino immittere trabes suas in vicini parietem l. 1. ff. de servit. urban. prædior.

Quintadicitur servitus altius tollendi, idest ius, quo mediante vicinus compellitur altius tollere ædes suas, quia vicini interfit propter ventum, vel solẽ l. si arborem, vers. interdum ff. de servit. urban. præd.

Inter negativas servitutes urbanorum prædiorum prima dicitur servitus altius non tollendi, per quam prohibetur vicinus domum suam invito vicino altius extollere, vt in d. l. 1. ff. de servit. urb. præd. & l. altius C. de servit. & aqua.

Secunda dicitur servitus, ne prospectus officiat, idest ius, quo vicino non licet quidquam facere in domo propria, per quod officiat vicini prospectus l. inter servitutes ff. de servit. urban. præd.

Tertia dicitur servitus stillicidij non auertendi, idest ius, quo non licet vicino aliquid facere, quo minus stillicidia domus suæ in prædium vicini defluant, quia forte vicinus illis vitur ad implendam cisternam, vel quid simile d. l. 1. ff. de servit. urb. præd. ubi Bart.

Sunt aliz plures servitutes urbanorum prædiorum tam affirmatiuz, quàm negatiuz, quæ recensentur in toto tit. ff. de servit. urban. prædior. & de illis latè agitur per Cepoll. in suo tract. de servitutib.

§. Inter rusticorum

Enumerantur in hoc §. servitutes rusticorum prædiorum in nominate, quarum quinque sunt species.

Prima dicitur servitus pecoris pascendi, idest ius pasculandi in fundo alieno l. 1. §. in prædijs ff. de servit. rustic. prædior. Et si quis non habens tale ius in alienum fundum animalia sua immiserit ad pasculandum, punitur ex l. Aquilia, l. quamvis, & ibi DD. ff. ad legem Aquilianam.

Secunda dicitur servitus pecoris ad aquam appellus, idest ius, quo mediante licitum est mihi pecora agri mei ad fontem, seu riuum agere per prædium vicini d. l. 1. §. in prædijs, & l. 1. §. Trebatius ff. de aqu. quod. & astin. Quod si quis habet ius, vt cer-

tum

cum numerum ouium per fundum vicini ducere possit, si plures appulerit, non omnes à domino prædij repelli possunt, sed solum illæ, quæ numerum excedunt *d. l. 1. §. Marcellus ff. de aqu. quot. & alt.*

Tertia dicitur aquæ haustus, idest ius hauriendi aquam à fonte, vel ex puteo vicini *l. unic. ff. de fonte & habens hanc seruitutem*, iter habere præsumitur *l. 3. §. qui habet ff. de seruit. rustic. prædior.* quia concessio vno dicitur concessum omne id, sine quo concessum haberi non potest *ad text. in l. 2. ff. de iurisd. omn. iudic.*

Quarta dicitur seruitus calcis coquendæ, idest ius, quo licet calcem coquere in fundo vicini ad vtilitatem sui fundi *d. l. 1. §. in prædijs.*

Quinta dicitur seruitus arenæ fodiendæ, idest ius, quo licitum est in prædio vicini ad vtilitatem sui prædij arenam fodere. *d. §. in prædijs.*

S. Ideo autem

Appellantur autem istæ seruitutes prædiales, quia sine prædijs constitui non possunt, & ex hoc colligitur, nemini posse acquiri seruitutem siue vrbani, siue rustici, qui prædium non habeat, & neminem posse constituere seruitutem siue vrbani, siue rustici, qui pariter prædium non habeat.

Colligitur pariter cuique licitum esse in proprio prædio seruitutem imponere dummodo alteri non præiudicet *arg. text. in l. in re mandata C. mandati.* Quod præcedit, si vnus est prædij seruiens dominus: secus si plures, quia tunc requiritur omnium consensus *l. per fundum ff. de seruit. rustic. prædior.* Item proprietarius nudam habens proprietatem, dummodo usufructuario non noceat, in prædio, in quo proprietatem habet, potest alteri seruitutem concedere. *l. sed & si §. fin. ff. de usufruct.*

S. Fin.

Quodlibet prædium de sui natura est, & præsumitur liberum, si quis ergo dicat esse seruum, idest quod alteri prædio seruitutem debeat, hoc debet probare. Et probare potest se illam seruitutem acquisiuisse, vel per contractum, ut quia illam emerit à domino, aut ei donata fuerit, vel per testamentum, ut quia ei legata sit, &c.

Sed dubitatur, numquid per vsucapionem, seu præscriptionem

nem probari possit esse acquisitam servitutem . Et communiter DD. teste Facchin. *lib. 8. controuers. iur. cap. 22.* dicunt posse vsucapi per decem annos inter presentes , & viginti inter absentes , si seruitus habeat causam continuam , vel quasi continuam , idest in cuius vsu non requiratur factum hominis perpetuum , prout est aquæductus , & stillicidium , quia semper aqua de sui natura fluit , & stillicidium de sui natura defluit . Si verò seruitus habeat causam discontinuam , idest in cuius vsu semper factum hominis exigitur , vt est via , iter , aquæ haustus , & similia , requiritur tantum tempus , cuius initij memoria non extet ad præscribendam talem servitutem , idest spatium centum annorum . Ita gloss. in *l. servitutes la 4. in princ. ff. de servitut. in verb. certam* , omninò videnda , quia est glossa magistralis .

Sed quòd seruitus non possit vsucapi , seu præscribi est text. in *d. l. servitutes in princ.* vbi dicitur *quòd servitutes quia res incorporales sunt , non possunt vsucapi* . Sic etiam est text. in *l. 4. §. fin. ff. de vsucapionib.* vbi dicitur *quòd per legem Scriboniam in servitutibus prohibetur vsucapio* . Tamen in *l. fin. in fin. C. de præscript. long. temp. dec. vel vigint. ann.* dicitur , *sive sine res incorporales , sive corporales præscribi possunt* . Hoc etiam habetur in *l. si quis diuturno ff. si seruit. vendicet.* Et ita videtur esse iura inter se contraria . Vnde Facchin. *vbi supr.* conatur hoc modo conciliare , scilicet quod ad fauorem libertatis prædij contra servitutem procedat vsucapio : non autem ad fauorem servitutis contra libertatem . Quod probatur in *§. fin. infr. de vsufunct.* ibi , *non utendo per modum , & tempus* . Exemplum . Habes ius immittendi tignum in parietem meum : sed ille tignus postea cecidit , & per decem annos illum non reposuisti , ego vsucepi hoc ius pro libertate mei prædij , vt non possis amplius illum immittere . Sed si tu non habens aliquam servitutem , apposuisti de facto , etiam si tenueris per quindecim annos , & amplius , possum nihilominus te prohibere , ne amplius illum teneas , quia tu non potes vsucapere servitutem contra libertatem mei prædij .

Alij verò distinguunt , quòd in rebus incorporalibus non inducitur vsucapio , sed solum præsumptio tituli , vt si apposui tignum in pariete tuo , & post decem annos velis me prohibere , ne illum teneam , habeo præsumptionem iuris , quòd ab initio habuerim servitutem apponendi ; vnde ad te spectat probare , quòd ego apposuerim propria auctoritate sine vlla servitute . Videatur idem Facchineus *loc. supr. cit.* qui quæstionem hanc diffusè tractat , pluresque adducit auctores .

De Vsfufru.

T I T. I V.

Vltum est de feruitutibus merè realibus; fequitur modò de feruitutibus mixtis, ideft, quæ debentur à re perfonæ, vt funt vltufufru, vltus, & habitatio. De vltufu. in præfenti tit. de vltu, & habitatione in feq.

Vltufufru eft ius vtendi fruendi alienis rebus falua rerum fubftantia, vt dicitur hic & in l. 1. ff. de vltufu. & quemaam. quis vltat. fruatur.

Dicitur ius, ideft facultas, & potentia vtendi, & fruendi; nam licet adu quis non vtatur, aut fruatur, vt puta in fundo ftérili: tamen etiam in illo datur vltufufru l. ftatua verf. licet ff. eodem, quia etiam in illo datur facultas, & potentia vtendi, & fruendi, fi redigatur ad fertilitatem; & licet adu in fundo ftérili non percipiatur vtilitas; tamen remanet fpec vtilitatis, & adu participatur animi recreatio ad text. in l. item fi fundi §. aucupiorum ff. eod.

Dicitur vtendi, ad differentiam facultatis, quam habet creditor in pignore, qui illo vti non poteft, & fi vtatur abfq; confenfu domini, furtum committit l. fi in pignore ff. de furt.

Dicitur fruendi, ad differentiam vltuarij, qui non poteft vti fruftibus, nifi pro fua neceffitate, vt in tit. feq. Vltufufruarius verò ad libitum de omnibus fruftibus difponere poteft, etiam pro alijs, vt dicitur hic

Dicitur alienis rebus, ad denotandum in rebus proprijs non cadere verè vltufufrum, quatenus vltufufru feruitus eft. Et licet in l. fi tibi proprietas ff. de vltufu. acerefc. dicatur dari in rebus proprijs vltufufrum; tamen intelligitur de vltufufru improprie fumpto; feu caulali, non autem de vltufufru proprie fumpto, feu formali, de quo loquitur hic nofter textus, vt infr. dicemus.

Dicitur falua rerum fubftantia, quia eatenus durat vltufufru, quatenus exiftit fubftantia rerum, in quibus fuit conftitutus, vt probare videntur illa verba pofita hic in princ. noftri text. Eft autem ius in corpore, quo fublato &c. vel etiam quia vltufufruarius debet vti, & frui, ita vt non diminuatur fubftantia rerum, neque mutetur.

Vltufufru autem folet diuidi in caulalem, & formalem.

For-

Formalis est usus rei alienæ à proprietate distinctus, cum scilicet alter habet proprietatem, alter usufructum in aliquo prædio; & hic est species servitutis, de quò agitur in hoc tit. ut inquit additio ad gloss. hic.

Causalis verò est usus rei propriæ, scilicet commoditas percipiendi fructus ex re propria; & hic non est species servitutis, & propriè non est usufructus, sed pars dominiij l. quod nostrum ff. cod. & ibi gloss. in verb. usufructum. Dicitur autem causalis, quasi causatus ab ipsa proprietate.

S. Ususfructus

Pluribus modis usufructus formalis inducitur

Primo per viam contractus, & sic pactionibus, & stipulationibus, ut si quis vendat, vel donet alicui usufructum prædij sui separata proprietate.

Secundo per viam ultimæ voluntatis, & sic testamento, ut si testator alicui usufructum reliquerit suæ hereditatis; tunc enim heres illius nudam illarum rerum proprietatem habebit, usufructuarius verò usufructum. Sic si testator alicui legauerit usufructum alicuius rei particularis.

Tertio inducitur auctoritate legis, ut est ille, quem habet Pater in bonis aduentitijs filij sui §. quod nobis, infr. per quas person. nob. acquir. l. cum oportet C. de bon. quæ liber. Sic etiam quando usufructus filio relictus est, statim acquiritur Patri. Ex quo dubitatur an per mortem filij extinguatur usufructus. Quam dubitationem subtulit Iustinianus in l. ult. C. cod. statuens nec morte Patris, nec morte filij extingui usufructum: sed remanere. penes superstitem; vnde intelligimus quod usufructus relictus filio, acquiritur Patri, & filio, tempore tamen successivo.

S. Constituitur

Pro intelligentia sciendum est, quòd quædam res sunt mobiles, quæ non per se, sed à nobis moventur, ut lapis, vestis &c. quædam sunt mobiles, seu se moventia, quæ per se moventur, ut sunt animalia. & quædam sunt immobiles, quæ nec per se, nec per alium moveri possunt, ut sunt prædia.

Præterea quædam res sunt, quæ usu consumuntur, ut frumentum, vinum &c. quædam quæ usu non consumuntur, sed solum minuuntur, ut sunt vestes, & cetera suppellectilia: quædam, quæ

usu nec consumuntur, nec minuuntur, ut sunt domus, lapilli pretiosi, gemmae &c.

Hoc posito, Vsfusus constituitur in omnibus rebus, exceptis illis, quae ipso usu consumuntur. In his enim utilitatis causa constituitur quasi vsusus per modum cautionis; quoniam traditur res aestimata, ut vsusuarius caueat se restitutum, tantam pecuniam, quando contingeret casus, quo vsusus, si verus esset finiretur.

S. Fin.

Vsfusus finitur primo morte naturali vsusuarii. Limitatur si vsusuarius sit filiusfamilias, quia ipso mortuo non extinguitur vsusus, sed remanet penes Patrem, ut supr. diximus. Et si alicui relictus est vsusus pro se, & suis heredibus, transit solum ad primos heredes, ne proprietas reddatur inutilis *l. antiquitas C. eod.*

Secundo extinguitur per mortem civilem, quae contingit per maximam, & mediam capitis diminutionem vsusuarii, non autem per minimam *l. corruptionem C. eod.*

Tertio extinguitur per non usum, hoc est si vsusuarius non utatur vsusu per decem annos inter praesentes, & per viginti inter absentes. Quod limitatur in vsusu relicto Vniuersitati, vel Ecclesiae, quia tunc durat spatio centum annorum *l. an vsusus ff. eod.*

Quarto finitur, si res, in qua vsusus constitutus est, pereat per incendium, terrae motum, vel vitio suo, ut dicitur *in text.* Quod adeo verum est, ut licet deinde res illa reficiatur, non tamen reuiuiscit vsusus.

De Vsu, & Habitatione.

T I T. V.

VSus est ius utendi alienis rebus salua rerum substantia. In eisdem autem rebus, & eisdem modis constituitur, & finitur vsus, quibus constituitur, & finitur vsusus.

Differt vero vsus ab vsusu, quia vsusus datur pro utilitate, & commoditate totius rei: sed vsus ob necessitatem tantum; unde est quod habens vsus, licet non possit cedere

re

re ius suum alteri, fructus tamen alteri concedere potest: sed usufructus non potest, nisi aliis usus esset inutilis, ut si esset alicui relictus usus sylvarum remotarum, posset in ea regione vendere tot ligna, ex quorum pretio posset sibi emere Romarum ligna ad propriam necessitatem.

Præterea usus est indiuiduus, sicuti sunt ceteræ seruitutes reales: sed usufructus diuiduus est, quia commoditas, & utilitas illa diuidi potest DD. in l. 2. §. & horum, & in l. stipulationes non diuiduntur ff. de verb. obligat.

S. Item Is, qui, cum S. seq.

Qui habet usum ædium, non potest alteri locare, quamuis possit habitare simul cum tota familia; & hoc solum permittitur de æquitate, ne inducatur dura separatio: non autem de rigore; qui enim habet solum usum ædium, non potest de rigore iuris habitare cum alijs, neque hospitem recipere. Sic qui habet usum serui, ipse tantum potest illo uti, ad alium verò ius suum nullo modo transferre potest. Idemetiam est de eo, qui habet usum iumentum, & qui pecorum, aut omnium habet usum, non potest uti lana, lacte, neque agnis, quia ista sunt in fructu, licet modico tantum lacte uti possit; ut inquit gloss. hic, in verb. neque lacte per tex. in l. plenum §. sed & si pecoris ff. eod. unde si vnus habebit usufructum, & alius usum eorundem pecorum, usufructus poterit solum uti pecoribus ad stercoreandum agrum suum, ut dicitur hic in fin.

S. Fin.

Habitatio est ius alienas ædes habitandi salua ædium substantia. Plus autem est in habitatione, quam in usu, quia qui habet usum ædium, ipse solum debet habitare, neque potest hunc usum alteri concedere, & vix cum vxore, & familia de æquitate tantum potest illo uti, ut diximus: secus autem qui habet habitationem, quia potest illam etiam alteri locare. Et habitatio intelligitur esse tacite relicta, quando est relictus victus, & vestitus, cum ceteris necessarijs. Ex quo colligitur quod habitatio non finitur per maximam, & mediam capitis diminutionem, cum sit species alimentorum l. legatis ff. de aliment. & cibar. legat. alimenta enim cum sint iuris naturalis, sunt immutabilia ad tex. in §. sed naturalia supr. de Iur. nat. gent. & civ.

De Vſucapionibus, & longi temporis Præſcriptionibus.

TIT. VI.

Dictum eſt de acquisitione rerum, quæ ſit de Iure naturali, ſeu gentium. Erat videndum de acquisitione, quæ ſit de Iure ciuili, quæ eſt per vſucapionem, & per donationem, & ideo ponitur præſens, & ſequens titulus.

Vſucapio dicitur, ideſt poſſeſſione capio, quia vſus pro poſſeſſione accipitur *l. quaſtio ff. de verb. ſignif.* & ſine poſſeſſione vſucapio non procedit *l. ſine poſſeſſione ff. de vſucap.* Strictè autem vſucapio eſt circa res mobiles: præſcriptio verò circa res immobiles, & circa incorporalia, licet antiquitus vſucapio diceretur indiſtinctè de omnibus, & hodie etiam non rarò vſurpetur vna pro alia.

Vſucapio autem, ſeu præſcriptio fuit inducã ad puniendam negligentiam dominorum non curantium res ſuas, vt tandem dominia rerum fierent certa, & finis litibus imponeretur *iuxta text. in l. propterandum C. de Iudic. & c. iurgantium de ſent. & re indicat.*

S. Sed aliquando, vſque ad S. ſed tamen.

Vſucapio ſic definitur *in l. 3. ff. eod.* Eſt acquisitionis, ſeu adiectionis dominij per continuationem poſſeſſionis tempore à lege definito.

Ex qua definitione explicata prout explicat gloſſa *in d. l. 3.* formatur longior vſucapionis deſcriptio, ſcilicet vſucapio eſt acquisitionis, ſive adiectionis dominij, facta alicui auctoritate legis per continuatam poſſeſſionem cum bona fide, & iſto titulo rei vſucapibilis tempore à lege præfinito. Ex qua deſcriptione colligitur quinque eſſe requiſita ad vſucapionem, ſeu præſcriptionem.

Primo requiritur bona fides, ideſt credere rem eſſe tradentis, vel ſaltem non ſcire rem eſſe alterius. Sic bona fides differt à mala, quod etiam dubium an res ſit alterius, dicitur bona fides; nam, qui eſt in dubio, non dicitur eſſe in mala fide. Solùm autem malæ fidei poſſeſſor vſucapere non poteſt *c. poſſeſſor malæ fidei de reg. iur. in 6. & c. ſin. ubi DD. de præſcript.*

Secundo requiritur iuſtus titulus, ideſt iuſta cauſa, ex qua poſſit transferri dominium, vt eſt cauſa donationis, venditionis, legati, & ſimilium. Et titulus debet eſſe ſpecificus, quia titulus genericus, pro ſuo, regulariter non ſufficit.

Ter-

Tertio requiritur quod res non sit vitiosa, vel quasi vitiosa. Vitiosa, idest furtiua, vel vi possessa, dummodo vis fuerit expulsiua, vel ablatiua; vis enim compulsiua, vel turbatiua, vel inquietatiua non sufficit, vt aduertit gloss. *hic in §. furtiua, in verb. vi, & apost. illa ad gloss.* quæ explicat quæ nam sint ista genera violentiarum: sed clarius gloss. *in l. 1. C. de ijs quæ vi, metusq. caus. fiunt in verb. persecutionem* per vos omninò videndæ. Quasi vitiosa, vt quando non possit vllò modo præscribi, quia non possit possideri, nec cadere in dominio hominum, nec transferri; talis est res sacra, religiosa, & sancta, liber homo, res pupilli, res dotalis, res Ecclesiæ, exactio Cathedratici, ius decimandi, ius procurationis, idest eius, quod debetur Episcopo visitanti, & quid simile. Gloss. *in c. de quarta, de præscript.*

Quarto requiritur traditio. Sed hoc requisitum non est perpetuum, quia heres credens rem esse hereditariam, quæ tamen erat deposita, vel commodata defuncto, potest vsucapere titulo, pro herede, vt *toto tit. ff. pro hered.* non tamen potest continuare possessionem cum defuncto, cum ille fuerit in mala fide; & hodie requiritur bona fides etiam in auctore *auth. mala fidei C. de præscription. long. temp.* ad continuandam possessionem cum illo.

Quinto requiritur continuata possessio, idest rerum mobilium per triennium, & immobilium per decennium inter præsentem, & per viginti annos inter absentes; absentia verò iudicatur, quando quis est in territorio diuersæ Iurisdictionis. Et si quis fuerit per aliquod tempus præsens, & per aliquod tempus absens, duplicatur solum tempus absentie, vt si quis per quinque annos fuit præsens, & per quinque alios fuit absens, aduersarius vsucapiens debet possedisse per quindecim annos. Quæ possessio non debet esse interrupta, quia si interruptatur, non est amplius vsucapio, sed vsurpacio *l. usurpacio ff. eod.* Non tamen omnes res possunt ita vsucapi, seu præscribi; quia aliæ præscribuntur per triennium, aliæ spatio decem, vel viginti annorum, vt diximus, aliæ spatio triginta annorum vt actiones personales, aliæ spatio quadraginta, vt res Ecclesiæ, aliæ spatio centum annorum, vt sunt res Ecclesiæ Romanæ, vt in *auth. vt Eccl. Rom. cent. ann. gaud. præscript.* prout distinctius dicetur *infr. in tit. de perpet. & temporal. actionib.*

Inter Ius Ciuile, & Canonicum in materia præscriptionis erat solum differentia in tempore bonæ fidei, quia de Iure Canonico requiritur bona fides, idest quod non sit mala toto tempore vsque ad finem præscriptionis. Sed de Iure Ciuili sufficiebat bona fides à principio, & si postea currente præscriptione superuenisset ma-

la, non interrompebatur, præterquam in emptione; quia in illa requirebatur quod bona fides fuisset tempore contractus, & etiam tempore traditionis, cum in emptione, & venditione sit maius periculum, ex eo quia est magis frequens contractus Abb. & alij in d. c. de quarta. Quod tamen hodie amplius non procedit, ut clarius infr. dicemus.

S. Sed tamen.

Qui rem alterius sine vitio nactus est, tradendo eam alteri recipienti bona fide, dat ei causam vsucapionis, etiam quod tradens erret in iure, ut si usufructuarius credens partem ancillæ ad se pertinere, illum vendiderit; unde multo magis si errauerit in facto, ut credens rem sibi fuisse donatam, quæ tamen fuit deposita ad text. in l. ignorantia ff. de Iur. & fact. ignor. Ceterum qui sciens rem suam non esse, alteri tradiderit, cum committat furtum, non præbet causam vsucapiendi. Quod procedit in rebus mobilibus.

S. Quod autem.

In immobilibus verò non est ita, quia earum rerum furtum non fit, sed violentia committitur. Et propterea si quis loci vacantis possessionem sine vi cæperit, quamvis ipse vsucapere non possit, quia est in mala fide: tamen alteri tradendo, præbet ei causam vsucapionis, si recipiens est in bona fide; quia res illa non fuit vitio furti, vel violentiæ affecta. Sed hodie hoc non procederet ex d. auth. male fidei C. de præscript. long. temp. ubi mala fides auctoris nocet successori, si dominus ignorabat rem suam possideri. Locus autem vacans dicitur vel propter absentiam domini, vel quia dominus sine successore decesserit.

S. Aliquando etiam.

Res, quæ aliquando fuit inusucapibilis, cessante eo impedimento fit vsucapibilis, ut si res furtiua in possessionem domini, vel quasi domini reuerfa sit, quia purgato vitio, potest vsucapi.

S. Res Fisci.

Fiscus dicitur à fiscinis, seu fiscellis, quæ erant quædam sportulæ ad pecunias continendas; Unde quia maior est summa pecuniæ pu-

publicæ, quàm priuatæ, factum est quòd Fiscus pro pecunia publica accipiatur. Alij malunt pecuniam publicam *Ararium* dici, Fiscum verò pecuniam Principis. De hoc latè agit Luc. de Penu. tit. de Iur. Fiscii.

Hæc bona fiscalia sunt in multiplici differentia; nam quædam sunt patrimonialia; & hæc nullo yaquam tempore præscribuntur: quædam sunt aliunde Fisco acquisita; & hæc aut sunt incorporata, aut incorporanda. Si sunt incorporata, non possunt præscribi minori spatio quadraginta annorum *l. omnes C. de præscript. 39. vel 40. ann.* Si sunt incorporanda, aut sunt denunciata Fisco, tanquam vacantia, & non possunt præscribi minori spatio quatuor annorum *l. intra quatuor §. 1. ff. de diuers. & temporal. præscript. & l. 1. §. Diuus ff. de Iur. Fisc.* Aut sunt denuncianda, & tunc vel sunt deuoluta ob *veſtigal* non solum, & non præscribuntur minori spatio quinque annorum *l. 2. C. de veſtigal. & commiss.* vel ex alia causa sunt deuoluta, & tunc aut possidens habet titulum, & præscribit præscriptione communi, scilicet mobilia spatio trium annorum; immobilia spatio decem inter præſentes & viginti inter abſentes, vt habetur *hic in vers. sed Papinianus, ubi gloss.* aut non habet titulum, & tunc non præſcribit minori spatio quinque annorum *l. in omnibus ff. de diuers. & temporal. præscript.*

§. Nonissimè.

Qui errat in titulo, non vſucapit, vt si quis possideat pro commodato rem, quàm habuit pro donato, quoniam non habet consensum in titulo, pro commodato, ex quo qui errat, non consentit. *l. si per errorem ff. de Iurisd. omn. Iudic.* neque in titulo, pro donato, quia non possidet pro eo titulo. Sed si quis possederit rem per procuratorem, qui non erret in titulo, benè vſucapit.

Distinguitur tamen, aut est error iuris, aut est error facti. Error iuris ex parte alienantis non impedit vſucapionem in recipiente, vt in *§. sed tamen in fin. supr. eod.* ex parte recipientis impeditur, nunquam in vſucapionibus in princ. ff. eod. v.g. si emo aliquid à pupillo sine auctoritate tutoris, per errorem; nunquam vſucapio, etiam si ex interuallo auctoritas tutoris intercedat. Aut est error facti. Et iterum distinguatur, ex parte alienantis non impedit, vt diximus in *d. §. sed tamen.* Ex parte recipientis distinguatur, aut est error iniustus, prout euenit in facto proprio nulla interueniente asserctione alterius, puta si credo mihi donatam fuisse rem, vel apud me depositam, cum neutrum sit, & talis error impedit vſu-

capionem, ut dicitur *hic*, & in *l. Celsus ff. cod. aut est error iustus*? puta quia errat quis in facto proprio, interueniente assertione alterius, & talis error vlucaptionem non impedit, ut per DD. in *d. l. Celsus*.

S. Dintina, cum S. seq.

Ad intelligentiam huius text. præmitto quod successor duplex est, alius vniuersalis, qui dicitur heres, vel bonorum possessor, & hic habetur pro eadem persona cum defuncto *l. heredem ff. de reg. iur.* alius particularis, ut emptor, donatarius, legatarius &c.

Hoc posito. Dicitur in tex. quod iusta possessio auctoris coniungitur cum possessione successoris tam particularis, quam vniuersalis, tam in vlucaptionibus, quam in præscriptionibus, etiam quod successor fuerit in mala fide, quia in præscriptionibus solet spectari initium *l. cum heres in fin. ff. de diuers. & temporal. præscript.* Sed hoc de Iure Canonico, & de Iure Authenticorum non procedit, quia bona fides debet esse perpetua etiam in successore, ut supr. diximus. Sin autem auctor fuit in mala, & successor in bona, nocet successor, quoad continuationem, quia tunc non potest possessio auctoris continuari cum possessione successoris: à se tamen potest successor incipere possessionem, & vlucape v. g. defunctus fuit in mala fide, heres in bona, qui possedit rem mobilem triennio, & immobilem decennio, potest vlucape titulo, pro herede, ut *toto tit. ff. & C. pro herede*.

Sed verum perfecta vlucaptione, seu præscriptione cum omnibus requisitis, qui vlucepit, seu præscripsit sic tutus in conscientia, adeo ut si postea antiquus dominus superueniat, non teneatur rem restituere? Et licet aliqui teneant non esse tutum, dicentes quod heres, qui præscripsit, sciens deinde defunctum fuisse in mala fide, teneatur restituere ad exonerandam conscientiam defuncti; nihilominus magis communis opinio Summistarum est in verb. *Vlucapio*. quod sit tutus. Est etiam magis communis opinio Theologorum, & Iuris consultorum, ut testatur Facchin. lib. 1. *controu. Iur. cap. 64.* Et ratio est, quia auctoritate Iuris Civilis, & Canonici factus est Dominus, & sibi imputet antiquus Dominus, qui fuit negligens in curandis rebus suis, ob quam negligentiam amisit dominium. Videat Abb. in *c. vigilanti de præscript. n. 6.* qui hanc questionem late examinat.

S. Fin.

Si quis vendiderit rem meam alteri, etiam bonæ fidei possessor non possum nihilominus rem illam vendicare non restituto pretio, ut notatur in *l. rem alienam ff. de contrah. empt.* Et tamen Fiscus si vendat rem meam alteri, ignorans esse meam, non possum illam ab emptore vendicare, quia eniens à Fisco statim securus fit *l. bene de Zenone C. de quadrienn. præscripte.* Sed possum agere contra Fiscum intra quinquennium, quia Fiscus præsumitur semper locuples *l. 1. in fin. ff. de fund. dotat.* post quod tempus non audior, ut dicitur *hic.*

Idem dicitur de eo, quod accipitur ex domo, idest ex priuata substantia Imperatoris, seu Augustæ, ut dicitur *hic in fin.* Aduertus verò *Ærarium publicum* vendens, vel donans rem alienam, domino datur actio intra spatium quatuor annorum, post quod tempus si dominus superueniat, potest repelli exceptione præscriptionis.

De Donationibus.

TIT. VII.

Donatio, quæ est alius modus acquirendi dominium de iure ciuili, dicitur quasi doni datio. Sic autem definitur in *l. donari ff. de reg. iur.* Est mera liberalitas, quæ nullo cogente conceditur.

Donatio autem alia est propria, alia impropria. Propria est quæ parè fit. Impropria, quæ fit sub conditione, scilicet casuali. *g. si feceris hoc, dono tibi talem rem. l. 1. ff. eod.* Vnde donatio, quæ fit propter causam, dicitur remuneratoria, quæ non cadit sub egulis propriæ donationis, & sic non indiget insinuatione, nec euocari potest *l. Attilius Regulus ff. eod.* Secus si fiat sub conditione casuali, quia non per hoc desinit esse propriæ donatio.

Item donatio alia est causa mortis, alia inter viuos.

Causa mortis est, quæ fit ob suspensionem mortis, vel instantis, et futuræ, instantis, ut cum fit ab infirmo: futuræ, ut cum fit ab eo, qui profecturus est ad bellum, vel nauigaturus. Imò si fiat etiam sola mortis cogitatione, sine vlla infirmitate, aut periculo, fit etiam donatio causa mortis; mors enim vbique & semper tenenda est *l. Senatus S. mortis ff. eod.* Hinc colligitur quòd ut dicatur

donatio causa mortis, debet exprimi, & fieri mentio mortis; aliàs si ab infirmo fieret etiam tempore mortis sine vlla mortis memoratone esset donatio inter vivos *l. Seia §. fin. ff. eod.* & potius diceretur morientis donatio, quàm donatio causa mortis. Respektus autem ad mortem intelligitur de morte propria donantis, quia si donatur aliquid ob mortem alterius, non dicitur donatio causa mortis, sed mortis causa capio. Sic in *l. qui pretio ff. de donat. causa mortis. & capionib.*

Donatio autem causa mortis ferè æquiparatur legatis. Dicitur ferè, quoniam nō in omnibus æquiparatur, sed solum in effectu, non autē in modo; in modo enim, hoc est in fieri æquiparatur cōtractui, cum requirat consensum, & acceptationem donatarij: non ita legatum, quod ignorantibus legatarijs fieri solet *l. non id circa G. de Codicill.* In effectu verò, seu in facto esse æquiparatur legatis, quia donatio causa mortis potest reuocari, sicut reuocatur legatum, nempe. Primo euitato mortis peticulo, vel cessatione metus, ob quem facta fuit. Secundo reuocatur penitencia donantis, quia cum sit species vltimæ voluntatis, est ambulatoria vsque ad mortem *l. 3. in fin. & l. 4. ff. de adimend. legat.* Tertio reuocatur si decesserit donatarius ante ipsum donatorem; quo casu non possunt postmodum heredes donatarij petere illam donationem, vt dicitur per DD. *hic, & in l. non omnis ff. si cert. petat.*

§. Alia autem donationes, cum §. seq.

Donatio inter vivos est, quæ fit sine vlla suspitione mortis, eiusque nulla mentio fit. Ista autem omninò non æquiparatur legatis; & ita legi debet iste textus: non autem legi debet; non omninò æquiparatur; donatio enim inter vivos nullo modo æquiparatur legatis, non in modo, seu in fieri, quia requirit consensum, & acceptationem donatarij: neque in effectu, seu in facto esse, quia regulariter est irreuocabilis, & reuocari non potest, nisi in casibus infra dicendis.

Hæc autem donatio quàmuis olim non posset fieri, nisi stipulatione interueniente: hodie tamen potest fieri sine illa, in scriptis, & sine scriptis, etiam sulo pacto nudo; quamuis autem ex pacto nudo regulariter non detur actio *l. Iuris gentium §. igitur nuda ff. de pact.* tamen ex pacto nudo donationis datur actio personalis, quæ appellatur condictio ex lege, scilicet ex *l. si quis argentum §. fin. G. de donationib.* & in hoc est casus specialis.

Si talis donatio inter vivos excedat summam quingentorum solidorum.

dorum, seu aureorum, requirit insinuationem. quæ summa hodie scendit ad septingenta scuta nostri temporis. Viuius in suis *commentib. verb. Insinuatio*. Sed intra hanc summam valet sine insinuatione. Romæ verò si donatio excedat summam ducentorum ducatorum, indiget insinuatione per statutum Urbis lib. 1. cap. 150. quæ faciunt summam scutorum centum septuaginta monetæ secundum valorem ducatorum de tempore ipsius statuti. Insinuare autem nihil aliud est, quàm legere instrumentum donationis coram iudice, ad hoc vt ad publicam noticiam deueniat. Sunt tamen, aliquæ donationes, quæ non requirunt insinuationem in quacunque summa fiant, vt est donatio facta Ecclesiæ. Item donatio ad alias causas. Item donatio remuneratoria. Item facta Principi, vel à Principe, vel coram Principe. Item donatio propter nuptias, & similes, vt per DD. *hic*.

Hæc autem donatio inter viuos regulariter est irreuocabilis. potest tamen reuocari ex causa ingratitudinis, quæ pluribus modis contingere potest. Primo si donatarius atroces iniurias intulerit in donatorem. Secundo si violentas manus in illum iniecerit. Tertio si graue detrimentum illius bonis attulerit. Quarto si eius vitæ fuerit insidiatus. Quinto si egentem donatorem non aluerit &c. Causæ autem ingratitudinis enumerantur per Tiraquell. & Rip. n. l. si vnquam C. de reuocand. donationib. vbi diffusè explicantur, & ponuntur plures ampliaciones, & limitationes.

Reuocatur etiam per superuenientiam liberorum, vt cum quis non habens liberos, nec de eis cogitans, donauerit aliquam partem bonorum, vel rem aliquam magni momenti, quia tunc natis liberis talis donatio reuocari potest, vt in d. l. si vnquam.

S. Est & aliud.

Erât olim quædam donatio, quæ dicebatur ante nuptias, quia fiebat ante nuptias; sed postea concessum est fieri ad instar dotis, quæ sicut post nuptias constante matrimonio potest constitui, & augeri: ita etiam ista donatio constitui, & augeri potest, propter quod remanebat nomen non consonum rei. Vnde Imperator appellabit illam donationem propter nuptias, quia nomina debent esse consona rebus. Donatio autem propter nuptias est id, quod donat maritus vxori in compensationem dotis, quia de iure quælibet dos meretur donationem propter nuptias; & debet esse æqualitas. Vnde dote aucta ipsa etiam augeri debet. Sic in *auth. dos data C. de donat. ant. nupt.* Sed hodiè hanc donationem non esse in usu.

vsu inquit Iul. Clar. in §. *donatio quest. 11.* Romæ tamen tacite censetur inducta ex statuto Urbis lib. 1. cap. 131. disponente quod si moriatur vir, vxor lucretur quartam partem donationis propter nuptias, quæ communi vocabulo appellatur quartum dotale: si cut è contra mortua vxore maritus lucratur quartam partem dotis, nisi inter eos aliud conuentum sit.

Hæc autem donatio non est illa, quæ fit inter sponsum, & sponsam sub tacita conditione, si nuptiæ sequantur, & dicitur sponsalitia largitas. Neque est donatio inter virum, & vxorem constante matrimonio, quæ prohibita est, ne mutuo amore inuicem spoliarentur coniuges l. 1. ff. de donat. int. vir. & vxor. tamen ista donatio inter virum, & vxorem si non fuerit reuocata, morte confirmatur, & valet in vim legati l. fin. C. cod. tit. de donat. int. vir. & vxor. Sic etiam donatio inter Patrem, & filium, qui sit in potestate, non valet, quia refunditur in Patrem, cum filius peculium, profectitium acquirat Patri, vt infr. in tit. per quas person. nob. acquir. morte tamen confirmatur. Neque valet donatio facta ab aliquo omnium bonorum presentium, & futurorum, quia per hanc donationem tolleretur facultas testandi, quæ nemo priuari potest per tex. in l. stipulatio hoc modo concepta ff. de verb. obligat. Verùm si dicatur, dono tibi omnia bona mea presentia, & futura, mobilia, & immobilia, valebit hæc donatio, quia sub tali donatione non continentur iura, actiones, & obligationes, quæ sufficiunt pro testamento faciendo, vt dicunt DD. hic. Sic si reseruatur tantum, de quo donans possit testari, quod regulariter est vigesima pars bonorum. Clar. in d. §. *donatio quest. 19.*

S. Fin.

Erat olim alius modus acquisitionis cinilis, nempe per ius accrescendi, vt si condominus manumittebat seruum suum vindicta, vel testamento; tunc enim quia hic seruus non poterat pro parte esse liber, & pro parte seruus, nec minus poterat à condomino inuito auferri portio dominij, quam habebat, totus seruus accrescebat alteri condomino. sed quia hoc videbatur inconueniens, vt inhumanus dominus lucrum faceret, & humanus amitteret ius suum sine vtilitate serui, ideo prospectum est à Iustiniano, vt si soluatur pecunia pro parte pretij alteri condomino, co inuito seruus fiat liber.

Quibus alienare licet, vel non

TIT. VIII.

A Signauit Iustinianus omnes modos acquirendi singularum rerum dominium tam de Iure naturali, seu gentium, quam de Iure ciuili. Verum quia post acquisitum dominium alicuius inuenit aliquando, ut non liceat domino rem acquisitam alienare: & aliquando accedit, ut ille, qui dominus non est, rem alienam alienare possit, merito ad præcedentes titulos subnectitur, in quo statuitur quibus liceat, vel non liceat alienare.

Verbum alienare nil aliud significat, quam rem suam alienam cere, vendendo, donando, dando pro dote, vel aliquid simile dicitur strictè pro traslatione dominij: latè etiam pro pignoratione. Ita Rodoa. in *tratt. de reb. Eccl. non alienar. quest. 1.* Sed si non utitur occasione acquirendi, non intelligitur alienare, qui omittit hereditatem sibi delatam, cum nunquam dominum illius habuerit *l. alienationis verbum ff. de verb. signif. qui venipatitur rem suam vsucapi, alienare dicitur ead. l. alienationis verbum.*

Circa hoc duæ regulæ assignantur. Altera est quod quilibet test de re sua ad libitum disponere, & ita rem suam alienare in re mandata *C. mandati*. Altera quod nemo potest de re aliena sponere, & ita nec rem alienam alienare *l. rem alienam ff. de consensu empti.*

Prima regula limitatur in marito, qui est dominus dotis, & tamen eam non potest alienare. Imò non solum dotem, quæ est s. quoddam vniuersale in intellectu consideratum, ut dicunt iur. & communiter *DD. in rubr. ff. solut. matrim.* & sic non potest accipere, quod vxor remaneat indotata *l. 1. cod. tit. solut. matrim.* solum etiam nec ipsas res dotales alienare potest, quæ sunt successum ipsius dotis.

Sed communiter ita distinguitur. Aut res dotales consistunt in rebus, quæ seruando seruari non possunt, ut est frumentum, vinum &c. & maritus tunc potest alienare, sed remanet ipse obligatus, & bona sua sunt tacite obligata ad tantundem *l. assis. C. qui potior. in pign. hab.* Aut sunt res, quæ seruando seruari possunt; & tunc distinguitur, aut sunt datæ inæstimatæ, & tunc maritus non potest eas alienare: aut sunt datæ æstimatæ, & tunc

aut

aut solum vt sciatur valor earum, & maritus nec potest alienare aut vt maritus fiat earum dominus tanquam emptor absolute, & tunc poterit alienare. In casibus autem, in quibus maritus alienare potest, semper remanet obligatus ipse, & bona sua ad tantundem, nisi pretium rei alienatæ in alijs corporibus reinuestierit, eaque in locum rei alienatæ subrogauerit. In casibus verò, in quibus maritus alienare non potest, nec potest, licet vxor consentiat, per rationem, de qua in text. scilicet ne sexus muliebris fragilitas in perniciem substantiæ earum conuertatur. Sed de Iure Canonico, si mulier consentiendo iurauit de non veniendo contra consensum suum, tunc valet consensus, quia iuramentum hoc potest seruari sine dispendio salutis æternæ. *c. licet de iur. iurand. in 6.* Quamuis per Statutum Urbis, & secundum praxim tale iuramentum præsumatur metu, & dolo extortum, & qua facilitate mulier inducitur ad consentiendum, eadem inducatur ad iurandum; vnde impetrata absolutione à iuramento à Iudice Ecclesiastico ad effectum agendi, ne dicatur periura, poterit venire contra suum consensum; quod si in Iudicio non obtinuerit contractum declarari nullum, reincidit in idem iuramenti vinculum, quo antea tenebatur.

S. Contra autem

Secunda regula limitatur in creditore, qui licet non sit dominus pignoris à debitore sibi traditi, potest tamen rem illam alienare; sed hoc intelligitur ex voluntate domini, quando pactum est, vt nisi certa die debitor pignus luetit, creditor possit vendere. Sed si pactum est vt non vendat, & tunc debet fieri trina denuntiatio debitori, vt luat, ex intervallo decem dierum *l. creditor l. 2. C. de distract. pignor. & ibi gloss. in verb. testato.* & postea poterit vendere, si verò nihil fuit dictum de hoc, & tunc creditor nunciabit semel debitori, vt luat, & deinde poterit vendere post lapsum biennium, secundum opinionem gloss. *hic, in verb. certus modus,* quæ adducit text. in *l. fin. C. de iur. domin. impetrand. §. 1. & 2.*

S. Nunc admonendi

Rursus prima regula limitatur in pupillo, qui licet sit dominus bonorum suorum, illa tamen alienare non potest sine tutoris auctoritate, imò si sint prædia, nec potest cum tutoris aucto-

toritate, quia requiritur etiam decretum Iudicis *vt toto tit. C. de
rad. minor.*

S. Fin.

Pupillo autem omnes res dari possunt, quia potest meliorem
uam conditionem facere sine tutoris auctoritate, deterio-
rem uero non potest *vt in princ. supr. de auctor. tutor.* Sed qui mutuam ei
pecuniam dat, vel soluit debitum, debet esse cautus, vt interce-
lat tutoris auctoritas, vel vt præcedat iussus Iudicis, quia si pu-
pillus ex tali solutione non sit factus locupletior, perinde est ac si
olutio facta non esset. Locupletior autem dicitur factus pupillus,
secundum Theophilum *hic*, vel cum saluam pecuniam habet, vel
i ex ea emerit rem necessariam sibi, ac familiæ suæ, vel si ex ea
oluerit honorarium præceptoribus suis *l. qui filium ff. ubi pupill.
duc. deb. & similia*. Et tunc si iterum petat, poterit repelli per
ceptionem doli mali, nempe dolo malo facis, quia vis locuple-
ari cum iactura mea contra text. in *l. nam hoc ff. de condict. indeb.*
& bona fides non patitur quod semel exactum iterum exigatur *c.
nona fides, de reg. iur. in 6.*

Per quas Personas nobis acquiritur.

T I T. I X.

Visum est de acquisitionibus, quæ per nos met ipsos fiunt.
Verum quia fiunt etiam per personas nobis subiectas, & ali-
quando etiam per extraneum, merito ponitur præsens tit.

Acquiritur autem nobis per seruos nostros, & per liberos nos-
tros, quos habemus in potestate. Item per tutores, curatores,
procuratores, & negotiorum gestores nostros. Item Vniuersitas
requirit per Syndicum, Ecclesia per Rectorem, Hospitale per
Deconomum. Monasterium per Monachum, & quilibet ciuis per
personam publicam, veluti per Notarium.

S. Igitur liberi

Acquiritur nobis per liberos nostros, sed ex diuersis causis;
Pro qua re

Sciendum est, quod licet ex iure antiquo quicquid acquiret

T

rec

ret filius ex quacunque causa, acquireret Patris, adeo, vt nec per momentum filius posset dominium retinere *l. placet ff. de acquir. hered.* postea tamen fauore militiae concessum est filiisfamilias, vt id, quod occasione militiae, seu castrorum acquisuissent, esset ipsorum proprium tam in usufructu, quam in proprietate, & de illo possent ad libitum disponere tanquam patresfamilias. Hoc autem fuit appellatum peculium castrense. Idem si sint nauarcae, vel classis duces, rectores &c. Idem in laxis, & calonibus, qui sequuntur exercitum, & famulis militum, & vxoribus sequentibus maritos ad militiam *l. 1. C. de vxorib. milit.*

Verum quia non minus profunt leges tempore pacis, quam arma tempora belli, constitutum est, vt Doctores facerent sibi peculium quasi Castrense, quod acquisuissent occasione Iurisprudentialis, & Magistratum, quod fuit extensum ad Medicos, & alios, qui liberales artes publice exercent. Hoc autem peculium quasi castrense totum filiorumfamilias est, de quo adlibitum disponere, & testari possunt. Et id genus dicitur peculium Clericorum, quoniam etiam ipsi dicuntur milites caelestis militiae, & dicuntur militare in Rep. precibus, & orationibus in communi societate vt personae publicae, non minus quam milites togatae, & armatae militiae. Quod peculium totum Clerici faciunt suum, nec pater in illo habet aliquod ius, vt *tototit. de penitio Clericor. in Decretal.* Intelligitur autem de acquisitis ex industria Clericali, vt ex distributionibus quotidianis ob personalem residentiam, & de similibus quotidianis prouentibus; cum hoc tamen quod Clerici de fructibus beneficiorum testari non possunt, quamuis in vita possint etiam donare, cum Clerici sint usufructuarij in vita, & vsuarij in morte secundum magis communem opinionem, vt alibi diximus.

At vero cum aliquando filiusfamilias acquirat aliquid ex propria industria, & labore, vel ex prospera fortuna, & non sit conueniens quod illud communicetur fratribus otiosis, ideo decretum est, vt hoc dicatur peculium aduentitium, in quo Pater habet solum usufructum, & filio proprietatem reservatur.

Item quia accidit aliquando, vt filius acquirat aliquid vel ex re Patris, vel contemplatione Patris, ideo inductum est, vt hoc dicatur peculium profectitium, & Pater habeat de eo proprietatem, & usufructum.

Si vero aliquando accadat vt partim acquiratur ex re Patris, & partim ex industria filij, vel e contra, tunc debet diuidi hoc acquisitum, quod partim dicatur peculium aduentitium, & partim pro-

profectitium, vno verbo dicitur peculium mixtum, quod acquiritur pro rata Patri, & filio proportionabiliter eo modo, quo sup. diximus.

Peculia itaque sunt, castrense, quasi castrense tam Doctorem, quam Clericorum, aduentitium, profectitium, & mixtum. Datur etiam aliud peculium, quod dicitur Patrisfamilias, & est id, quod habet Pater separatim ab alijs bonis in subitaneos casus. *l. si Chorus §. his verbis ff. de legat. 3.* Datur etiam peculium dominicum, quod est acquisitum dominis per seruos. Datur etiam peculium seruorum, quod est constitutum seruis per Dominos, ut super illo negotientur.

S. Hoc quoque

Imperator in hoc text. disposuit, quod parens emancipando liberos suos non acquirat amplius tertiam partem in proprietate, & in usufructu peculij aduentitij suorum liberorum, ut olim, sed solum dimidiam partem usufructus, & proprietas tota filijs conseruetur, cum altera dimidia parte usufructus, ut hac ratione magis prospectum sit tam parentibus, quam liberis *l. cum oportet §. cum autem C. de bon. qua liber.*

S. Item vobis

Acquiratur etiam nobis per seruos nostros, cum hac tamen distinctione, ut si quid singulare ipsi nati sint, ex quo si liberi essent, possent fieri Domini, ipso iure, & ipso facto Dominis acquiratur, etiam ignorantibus, ita ut nec per momentum apud eos dominium esse possit, quamuis insistentia corporalis sit *l. placet ff. de acquir. hered.* Et ratio est, quia cum ipse seruus sit in dominio alieno, non potest alicuius rei dominium habere, ut dicitur in text. & tacit text. in *l. Vranus ff. de fideiussor.*

Limitatur hoc, quando esset aliquid consistens in facto naturali, quia eorum, quae consistunt in facto naturali, bene sunt capaces serui, & filijfamilias. Est text. in *§. penult. infr. de stipul. seruor.* ubi dicitur quod seruus acquirit sibi factum eundi per fundum alterius, locus si stipularetur iter, quia illud acquireret Domino, cum iter sit ius, ut sup. in princ. de seruit. pradior. Sic si quis seruo alimenta promississet, vel vestem, vel prandium, acquireret sibi, & non Domino, cum ista sint naturalia, quorum bene sint capaces serui, ut diximus.

Si verò esset quid vniuersale id, quòd acquireret sibi seruus, si liber esset, & tunc non acquireret sibi, nec minus Domino, vt est hereditas, seu bonorum possessio, nisi iussu Domini illam adierit, ne faciat deteriorem Domini conditionem: sed interueniente iussu, & sequuta aditione, acquiritur Domino; & si Dominus iuberet, & seruus nollet adire, Domino non acquireret *l. si quis mihi §. iussum ff. de acquir. heredit. vbi DD.*

Quod autem hic dicitur de seruis, applicant DD. ad Monachos, cum hac tamen distinctione, quòd Abbas potest ipse adire hereditatem Monacho relictam sine factò Monachi, quia Monachus per votum obedientie transulit totam suam voluntatem in Abbatem, etiam circa ea quæ facti naturalis sunt. non ita seruus, qui naturalem voluntatem in his, quæ facti sunt, ex iure naturali retinet, cum seruus non dicatur mortuus mundo, sicuti Monachus, sed solum Ciuitati ad tex. in *l. quod attinet ff. de reg. iur.*

§. De his autem.

Sin autem sint serui, in quibus habemus solum vsumfructum, tunc acquiritur nobis tam ex operis eorum, quàm ex re nostra, aut quod eis datum, vel relictum est contemplatione nostra. Si quid verò ultra istas causas habuerint, proprietario acquirunt. Sed si hereditas illis nostra contemplatione fuerit relictà, & propriarius iusserit, adire, proprietario acquireret, qui tamen illam nobis restituere teneretur per actionem personalem, quæ dicitur conditio sine causa DD. in *d. §. iussum.*

§. Idem placet.

Idem intelligitur de seruo alieno à nobis bona fide possessò, vel de libero homine a nobis similiter bona fide possessò, vt dicitur in textu. Et bonæ fidei possessor cum vsucaperit seruum, ex omnibus causis per eum sibi acquirere potest. Vsumfructuarius verò vsucapere non potest, tum quia non possidet, sed habet solum ius vtendi fruendi: tum etiam quia scit seruum alienum esse; per quos autem nobis proprietas rei acquiritur, possessio etiam acquiritur, & eius effectus, vt est acquisitio fructuum, & potestas vsucapiendi.

§. Fin.

Constat itaque nobis non acquiri per liberas personas extra-
neas

neas, nisi per tutores, curatores, procuratores &c. Sed in quibus non est mandatum expressum, vel tacitum, est necessaria ratihabitio, quæ æquiparatur mandato *c. ratihabitioem, de reg. iur. in 6.*

De Testamentis ordinandis.

T I T. X.

Continuatio huius tituli facta est ab Imperatore in §. *fin. tit. procedentis vers. hactenus*. Visum enim est huc usque quibus modis ex titulo particulari acquirantur unicuique dominia rerum. Modò videndum est quibus modis tit. vniuersali pariter dominia acquirantur; qui titulus vniuersalis inducitur per hereditatem, per bonorum possessionem, per arrogationem, & per additionem bonorum, de quibus omnibus infra.

Primus itaque titulus vniuersalis est hereditas, quæ definitur, successio in vniuersum ius, quod habuit defunctus tempore mortis *in l. hereditas ff. de reg. iur.* Hereditas autem defertur alicui aut a ege, aut ab homine; & quia dignior est delatio hereditatis, quæ fit ab homine, ex quo ubi deficit prouisio hominis, habet locum prouisio legis, ideo prius agitur de delatione hereditatis quæ fit ab homine, quæ per testamentum fit, cum delatio, quæ fit à lege, dicatur esse ab intestato, de qua infra.

Testamentum sumitur tripliciter. Primo in genere generalissimo, in qua acceptione significat quaecumque mentis nostræ testationem, seu dispositionem, etiam inter viuos; testamentum enim dicitur quasi testatio mentis. Secundo accipitur in genere subalterno, in qua acceptione significat quaecumque dispositionem nostræ mentis circa vltimas voluntates. Tertio accipitur in genere infimo, seu in specie, & in hac acceptione significat illam vltimam dispositionem, quæ heredis institutionem continet; prout in nostro textu sumitur, & definitur *in l. 1. ff. eod.* Est iusta voluntatis nostræ sententia de eo, quod quis post mortem suam fieri velit, ubi *ly iusta*, idest legitima, & perfecta, denotat heredis institutionem.

Vltimarum voluntatum plures sunt species. Prima est institutio heredis. Secunda est substitutio directa. Tertia fidei commissum vniuersale. Quarta legatum. Quinta fidei commissum singulare. Sexta datio tutelæ. Septima datio libertatis. Octaua assignatio libertorum.

Modi autem disponendi sunt etiam plures :

Primus est testamentum in specie, quod fit cum institutione heredis, & coram septem testibus, rogatis vnico contextu, vt dicitur hic, & in l. heredes palam ff. eod. Potest etiam fieri cum paucioribus, vt dicemus in tit. seq.

Secundus sunt Codicilli, & est dispositio in scriptis coram quinque testibus sine institutione heredis.

Tertius sunt quasi codicilli, qui sunt sine scriptis, & sine institutione heredis, etiam coram quinque testibus l. ult. in fin. C. de Codicill.

Quartus est epistola venerabilis, vt quando scribitur ad absentem, & significatur ei, quod scribens vult eum aliquid habere post mortem suam l. epistolam ff. ad S. C. Trebellian. quæ epistola requirit quinque testium subscriptionem.

Quintus est nuncius, vt cum quis dicit alicui coram quinque testibus, vade ad talem, & dicas ei nomine meo, quod ego ei relinquo post mortem meam talem domum meam v.g. Mantis, de coniect. ultim. volum. lib. 1. tit. 11. n. 5.

Testamentum in genere intimo, seu in specie olim triplex erat. Primum dicebatur procinctum, quod fiebat à militibus profecturis ad bellum. Alterum dicebatur, calatis comitijs, quod fiebat à paganis in pace, & otio. Tertium dicebatur per æs, & libram, seu per mancipationem, vt dicitur in textu. Et hoc modo communiter dicunt fieri per venditionem hereditatis ei, quem volebat testator heredem esse. Istæ autem species in defuetudinem abierunt. Sed hodie testamentum in specie duplex est.

Aliud dicitur sine scriptis, seu nuncupatiuum, quod frequentius est. Et hoc fit adhibitis septem testibus, liberis, puberibus masculis, rogatis vnico contextu, qui interfint à principio vsque ad finem, vt in §. fin. infr. eod. & in d. l. heredes palam.

Aliud dicitur in scriptis, quod est vel clausum, vel apertum. Clausum est quando testator schedulam à se signatam, & scriptam tradit septem testibus, liberis, puberibus &c. signandam, & subscribendam, declarans illud esse suum testamentum. Apertum fit, quando testator dicat, vel legit suum testamentum coram septem testibus, liberis &c. & postea testes illud signant, & subscribunt.

Verum quia periculum est, ne aliquis testis postea moriatur, vel non possit haberi post mortem testatoris ad hoc vt testificetur, vel recognoscat subscriptionem, & signum suum, ideo cautela est rogandi notarium, vt faciat instrumentum de testamento, in quo sint

sint duo alij testes instrumentarij, non testamentarij. Sed Romæ est consuetudo, vt etiam duo ex illis septem testamentarijs sufficiant. Et ita publico instrumento confecto de recognitione signorum, & subscriptionum, erit tutus testator.

S. Possunt autem.

Testes debent signare testamentum septem signis, diuersam, vel eandem sculpturam habentibus, aut etiam eodem annulo, vel signo, dummodo qui non est dominus annuli, declaret in scriptis alieno signasse annulo, vel sub annuli signo subscribat nomen suum argum. text. in c. inter dilectos, de fid. instrum. licet annulus esset ipsius testatoris l. ad testium §. si ab ipso ff. cod.

S. Testes autem.

Omnes possunt esse testes in testamento, dummodo sint liberi, & Ciues Romani, idest Christiani. Prohibentur autem, mulier, impubes, seruus, mutus, surdus, cæcus, is, cui bonis interdictum est, & omnes intestabiles. De hoc assignantur diuersæ rationes. A Viglio tamen hic assignatur ratio vniuersalis, quia tales personæ non habebant Ius Comitiorum, in quibus testamenta fiebant. Vnde non potest dari certa regula quod habentes testamenti factionem actiuam, vel passiuam possint esse testes, quia mulier habet passiuam, & actiuam, & tamen non potest esse testis. Item impubes habet passiuam, & tamen non potest esse testis &c.

S. Sed cum aliquis.

Dubitatur, autem, an si seruus in testem adhibitus fuerit, qui communiter reputabatur liber, testamentum valeat? Et videbatur negativè dicendum, quia numerus testium requisitus non intercessit. Sed contrarium deciditur, quia communis opinio præfertur veritati l. Barbarius ff. de offic. Prator. Nec obstat quod in contrarium fuit adductum, quia Respondetur quod communis opinio statuit aliquam personam distinctam ab ea, quæ in veritate est d. l. Barbarius. Et ampliatur iste text. in quocunque inhabili. Sic si esset mulier, quæ communiter pro viro habebatur. Iul. Clar. in §. testamentum quasi. 55. Sed vtrum hermafroditus possit esse testis? & distinguitur, si præualeat in masculino, potest, alioquin non, vt communiter DD. hic.

S. Pater.

Pater, & filij possunt esse testes in alieno testamento, quia nihil nocet ex vna domo plures testes in alieno negotio adhiberi. Ex quo sequitur quod in proprio negotio non possunt, & sic nemo potest esse testis in causa propria *l. nullus ff. de testib. & l. omnibus C. de testib.* Vnde filius non poterit esse testis in testamento Patris, nec è contra, quando filius testatur de peculio castrensi, vel quasi nec etiam frater, qui est in eiusdem Patris potestate, quia in testamento reprobatur domesticum testimonium. Et domesticum dicitur non tam ex coniunctione sanguinis, quam per unionem, quæ ex patria potestate contingit, ut inquit Theophil. *hic*. Vide te glos. *hic in verb. in ea re, cum quinque additionibus ad illam, appositis*.

S. Sed nequè.

Heres non potest esse testis, nec is, qui in eius potestate est, nec frater, qui in eiusdem patris potestate est, quia ob patriam potestatem dicuntur quodammodo vna, & eadem persona *l. fin. C. de impuber. & alijs subtit.* Cum autem totum negotium testamenti sit inter heredem, & testatorem, idem esset testis in causa propria.

S. Legatarijs

Legatarij, & fideicommissarij possunt esse testes in eo testamento, in quo legatum, & fideicommissum eis relictum est, quia non sunt Iuris successores, quasi dixerit textus, quod non agitur de illorum utilitate principaliter, sed solum minus principaliter. Et propterea illa regula, quod nemo potest esse testis in causa propria, procedit quando principaliter agitur de causa propria, non autem quando minus principaliter. Quapropter si ageretur de probando legato, vel fideicommisso, in eo casu non possent esse testes: secus si ageretur de probando testamento. Ita Clar. *d. quest. 55.*

Quæres de quo fideicommissario intelligatur noster textus, de particulari, an de vniuersali?

Respondetur communiter intelligi de fideicommissatio particulari, non de vniuersali, quasi vniuersalis sit Iuris successor. Sed contrarium probabilius videtur primo quia verba vniuersaliter

liter prolata vniuersaliter sūt intelligēda l. 1. §. generaliter ff. de legat. praestando. Secundo quia fideicommissarius particularis, & legatarius idem sunt l. 1. ff. de legat. 1. & l. 2. C. comm. de legat. ergo non potest intelligi textus de fideicommissarijs particularibus tantum, quia hoc frustra dixisset, cum idem sint; unde intelligitur etiam de fideicommissarijs vniuersalibus. Nec obstat quod in contrarium adducitur, quia responderetur, quod fideicommissarius vniuersalis solum succedit ad commodum hereditatis, non autem ad Ius hereditatis, quod semper remanet in herede directo, etiam post restitutionem hereditatis factam fideicommissario; qui enim semel est heres, semper est heres, & iuris successor §. restituta infr. de fideicomm. heredit. Quod non contingit in fideicommissario vniuersali, & ita bene de eo potest intelligi noster textus, quod possit esse testis in eo testamento, in quo fideicommissum recipit.

S. Nihil autem cum S. seq.

Testamentum scribi potest in qualibet materia, in tabulis, membranis, & chartis, etiam rasis, si totæ sint rasæ: sed si rasura esset solum in aliqua parte substantiali, puta ubi est scriptum nomen heredis, vel legatarij, vel quantitas legata &c. testamentum redderetur suspectum ad text. in c. quoniam contra, de probationib.

Præterea vnus, & eiusdem testamenti plura exemplaria conici possunt, quæ tamen non probabunt, nisi originali cum suis solemnitatibus producto ad text. in auth. si quis in aliquo C. de edend. nisi hæc exemplaria fuissent solemniter transumptata. Canonistæ in c. fin. de fid. instrument. Et si in vna copia reperiretur relictum plius, & in alia minus eidem legatario, nec reperiretur originale, cui standum est, censeretur minus relictum, & non plus. Sempronius Proculus ff. de legat. 2. & cancellata vna copia, non tamen censeretur reuocatum testamentum quoad alias copias l. plurius ff. de his, quæ in testam. delent.

S. Fin.

Testamentum in scriptis dicitur testamentum factum cum solemnitatibus necessarijs subscriptionum testium, & signorum oppositionis. Aliud est testamentum minus solemne, quod sine scriptis fit, & nuncupatiuum dicitur, vt supr. innuimus, & hoc

hodie communiter utimur. Ad hoc autem non requiritur scriptura, sed sufficit quod testator coram septem testibus liberis puberibus &c. vno eodemque tempore, & contextu audientibus, & intelligentibus, declaret suam voluntatem, nominando proprio ore heredem, & ceteras suas dispositiones declarando *auth. hoc inter liberos §. per nuncupationem C. eod.* Solet tamen de tali testamento rogari Notarius, ut per scripturam Notarij, seu instrumentum publicum probetur, etiam mortuis omnibus testibus. *gloss. in l. 2. ff. quemadmod. testam. aper.* Dicitur autem nuncupativum, quia nuncupare est suam voluntatem declarare, heredemque palam coram testibus exprimere, & nominare; neque per hoc quod redigatur in scripturam à testatore, vel à Notario definit esse testamentum nuncupativum, & sine scriptis; nam hæc scriptura fit solum ad maiorem actus comprobationem, & ad perpetuam rei memoriam, non quod sit de substantia ipsius.

Testes autem in quolibet testamento debent esse rogati, & non fortuito casu audiuisse mentem testatoris, ut inquit Mystring. *hic.* In dubio autem non præsumuntur rogati, nisi Notarius scribens instrumentum asserat esse rogatos, vel testes ipsi hoc depo-
nant *l. hac consultissima C. qui testam. fac. poss.* In ceteris autem casibus sufficit testes audiuisse etiam fortuito mentem alicuius *l. ad fidem ff. de testibus.*

De Militari Testamento.

T I T. X I.

PRo intelligentia sciendum est, plures esse species testamentorum.

Prima est testamentum paganicum, idest eorum qui in pagis, seu in Civitate manent in pace, & otio; quod fit coram septem testibus, liberis, masculis, puberibus, rogatis &c. in scriptis, vel sine scriptis, ut iam dictum est *in præced. tit.*

Secunda est testamentum militare, quod fit in ipso conflictu; & hoc non eget testibus, sed quoquo modo probetur militis voluntas, sufficit, ut si quid miles notaverit in clypeo, vel in vagina, etiam proprio sanguine, vel in pulvere, pro testamento habetur *l. milites §. proinde C. de testam. milit.* dummodo probetur militem ipsum ita scripsisse, ut habetur in *§. plane infr. eod.* ad quod sufficiunt

eiunt duo testes, qui viderint illud factum, idest illum militem scripsisse.

Tertia est testamentum militis factum in expeditione, non autem in ipso conflictu; & hoc fit coram duobus, vel tribus testibus, & sic factum valet, quia in testamento militis seruatur Ius gentium *l. Lucius Titius ff. eod.*

Quarta est testamentum rusticum, quod fit Ruris, coram quinque testibus *l. fin. per totam C. de testam.*

Quinta est testamentum, quod dicitur, inter liberos, ad quod sufficiunt duo testes *gloss. in §. fin. tit. preced. in verb. septem testibus, & gloss. in l. hac consultissima, in verb. liberos C. de testam.* Et hoc testamentum inter liberos est, quando Pater distribuit inter filios totam hereditatem, nullo extraneo nominato; Imò valeret etiam sine testibus, quando Pater scriberet apocam manu sua, & illam subscriberet, vel faceret subscribere a filiis, & diuideret hereditatem inter filios, nullo extraneo nominato, vt dixi, scribens manu propria quot vncias unicuique relinquit, non per signa numerorum, sed per litteras extensas, vt habetur in *auth. de testam. imperf. per tot. tit.*

Sexta est testamentum cæci, quod requirit septem testes, & Notarium, & si Notarius haberi non possit, debet adhiberi octauus testis, & omnia debent scribi *d. l. hac consultissima §. at cum humana C. qui testam. facer. poss.*

Septima est testamentum factum tempore pestis, quod requirit quinque testes. Ita DD. in princ. sup. de testam. & in specie Thob. Non. *ibid. in §. fin. n. 4. in fin.* In hoc tamen casu seruantur constitutiones particulares ipsorum Principum.

Octaua est testamentum factum coram Principe, quod nullum testem requirit *l. omnium C. de testam.*

Nona est testamentum de Iure Canonico, quod requirit duos, vel tres testes, cum præsentia proprii Parochi *c. cum esses, de testam.*

Decima est testamentum ad pias causas, quod sufficit quòd fiat coram duobus, vel tribus testibus *c. relatum il. 1. de testam.*

In hoc autem titulo agitur de testamento militari. pro quo notandum est, quòd miles non est subiectus solemnitatibus Iuris ciuilis in testando. Et ratio assignatur in textu, scilicet propter militum imperitiam. Hæc autem imperitia dicitur non ignorantia Iuris, sed non habere præticam in negotijs; & per hoc licet scemina sint Iuris ignaræ, quia tamen possunt habere præticam, id est possunt consulere peritos Iuris circa modum condendi testa-

mentum, id circo In testamento mulieris non remittuntur solemnitates: milites verò cum non possint consulere peritos, ex eo quia manent in Castris, vel in expeditione, ideo eximuntur ab his solemnitatibus.

Hodie autem milites habent eadem privilegia circa testamentum; quæ antiquitus habebant, si actu militent, vel sint descripti in consuetudine militum, adeo ut profecturi sint ad prælium ad nutum Principis, vel sint alicuius Religionis militaris v.g. Hierosolymitanæ. Hæc autem privilegia cumulat Myssingerus hic, quibus gaudent etiam qui sunt in castris in loco hostili, licet non sint milites, ut vix, calones, & omnes sequentes exercitum.

§. Illis autem, cum omnibus §§. seqq.

Si verò milites sint extra expeditionem, debent testari iure paganorum. Et testamentum quod fecerint in castris, post missionem honorariam, ut quia militauerint per viginti annos, & sic dicantur veterani, & emeriti: vel causariam, puta propter infirmitatem, valet intra annum. Non autem valet post missionem ignominiosam, ut per glossam. *hic in §. sed hætenus, in verb. post missionem*. Quod si intra annum miles decesserit, sed conditio heredi adscripta post annum extiterit, tamen valet quasi testamentum militis.

Testamentum verò factum ante militiam, non seruat iure communi, sed secundum aliquam partem in expeditione immutatum, incipit valere quasi ex noua militis voluntate. Si verò miles testamento valido de peculio castrensi, postea patitur minimam capitis diminutionem per arrogationem, vel per emancipationem, si illud postea non immutauerit, tacite intelligitur confirmatum, ut dicitur *hic in §. sed & si quis*.

Præterea miles licet mutus, & surdus potest nihilominus condere testamentum, ut dicitur *hic in §. quin imò*, dummodo appareat ipsum sic voluisse testari, etiam per signa, ut inquit glossa. *hic*. Quod intelligitur si sit mutus, & surdus ex accidenti, non autem à natura, contra eandem glossam quia si talis esset à natura, nec miles esse posset, cum alter tubam, & Ducis sui mandatum exaudire non posset: alter si qua re ei opus esset v.g. armis, dicere hoc non valeret, ut inquit Theophilus *hic*.

Demum sitisiam lias milites dum extra castra manent, possunt testari de castrensi peculio, ut dicitur *hic in §. illis autem vers. sed testari quidem*. Et hoc extenditur ad eos, qui habent peculium quasi

quasi castrense, ut dicitur in *l. fin.* Qui tamen omnes debent seruare solemnitates requisitas in testamentis paganorum, ut habetur hic & in *l. fin. C. de inoffic. testam.*

Quibus non est permiffum facere testamentum.

TIT. XII.

Dictum est de testamentis. Verum quia non omnibus permiffum est testari, merito ponitur præsentit.

Plures autem sunt hi, quibus non permittitur facere testamentum. Et primo non permittitur illis, qui sunt in alterius potestate, & nihil habent in bonis. Tales sunt Monachi *auth. ingressi C. de sacros. Eccles.* Sed Eremitæ possunt, quia magis æquiparantur Laicis. *Mandol. de Signat. Grat. tit. licentia testandi.*

Item non possunt serui, & filijfamilias, etiam permittente Domino, aut Patre, quia testamentum est publici Iuris *l. 4. ff. de testam.* & Pater, aut Dominus, qui sunt priuati homines, non possunt facere capacem seruum, aut filium eorum, quæ sunt publici Iuris. Potest tamen filius sine Patris consensu testari de peculio castrensi, vel quasi, quia hoc à Iure permittitur. In peculijis verò, in quibus Patri vfusfructus acquiritur, testari non potest, cum extra peculium castrense, vel quasi filiusfamilias testari non possit. *Gloss. in auth. in testamento, in verb. ceteris C. ad S. C. Terryll.* Quod si extra hos casus filiusfamilias testamentum fecerit, inualidum omnino est, etiam si postea suæ potestatis factus decesserit; quia quod ab initio non valet, tractu temporis non conualefcit, ut dicitur hic in *vers. præter hos.* & *gloss. ibi in verb. inutile.* De Iure autem Canonico cum istæ subtilitates non considerentur, Pater potest permittere filio, ut disponat de aliquo ad pias causas pro anima sua *c. licet in fin. de sepult. in 6.*

S. Præterea

Non possunt testari impuberes, nec ad pias causas, nec si postea moriantur puberes, ne actus præcedat potentiz. Item nec furiosi, quia mente carent, nec etiam ad pias causas, nec reconualefcit, si resipiscant. Limitatur quando ita testarentur, ut nullus alius sanæ mentis melius potuisset testari. *Corsett. in suis fin.*

ingularib: in verb. furiosus. Limitatur etiam, si haberent dilu-
cida interualla, in quibus testarentur.

S. Item prodigus

Item nec prodigus, cui interdicta est bonorum administra-
tio. Sed antequam sit facta interdictio potest. Clar. in *S. testa-*
mentum quest. 33.

S. Item surdus

Surdus, & mutus à natura non potest testari, nec ad pias cau-
sas, nec si à Principe concedatur, vt dicunt DD. *hic.* Sed sur-
dus, & mutus ex accidenti, vel mutus tantum si sciat scribere,
testari potest scribendo propria manu: sin autem per alium scri-
bere velit, impetret hoc à Principe. gloss. *hic in verb. centis.* In
quo differt à milite surdo, & muto ex accidenti, qui testari po-
test sine alia licentia Principis, cum hoc habeat ex priuilegio mi-
litari. Si verò est surdus tantum, & loqui potest, testari potest,
vt habetur in *l. discretis C. qui testam. fac. poss.*

S. Cæcus

Cæcus debet adhibere in testando septem testes, & Notarium,
quem si non potest habere, debet adhibere octauum resem, &
omnia debent scribi, & debent exprimi nomen, cognomen, pro-
nomen, dignitas, & officia heredis, & alia omnia, vt quæcunque
fraus euitetur. *l. hac consultissima C. qui testam. fac. poss.* quod in-
telligitur de cæco tam à natiuitate, quam ex accidenti. secus in
monoculo, qui testatur secundum dispositionem Iuris commu-
nis, prout ceteri testantur, vt dicit gloss. *hic in verb. cæcus.*

S. Fin.

Ille, qui est apud hostes, non potest testari. Sed distinguitur,
aut iste est captiuus, vel obles, & non potest, quia seruus, vel
quasi seruus est, aut est transfuga, & multo minus potest: aut test
Orator apud hostes, vel manet ibi causa mercaturæ, vel causa
peregrinationis, & tunc potest testari, adhibendo testes non ho-
stes, sed ciues Romanos, idest Christianos. Captus autem, seu
obles si fecerit testamentum apud hostes, non valet etiam si re-
dierit.

dierit. Si verò fecit testamentum, dum erat in cinitate, & postea fuit factus captivus, aut obles, & tunc testamētum valet; nam, si redierit ab hostibus, valet Iure postliminij: si verò apud hostes moriatur, valet ex dispositione legis Corneliæ, quæ fingit mortuum apud hostes, fuisse mortuum hora captivitatis, ut alibi diximus in tit. sup. quib. mod. Ius patr. potest. soluat. §. si ab hostibus.

De exheredatione Liberorum.

TIT. XIII.

Visum est de solemnitatibus extrinsecis testamenti: Erat modò videndum de intrinsecis, prout est exheredatio, & institutio, quæ sunt forma intrinseca testamenti; nam ut testamentum sit validum, non sufficit adhibuisse septem testes masculos, puberes, liberos &c. sed etiam requiritur, quòd qui habet liberos, illos vel instituat, vel exheredet, aut prætereat inserta causa ingratiitudinis, alias testamentum est nullum, quia pro forma intrinseca hodiè tam in præteritione, quàm in exheredatione necesse est inseri causam. Ita affirmant DD. in auth. ex causa C. de liber. præterit.

Exheredatio dicta est quasi extra hereditatem positio, idest extra dominium, quia hereditas dominium significat §. fin. infr. de hered. qual. & differ. Et cum inter Patrem, & filium sit quædam communicatio dominij l. in suis ff. de liber. & posthum. per exheredationem ab illa communione excluditur.

Exheredatio sic definitur, est exclusio ab hereditate sibi de Iure debita, cum à parentibus debeat libris de iure naturæ: à liberis verò debeat parentibus iure naturalis miserationis l. scripto §. non sic parentibus ff. und. liber.

Præterea exheredatio alia est notæ causa, seu mala mente: alia non notæ causa, seu bona mente. Notæ causa est, quæ fit propter ingratiitudinem cum causæ insertionem, ut infr. videbimus. Non notæ causa fit, quando Pater exheredat filium suum, & extraneum aliquem instituit, rogando eum, ut postquam filius erit maior, restituat illi omnia bona cum fructibus l. multi ff. de liber. & posthum.

Rursus exheredatio alia est expressa, ut quæ fit expresse per verbum exheredo, vel excludo, vel alienus cito à meâ substantia,

& similibus. Alia est tacita, ut quando scienter præteritur filius à Patre milite, vel à Matre, vel ab Auo materno *l. sicut certi C. de testam. milit. & §. fin. infr. hoc cod. tit.*

Ut autem exheredatio valeat requiritur. Primo quòd fiat in testamento. Secundo quòd testamentum sit validum. Tercio quòd habeat effectum, idest quòd heres institutus adeat hereditatem. Quarto quòd fiat à tota hereditate. Quinto quòd fiat ab omni gradu. Sexto quòd fiat inserta causa ingratitudinis, quæ causa sit legitima, idest aliqua ex enumeratis in *§. aliud quoque capitulum ver. causas autem, cum tribus §§. seqq. & §. siue igitur, vers. iustum autem auth. vi cum, de appellat. cognosc.* Et sunt quatuordecim causæ, quibus liberi exheredari possunt à parentibus: & octo, quibus possunt exheredari parentes à liberis. Sed si fuerint similes, vel maiores, erunt etiam iustæ causæ, ut est communis opinio DD. in *auth. ex causa C. de liber. præterit.* Septimo debet exheredatio fieri in personis, quæ possunt committere causam ingratitudinis. Octavo ista causa debet probari per heredem institutum, quia hodiè præsumitur pro filio, quòd fuerit gratus *l. omnimodo C. de inoffic. testam. & ibi gloss. in verb. non licebit in fin.*

Femina olim, & descendentes per virilem sexum poterant inter ceteros præteriri. Sed hodiè non possunt, quia debent etiam nominatim exheredari, sicut masculi, & filij in primo gradu *l. maximum vitium C. de liber. præter.* Et nominatim exheredantur non solum si proprium nomen exprimatur: sed etiam si nomen appellativum, ut si dicatur, filius meus musicus exheres esto. Ita Theophil. *hic.* Quòd si vnus solum sit filius, sufficit dicere, filius meus exheres esto, quia tunc necessario de illo verificatur mens testatoris.

§. Posthumi, cum §. seq.

Pro intelligentia sciendum est, quòd posthumi quidam sunt proprij, quidam improprij, & quidam improprijsimi. Proprij sunt, qui nascuntur post humationem, idest mortem parentis, de cuius hereditate agitur. Improprij, qui nascuntur post testamentum parentis, de cuius hereditate agitur. Improprijsimi, qui tempore testamenti sunt quidem nati, sed non sunt sui heredes, sunt tamen sui heredes post testamentum parentis, de cuius hereditate agitur; & tales sunt qui post testamentum legitimantur, vel arrogantur, vel nepotes, qui præmortuo patre post testamen-

tum

tum Aui, sunt sui heredes Auo, de cuius hereditate agitur, vt alibi diximus.

Item posthumi quidam sunt sui, quidam alieni, & quidam extranei seu alienissimi. Sui sunt, qui si nati essent viuente testatore, & statim testator mortuus esset, essent futuri sui heredes, vt est filius natus post mortem patris, vel nepos natus post mortem Aui pramortuo filio eius patre existente in eiusdem Aui potestate.

Alieni sunt, qui si nati fuissent, fuissent quidam nati in potestate: non tamen fuissent sui heredes, vt sunt nepotes nati post mortem Aui ex filio viuo existente in eiusdem Aui potestate.

Extranei, seu alienissimi sunt, qui si nati fuissent, nec fuissent sui heredes, nec in potestate eius, de cuius hereditate agitur, vt sunt nepotes nati post mortem Aui ex filio emancipato ab eodem Auo. Quod colligitur ex *S. posthumo infr. de legatis*, & quod ibi notant DD.

His positis notandum est, quod antiquitus qui non erat natus non poterat institui heres; vnde prateritus non habebat aliud remedium succedendi, sed erat penitus exclusus. Postea permixtum fuit, vt possent institui filij nascituri, quia natura vocabat eos ad successionem *ad tex. in l. cum ratio ff. de bon. damnator.* Non tamen erat permixtum, vt possent institui nepotes nascituri, si non fuissent futuri sui heredes tempore conditi testamenti. Vnde superuenit Gallus Aquilius, qui animaduertens plura testamentum rumpi per natiuitatem posthumorum nepotum, qui tempore mortis essent sui heredes, introduxit formulam, qua instituerentur tanquam sui. Et formula est. Filius meus heres mihi esto, & si filius meus viuo me moriatur, tunc si quis mihi nepos natus fuerit intra decimum mensem post mortem filij mei, hic nepos heres mihi esto, *vt in l. Gallus Aquilius ff. de liber. & posthum.*

Hodie tamen omnes posthumi possunt institui heredes secundum communem opinionem DD. *vt in princ. infr. de bonor. possess.*

S. Emancipatos

Non solum filij, qui sunt in potestate Patris, vel futuri fuissent, si nati fuissent viuente Patre: sed etiam emancipati debent institui, vel exheredari cum iusta causa; liberi enim emancipati cum non sint amplius in potestate, & ideo nec sui heredes, non erant cogniti de Iure ciuili; vnde poterant olim prae-
te riri,

teriri, nec habebant aliquod remedium succedendi. Sed Prætor naturalem æquitatem prout solet, habens præ oculis *l. quod si. Ephe. si §. fin. ff. de eo quod cert. loc.* considerans quod licet emancipati sint, nihilominus liberi sunt, & quod ius sanguinis nullo iure civili dirimi potest *l. intra sanguinis ff. de reg. iur.* dedit emancipatis præteritis bonorum possessionem contra tabulas, & ita in effectus fecit eos cognitos, dando eis successionem prætoriam. Prætor autem non potest facere heredem, quia solum ius civile id potest, idest transferre iura directa defuncti in alium: sed solum transferendo iura vtilia induxit bonorum possessionem §. 1. *infr. de bonor. possess.* *l. Prætor ff. de reg. iur.* Prætor enim est viva vox, & executor iuris civilis, non autem conditor *l. nam & ipsum ff. de iust. & iur.*

Hodie autem in successione ab intestato est sublata omnis differentia inter suos, & emancipatos per text. in *auth. de hered. ab intest. venient. §. si quis igitur.* Est communis opinio, ut testatur Alciat. lib. 3. *paradox. iur. cap. 10.*

S. Adoptivi, cum S. seq.

Adoptivi, qui sunt in potestate, ut arrogati, & adoptati ab Avo, debent vel institui, vel exheredari inserta causa. Ceteri adoptivi, qui non sunt in potestate, possunt præteriri etiam non inserta causa, quia habentur pro extraneis *l. penult. C. de adoption. quavis ab intestato succedant, ut dicemus infr. in tit. de heredit. qua ab intest. defer.*

S. Sed si in expeditione

○ Miles olim in expeditione occupatus, sciens se habere liberos, si eos præterisset, faciebat testamentum validum, quia illa præteritio pro exheredatione habebatur. Sed hodie ipse etiam teneatur inferere causam, quia Imperator in *auth. de cum de appell. cognosc.* generaliter loquitur, ut omnes teneantur inferere causam, quæ probanda est per heredem, cum filius præsumatur gratus *l. omnimodo C. de inoffic. testam. & ibi gloss. in verb. non licebit in fin.* ut supr. diximus.

S. Fin.

Mater & Avus maternus siue sciat, siue ignoret, se habere filium, vel nepotem, præteriens illum, præsumebatur olim illum

exherédasse: Quod tamen hodie non procedit, quia debent illum vel instituire, vel exheredare inserta causa, vel saltem exprimere causam præteritionis; alioquin causa non inserta testamentum esset nullum, ut traditur per DD. in *l. posthumus C. de honor. possess. con. tabul.*

Causæ autem legitimæ, per quas possunt parentes liberos suos exheredare, sunt quatuordecim, & octo per quas possunt liberi exheredare parentes suos, ut supra diximus. & sunt

Pro parentibus

Prima, si quis parentibus suis manus intulerit.

Secunda, si grauem, & inhonestam iniuriam eis ingesserit.

Tertia, si eos in criminalibus causis accusauerit, quæ non sunt aduersus Principem, siue Remp.

Quarta, si cum maleficis hominibus versatus fuerit, ut maleficus.

Quinta, si vitæ parentum suorum per venenum, aut alio modo insidiari tentauerit.

Sexta, si noueræ suæ, aut concubinæ patris filius sese immiscuerit.

Septima, si delator contra parentes filius extiterit, & per suam delationem grauia eos dispendia fecerit sustinere.

Octaua, si parentem inclusum pro delicto, vel pro debito in suam fideiussionem requisitus non suscepit. Quod tamen de filia non intelligitur.

Nona, si prohibuerit parentem suum condere testamentum.

Decima, si inter arenarios, vel mimos filius se sociauerit, & in hac professione perseverauerit, nisi tamen pater eiusdem sit professionis.

Vndecima, si filia maritum à patre recipere noluerit cum dote congrua: sed luxuriosè vitam agere elegerit; non tamen si hoc post vigesimum quintum suæ ætatis annus contingerit, parentibus illi maritum dare negligentibus.

Duodecima, si parenti furioso curatorem dari neglexerit, vel ei competentem curam non præbuerit.

Decimatertia, si parentem in captiuitate manentem non redemerit.

Decimaquarta, si filius à fide catholica defecerit, cum parentes eius orthodoxi sint,

Pro liberis verò

Prima, si parentes filium de maleficio accusauerint, non tamen contra Principem, vel Remp.

Secunda: si veneno, aut maleficio filiorum vitæ fuerint insidiari,

Tertia, si pater nurui suæ, aut concubinæ sui filij sese immixtuerit.

Quarta, si filios suos testamentum condere de proprijs pecunijs prohibuerint.

Quinta, si vir uxori suæ, vel è contra vxor viro suo venenum ad interitum, seu ad mentis alienationem propinari contigerit, poterit is parens à filijs prorsus exheredari.

Sexta, si filij furiosi parens curam neglexerit.

Septima, si filium in captiuitate manentem non liberauerit.

Octaua, si parentes à Catholica fide defecerint, cum filius orthodoxus sit.

Hæ sunt causæ legitimæ exheredationis, de quibus habetur distinctius in *auth. vt cum de appell. cognos. §. aliud quoque capitulum, cum tribus §§. seqq. & in §. siue igitur vers. instum autem, vt supr. inuimus in princ. huius tituli.*

De Heredibus instituendis.

T I T. X I V.

Heres dictus est ab hero, idest domino §. *fm. infr. de hered. qual. & diff.* Vnde instituere heredem nihil aliud est, quàm ordinare nouum domum in bonis suis post mortem suam. Et olim fiebat in propria formula casibus rectis, & verbis rectis; hodie autem quibuscunque verbis fieri potest: imò etiam si colligatur ex coniecturis, valet testamentum ad text. in *l. quoniam indignum C. de testam. vt si dicam, si filius meus heres non erit, Caius heres esto, intelligitur prius, filius meus heres esto, & deinde, si filius meus heres non erit, Caius heres esto.*

Omnes possunt heredes constitui, qui aliàs non sint prohibiti; & sic tam serui, quàm liberi, & serui tam proprij, quàm alieni.

Proprij instituti heredes, recipiunt etiam tacite libertatem; ex quo si testator voluit eos esse heredes, voluit etiam esse liberos, quod est necessarium antecedens. Et hoc procedit non solum in illis, qui seruos volunt esse sibi necessarios heredes, vt quia non sint soluendo: verùm etiam si sint soluendo. Et proprij serui intelliguntur etiam illi, in quibus testator habet nudam proprietatem, non tamen fraudatur usufructuarius suo iure.

§. Est tamen casus, usque ad §. Servus etiam.

Servus maculatus, idest accusatus de adulterio, non potest heres institui à Domina, quæ rea fuit sceleris, etiam si cum libertate instituat; pendente enim iudicio nihil est innouandum, ut aduertit gloss. hic in casus figuratone.

Alieni servi instituuntur, & sunt capaces ex persona domino- rum, quorum iussu adire debent, & illis acquirunt. Requiritur autem semper iussus domini, ne servus afferat domino suo detri- mentum, accipiendo hereditatem damnosam *l. si quis mihi §. iussus ff. de acquir. hered.* & ne dominus reperiatur obligatus sine facto suo *l. qui in aliena in princ. ff. de acquir. hered.* Sed si antequam adeant hereditatem tam proprii, quàm alieni servi fuerint manumissi, fiunt voluntarii heredes, nec amplius sunt necessarii; unde arbitrio suo poterunt adire, & sibi acquirunt.

Servus autem pœnæ non potest heres institui, & quicquid extra causam alimentorum ei relinquitur, pro non scripto habetur *l. si in metallum ff. de his, quæ pro non script. habent.*

§. Servus etiam.

Servus domini defuncti potest heres institui, quia eius capaci- tas regulatur à capacitate domini representati per hereditatem ia- centem, ut dicit, textus; hereditas enim non dum adita sustinet vicem defuncti, & non futuri heredis. Ratio est secundum Por- tium hic, quia defunctus est certus: heres verò incertus, cum multa possint contingere, ut non adeat.

Servus illius, qui est in utero, potest institui, quia cum agatur de eius commodo, habetur pro nato.

§. Servus autem plurium.

Servus plurium, qui habent testamenti factionem passivam, si sic institutus heres ab extraneo, acquirit unicuique dominorum, pro portione domini, si tamen iusserint eum adire, quoniam non iubentibus, & incapacibus nihil acquirit, & alijs accrescit.

§. Et unum.

Non solum potest unus heres institui, & tribus tantum verbis]
qui,

quibus totum testamentum fieri potest, v.g. Titius heres esto vel instituo Titium heredem *l. 1. ff. eod.* verum etiam possunt plures institui usque in infinitum, dicitur textus, quod intelligitur hyperbolicè idest plures, & plures, quot quis voluerit.

S. Hereditas, usque ad S. heres, & purè.

Dicitur in textu quòd hereditas plerumque diuiditur in duodecim vncias, quæ faciunt assem; & omnes partes habent propria nomina ab vncia usque ad assem, scilicet vncia, sextans, quadrans, triens, quincunx, semis, septunx, bes, dodrans, dextanx, denunx, as. ut dicitur *hic*. Est etiam sexcunx, idest vncia cum dimidio. Et dicitur *plerumque*, quia testator potest eam diuidere in pauciores, & plures partes; Et si dixerit, Titius heres esto in vncia hereditatis meæ, nullo alio coherede dato, totam hereditatem Titius habebit, quia paganus non potest pro parte bonorum testatus, & pro parte intestatus decedere, quamvis miles possit, quia id, de quo miles non est testatus, habebunt venientes ab intestato *l. 2. C. de testam. milit. l. 1. us nostrum ff. de reg. iur.* Imò etiam si paganus instituat heredem aliquem in re certa, nullo alio coherede dato, ille heres totam hereditatem habebit *d. l. 1. ff. eod.*

Potest etiam in plures vncias testator hereditatem diuidere. Sed diuisio non est necessaria, quando vult heredes æqualiter succedere, quia nulla facta diuisione, singuli habebunt partes viriles, idest æquales.

Sed si testator pluribus partes diuiderit, & aliqui ex nominatis fuerint sine parte, distinguitur. Aut vacat pars aliqua assis, & isti habebunt eam: aut non vacat, & habebunt à singulis alijs dimidium. Sin autem omnes habeant partem, & nihilominus superfit aliqua pars assis, & tunc illa accrescit cuique pro portione hereditaria.

Si verò in diuisione testator exarserit assem, & tunc fit reductio ad assem, & diminuitur unicuique pro hereditaria portione, nisi in diuisione testator voluerit transire ad dupondium, idest ad duos asses, hoc est viginti quatuor vncias, ut quia exarserit in diuisione decem & octo vncias. Idem dicitur, si excedit dupondium, quia tunc fit reductio ad dupondium, modo quo supra de asse, nisi voluerit transire ad tripondium &c. Hæc autem diuisio per dupondium, tripondium &c. hodiè non est amplius in usu, sicut est in usu diuisio per assem, & partes suas.

S. Heres, & purè.

Heres potest institui purè, idest non adiecta die, vel conditione. Item sub conditione. Sed distinguendum est. Aut instituitur filius, aut extraneus. Si extraneus potest institui sub qualibet conditione. Si filius, & non potest, nisi sub conditione potestatiua.

Conditio autem triplex est. Potestatiua, quæ pendet à potestate grauati, vt si dederis Titio decem. Casualis, quæ pendet à casu, vt si nauis ex Asia venerit. Et mixta, quæ potest pendere tam à casu, quam à potestate grauati, vt si ascenderis Capitolium. l. 3. & 4. ff. eod.

Dubitatur autem, numquid filius institutus heres sub conditione potestatiua, possit legitimam suam capere, & non implere conditionem? Et aliqui dixerunt quòd non, quia videtur velle renunciare hereditati qui non vult implere conditionem. Sed verior est contraria sententia, quia legitima debetur filio sine vilo onere, & sine vlla mora l. quoniam in prioribus C. de inoffic. testam. & S. quam obrem ant. de restit. & ea quæ par. in undec. mens. & ita filius capiet legitimam suam, tanquam heres in illa institutus sine vlla conditione, & cetera bona tenebitur filius restituere venientibus ab intestato, tanquam grauatus illa restituere cum omnibus oneribus impositis, si non vult implere illam conditionem, quam implere tenetur, si vult cetera bona patris sui, super quibus illa conditio bene poterat imponi.

Heres non potest institui à pagano sub die, quia qui semel est heres, non potest desinere esse heres S. restituta infra de fideicom. hered. sed miles potest l. certi iuris C. de testam. milit. Imò, & vnum heredem ad tempus, & alium post illud tempus miles directè instituere potest. vt gloss. ibi.

S. Impossibilis, cum S. seq.

Conditio impossibilis vltimis voluntatibus adiecta, vitiatur, & non vitiat. Quod secus est in contractibus. Et ratio differentie est, quia non imputatur honorato titulo institutionis quòd fecerit illam conditionem apponere, ex quo vltimæ voluntates regulariter fiunt absentibus honoratis l. non id vito C. de Codicill. Sed in contractibus imputatur contrahenti, qui passus est adijci illam conditionem impossibilem, & propterea contractus non valeret.

& vltimæ voluntates valent, sed ipsa conditio pro non scripta habetur.

Impossibilis autem conditio dicitur quæ non potest impleri vel natura, vel facto, vel perplexitate. Natura, vt si tetigeris cælum digito: iure, vt si patrem tuum occideris: facto, vt si montem manu tua complanaueris: perplexitate, vt si heres meus non eris, instituo te heredem meum. Primæ duæ conditiones impossibiles vitiantur in vltimis voluntatibus, & non vitiant. De tertia est difficultas apud DD. vt refert Viglius hic. Quarta verò vitiat vltimam voluntatem l. si Titius beres ff. de conditionib. institut. propter ambiguitatem voluntatis testatoris, quæ est contra naturam vltimæ voluntatis, licet de hac quoque possit esse difficultas. Videte totam gloss. in d. l. si Titius heres in verb. inutilem, & Castrensi. libid. n. 2. In contrariis verò quæcumque conditio impossibilis vitiat, & non vitatur, ob rationem supradictam.

Si plures conditiones heredi sint adscriptæ, & coniunctiue, heres debet omnes implere, quia propositio hypothetica coniunctiua, quæ in parte est falsa, tota est falsa. Sed si fuerint disiunctiue, siue alternatiue appositæ, tunc sufficit vnā implere, quia hypothetica alternatiua in parte vera, tota est vera. l. si is qui ducenta §. utrum, vbi gloss. & Bart. ff. de reb. dub.

S. Fin.

Ignoti, idest non visi, possunt heredes institui, si tamen aliter nobis sint noti, vel per famam, vel per litteras, vel per sanguinem sic intelligitur tex. in l. extraneum la 2. C. eod. vbi dicitur extraneus penitus ignotus potest institui, idest nunquam visus, quia si nullam omnino haberemus notitiam, non valeret institutio, vt si dixerō, qui modò est in platea Agonis heres mihi esto; Institutiones enim debent fieri ob merita, vel ob sanguinem l. nec adiecit ff. pro socio.

De Vulgari Substitutione.

TIT. XV.

Vltimum est de primis institutionibus. Erat videndum de secundis, quæ dicuntur substitutiones, & ideo ponitur præseus, & sequens titulus.

Sub-

Substitutio dicta est quasi subter statutio, quia post vnum heredem alius statuitur. Sic autem definitur. Est subrogatio vnius heredis in locum alterius, quæ diuiditur in obliquam & directam. Obliqua, seu precaria, seu fideicommissaria fit quando testator rogat heredem, ut alteri restituat hereditatem, de qua dicemus *infra* tit. de fideicommiss. heredit. Directa verò, de qua hic agitur, sic definitur, est secunda heredis institutio. Nomine secundæ venit tertia, quarta, & quæcunque post primam. Dicitur institutio, quia substitutus directus est etiam institutus, ut dicitur *in princ. huius tit.*

Substitutio autem directa multiplex est, vulgaris, pupillaris, exemplaris, reciproca seu breuiloqua, compendiosa, militaris, & aquiliana :

Vulgaris est, quæ vulgo, seu vulgaribus verbis à quolibet, & cui libet fieri potest sub conditione negatiua v.g. Titius heres esto, & si Titius heres non erit, Caius heres esto. Sed ista formula non est necessaria, quia poterit etiam fieri verbis affirmatiuis. v.g. Titius heres esto & si Titius moriatur antequam adeat hereditatem, Caius heres esto. Hæc autem substitutio vulgaris expirat per aditionem primi heredis. Et habet effectum, ut faciat testamentum validum, quod aliàs non valeret, si primus heres non sit heres. Item excludit ius accrescendi, quia portio deficientis heredis pertinet ad coheredem : sed dato substituto vulgari pertinet ad substitutum.

Pupillaris est, quæ fit à parente liberis suis impuberibus quos habet in potestate, non recasuris in alienam potestatem, sub conditione, si intra pupillarem ætatem, vel breuius tempus decesserint. Et ista finitur per aduentum illius temporis, sub quo facta est. Et habet effectum, ut excludat matrem illius pupilli, etiam à legitima, tam de iure ciuili *l. Papinianus §. sed neque impuberis ff. de inoffic. testam.* quam de iure Canonico. *c. si pater, de testam. in 6.* quia non est ipse filius, qui testatur, sed pater, qui proprio iure testatur ex persona sua per facultatem à lege receptam *l. 2. ff. de vulg. & pupill.* non ex persona filij pupilli, qui est incapax testandi ; unde pater potest suam uxorem excludere substituendo alterum huic filio pupillo morienti in pupillari ætate tam in bonis suis, quam in bonis ipsius pupilli, de quibus pupillus nullo modo disponere potest in tota pupillari ætate ; licet si filius esset capax testandi, & testaretur, non posset excludere matrem à legitima illi debita.

Exemplaris est quæ fit à parentibus liberis suis impeditis testari ex vitio mentis, vel corporis, ut sunt furiosi, prodigi, surdi, & muti, & similes : Et non requirit quod liberi sint in potestate ; unde etiam mater, & auus maternus, & pater filio emancipato

potest illam facere. Quod si pater vnum substitutum dederit, & alium mater, substitutus a patre habebit bona paterna, & substitutus a matre bona materna: aduentitia verò diuident inter se. Non potest autem quilibet filio substitui exemplariter, sed debent seruari gradus, vt primò substituantur filij ipsius furiosi, & si hi non sint, substituantur nepotes, & neque his existentibus substituantur fratres eorundem furiosorum; quod si neque illi existant, testator habebit facultatem substituendi quem voluerit *l. humanitas C. de impub. & alijs substit.* Ista autem substitutio expirat per aduentum sanitatis post mortem testatoris, vt dicitur in *d. l. humanitatis* Effectus verò ipsius est, vt excludat ius accrescendi.

Reciproca, seu breuiloqua est, quæ fit pluribus institutis iunctæ, siue nomine collectiuo, siue distributiuo. Collectiuo, vt filij mei sunt mihi heredes, & eos invicem substituo: Distributiuo, vt instituo heredes meos Caium, & Seium, & Caio substituo eundem Seium, & Seio eundem Caium. Quæ an sit distincta species ab alijs substitutionibus disputant DD. Ex se enim nihil est, sed eatenus est, quatenus alias comprehendit. Nec comprehendit pupillarem, nisi ambo filij sint impuberes, & in potestate. Sic vt comprehendat exemplarem, ambo debent esse furiosi, vel prodigi, vel saltem in alterutro ex impedimentis, vt alter prodignus, & alter furiosus &c. Et substitutiones contræræ sub reciproca, sunt tacitæ, & expressæ, sed magis sunt expressæ; vnde pupillaris contenta sub reciproca excludit matrem à legitima *l. Lucius Titius in princ. ff. de vulg. & pupill.* & ibi gloss. in verb. non ad matrem. Sed magis communis opinio est, quod reciproca sit distincta species ab alijs substitutionibus, quia habet proprium nomen, propriam formam, propriam essentiam, cum non possit fieri vni tantum, sicut sunt ceteræ: sed pluribus, saltem duobus. Item habet proprium effectum, quia comprehendit alias. Expirat omnibus illis modis, quibus quilibet contenta expirat.

Compendiosa est, quæ fit sub compendio verborum, plures comprehendens substitutiones, seu plura tempora, vt filius meus heres mihi esto, & quandocumque decesserit, Caius heres esto; nam potest comprehendere vulgarem, quia intelligitur, & si decesserit antequam adeat. Item pupillarem, si filius sit pupillus, quia intelligitur, & si in pupillari ætate decesserit. Item exemplarem, si filius sit furiosus, quia intelligitur, & si in furore decesserit. Item militarem, si fiat à milite, quia intelligitur, si filius decesserit intra vigesimum quintum ætatis annum. Item fideicommissariam, si fiat verbis obliquis, vt si dicatur, & quandocumque de-

deceſſerit, reſtituat hereditatem meam Caio. Et ita eſt apta comprehendere quinque ſubſtitutiones, ſicut etiam reciproca. Et de hac ſimiliter eſt quaſtio, an ſit ſpecies diſtincta ab alijs; & concluditur communiter quod ſic, quia habet proprium nomen, propriam formam, & proprium effectum, ex eo quia alias comprehendit. Et expirat omnibus illis modis, quibus quilibet contenta expirat, ut accidit in reciproca.

Militaris eſt, quæ ſit à milite filio ſuo puberi, decedenti intra ætatem vigintiquinque annorum; quo caſu ſubſtitutus accipit bona patris tantum cum fructibus inuentis *l. Centurio ff. de vulg. & pupill.* non autem cetera bona propria illius filij, de quibus ipſe filius poteſt diſponere, quando moriatur pubes.

Aquiliiana eſt, quæ ſit filio in perſona nepotis poſthumi naſciturus, de qua in *l. Gallus Aquilius ff. de liber. & poſth.* cuius formulam retulimus in *S. poſthumi ſupr. de exhered. liber.*

Vulgaris diuiditur, quòd alia eſt expreſſa, alia tacita, & alia partim tacita, & partim expreſſa.

Expreſſa eſt, quæ ſit verbis expreſſis in ſua propria formula, ſi heres non erit, vel ſi moriatur antequam adeat, ut ſupra diximus.

Tacita, ſeu præſumpta eſt quæ continetur ſub expreſſa pupillari, vel ſub expreſſa exemplari, quia ſi teſtator dixerit, filius meus heres eſto, & ſi in pupillari ætate deceſſerit, Caius ei heres eſto, licet non dixerit, & ſi filius meus heres non erit, Caius heres eſto, tamen intelligitur, quia præſumitur, quod ſi teſtator voluit Caium eſſe heredem filio, multò magis voluerit eſſe heredem ſibi, ſi credidiſſet filium non futurum ſibi heredem. Idem in exemplari.

Partim tacita, & partim expreſſa duplex eſt, quoad verba, & quoad caſus. Quoad verba eſt illa, quæ continetur ſub reciproca, vel ſub compendioſa, quia dum verbis generalibus continetur, expreſſa dicitur: dum verò non ſit in propria formula, dicitur tacita. Quoad caſus verò eſt quando vnus caſus exprimitur, & alter omittitur ex illis duobus, comprehenſis ſub illis verbis, ſi heres non erit, qui ſunt, ſi noluerit, & ita eſt caſus nolentiæ, & ſi non poterit, & ita eſt caſus impotentia. Unde reſpectu caſus expreſſi dicitur expreſſa, & reſpectu caſus omiſſi dicitur tacita quia intelligitur etiam in caſu omiſſo.

Pupillaris item alia eſt expreſſa, alia tacita, & alia partim tacita, & partim expreſſa.

Expreſſa eſt, quæ ſit verbis expreſſis in propria formula pupillaris, nempe, ſi in pupillari ætate deceſſerit.

Tacita est, quæ continetur sub expressa vulgari, vel sub expressa exemplari.

Partim tacita, & partim expressa quoad verba est, quæ continetur sub reciproca, & sub compendiosa. Quoad casus est, de morte naturali ad civilem v. g. si dixero, si filius meus in pupillari ætate morte naturali decesserit, intelligitur etiam si filius pupillus decesserit civiliter, vt si seruus factus fuerit, & è contra de morte civili ad naturalem.

Eodem modo diuiditur exemplaris, quòd alia sit expressa, quæ sit in sua propria formula, si in furore decesserit alia tacita, quæ continetur sub pupillari expressa, vel sub expressa vulgari: & alia partim tacita, & partim expressa quoad verba, & quoad casus. Quoad verba est, quæ continetur sub reciproca, & sub compendiosa: Quoad casus est, vt cum vnus casus impedimenti exprimitur, & alter omittitur, quia extenditur etiam ad casum omisum v. g. à furore ad prodigalitatem, vel è contra &c.

His positis. Colligitur ex *princ. nostri text.* quòd potest quis facere plures gradus heredum v. g. Titius heres esto, & si Titius heres non erit, Caius heres esto, & sic deinceps, & ultimo loco seruum suum necessarium heredem instituere potest; sed dubitatur nunquid post ipsum seruum possit alius substitui? Et communis opinio est, prout testatur Syluest. *hic*, quod possit, sed solum in casu, quo ille seruus non possit esse heres ex aliquo accidenti, non autem in casu nolentia, quia casus nolentia habet contradictionem cum necessitate.

S. Et plures

Possunt plures substitui in locum vnus, & vnus in locum plurium, vel singuli in locum singulorum, vel inuicem ipsi heredes substitui possunt, vt iam diximus in reciproca.

S. Sed si ex disparibus

Institui Titium in tribus vncijs meæ hereditatis v. g. Seium in tribus, & Caium in sex. & deinde dixi nomine appellatio, heredesque meos inuicem substituo. Si moriatur Titius, tunc proprius hereditaria portione succedunt substituti proportionabiliter, quia Seius habebit vnā vnciam, & Caius duas. Hoc autem non habet locum, quando testator aliud dixisset, vel quando substitutio esset facta per nomina propria, vt quia dixissem, &

in-

inuicem substituo eisdem Titium, Seium, & Caium, etiam quod postea nomen appellatium adiecerim, scilicet, heredes meos; quia nomen proprium habet vim tribuendi partes viriles, idest æquales, quasi sit noua institutio, in qua cum non sit dictum, & inuicem substituo eisdem Titium, Seium, & Caium heredes meos eodem modo, quo illos institui, censentur æqualiter substituti, vt dicunt communiter DD. hic

S. Sed si instituto

Institui Titium, & Seium heredes, & Titio substitui eundem, Seium, & Seio substitui Caium. Nemo autem ex dd. primis heredibus est heres. Dubitatur an Caius debeat habere vtramque portionem? Et videbatur quod non, quia Caius est solum substitutus Seio, & non Titio. Sed contrarium deciditur, primo ne testator decedat pro parte testatus, & pro parte intestatus, secundo quia substitutus substituti mei meus quoque est substitutus l. coheredi ff. de vulg. & pupill. Sed iterum dubitatur, numquid ad portionem Titij admittatur Caius iure substitutionis, an verò per ius accrescendi? Et magis communis opinio est, admitti iure substitutionis, vt testatur Myting. hic. Et interest, quia iure substitutionis succedens non tenetur ad onera adiecta: sed succedens per ius accrescendi tenetur, quia pars accrescit cum suo onere.

S. Fiu.

Casus istius talis est. Institui heredem Sticum seruum alienum, quem credebam liberum, ei que dedi substitutum vulgarem, scilicet si heres non esset. Me mortuo adiit hic seruus hereditatem iussu sui Domini, & ita apparet esse seruum, Dubitatur numquid Dominus, an verò substitutus admittatur? Et substitutus inquit, Testator dixit, si heres non erit. Sed seruus non est heres; ergo ego admittor. At Dominus serui inquit, illa verba, si heres non erit, in seruo intelliguntur, & si heredem alium non fecerit l. si paterfamilias ff. de hered. instit. sed in hoc casu seruus me facit heredem; ergo ego admittor. Replicat substitutus, hoc est verum, quando testator scit, eum esse seruum, sed modò putabat esse liberum; ergo eius intentio non erat, si alium heredem non fecerit, sed si ipse heres non esset, Duplicat Dominus, magis debemus inspicere veritatem, quam opinionem

nem hominis priuati, sed in veritate hic est seruus, & seruus dominum suum facit heredem; ergo ego debeo admitti: Sic constantibus hinc inde rationibus Imperator decidit admitti vtrumque, & hereditatem diuidi in dimidium, nisi cum illo seruo fuisset institutus coheres, quia tunc dimidia pars hereditatis spectabit ad coheredem, & altera dimidia diuidetur inter Dominum, & substitutum *d. l. si paterfamilias, & l. seq. ff. de hered. instit.* Vigilius hic, & auctores ab ipso relati. Et in hoc casu substitutio ista dicitur anomala, idest irregularis, quia admittitur simul substitutus, & institutus contra regulam, quod aduente instituto, substitutio non potest habere effectum, quia per aditionem primi heredis expirat vt diximus *supra in princ. huius tit.*

De Pupillari substitutione.

T I T. X V I.

Sequitur de pupillari substitutione, de qua plura diximus in titulo præcedenti. Modò ea adnotabimus, quæ in præsentit. traduntur.

Plura requiruntur ad hoc, vt fieri possit pupillaris. Primo quod illi, quibus fit, sint de numero liberorum. Secundo quod sint impuberes. Tertio quod sint in potestate. Quarto quod decedant impuberes. Quinto quod non sint recasuri in alienam potestatem post mortem testatoris. Sexto quod fiat in testamento valido. Septimo quod testamentum habeat effectum, idest quod heres ex hoc testamento adeat hereditatem. Octauo quod fiat in sua formula, scilicet filius meus heres esto, & si filius meus in pupillari ætate moriatur, Caius ei heres esto. Facta autem in propria formula dicitur expressa, & excludit matrem etiam à legitima tam de iure ciuili, quam de iure Canonico, vt diximus in præcedenti titulo.

§. Qua ratione

Ad similitudinem pupillaris inducta est exemplaris; nam sicut illa fit pupillis, qui ratione ætatis non possunt testari, ita & ista fit illis, qui ratione vitij vel mentis, vel corporis testari non possunt, vt sunt furiosi, mente capti, stulti prodigi, muti, & surdi, & perditæ amantes. Rebuff. *in l. aliud est capere col. 3. ff. de verb. signif.*

gnif. Fit autem in sua formula, scilicet, si in eo impedimento cefferint. Quod si illud impedimentum cefferit, & aliud indicatur, extenditur etiam ad illud. Sed si omne impedimentum cessat, cessat etiam hæc substitutio; & si deinde viacente testatore reincidat in aliud impedimentum, reconualefcit eadem substitutio *l. humanitatis C. de impub. & alijs substit.* Quod si post mortem testatoris omne impedimentum cefferit, expirat omnino hæc substitutio, nec potest amplius reconualefcere, etiam si ille, cui facta est, in aliquod deinde reincidat impedimentum. Hæc autem non requirit patriam potestatem; debent tamen seruari gradus, ut diximus in titulo precedenti.

S. Igitur

Facta pupillari, vel exemplari duo quodammodo sunt testamenta, alterum Patris, alterum filij. Quod intelligitur respectu subiecti, nempe respectu hereditatum: respectu verò causæ efficientis vnum tantum est.

S. Sin autem

Si quis timeat parari insidias pupillo per substitutum pupillarem, potest vulgari patam facta, clam pupillarem facere in inferiori parte replicata charta, & signata, cauendo ut non aperiatur, nisi filius impubes moriatur. Sed ista non videtur bona cautela, quia vulgaris continet pupillarem. Respondent tamen DD. hoc verum esse, quando pupillaris non est alibi expressa: in isto autem casu exprimitur pupillaris in inferiori parte testamenti; unde non potest vulgariter substitutus certo concludere se esse etiam pupillariter substitutum.

S. Non solum

Potest pupillariter substitui etiam filio exheredato. Sed hodie hoc non procedit, quia pupillus non potest committere causam dignam exheredatione, etiam quod esset soli capax, & proximus puberati, cum nunquam possit delinquere uti maior *l. de minore ff. de question.* Nec etiam potest exheredari non notæ causa, seu bona mente, quia hodie debet honorari titulo institutionis *S. hæc autem, auth. ut cum de appell. cognosc.*

Omnia autem quæ dicta sunt de substitutione impuberum libe-

berorum, vel heredum institutorum, vel exheredatorum, eadem etiam respectu de posthumis intelliguntur, ut inquit *tex. hic*, in *vers. quacumque*

S. *Liberis autem*

Pater non potest substituere pupillariter filio, & ita facere filio testamentum, nisi sibi met prius testamentum faciat, & heredem sibi instituat. Non est autem necesse, quod testamentum patris præcedat ordine scripturæ: sed sufficit quod præcedat ordine intellectus, ut notatur in *l. 2. §. prius ff. de vulg. & pupill.* Pupillare enim testamentum est pars, & sequela testamenti patris, ut dicitur in *textu*, adeo ut si corruat testamentum patris, corruat etiam testamentum filij.

S. *Vel singulis*

Potest singulis pupillis substitui pupillariter, ut si testator velit singulos suum heredem habere, Potest etiam substitui ultimo morienti; quo casu intelligitur ipsis reservatum ius succedendi ab intestato.

S. *Substituitur autem.*

Potest etiam substitui tam nominatim, quam generaliter, ut quisquis mihi erit heres, heres sit filio meo; quo casu ille solum intelligitur substitutus, qui in effectu heres erit patris, & si plures fuerint heredes sic substituti, pro qua parte sunt instituti, intelliguntur etiam substituti.

S. *Masculo.*

Pupillaris substitutio expirat per aduentum pubertatis, & si sit facta intra breuius tempus, expirat per aduentum illius temporis, ut si filius meus decesserit intra decimum ætatis annum, quia eo anno completo expirat.

S. *Fin.*

Post pubertatem non potest directe substitui filio, nisi à milite *l. Centurio ff. de vulg. & pupill.* qui substitutus non capiet, nisi bona

na patris; cum fructibus tunc inuentis, ut supra diximus: paganus verò non potest hoc modo substituere post pubertatem, sed solum per fideicommissum. Sed quid si fiat compendiosa? v. g. filius meus heres esto, & quandocunque filius meus decesserit, Caius heres esto. Et distinguitur. Si fiat verbis directis civilibus, ut sunt illa, heres esto, expirat omnino post pupillarem ætatem: si verò fiat verbis obliquis, nempe restituat, semper manet: si, autem fiat verbis communibus, ut sunt, substituo, habeat, succedat, & similia, quæ verificantur tam in directa, quam in obliqua significatione, & tunc intra pupillarem ætatem, valet iure directo, sed post pupillarem ætatem resolvitur in fideicommissariam. DD. in d. l. Centurio. Et ita extraneo pupillo, idest non existenti in potestate, licet non possit fieri pupillaris, tamen potest fieri fideicommissaria, rogando ipsum, ut si in pupillari ætate decesserit, restituat hereditatem alteri.

Quibus modis testamenta infirmantur.

T I T. X V I I.

HUc usque visum est quomodo testamenta ordinentur. Verum quia aliquando infirmari solent, merito sequitur præfens tit.

Primo igitur infirmatur testamentum, ex eo quia declaretur nullum ob defectum solemnitatis intrinsecæ, vel extrinsecæ, ut quia exheredatio, vel institutio non sit facta, aut non sit ritè facta: aut quia non fuerit adhibitus numerus testium requisitus &c.

Secundo infirmatur, ex eo quia rumpatur vel per natiuitatem posthumi sui, vel quia alius, qui tempore testamenti non erat suus, postea viuo testatore post testamentum sit suus, ut per legimationem, arrogationem, vel per adoptionem factam ab Auo &c. ut supra diximus.

S. Posteriore quoque.

Tertio rumpitur, seu infirmatur testamentum per posterius iudicium, & ritè factum; ambulatoria enim est voluntas hominis usque ad mortem l. 4. ff. de adimend. legat. Sed si prius habeat clausulam derogatoriam ad posterius, non rumpitur prius, sed posterius non valet, nisi posterius habeat clausulam reuocatoriam illius

derogatoriæ, ut quia dicam in priori, & volo hoc testamentum valere, non obstante quocumque alio testamento, quod faciam; nam si posterius fiat, non valet, nisi dicam in posteriori, & volo hoc testamentum valere, non obstante quocumque alio antea facto, etiam quod dixerim in priori nolle valere posterius *l. si quis in principio ff. de legat. 3.* Et intelligitur ruptum prius, etiam si ex secundo nemo heres extiterit ex quocumque casu, quia sufficit quod aliquo casu existere potuerit. Et ita si ex secundo testamento nemo heres extiterit, dicitur testator mori intestatus, quia prius ruptum est per posterius, & posterius nullas habet vires.

S. Sed & si quis.

Ponitur casus, in quo paganus facto testamento perfecto, posterius deinde faciens, & ex certis rebus instituens sibi alium heredem, dixerit, velle etiam prius valere. Quæritur utrum prius valeat ex hac voluntate testatoris. Et videtur quod sic *§. disponat auth. de nupt. & ex princ. infr. de leg. falcid.* ubi dicitur cautum esse per Jeges duodecim tabularum, ut disponat unusquisque de re sua ad libitum, & sit lex voluntas eius. Tamen in contrarium facit regula Iuris, quod paganus non potest decedere cum duobus testamentis directis, quia habet implicantiam cum dispositione de assè, cum enim hereditas consistat in assè, idest libra, nemo paganus potest decedere cum duobus assibus, idest cum duobus hereditatibus. Vnde Imperator ad utrumque conservandum decidit, quod prius testamentum resolvatur in fideicommissum, & valeat iure obliquo, ita ut heres ex posteriori testamento sit heres directus tanquam universaliter institutus, sed contentus rebus sibi relictis, si sufficiant ad quartam Trebellianicam, & si non sufficiant, ea suppleta ex hereditate, reliquum restituat heredi scripto in priori testamento tanquam fideicommissario. Nec enim poterat testator facere quod minus leges haberent locum in suo testamento *l. nemo ff. de legat. 1.*

S. Alio quoque.

Quarto infirmatur testamentum per capitis diminutionem, per quamlibet in pagano, in milite vero non per minimam; quamvis posset dici in milite etiam per minimam ipso iure irritari, & ipso iure reconualescere, quasi ex nova militis voluntate. Et in hoc casu dicitur proprie testamentum irritum, ut singula causa singulis

lis appellationibus distinguantur. Sic aliud dicitur nullum, scilicet iniustum, ex defectu solemnitatis intrinsecæ, vel extrinsecæ: aliud ruptum per natiuitatem posthumi, vel per agnationem sui heredis, vel per posterius testamentum Iure, & ritè factum: aliud irritum per capitis diminutionem. Ita in libris Digestorum est titulus de iniusto, rupto, & irrito facto testamento.

S. Non tamen.

Si tamen testator Cuius Romanus, & suæ potestatis decesserit remissa poena, quamuis de Iure civili testamentum non possit reconualescere, tamen si est factum de Iure Prætorio, nempe signatum septem testium signis, reconalescit de Iure Prætorio, & scriptus heres quamuis non possit hereditatem adire, poterit tamen petere bonorum possessionem secundum tabulas. Sed voluit communiter DD. hoc esse verum, si testator declarauerit coram testibus, se velle decedere cum eo testamento, & si in eo sint instituti heredes illi, qui ab intestato succederent. Sed Bolognetti in l. fin. C. und. liber. post. num. 56. & Ricciard. in rubr. infr. de bonor. possess. sub num. 119. inquirunt has restrictiones non esse veras; & propterea etiam nulla facta declaratione, & institutis etiam extraneis, testamentum de Iure Prætorio reconualescere: Si verò illi non solum fuerit remissa poena, sed etiam fuerit à Principe restitutus in integrum, testamentum illud quomodocunque factum reconualescere etiam de Iure civili. l. si quis filio §. penul. ff. de iniust. rupt. & irrit. fact. testam. cum restitutio in integrum, sit in pristinum statum repositio.

S. Ex eo autem.

Nuda voluntas testatoris non infringit testamentum validum, idest iure, & ritè factum; ideoque necesse est, vt aliud testamentum testator formet, per quod derogat priori, vel faciat Codicillos, & per fideicommissum derogat. Vnde si ceperit aliud testamentum facere, & illud non perfecerit, non tollitur prius, quia imperfectum est nullum, & quod nullum est, nullum producit effectum l. à nullo C. de fer. Nec obstat quod testamentum clauditur vltima linea, & vltimo puncto vt colligitur ex l. hac consultissima §. fin. C. de testam. quia Respondetur hoc esse verum, quando non apparet quod testator volebat plus loqui; & ideo licet aliud testamentum ex defectu solemnitatis extrinsecæ possit susci-

neri, vt testamentum inter liberos d. l. hac consultissima §. ex imperfecto. Tamen imperfectum ratione voluntatis testatoris nunquam sublinetur.

S. Fig.

Imperator non vult hereditatem ex testamento inualido, vel in quo ipse sit institutus heres, causa litis, quia licet sit solutus legibus l. Princeps ff. de legib. tamen vult viuere secundum leges, vt dicitur hic in fin. & in l. ex imperfecto C. de testam. & in l. digna vox C. de legib. Imo tenetur, & peccat mortaliter recedendo sine causa à suis legibus, quia facit contra præceptum naturale, scilicet, legem, quam tuleris, ipse patere: Nauarr. inc. si quando, de recript. except. 8. Et Princeps est solutus legibus solum quoad vim coactiuam, non autem quoad vim directiuam, vt dicunt Theologi teste Facchin. lib. 1. controuers. Iur. cap. 2.

De Inofficioso Testamento.

T I T. X V I I I.

FVerunt supra enumerati modi, quibus testamenta ipso iure infirmantur. Verum quia solent etiam infirmari per officium Iudicis mediante querela inofficiosi testamenti, ideo subnectitur præsens titulus. Querela autem inofficiosi triplex est.

Prima inofficiosa dotis, quando per immensam dotem à Patre filia collatam, ceteri filij legitima fraudantur; tunc enim potest reuocari dos illa vsque ad quantitatem legitimæ per querelam inofficiosa dotis vt in l. vnic. & ibi late DD. C. de inoffic. dotib.

Secunda est inofficiosa donationis, quando Pater immensam donationem contulit vni filio, possunt alij illam reuocare vsque ad legitimam, vt tot. tit. C. de inoffic. donationib.

Tertia est de inofficioso testamento, vt quando Pater, vel Auus, qui tenetur suum, vel nepotem instituere, vel exheredare, aut præterire in ea causa ingratitudinis, eum exheredauit, aut præterij causa inserta; tunc enim quia testamentum validum est in sua forma, non potest filius dicere testamentum esse nullum, sed dicere esse factum contra officium pietatis, & quod causa inserta non est vera; vnde heres institutus debet probare illam esse veram, id est quod filius verè commiserit illam causam à patre insertam. Quod

Quod si hoc probauerit, excluditur querelans : si verò non probauerit, excluditur institutus ab institutione, & admittitur querelans, firmis remanentibus legatis, & ceteris dispositionibus *§. Sancimus auth. ut cum de appellat. cognosc. auth. ex causa C. de liber. prater.* Si verò causa non esset inserta, vel illa non esset legitima, idest vna ex illis, quæ enumerantur in *d. auth. ut cum de appellat. cognosc.* ut diximus in *tit. sup. de exhered. liberor.* non esset necessaria querela, quia testamentum esset ipso iure nullum, ut est communis opinio DD. de qua testatur Iul. Clar. in *§. testamentum quest. 40.* Querela autem inofficiosi testamenti durat per quinque annos : sed ius dicendi nullum testamentum durat spatio triginta annorum, ut idem Clar. *ibid.*

§. Non autem liberis

Quod dictum est de filio, seu nepote, idem dicitur de parente, non solum enim querela inofficiosi datur liberis contra testamentum parentum : sed etiam datur ipsis parentibus contra testamentum liberorum, quando testari possunt. Præterea datur, fratri vel sorori, quando turpes personæ sunt institutæ. Tres autem, sunt casus, quibus frater, vel soror potest non institui, instituta etiam turpi persona, scilicet si vitæ fratris insidiatus fuerit, si accusauerit eundem de crimine, & si litem mouerit ei de vniuersa substantia *§. ingratitude auth. de nupt.* Turpes autem personæ sunt famosæ, & inhonestæ personæ, veluti lenonés, meretrices, arenarij, vespilliones, histriones, pantomimi, & similes. *fratres C. de inoffic. testam. & quod ibi not. gloss. & DD. in verb. infamia.* Ceteri verò non possunt agere querela inofficiosi testamenti.

§. Tam autem naturales, cum §. seq.

Tam naturales liberi, quàm adoptiui, & etiam posthumi possunt agere de inofficioso testamento, si nullo alio iure ad bona defuncti peruenire possunt ; qui enim ad hereditatem totam, vel partem eius alio iure veniunt, de inofficioso testamento agere non possunt. Sed hoc hodiè est correctum, quia statutum est, quod si fiat testamentum, liberi omninò instituantur, & titulo institutionis aliquid eis relinquatur ; quod si non est quantum est legitima, possunt agere ad supplementum. Sed si in testamento plus quam legitima relinqueretur, sed non titulo institutionis, testamentum esset nullum. Quod idem dicitur quando filij testantur,

tur, quod parentes eodem modo honorentur titulo institutionis d. 5. *Sancimus auth. ut cum de appell. cognosc.* Si verò relinquitur tota legitima titulo institutionis, tunc nulla datur querela, etiam si in ceteris bonis non instituantur. Sed si non fiat testamentum, sed fiant Codicilli, tunc sufficit quoquo modo eis aliquid relinquatur, etiam iure legati quia etiam si esset minus legitima, posset agi solum ad supplementum illius, & cessat querela.

S. Si Tutor.

Filius familias testamento datus tutor à patre suo, à quo sit penitus exheredatus, licet agat tutorio nomine ad consequendum id, quod est relictum pupillo ab eodem testatore in eodem testamento, nihil officit, quo minus ipsemet exheredatus possit nomine proprio agere contra idem testamentum per querelam inofficiosi, ne officium suum redderetur ipsi damnosum, quod esset iniquum l. *sed si quis ff. quemadm. testam. aperiant.*

Sin autem tutor egerit tutorio nomine querela inofficiosi contra testamentum, in quo pupillus, cuius est tutor, exheredatus sit, ut olim poterat fieri, licet succumbat, nihilominus consequetur legatum, quod sibi met tutori in eodem testamento relictum est.

S. Fin.

Hic etiam textus hodie est correctus, quatenus dicit quòd quartam quis debet habere, ad hoc ut excludatur à querela inofficiosi, quia hodie legitima non est amplius quadrans, idest quarta pars, sed triens, idest tertia pars eius, quod quilibet habiturus esset ab intestato. & hoc si sint quatuor, aut pauciores liberi: sin autem sint quinque, vel plures, legitima est semis, idest dimidium eius, quod quilibet habiturus esset ab intestato, ut habetur in *auth. de trient. & semiss.*

Sed dubitatur numquid legitima parentum, & fratrum hodie sit aucta ad trientem. Et communis opinio est quòd sit aucta, prout testatur Myting. hic, quia textus in d. *auth.* in quo de legitima disponitur. loquitur generaliter, & ita habet locum regula cex. in l. 1. §. *generaliter ff. de legat. præs.* An autem etiam legitima adoptiuorum sit aucta ad trientem. Et veteres negabant: recentiores verò affirmant, cum quibus sentio, ut iam dixi *supr. in tit. de adoption. §. cum autem.*

De Heredum qualitate, & differentia.

T I T. X I X.

Heredes autem quidam sunt necessarii, quidam sui, & necessarii. & quidam extranei.

S. Necessarius heres

Necessarii heredes sunt serui proprii, instituti à dominis suis de quibus iam supra satis dictum est.

S. Sui autem, & necessarii

Sui, & necessarii heredes sunt liberi in potestate testatoris. Et dicuntur sui, quia viuo quoque patre sunt condomini bonorum paternorum verè, licet non habeant administrationem, propter quod in *l. in suis ff. de liber. & posthum.* dicuntur quodammodo domini. Dicuntur verò necessarii; quia à lege ipso iure sunt heredes, & aliquo modo à natura *can. ius naturale. 1. dist.* Vnde dicitur, filius est, ergo heres. sed vt nepos sit suus, & necessarius heres Auo, requiritur quòd Pater eius vel non viuat, vel sit emancipatus, ad hoc vt coniungatur nepos immediatè cum Auo suo per patriam potestatem.

Dubitatur autem numquid hodie ista suitas, & necessitas sit sublata. Et de suitate DD. communiter dicunt, quòd utilis non est sublata, damnosa verò est sublata. Utilis est, vt heres licet moriatur antequam capiat hereditatem, tamen ipsam transmittat ad quoscunque suos heredes *l. apud hostes C. de suis, & legitim.* Damnosa verò est, vt quòd filius teneatur soluere omne debitum patris etiam de proprio. Itaque si agatur de commodo filij, suitas non est sublata: si verò de incommodo, sublata intelligitur.

De necessitate verò dicunt aliqui, quòd sit sublata per beneficium abstinendi à Pratore concessum, vt liberi possint se abstinere ab hereditate, ad hoc vt non teneantur ultra vires hereditarias; olim enim vellent, nollent, siebant heredes parentum tam ab intestato, quàm ex testamento, & tenebantur ad omnia onera hereditaria. Verùm congruentius dicitur non esse sublata
tam

cam necessitatem: sed solum fuisse impeditum eius effectum: Praetor enim non potest tollere ea, quæ sunt Iuris Civilis, sed solum eorum effectum impedire. *l. nam & ipsum ff. de Inst. & Iur.*

§. Ceteri

Extranei heredes sunt, qui non sunt necessarii, neque sui, & necessarii. Sic filius est heres extraneus matri, vel patri, qui illum emancipavit. Sic servus a domino institutus, & post testamentum manumissus, dicitur esse extraneus heres, quia tunc de necessario fit heres voluntarius.

§. In extraneis

Heres cuiuscunque generis sit, requiritur quod habeat testamenti factionem passivam, idest quod heres institui possit, licet non habeat actionem, ut furiosus, mutus, posthumus, infans &c. In extraneis autem heredibus considerantur tria tempora, quibus capax esse debet heres ad hoc ut habeat hereditatem, scilicet tempus conditi testamenti; ut institutio sit valida: tempus mortis testatoris, quia testamentum morte confirmatur: & tempus aditæ hereditatis, cum in extraneo requiratur aditio, ut infra videbimus. In necessarijs verò heredibus, siue suis, & necessarijs duo tantum tempora considerantur, scilicet conditi testamenti, & mortis testatoris secundum glossam *hic in verb. tria*; non enim datur medium inter tempus mortis, & tempus aditæ hereditatis, cum lex incontinenti faciat eos heredes. Quod verum est, quando purè instituti sunt: secus si sub conditione, quia tunc consideratur etiam capacitas de tempore existentis conditionis *l. sub conditione ff. de liber. & posth.*

§. Extraneis autem

Necessarii, & sui ipso iure fiunt heredes; non enim est necesse quod hereditatem adeant, nec quod sciant se esse heredes; & sic etiam infantes, & furiosi, & absentes ignorantes fiunt statim mortuo testatore heredes. Unde soli extranei debent adire. Datur autem illis tempus ad deliberandum, ad hoc ut creditores sciant, quem convenire debeant, & ad hoc ut non ita inconsultò hereditatem forsan damnosam capiant. Quod tempus si petatur à Iudice, est nonem mensium: si verò petatur à Principe, est unius

vnus anni, prout etiam si non petatur, est anni spatium à lege constitutum *l. fin. §. & hac quidem C. de iur. deliber.* Intra quod tempus si heres decesserit, tempus illud reliquum transmittit ad suos heredes etiam extraneos. Et finito hoc tempore si non adiuit, excluditur ab hereditate *l. cum in antiquioribus C. de Iur. deliber.* Si verò intra hoc tempus adiuerit, obligatur ad omnia onera, etiam ultra vires hereditarias, nec poterit amplius repudiare, nisi sit minor viginti quinque annis, quia tunc datur restitutio in integrum aduersus aditionem; quæ restitutio datur aliquando etiam maiori ex magna causa.

Hodiè tempus ad deliberandum non est necessarium, concessio beneficio Inventarij ab Imperatore, quia heres quilibet potest conficiendo inventarium liberari, vt non teneatur ultra vires hereditarias. Quod inventarium debet inchoari intra triginta dies, & perfici intra nonaginta *d. l. fin. C. de iur. deliber.* In quo debent omnia bona hereditaria describi, citatis creditoribus ad interessendum pro certis diebus, & horis, & certo loco, & videndum inchoari, prosequi, & perfici inventarium de hereditate talis defuncti per talem heredem; aliàs videndum inchoari, prosequi, & perfici sine ipsis. Quòd si creditores sint incerti, debet fieri citatio per proclama, vel per edictum. Deinde vocato Notario, coram duobus testibus ad minus, qui cognouerint testatorem, & heredem, describuntur omnia bona mobilia, & immobilia, iura, actiones, nomina debitorum &c. & postea facta subscriptione per heredem, inventarium insinuatur apud Iudicem, cum alijs solemnitatibus, quas congerit Oinotim. *hic.* Est autem cautela, vt apponatur per heredem protestatio, quod si quid non sit appositum, quod esset apponendum, statim atque notitiam habebit, apponet: & si quid sit appositum, quod non esset apponendum, vult haberi pro non appposito; quibus clausulis per heredem apposis poterit inventarium augeri, vel minui toties quoties opus fuerit, quod aliàs heri non posset.

S. Fin.

Cautus autem sit heres, nè antequam faciat Inventarium, immisceat se in bonis hereditarijs, nisi protestando quod non per hoc intendit adire, quia intendit facere inventarium, & uti beneficio legis; alioquin sine tali protestatione intelligitur adiuisse, cum aditio non solum nuda voluntate fiat, sed etiam ipso facto, vt locando prædia, aut vendendo aliquam rem, & similia, quæ

non fiunt citra ius, & nomen heredis, vt dicitur in textu.

Demum est aduertendum, quod Pius Quartus *const. 59. lata anno 1562. super reformat. sign. Inst.* disposuit, quod aditio hereditatis, & inuentarij confectio, seu incohatio per heredes presentes in Curia intra duos menses à die obitus defuncti computandos: per absentes verò ab Vrbe citra montes intra quatuor menses, & ultra montes intra sex menses fieri debeat, & licet requiratur trina citatio per proclama, seu edictum contra incertos, tamen de stylo est, vt vnica peremptoria sufficiat. Ita refert Salust. Tiber. *in praxi A.C. lib. 1. cap. 55. de heredit. adition.*

De Legatis.

T I T. X X.

Dixerat Imperator in §. fin. *supr. per quas pers. nob. acquir. se* aëurum de modis, quibus ex titulo vniuersali vnicuique acquiruntur rerum dominia, vt est hereditas, bonorum possessio &c. Huc vsque egit de hereditariis, quæ ex testamento dantur: reliquum erat videre de illis, quæ ab intestato deferuntur, & non de legatis, ex quibus titulo particulari acquiritur dominium. Verùm quia legata sunt pars consequens ad ipsum testamentum, cum olim non possent fieri, nisi in testamento §. *præterea intestatus infr. de fideicomm. heredit.* meritò ponitur hoc loco præsens titulus; & licet ex illis non acquiratur dominium ex titulo vniuersali, acquiritur tamen ex causa vniuersitatis, nempe hereditatis.

Amplissima est in Iure legatorum materia, & ita per tres facis amplos titulos diuisa est in libris Digestorum, nempe *de legat. 1. in toto lib. 30.* vbi agitur de rebus, quæ possunt legari *de legat. 2. in toto lib. 31.* vbi de personis legantium, & legatariorum. & *de legat. 3. in toto lib. 32.* vbi de significatione circa personas, & res. Qui tres libri, seu tituli continent insimul tercentum, & viginti quatuor leges.

Legatum dictum est à verbo lego, legas, quod significat mandare, & disponere; vnde in eius generica significatione venit etiam institutio heredis, datio libertatis, & quælibet alia vltima dispositio *l. verbis legis ff. de verb. signif.* Sed in specie significat aliquod particulare relictum, prout sumitur in hoc titulo. Si verò hoc verbum adiiciatur vniuersitati bonorum, nullo dato coherede, importat institutionem, vt si quis dicat, lego Titio omnia bona

inca

mea, nullo alio nominato, idem est ac si diceret, Instituo Titium heredem meum *c. Raynaldus, de testam.* dummodo hoc legatum, factum sit in testamento, idest coram septem testibus idoneis, cum ceteris requisitis ad faciendum testamentum, & testator declarauerit se velle hoc esse suum testamentum.

§. Legatum.

Ut ordinatim Imperator procedat, legati definitionem præmittit, quæ est, Legatum est donatio quædam à defuncto relicta, ab herede præstanda. Apud Theophil. verò ita definitur, Legatum est donatio à defuncto relicta, quæ definitio concordat cum illa, quam tradit Modestinus in *l. legatum la 1. ff. de legat. 2.* scilicet, legatum est quædam donatio testamento relicta. Bolognetti. in *rubr. ff. eod.* defendit definitionem Iustiniani positam in hoc §. dicens quod omnia verba sunt necessaria. Aliqui tamen defendunt definitionem Theophili, & Modestini, quandoquidem illa verba ab herede præstanda, non videntur esse benè explicatiua naturæ ipsius legati, quia non conuertuntur cum illo, cum legatum ab ipso testatore aliquando præstari soleat, vt est textus expressus in *l. Lucius Titius ff. de legat. 2.* Et multoties testator tribuit legatario facultatem capiendi legatum propria auctoritate, vt pariter est text. expressus in *l. Titia cum testamento §. Lucius Titius ff. de legat. 2.* Et ita dicta vltima verba definitionis, videlicet ab herede præstanda, videntur posse omitti contra opinionem Bolognetti, quæ tamen verior est, cum hodie legata sint omninò exæquata fideicommissis, & ideo ab herede præstanda sint, sicuti præstantur fideicommissa.

§. Sed olim.

Quatuor sunt genera legatorum, quæ olim erant in vsu, & hæbebant propriam formulam.

Primum dicebatur per vendicationem, cum testator dicebat, v.g. Titi vendica tibi domum meam; quo casu intelligebatur transfatum dominium post mortem testatoris, & competebat legatario actio realis, seu rei vendicatio.

Secundum erat per præceptionem, cum testator legabat aliquid vni ex coheredibus dicendo v.g. Titi heres mi præcipito tibi talem rem, idest ante capito talem rem, & tunc competebat similiter actio realis.

Tertium erat per damnationem, vt quando testator dicebat v.g.

damnas esto heres mi dare Titio centum. Quo casu compete-
bat legatario actio personalis ex testamento contra heredem obliga-
tum ad dandum.

Quantum erat per finendi modum, ut cum testator dicebat v.g.
heres mi finas Titium habere talem rem, & tunc compete-
bat actio realis, & etiam actio personalis ad factum, si nolebat sinere le-
gatarium habere illam rem.

Hodie tamen ad vnicum genus redacta sunt omnia legata, ap-
plicatis hinc inde suis proprietatibus, ita ut nulla sit inter ea dif-
ferentia. Et quoniam vnica est ipsorum natura, omnibus, & qui-
buscunque verbis explicantibus legantis intentionem relinqui pos-
sunt *l. in conditionibus ff. de condition. & demonstration.* Imò nunc
etiam legata relinqui possunt, dummodo testator non sit mutus
à natiuitate *l. nutu, & ibi gloss. in verb. nutu, & in verb. loqui ff. de legat. 3.*

Potest autem ita diuidi legatum, quod aliud sit vniuersale,
cum scilicet legatur hereditas, peculium, vel dos: aliud generale,
cum legantur omnia bona, seu bonorum partes: aliud particulare,
cum scilicet legatur particularis res v.g. domus. *Bart. il l. 1. ff. de legat. 1. num. 12.*

Competunt verò hodie tres actiones pro legatis, scilicet realis,
personalis, & hypothecaria *l. 1. C. commun. de legat.* Realis, si res
in specie sit relicta v.g. talis domus. Personalis, si est relicta quan-
titas, vel genus, vel aliquod factum. Hypothecaria competit su-
per omnia bona defuncti, quando id, quod legatum est haberi non
potest, quia omnia bona intelliguntur obligata pro eo legato.
De Hypothecaria est quaestio inter DD. veteres, & recentiores;
nam veteres dicunt hypothecariam competere solum, quando
est relicta quantitas, vel genus, sed recentiores tenent, compe-
tere etiam quando est relicta res in specie. Quòd si obijciatur,
nemo in re sua potest habere pignus, vel hypothecam, Respon-
dent, duplex esse dominium, ciuile, & naturale. Ciuile, quod
ipso iure intelligitur translatum in legatarium post mortem te-
statoris: naturale, quod remanet penes heredem, & transfertur
deinde per traditionem ab eo factam; vnde distinguunt, hypo-
thecam non esse in re legata respectu dominij ciuilis, quod le-
gatarius iam habet: sed solum respectu dominij naturalis, quod
nondum habet. Quæ distinctio optima est. Et sic vera est con-
clusio quòd hypothecaria competit non solum quando est relicta
quantitas, vel genus, sed etiam quando est relicta res in specie.

S. Sed non usque

Plures olim erant differentiz inter legata, & fideicommissa, præcipue quia in fideicommissis sola voluntas testatoris spectabatur, in legatis verò apices Iuris, & propriæ formulæ verborum servabantur *l. penult. §. fin. ff. de legat. 2. ut innuimus supr. in §. sed olim*. Item legatum non poterat fieri posthumis, sed fideicommissum poterat. Sic etiam legatum non poterat fieri a legatario: sed fideicommissum poterat fieri à fideicommissario, *ut in princ. infr. de singul. reb. per fideicom. relict.* sed Imperator Iustinianus voluit unam, eandemque esse naturam legatorum, & fideicommissorum, scilicet singularium, imò esse synonyma, & idem omnino significare, ut probat Peregrin. in suo tract. de fideicommiss. art. 1. Ideoque siue testator dicat, lego Titio domum meam, siue, volo quod heres meus restituat domum meam Titio, veraque dispositio, & legatum, & fideicommissum rectè nuncupabitur.

S. Non solum

Omnes res, quæ cadunt in commercio hominum legari possunt, siue testatoris sint, siue heredis, siue alterius. Sed si res alterius legata sit scienti testatore esse alterius, tenetur heres illam emere, & dare legatario; quòd si dominus nolit eam vendere, debet dare legatario æstimationem; sed tenetur legatarius probare, testatorem sciuisse rem illam esse alienam, quia si hoc non probauerit, non consequetur legatum. Quòd si testator ignoraverit rem esse alienam, non valet legatum, nisi sit factum ad favorem coniunctæ personæ, vel uxoris, vel alijs, cui verisimile est, testatorem voluisse legare, etiam si sciisset rem alienam esse *l. cum alienam rem. C. eod.*

S. Sed, & si rem

Si legata est res obligata creditori à testatore sciente esse obligatam, debet heres illam luere, & dare liberatam legatario, qui probare debet, defunctum sciuisse esse obligatam, ut dictum est de re aliena, quia si ignorasset, ipse legatarius teneretur illam luere, si vellet consequi tale legatum. Limitatur, quando est legatum factum coniunctæ personæ &c. ut supra diximus, quia tunc

etiam

etiam ignorante testatore rem illam esse obligatam, heres debet retillam luere propter eandem rationem, ut communiter per DD, hic.

S. Si res aliena.

Si legata sit res aliena, & legatarius viuo testatore est factus dominus illius rei ex causa onerosa, ut quia illam emerit, vel habuerit ex dote, vel ex permutatione, poterit nihilominus pretium petere: secus si ex causa lucrativa, ut ex donatione, vel ex alio legato, per regulam quod duæ causæ lucrativæ in eundem hominem circa eandem rem concurrere non possunt, ut in tex. dicitur *l. omnes ff. de action. & obligat.* Et propterea si ex duobus testamentis eadem res legata sit Titio, distinguitur, aut ex vno consequutus est rem ipsam, & ex alio nihil petere potest, quia voluntas utriusque testatoris iam habuit effectum: aut verò ex vno habuit æstimationem, & tunc ex alio poterit petere rem, quam si non habuerit, adhuc poterit iterum petere æstimationem ab alio, ut satisfiat voluntati utriusque testatoris eo meliori modo, quo potest.

S. Ea quoque.

Res, quæ non est in rerum natura, si tamen futura sit, legari potest, ut fructus, qui nascentur, vel partus futurus ancillæ, vel quid simile. Neque obstat, si dicas, quod non entium nullæ sunt qualitates *l. eius, qui in provincia ff. si cert. petat.* quia Respondetur hanc regulam habere locum in rebus, quæ nullo modo futuræ sunt, ex eo quia impossibiles sunt. v.g. si dicam, lego Titio Chimeram: non autem in rebus, quæ non repugnant esse futuræ.

S. Si eadem.

Si legatarius non agnoscit legatum, ex eo quia illud repudiet, vel moriatur viuo testatore, vel quid simile, tunc legatum illud remanet in hereditate ipsius testatoris, & consolidatur cum illa. Limitatur hoc, quando legatario datus esset coniunctus, quia tunc pertinet ad coniunctum. Pro qua re intelligenda
Sciendum est quod legatum à testatore factum pluribus, tribus modis relinqui potest, scilicet alternatiuè, disiunctiue, & coniunctiue.

Alter-

Alternatiuè fit hoc modo. Seio, aut Titio, vtri heres meus volet, centum do, lego. Et hoc casu sunt duo legatarij, & vterque petere potest: sed heres meus soluendo vni liberatur, & tollit actionem alteri *l. si Titio, aut Seio ff. de legat. 2.*

Disiunctiuè legatur, quando legatarij sunt omnino re, & verbis disiuncti, vt lego Titio dimidium fundi mei Tiburtini, & aliud dimidium lego Caio. hi autem sunt re disiuncti, quia cuilibet eerta pars fundi legatur: & sunt quoque disiuncti verbis, quia legatum non est relictum sub vniua conceptione verborum. Et in taliter disiunctis non habet locum ius accrescendi, nec portio vnus legatarij deficientis accrescit alteri, sed remanet in hereditate testatoris, secundum *gloss. hic in verb. disiunctim.*

Coniunctiuè verò legatur, quando pluribus vna res legatur. Quæ coniunctio secundum DD. *hic, & in l. re coniuncti ff. de legat. 3. & in l. triplici ff. de verb. signif.* triplex est, realis, verbalis, & mixta.

Realis est, quando plures coniunguntur ad eandem rem legatam non diuisam, sed in solidum, diuerso tamen sermone, vt lego Titio domum meam Tusculanam: lego Caio eandem domum meam Tusculanam: & tunc isti legatarij faciunt sibi partes per concursum in ordine ad fruitionem rei legatæ, vnde altero deficiente, tota res pertinet ad coniunctum iure proprio, & ita habet locum ius non decrescendi, quia coniunctus remanet in toto, quod iam antea habebat.

Verbalis est, quando plures vocantur eodem sermone ad eandem rem partibus diuisis, non tamen demonstratiuè ad oculum, vt lego Titio, & Caio domum meam Albanensem vnique pro dimidio. Et tunc isti legatarij faciunt sibi partes ab initio, & habet locum ius accrescendi, vnde vno deficiente pars illius accrescit alteri iure alieno.

Mixta est, quando plures coniunguntur eodem sermone ad eandem rem in solidum, vt lego Titio, & Caio domum meam Prænestinam, & tunc isti legatarij faciunt sibi partes per concursum in fruitione tamen rei legatæ, vt diximus de reali, & habet locum ius non decrescendi.

Discrimen autem est inter ius accrescendi, & ius non decrescendi, quia ius accrescendi venit ex verbis ipsius testatoris, vt vnusquisque habeat ius in parte, quam quilibet sibi facit ab initio, & altero repudiante, seu non agnoscente legatum, pars illius accrescit alteri iure alieno, & ille cui accrescit, tenetur ad onera adiecta illi parti, quia pars accrescit cum suo onere *l. vnic. §. his*

ita

ita definitis C. de caduc. tollend. Quando verò habet locum ius non decrefcendi, non tenetur coniunctus ad ouera, quia tunc habet totum iure proprio, & non iure alieno *l. si mibi & Titio ff. de legat. 2. & quod ibi notat gloss. in verb. partem.*

Aduertendum autem est, quod si concurrat coniunctus re, & verbis simul cum coniuncto re tantum, vel cum coniuncto verbis tantum, præfertur omnibus coniunctus re, & verbis simul *l. re coniuncti ff. de legat. 2.* vt si testator dixerit, lego Titio, & Caio domum meam unicuique pro dimidio: & deinde dixerit, lego eidem Titio, & Seio eandem domum meam; nam si deficiat vnus ex coniunctis re, & verbis simul, nempe Titius, aut Seius, non admittitur Caius, qui est coniunctus verbis tantum, sed solum alter, qui est coniunctus re & verbis simul. Item si dixerit, lego Titio, & Seio fundum meum: lego Caio eundem fundum meum; nam licet Caius sit coniunctus re tantum, præfertur tamen Seius, si deficiat Titius, quia Seius est coniunctus re, & verbis simul.

Sed dubitatur quid si solum concurrant simul coniunctus re tantum, & coniunctus verbis tantum, quis eorum præferatur? v. g. si dicam, lego Titio fundum meum: lego Caio eundem fundum meum; & deinde dico, lego eidem Titio, & Seio eundem fundum meum, unicuique pro dimidio; si deficiat Titius quis debeat præferri, Caius, qui est coniunctus cum Titio re tantum: vel Seius, qui est coniunctus cum eodem Titio verbis tantum, & gloss. in *d. l. re coniuncti, in verb. quod si re tantum* ponit tres opiniones. Prima est, quod præferatur coniunctus re, quasi sic vocatus ad rem suam. Secunda, quod præferatur coniunctus verbis, quia venit ex expressa voluntate testatoris, qui fecit partes. Tertia quod æqualiter admittantur. Et hæc vltima erat communis opinio antiquorum. Sed recentiores tenent, quod præferatur coniunctus verbis tantum, per rationem supra dictam, scilicet quia venit ex expressa voluntate testatoris, qui fecit partes.

S. Si cui

Casus huius §. talis est. Legaui Titio fundum Seij. Titius me viuo emit à Seio proprietatem istius fundi, deducto usufructu, nempe remanente illo apud Seium venditorem. Deinde mortuus est Seius, & ita usufructus titulo lucratiuo peruenit ad Titium emptorem. Me mortuo dubitatur, numquid Titius possit
pe.

petere ab herede meo istum fundum? Et videbatur dicendum, quod non, quia petendo fundum, petit etiam usufructum, quem petere non debet, quia usufructus est pars integralis fundi, & iam habuit illum titulo lucratiuo *l. qui usufructum ff. de verb. obligat.* Sed contrarium deciditur, quia in petitione fundi, usufructus non venit ut pars fundi, sed ut seruitus accedens fundo, ut dicitur *hic & in l. recte dicimus ff. de verb. signific.* Verum in effectu per officium Iudicis datur solum æstimatio proprietatis, deducta æstimatione usufructus.

S. Sed si rem

Si legavi Titio rem ipsius legatum est inutile, quia quod proprium alicuius est, amplius eius fieri non potest, maxime quia in isto casu non esset donatio, & donatio est essentia legati, cum legatum sit donatio &c. *ut in §. legatum supr. cod.*

Sed dubitatur quid si legatarius eam rem viuo testatore alienauerit, an reconualescat legatum? & videbatur quod sic, quia iam venit ad casum, quo incipere potest valere, & esse utile, cum res alienata a legatario non sit amplius ipsius. Contrarium tamen deciditur, quia est regula Catoniana, quod si testator statim facto testamento decessisset, & legatum non valeret, non potest amplius valere *l. 1. ff. de reg. Caton.* Quod intelligitur, si legatum factum sit pure, non autem si sub conditione, quia si conditio facto testamento non extiterit, non per hoc legatum vitatur, sed expectatur tempus conditionis. Neque obstat textus *in d. l. 1. ff. de reg. Caton.* ubi legatum factum de re ipsius legatarii valet, si legatarius viuo testatore alienauerit rem illam. Quia respondetur, quod in casu *d. l. 1.* testator dixerat, lego Titio fundum ipsius, si me viuo illum alienauerit; & ita est legatum conditionale, factum sub conditione alienationis ipsius rei legatæ, quod incipit valere facta alienatione, in quo casu non habet locum regula Catoniana.

S. Si quis rem suam

Si testator rem suam putans esse alienam legauerit, valet legatum, quia plus valet quod est in veritate, quam quod est in opinione. Nec obstat tex. *in l. Barbarius ff. de offic. Prætor.* in quo opinio præfertur veritati. Quia respondetur, quod ibi erat opinio communis, quæ præfertur veritati; hic autem est opinio sin-

gularis, ipsius nempe testatoris, quæ non præfertur veritati.

Item si testator rem suam, putans esse legatarii legauerit, valet etiam legatum: quia exitum voluntas defuncti habere potest: quasi dixerit testus, quod multo magis legasset, si suam esse sciuisset, ne elusoria sit ipsius dispositio.

S. Si rem suam.

Si rem suam testator legauerit, & postea eam alienauerit gratia adimendi legatum, legatum est extinctum. Colligitur autem alienasse animo adimendi legatum, quando nulla necessitate coactus rem illam alienauit, ut dicunt DD. hic, & habetur in *l. rem legatam ff. de adimend. legat.* Et eadem distinctio fit in parte alienata, quia idem est de parte quoad partem, sicuti de toto quoad totum *l. quæ de tota ff. de rei vendic.*

Idem dicitur de re legata, & deinde à testatore pignoratæ, seu alteri hypothecatæ, quia si absque aliqua necessitate hoc fecit, legatum non debetur: si verò non animo adimendi, sed ob necessitatem aliquam hoc fecit, tenetur heres illam luere, & dare liberatam legatario.

S. Si quis debitori.

Si creditor debitori suo liberationem legauerit, dicendo, lego debitori meo liberationem à debito, vel lego ut liberetur, non per hoc est liberatus, quia sunt certi modi, quibus debitores liberantur, ut *infra quib. mod. toll. oblig.* nec inter istos modos est legatum; vnde solum daretur contra heredem petentem debitum exceptio legari. Sed si vellet debitor liberari, posset agere contra heredem actione personali ex testamento, vel ipsum liberet aliquo ex modis, quibus tollitur obligatio, nempe per acceptilationem. Potest etiam legari liberatio in parte debiti. Potest quoque damnari heres, ut usque ad certum tempus non petat. Quod si antea petierit, dabitur contra ipsum exceptio legari.

S. Ex contrario.

Si verò debitor legat suo creditori quod ei debet, legatum est inutile, quia nihil donat; nemo enim in necessitate positus liberatus existit *l. rem legatam ff. de adimend. legat.* Sed hoc legatum hodie est utile, quia actio ex legato uberior est, quam ex alio debito, cum

cum triplex actio competat ex legato, nempe realis, personalis, & hypothecaria, ut supra diximus. Quapropter si legatarius aliquam utilitatem potius percepturus est ex legato, quam ex debito, semper legatum valebit, etiam ratione temporis, ut si debitum erat sub conditione, vel ex die, & legatum est purum, quia est utile propter representationem, idest anticipatam solutionem, quamvis ille dies adveniret ante mortem testatoris, quia sufficit semel valuisse legatum.

S. Sed si Vxori.

Maritus debitor vxoris suæ in dote, quam accepit, si eam illi legavit, valet legatum, propter commodum representationis, idest anticipatæ solutionis, quam habebit ex legato, & non habuisset ex stipulatu pro dote *l. unica. §. ex alio C. de rei vxor. act.* legatum enim statim debetur, sed dos non ita. Hodie tamen si dos consistat in immobilibus, debetur statim: si verò in mobilibus, debetur post annum. Et per statut. *Vrb. lib. 1. cap. 133.* si dos consistit in immobilibus, aut æquivalentibus, ut sunt census, loca montium &c. vel in mobilibus, aut se mouentibus, quatenus extent, statim peti potest: si verò non extent, quia sint consumpta, vel consistat in pecunia numerata, debetur post sex menses; ideoque tale legatum est utile ratione representationis, licet ratione actionis nulla maior utilitas percipiatur; nam etiam pro dote datur triplex actio, realis, personalis, & hypothecaria, ut in *d. l. unica. Et in l. affiduis C. qui potior. in pign. habeant.*

Si verò maritus non acceperit dotem, sed solum illi promissa fuerit, legando vxori dotem, intelligeretur legare liberationem vxori, si ipsa dotem promiserat, ab omni eo, quod debebat, ratione istius promissionis, nempe fructibus dotalibus &c. si verò extranei promiserunt, legando vxori dotem, legat illi actionem, quam ipse habebat contra illos extraneos: sicuti si dos fuisset a patre mulieris promissa, legando dotem vxori, censetur legare vxori actionem contra Patrem pro dote, & fructibus dotis consequendis.

Sed si dos non fuisset nec recepta, nec promissa, tunc si legaret vxori dotem arbitrio boni viri, tenerentur heredes mariti illam dotare secundum tale arbitrium. Si verò simpliciter legasset dotem nec receptam, nec promissam, nulla expressa quantitate, aut specie, nec minus dixisset arbitrio boni viri, tunc non valeret legatum propter incertitudinem non expressæ quantitatæ, aut spe-

cici, quia dos est vniuersitas mixta iurium, & corporum; & sic est quid intellectuale, nihil ponens à parte rei, nisi fiat demonstratio subiectorum DD. in rubr. ff. solut. matrim. Vnde si maritus demonstrauerit certas res, vel quantitatem, vel legasset instrumenta dotis confectæ, tunc legatum valeret, prout dicitur in textu. Quod si in illa muliere esset considerabilis aliqua qualitas, quæ succederet loco dotis, v.g. si senex adolescentulam duceret, si plebeius nobilem, si deformis speciosam, vel quid simile, tunc legando vxori suæ dotem, esset ab heredibus mariti dos præstanda arbitrio boni viri secundum illam qualitatem vxoris considerabilem loco dotis.

Dices in l. quæro, & in l. cum post §. gener ff. de iur. dot. dicitur quod valet legatum dotis à patre factum etiam non expressa specie, aut quantitate, ergo etiam factum à marito non expressa specie, aut quantitate valebit.

Respondetur disparitatem esse, quia filia est priuilegiata contra patrem, qui tenetur eam dotare: sed non contra maritum, qui ad hoc non tenetur.

§. Si res legata.

Si res legata perierit sine facto heredis, siue ciuilitèr, quia seruus legatus v.g. manumissus sit ab eodem testatore: siue naturaliter, vt quia mortuus sit, damnum est legatarij; Quod intelligitur de re legata tam in genere, & quantitate, quam in specie, cum totum genus, vel tota quantitas perierit, quamuis tota quantitas, & totum genus, si est naturale, regulariter perire non possit l. inuendium C. si cert. pet. Secus si sit genus artificiale, vt est certum genus pecuniæ, quæ à Principe potest prohiberi. Sic etiam in quantitate v.g. si testator legauerit centum, quæ sunt in arca, si illa subtrahita fuerint sine culpa heredis, ad nihil heres reuebitur. Secus autem si legauerit centum simpliciter, quia tunc etiam si illa centum, quæ sunt in arca, fuerint sublata, nihilominus tenebitur heres præstare centum. Intelligitur autem res legata periisse ex facto, seu culpa heredis, quando heres fuit in mora ad tradendum rem legatam c. mora de reg. iur. in 6. Nec obstat si dicatur, quod nihilominus res illa periisset apud legatarium; quia respondetur, quod si heres non fuisset in mora traditionis, legatarius forsan rem illam vendidisset, & pretium habuisset l. cum res ff. de legat. 1. in fin. Vnde tradat ipse, quicquid deinde sequutur sit, quod ad ipsum non spectat.

S. Si quis ancillas

Si legatæ sint ancillæ cum suis natis, & ancillæ sint mortuæ, nihilominus debentur nati. Item si legati sint serui ordinarij cum vicarijs, mortuis ordinarijs debentur vicarij, secus si legatus sit seruus cum peculio, quia mortuo, vel alienato seruo peculium non debetur. Idem si legatus sit fundus instructus, seu cum instrumento, quia alienato fundo instrumenta non debentur. Et instrumenta dicuntur omnia ea, quæ parata sunt ad fundum, vel ad gignendos fructus, vel ad colligendos, vel ad conseruandos, siue sint animata, vt serui, boues &c. siue inanimata. vt aratra, falces &c.

Quæres rationem diuersitatis, quare mortuis ancillis, & seruis ordinarijs debentur nati, & vicarij: mortuo verò seruo, vel alienato fundo, non debetur peculium, seu instrumentum?

Respondetur: rationem diuersitatis esse, quia nati, & vicarij possunt esse sine ancillis, & sine ordinarijs, & e contra. & ita peruenit aliquo ex his, quod superest debetur: Sed peculium, idest patrimonium serui à domino illi assignatum, non potest esse sine seruo, quia eatenus peculium est, quatenus seruus est. Neque obstat, quod licet non sit peculium, remanent tamen res peculiaræ; quia respondetur quod illæ res non sunt legatæ, nisi quatenus sint in peculio; vnde cum non sunt amplius in peculio non cedunt legato: Ita etiam fundus non potest esse sine instrumento, nec e contra; vnde instrumentum dicitur sequi fundum, quo alienato, nec ipsum instrumentum debetur.

S. Si grex.

Si grex legatus sit, & postea ad vnam ouem peruenerit, illa nihilominus debetur. Idem dicitur de armento, & de alijs vniuersitatibus, quia in illo vno conseruatur ius vniuersitatis.

S. Si peculium, cum S. seq.

Si peculium alicui legatum sit, quicquid detrahitur, vel adiicitur viuo testatore, cedit ipsi legato, quia peculium etiam est vniuersitas, licet mixta Iurium, & corporum. Sed si quid est acquisitum per seruum post mortem testatoris, id solum cedit legato, quod ex rebus peculiaribus additum est, non quod aliunde. Si ve-

rò ipsi seruo manumisso peculium legatum sit, cedit legato quicquid quocunque modo fuerit adiectum. Potest autem peculium seruo manumisso legari expresse, & tacite. Expresse, si testator dicat, lego seruo meo peculium, cum libertate: tacite, si dicat, seruus meus redditis rationibus liber esto, quia non potest reddere rationes, nisi habeat peculium; nam reddere rationes est, reliqua, idest quod ex administratione superfuerit, restituere; quod non est in edere rationes, quatenim tenetur solum edere, non tenetur reliqua restituere, sed solum ostendere, & exhibere rationes *l. bones §. inter ff. de verb. signific.*

S. Tam autem.

Legari possunt etiam res incorporales, vt iura, & actiones; unde legari possunt nomina debitorum, idest id, quod sibi ab aliquo debetur; quo casu legatarius agit actione personali ex testamento contra heredem, vt sibi cedat actiones, quas si non cesserit, nihilominus vtilem actionem legatarius habebit pro consequendo legato à debitore; non enim directa est actio competens legatario, etiam si celsa fuerit ab herede, quia directa semper remanet penes heredem. Sed si testator illud debitum legatum exegerit à debitore antequam moreretur, extinguitur legatum, cum non sit amplius debitum.

Potest etiam legari factum, seu faciendum ab herede, nempe quod reficiat domum Titij, vel quid simile.

S. Si generaliter.

Si generaliter res legata sit, electio est legatarij, nisi aliunde colligatur voluntas testatoris determinata, Hoc autem intelligitur de genere infimo, quia legatum factum de genere generalissimo, seu de genere subalterno non valeret, propter nimiam incertitudinem, & esset derisorium; nam si testator dicat, lego Titio rem, vel lego Titio animal, si electio est legatarij, posset petere Palatium Principis, vel Elephantem: si verò electio est heredis, posset dare granum arenæ, vel formicam.

S. Optionis.

Si erat legatum optionis, habebat in se tacitam conditionem, si legatarius viuus optasset, alioquin legatum exinguebatur per mor-

aortem legatarij. Et fiebat hoc modo, Titi opta, idest Eligito, ibi vnum ex seruis meis. Sed hodie non habet amplius hanc tacitam conditionem; vnde transmittitur ad heredes legatarij, qui poterunt & ipsi optare, & eligere.

Dicitur in textu quod si plures sint legatarij, vel plures heredes vnus legatarij discordantes in electione, debent poni sortes, & is eligit, in quem ceciderit fors. Hoc idem transferunt communiter DD. ad plures fratres volentes diuidere hereditatem paternam, quod ponantur partes diuisæ à bono viro, & singulæ sorte assignentur singulis. Nec est verum, quod maior natu faciat partes, & minor natu incipiat eligere, nisi talis in aliquo loco vigeat consuetudo, vt dicunt DD. hic, & in l. ult. C. commun. de legat.

S. Legari.

Legari potest omnibus, qui habent testamenti factionem passiuam, idest qui possunt institui heredes. Sic pupillis, furiosis &c.

S. Incertis, usque ad S. Posthumus.

Incertis personis legari non potest, nec à milite, vt si dicat testator, illi, qui filio meo filiam suam in matrimonium dederit, heres meus talem fundum dato. Nec libertas incertæ personæ dari potest. Sed si fuisset solum tale legatum, non daretur repetitio propter naturalem obligationem, quæ est in herede adimplendi voluntatem defuncti.

Legatum autem relictum incerto ex certis, valet, & valet, vt illi meo cognato, qui filiam meam duxerit in uxorem, centumviro lego.

Similiter Tutor incertus dari non potest, vt dicitur in §. sequenti vers. tutor.

S. Posthumus

Posthumus alieno antea inutiliter legabatur, quia erat incerta persona. Hodie tamen utiliter posthumus alieno, & etiam alienissimo legari potest. Imò potest etiam heres institui, vt dicunt DD. in princ. infr. de bonor. possess.



S. Si quidem in nomine

Error in nomine proprio non vitiat legatum, si de persona constet; sed quid si non sit error in nomine, sed non constet de persona, an valeat legatum? Et dicitur quod non, *arg. text. in l. duo sunt Titij ff. de testam. tutel.* ubi duo sunt Titij in eadem domo manentes, datus est tutor Titius, nec scitur de quo intellexerit testator, dicitur in *d. textu* neminem esse tutorem.

Sed quid si sit error in nomine appellativo? Et dicitur non viciari legatum. Probat *tex. in l. non ideo minus C. de hered. instit.* ubi testator Titiam uxorem suam appellavit affinem suam, quæ licet non sit affinis, sed principium affinitatis, non per hoc viciatur institutio. Quod tamen verum est, nisi nomen appellativum designet causam finalem, quia tunc error viciaret *l. si pater C. de hered. instit.* ubi testator dixit, instituo heredem Titium, filium meum, si deinde appareat non esse filium, non valet institutio.

Sed quid si error sit in nominibus appellativis rerum? Et distinguitur, aut testator demonstravit ipsam rem, ut lego Titio illum equum, quem habeo in stabulo, & tamen erat bos, legatum valet, quia constat de quo intellexerit testator. si vero non constat de re, iterum distinguitur, aut testator usus est nomine appellativo, quod non convenit nec in forma, nec in materia, cum re, quam volebat legare, & legatum non valet, ut si volens dicere, lego Titio libros meos, dixerit lego Titio boues meos. Sed si non convenit in forma, convenit tamen in materia, valet, ut si volens dicere, lego Titio libros meos, dixerit, lego Titio chartas meas, nec villas chartas habet in bonis præter libros, quo casu libri debentur.

S. Huius proxima

Falsa demonstratio non vitiat legatum, ut si dicatur, lego Caio Sticchio feruum meum vernam, id est natum domi meæ ex ancilla, qui tamen sit emptus, dammodo de tali servo constat, sed si demonstratio importet causam finalem, & sit falsa, vitiat legatum, ut in *d. l. si pater C. de hered. instit.*

S. Longè magis

Falsa causa adiecta legato non nocet legato, ut si dicatur, **lego Titio decem**, quia negotia mea curavit, nam licet non curavit, tamen habet legatum, quia est causa impulsiva, quæ licet cesserit, non tamen cessat dispositio. Secus si esset causa finalis, quæ colligitur, si fuerit conditionaliter enunciata v.g. si Titius negotia mea curavit, lego ei decem; quia formatur argumentum à contrario sensu, si non curavit, non lego, quod argumentum in Iure validissimum est. DD. in l. r. ff. de offic. eius. Idem si causa fuerit de futuro v.g. si negotia mea curabit. Est autem discrimen inter causam, modum, & conditionem. Gloss. in rubr. C. de donat. qua sub modo. Causa enim exponitur per particulas, quia, quoniam, nam enim &c. modus exponitur per particulam, ut. Et conditio per particulam, si, vel per ablativum absolutum v. g. te faciente hoc, dabo Titio decem, id est si feceris hoc. Si est causa, iam supra statuimus quid sit dicendum. Si est modus potest peti relictum, & postea adimpleri. Si verò est conditio, debet prius adimpleri, & postea peti legatum.

S. An seruo

Si in testamento sit institutus solus heres, ille idem non potest esse legatarius, quia si habet totum, frustra assequitur rem particularem; & ideo si institui heredem Titium, seruo eius purè legare non possum, quia idem esset heres, & legatarius, cum eo ipso legatum factum seruo acquiratur domino, etiam invito etiam ignoranti. Secus si legatum sit sub conditione, vel ex die, quia tunc non ipso iure legatum factum seruo acquiritur domino, sed postea adveniente die, vel conditione, & potest esse quod interim servus manumittatur, vel alienetur, & tunc domino legatum non acquiritur. Quod si servus sit institutus heres, eius domino vtiliter legatur, etiam purè, quia non idem esset heres, & legatarius, cum hereditas non acquiratur domino, nisi iusserit servum adire: unde postquam dominus iussit, legatum expirat, quia tunc venit ad casum, quod idem esset heres, & legatarius; unde si ante iussum servus sit alienatus, vel manumissus, legatum vile est apud dominum, cum servus se, vel alium faciat heredem l. legatum §. 1. ff. de legat. 1.

S. Anteheredis

Institutio hodie potest fieri in qualibet parte testamenti, etiam post legata relicta, & libertates datas, quia ordo intellectus, & non sermonis, vel scripturæ est attendendus, & in ordine intellectus scimus quod debet præcedere institutio tanquam principalis pars testamenti, & legata, ceteraque dispositiones sequi tanquam accessoria.

S. Post mortem

Post mortem heredis, aut legatarij olim legari non poterat, propter regulam, quod actio ab herede, & contra heredem non posset incipere *l. unic. C. ut actio. ab hered. & con. hered.* Nam si legabatur post mortem heredis, actio incipiebat contra heredem heredis: si verò legabatur post mortem legatarij, incipiebat ab herede legatarij. Sed hæc regula sublata est à Iustiniano *in d. l. unic.* & ideo tale legatum valet, cum etiam fideicommissa valerent, & hodie legata sint exæquata fideicommissis *l. 1. ff. de legat. 1.*

Item nec valebat, si dicebatur, pridie quàm heres, vel legatarius moriatur, quia ignorabatur hoc pridie, sed hodie valet, quia sequuta morte verificatur, & hodie legata possunt fieri post mortem heredis, aut legatarij, ut diximus.

S. Fin.

Non poterat olim pœnæ nomine aut transferri legatum, aut adimi, nec à milite, nec ad fauorem Principis, sed hodie potest. Imò potest etiam dari coheres, dummodo non contineatur aliquid impossibile, vel probrosum, vel à iure prohibitum, Exemplum. Titius heres esto, & si hoc non fecerit, pœnæ nomine lego Caio centum, vel Caius ei coheres esto. Transferri, ut lego Titio centum, & si ipse hoc non fecerit, illa centum lego Caio. Adimi, ut lego Titio centum, & si ipse hoc non fecerit, pœnæ nomine non lego.



De Ademptione Legatorum.

TIT. XXI.

Dictum est de legatis. Sed quia voluntas humana est ambulatoria usque ad mortem *l. 4. ff. de adim. legat.* & propterea sæpè adimuntur, idest tolluntur legata, ideo sequitur præsens titulus.

Ademptio duplex est, expressa, & tacita. Expressa est, quæ sit verbis expressis, siue in eodem testamento, siue in Codicillis. Tacita fit, quando modus, vel onus adiectum legato tollitur *l. alumna §. Scia ff. de adim. legat.* Item tacite adimitur legatum, quando superueniunt inimicitie capitales inter testatorem. & legatarium, non solum testatore viuo, nec intercesserit reconciliatio *d. l. 4. ff. de adim. legat.* sed etiam mortuo, vt si legatarius stuprauerit relictam à testatore *l. 3. §. fin. ff. cod. tit.* Adimitur etiam, si nulla necessitate coactus testator rem legatam alienauerit, vt diximus *supr. in tit. præced. §. si rem suam* Et si testator rem legatam alteri donauerit, tunc indistinctè ademptum est legatum *l. rem legatam ff. cod.*

Legata non solum adimi possunt, sed etiam transferri. Et translatio fit de vna persona in aliam, & semper fit per relatiuum, qui, quæ, quod. vt lego Titio librum. Si deinde dico, librum, quem legavi Titio, lego Caio, iam legatum est translatum. Vnde si non esset hoc relatiuum, vt si diceretur, lego Titio librum, & deinde, lego Caio eundem librum, non esset translatio, sed coniunctio realis, & ambo vocarentur ad legatum, vt fuit dictum in *tit. præced. §. si eadem.*

De Lege Falcidia.

TIT. XXII.

Legata non solum adimi, & transferri possunt, sed etiam minui; quæ diminutio fit per dispositionem legis Falcidiæ, quæ non fuit dicta à falce, vt nonnulli minus congruè dixerunt, sed à Falcidio Tribuno plebis ipsius auctore, vnde ab initio fuit plebiscitum, & deinde fuit dicta lex in genere.

Occasio autem legis Falcidiae fuit, quia cum esset libera potestas legandi ex lege duodecim tabularum dicente, vti suae rei quisque legasset, ita ius esto *l. verbis legis ff. de verb. signif.* eueniebat heredes propter nullum, aut minimum lucrum nolle hereditatem adire, & supponere se oneribus hereditariis, ex quo legata corruerant, cum non adita hereditate quae sunt scripta in testamento non habent effectum *l. si nemo la. 1. ff. de testam. tutel. & l. si nemo ff. de reg. iur.* & ita intestati moriebuntur testatores. Quare super hoc fuerunt latae lex Furia, & lex Voconia, quarum neutra sufficiente, fuit postremo lata lex Falcidia, per quam dispositum est, ut non possit pro legatis relinqui plusquam dodrans, hoc est tres quartae hereditatis, scilicet nouem vnciae, ita ut quarta pars remaneat pro herede, quae si non supersit, concessum est heredi, ut possit ex singulis legatis deducere quartam, vel si non remaneat integra, possit supplere illam, deducendo ex legatis pro rata.

Hoc tamen limitatur in pluribus casibus, ut si testator prohibuerit illam detrahi *§. si vero expressim auth. de heredib. & falcid.* Item non detrahatur ex legatis ad pias causas *auth. similiter C. ad l. falcid.* Et licet in *l. 1. §. ad municipium ff. ad l. falcid.* dicatur contrarium, nihilominus illa lex est correctae in *§. si autem heres auth. de Ecclesiast. titul.* ex quo desumpta est *q. auth. similiter.* ut dicit gloss. in *d. §. ad municipium, in verb. Deo, in d. §. si autem heres, & in d. auth. similiter.* Item non detrahatur, quando heres non fecit Inventarium, quia tunc tenetur legatariis etiam ultra vires hereditarias *§. hinc nobis, vers. si vero auth. de heredib. & falcid.* Sunt etiam alij casus, de quibus per DD. hic.

§. Et cum questum.

Quæritur in hoc *§.* si duos heredes institui, & vnus partem totam grauauit legatis, alteram vero partem liberam reliqui, numquid possit is, cuius pars grauata est, detrahere falcidiam ex legatis? Et pro ratione dubitandi videbatur dicendum quod non, quia in hoc casu cessat ratio legis falcidiae, scilicet ne testator intestatus decedat, quia si heres grauatus velit adire, eius portio iure accrescendi pertinebit ad coheredem, qui liberam suam partem habet, quam non repudiavit. Hoc tamen non obstante contrarium deciditur in hoc textu, quia ratio legis falcidiae in singulis heredibus ponenda est, cum non tam commodo testatoris inducta sit, quam propter utilitatem ipsius heredis.

S. *Quantitas.*

An, & quanta sit detrahenda falcidia, inspicitur patrimonij quantitas, quæ sit de tempore mortis testatoris; Vnde si eo tempore non erat detrahenda, quia pro herede quarta supererat, non est amplius detrahenda, quamvis post mortem testatoris ante aditam hereditatem bona decreuerint. Sed hoc nihil nocet heredi, ex quo non potest cogi ad adeundum; vnde necesse est legatarijs dare aliquid heredi, vt adeat, & præstet legata, quæ non debentur, nisi adeatur hereditas *dd. ll. si nemo, supr. cit.* Simili modo si tempore mortis erat detrahenda falcidia, & postea aucta sint bona hereditaria ante aditam hereditatem, nihilominus heres detrahic illam, quia in hoc spectatur tempus mortis testatoris, vt dictum est.

S. *Fin.*

Vt detrahatur falcidia, primò detrahitur si quid extra patrimonium relictum sit, deinde æs alienum, præterea funeris impensa &c. & ita ex legatis diminutis pro rata falcidia est detrahenda.

*De Fideicommissarijs hereditarijs & ad S. C.
Trebellianum.*

TIT. XXII.

Dictum est de hereditatibus directis, erat videndum de obliquis, quæ dicuntur fideicommissariæ hereditates quæ diminuuntur per dispositionem S. C. Trebelliani, sicuti per legem falcidiam diminuuntur legata.

Fideicommissum dicitur eo quod testator committit fidei heredibus voluntatem suam. Fuerunt autem inducta fideicommissa non à lege, sed ab hominibus tum bono animo, tum ad fraudem.

Bono animo, quia cum non possent aliquando facere testamentum, eo quod non haberent septem testes idoneos, ceperunt facere fideicommissum in Codicillis, ad quos quinque testes sufficiunt *vt infra in tit. de Codicillis*, in quibus rogabant heredem iam scriptum in priori testamento, vel heredem venientem ab intestato, eiusque fidei committebant, vt restitueret hereditatem alteri.

Ad

Ad fraudem verò fuerunt induc̃ta, quia interdum etiam si posset quis testamentum facere, tamen quia volebat hereditatem relinquere alicui incapaci, & hoc directè facere non poterat, instituebat alium capacem, eumque rogabat, vt illi incapaci hereditatem restitueret. Quod tamen hodiè non procedit; hodie enim ad fauorem incapacis fideicommitteri non potest; olim verò incapax erat prohibitus solum institui directè, vel ei legari, cum fideicommissa à lege non agnoscerentur, vt diximus. Vnde factum est, vt ad hanc fraudem tollendam fuerint prohibita omnia fideicommissa, etiam illa, quæ capacibus fiebant. Tempore verò Augusti ad conuincendam grauatorum perfidiam, qui iurauerant per salutem Principis fideicommissa restituere, & postea sub prætextu prohibitionis fideicommissorum restituere recusabant, vnum tantum fideicommissorum genus, scilicet capacibus factum, cæpit habere effectum suum, interponentibus Consulibus iussu Augusti auctoritatem suam, fuitque postmodum constitutus Prætor fideicommissarius, qui diceret Ius de fideicommissis restituendis; & ita cæperunt fideicommissa peti officio Iudicis nobili, quod persecutio nuncupatur, neque ante Iustinianum actio competere cæpit, qui exæquando omnia legata fideicommissis, easdem actiones, quæ ex legatis dantur, tribuit pariter fideicommissis *§. sed non vsque supr. de legat. & clariùs in princ. huius tit.*

S. In primis, cum omnibus SS. seqq.

Fideicommissum aliud est vniuersale, aliud particulare. Vniuersale est, quod fit de tota hereditate, vel de parte illius sub nomine quoræ id est tertiz, vel quartæ partis &c. Particulare est, quod fit de re singulari, de quo *in tit. seq.*

Discrimen autem est inter fideicommissarium vniuersalem, & particularem, quia vniuersalis potest cogere heredem directum, vt adeat hereditatem, & sibi illam restituat: particularis verò non. *l. quia poterat ff. ad S. C. Trebell.* Ratio est, quia fideicommissario vniuersali restituitur tota hereditas, & nullum incommodum remanet penes heredem: particulari verò restituitur res aliqua tantum, sed heres remanet obligatus ad cetera omnia *l. non est cogendus ff. eod. tit. ad S. C. Trebell.*

Non solum autem potest rogari veniens ex testamento, vt restitueret, sed etiam veniens ab intestato, vt quisquis mihi heres erit, restituat hereditatem meam Caio.

Quia verò olim rogati restituere, nihilominus heredes remanebant

bant, & omnes actiones in ipsos dirigebantur, quod est iniquum, ideo inductum fuit Neronis temporibus Trebellio Consule Senatus Consultum Trebellianum, quo dispositum est, ut actiones, quæ dabantur heredi, & contra heredem, darentur fideicommissario, & in fideicommissarium. Attamen quia heredes rogati restituere totam, aut ferè totam hereditatem, nullum, vel minimum lucrum percipientes, adhuc adire recusabant, & consequenter fideicommissa corruiebant, ideo inductum fuit Vespasiani temporibus Pegaso Consule Senatus Consultum Pegasianum, per quod dispositum fuit, quòd qui rogabatur restituere, posset sibi quartam partem ex hereditate retinere, quemadmodum ex lege falcidia quartam ex legatis retinere concessum erat, & tunc cogeretur heres ea deducta, adire, & restituere, & teneretur ad onera hereditaria pro rata illius quartæ, interpositis quibusdam stipulationibus inter ipsum, & fideicommissarium, inter quos dicebatur partiiri hereditas.

Omissis autem ceteris eruditionibus, de quibus in hoc titulo, hodie dispositum est, ut heres rogatus restituere totam, vel quasi totam hereditatem, possit deducere quartam partem, vel usque ad supplementum quartæ, & pro rata illius quartæ teneatur ad onera. Quæ quarta hodie simpliciter dicitur Trebellianica; quod procedit etiam si hæc quarta fuisset illi relicta à testatore ratione quotæ: secus si fuisset illi relicta iure legati, ut quia illi esset relicta certa species, vel quantitas, quia tunc tanquam legatarius ad nulla onera teneretur. Sic etiam si totam hereditatem restituit, sine detractioe Trebellianicæ, ad nulla onera tenetur.

Fideicommissa autem quædam sunt expressè, & quædam tacite. Expressè, ut Titius heres esto, & restituat hereditatem meam Caio. Tacite fit quando liberi sunt positi in conditione, ut filius meus heres esto, & si decesserit sine liberis, restituat hereditatem meam Caio, intelligitur, & si decesserit cum liberis restituat liberis. Sic extat Statut. Urb. lib. 1. cap. 141. de fil. in condit. posit. Sed in puncto Iuris non est ita, quia liberi in conditione positi non censentur vocati ad fideicommissum, nisi ex coniecturata mente testatoris. Nec sufficit simplex coniectura scilicet quòd sint de numero descendantium. ut testatur Iul. Clar. in sua prax. §. testamentum quest. 77. Coniecturæ autem possunt esse plures, v. g. si testator dixerit, se velle consulere agnationi, se velle ut bona sua in familia conferuentur, si prohibuerit alienationem bonorum, & similia. Et de coniecturis requisitis videte Fusarium de substitutionib. quest. 437. per totam ubi ponit plufquam sexa-

sexaginta coniecturas, quarum una, vel altera sufficit ut à testatore exprimat. Neque est consequentia directa, & immediata, & si decesserit cum liberis restituat liberis: sed consequentia directa, & immediata est, & si decesserit cum liberis, non restituat Caio, ad hoc autem, ut intelligatur esse voluntas testatoris, ut restituat liberis, debet concurrere aliqua alia coniectura mentis ipsius testatoris, ex qua possumus colligere voluisse, quod si filius moriatur cum liberis, restituat liberis; alias de iure non esset inducendum, tacitum fideicommissum ad fauorem liberorum.

Item fideicommissa quædam fiunt purè, quædam ex die certa, vel incerta, & quædam sub conditione. Purè fiunt, ut Titius heres esto, & restituat hereditatem meam Caio, quo casu heres statim adita hereditate debet illam restituere, & hodie si nolit adire, potest cogi *l. cogi ff. ad S. C. Trebellian.* Cum verò rogatus est restituere ex die certa, ut post Paicha, vel incerta, ut post mortem, vel sub conditione tam potestatiua, quam casuali, non tenetur restituere nisi existente die, vel conditione.

Dubitarum autem numquid fructus interea percepti debeant computari in Trebellianicam? Et textus in *l. iubemus C. ad S. C. Trebell.* dicit quod liberi primi gradus non tenentur computare, ceteri verò tenentur.

Sed utrum filius, qui deduxit legitimam, possit detrachere etiam Trebellianicam? Et textus in *c. Raynutius de testam.* dicit quod sic, quia legitimam detrahit ut filius, tanquam æs hereditarium, seu debitum patris: & Trebellianicam detrahit tanquam heres grauatus restituere, quam etiam quilibet extraneus deducere potest. Sed communiter intelligunt DD. hoc esse verum quando non eodem tempore filius deducit Trebellianicam, sed diuerso, ut cum restituit sub die, vel sub conditione. Mantica *de coniect. ultim. volunt. lib. 7. tit. 12. n. 31.*

Sed utrum filius, qui detraxit legitimam, & Trebellianicam, teneatur computare fructus medio tempore perceptos in Trebellianicam. Et communiter volunt quod sic, ne contingat filium absorbere ferè totam hereditatem, & plus habere quam fideicommissarium, cum hac ratione haberet legitimam, quæ hodie est tertia pars hereditatis: Trebellianicam, quæ est quarta pars eius quod superest deducta legitima: & præterea haberet fructus medio tempore perceptos. In contrarium tamen facit, quia filius habet legitimam de iure naturæ, tanquam æs paternum, quod primum deduci debet: deinde deducit Trebellianicam tanquam heres grauatus restituere, quod etiam quilibet extraneus facit

facit: demum non computat fructus perceptos, quia fructus ei donantur à lege, ut in d. l. *iubemus C. ad S. C. Trebell.* Nec est absurdum quòd filius hac ratione haberet ferè totam hereditatem; quia venit ad bona sua, cum vivo etiam Patre dicatur condominus bonorum paternorum l. *in suis ff. de liber. & posthum.*

Sed utrum possit prohiberi detractio Trebellianicæ etiam liberis primi gradus, est ardua quæstio. Nam potest expressè prohiberi falcidia, ut diximus *supr. in tit. de lege falcid.* Sed appellatione falcidiæ venit Trebellianica per iura allegata in *addit. ad gloss. hic in S. sed quia stipulationes, in verb. liceat* ergo poterit etiam prohiberi Trebellianica. In contrarium facit, quia olim nec Falcidia, nec Trebellianica poterat prohiberi. Sed Imperator nouissimè disposuit in S. *si verò expressim auth. de hereditib. & falcid.* quòd falcidia possit prohiberi, & nihil dixit de Trebellianica; ergo ista non poterit prohiberi; quia quando sumus in correctorij, & aliquis casus non reperitur expressè correctus, non venit sub illa correctione l. *precipimus in fin. C. de appellat.* Nec obstant iura allegata in *addit. ad d. gloss. in verb. liceat* quia responderetur quòd appellatione falcidiæ venit etiam Trebellianica non ex proprietate verborum: sed solum per quandam analogiam, & popularem similitudinem ortam ex diminutione legatorum per falcidiam, & fideicommissorum per Trebellianicam. Nihilominus receptissima sententia est quòd Trebellianica possit prohiberi etiam liberis in primo gradu per verba expressa. Videatur *Manica in d. tract. de coniect. ultint. volunt. lib. 7. tit. 12. n. 18. & auctores ab ipso relat.*

In S. *fin.* huius tit. docet Imperator, quid faciendum sit, cum prætenditur fideicommissum esse relictum, & probari non potest. Dicit enim, quòd fideicommissarius potest præstito iuramento calumniæ, deferre heredi iuramentum, qui si nolit iurare tenetur omnino præstare quòd prætenditur. Quòd si negaret à principio, & deinde diceret, fuisse quidem factum fideicommissum, sed in iure solemni voluntate, non est audiendus; & hoc in præiurij l. *ult. ubi DD. C. de fideicommiss.*



De singulis rebus per fideicommissum relictis.

T I T. X X I V.

Post fideicommissa vniuersalia sequitur de fideicommissis singularibus, quæ cum sint per omnia exæquata legatis *l. 1. ff. de legat. 1.* ideo quæ superius de legatis dicta sunt, hic de fideicommissis singularibus repetita censentur. Et propterea illi possunt fideicommittere qui possunt legare, & illis potest fideicommitteri, quibus legari potest.

§. Post mortem

Sic etiam illæ res fideicommitteri possunt, quæ possunt legari, & ita res testatoris, heredis legatarij, ipsius fideicommissarij, & cuiuslibet alterius fideicommitteri possunt; nam rogari potest tam heres, quàm legatarius, & fideicommissarius, vt rem relictam, vel propriam alteri restituat, vel alienam emat, & præstet. Si quis verò agnouit iudicium testatoris, hereditatem, vel legatum, aut fideicommissum recipiendo, compellitur rem suam dare, vel vendere. Erat autem olim discrimen, quòd à legatario legari non poterat: sed hodie valeret in vim fideicommissi. Exemplum. Lego Titio domum meam, & post eius mortem illam lego Caio (hoc erat à legatario legari) quod quidem olim fieri non poterat; nam quod iam legatarij factum erat, non poterat ab eo directo iure auferri, per regulam, id, quod nostrum est, sine facto nostro à nobis auferri non potest *l. id, quod nostrum ff. de reg. iur.* Sed hodie valet iure obliquo, quia perinde est ac si diceret, lego Titio domum meam, eumque rogo, vt post mortem suam illam restituat Caio. Non potest autem grauari quis restituere plus quàm accepit, nisi rogaretur restituere rem cum fructibus, vel cum accessionibus, prout dicunt DD. *hic.*

§. Libertas quoque, cum §. seq.

Libertas autem potest seruo per fideicommissum dari, vt rogetur heres, vel alius eum manumittere, siue sit seruus testatoris, siue alterius. Et cum per fideicommissum ei datur libertas, fit liber-
tus manumittentis, & non testatoris. Quando verò directè ma-
nimit-

T I T. X X V.

211

numittitur ab ipso testatore, sit libertus testatoris, qui etiam dicitur, Orcinus, idest manumissus à domino suo, qui tendit ad orcum, idest qui moritur, vt explicat gloss. *hic in verb. orcinus* quæ dat etiam alias expositiones huius verbi. Hoc autem denotat solum discrimen inter directitudinem, & obliquitatem: non autem inter legata, & fideicommissa, quæ sunt omnino exæquata.

S. Fin.

Fideicommissum siue præceptiuis, siue rogatiuis verbis fiat, semper valet. Verba autem solent esse, peto, rogo, volo, mando, fidei tuæ committo, & similia.

De Codicillis.

T I T. X X V.

Dictum est de testamentis proprijs, & solemnibus. Verum quia dantur etiam testamenta minus propria, & minus solemnia, quæ appellantur Codicilli, in quibus solent etiam fieri fideicommissa, & legata, non autem institutiones, ideo ponitur de illis.

Dicunt autem nonnulli quòd Codicilli differunt à testamentis solum secundum magis, & minus, non autem specie. Quod tamen non est verum; quia quæ differunt forma, differunt specie. Sed Codicilli differunt à testamentis forma non solum extrinseca; sed etiam intrinseca; ergo differunt specie. Minor propositio probatur. Et primò de forma intrinseca, quæ est institutio heredis; & hæc in codicillis fieri non potest, vt supr. diximus, sicut nec exheredatio, nec substitutio directa, nec conditio heredi adscribi, licet possit in Codicillis fieri nominatio heredis instituti iam in testamento, vt si testator dixerit in testamento, instituo heredem illum, quem nominauero in Codicillis *l. asse toto ff. de hered. instit.* Quo verò ad formam extrinsecam, patet, quia in Codicillis quinque testes sufficiunt, nec est necesse quod sint rogati, vel masculi, sicut requiritur in testamentis, vt dicunt communiter DD. *hic in s. fin.*

S. Non tantum autem, cum §. seq.

Codicillorum usus cepit ab hominibus approbante Augusto; & fuit utilis, ut illi, qui non possent testamentum facere, idest impotensia facti, ut quia non possent habere septem testes idoneos; tunc enim possunt facere Codicillos, & rogare venientes ab intestato, ut restituant hereditatem cui ipsi voluerint. Qui autem non potest de iure testari, ut quia incapax sit, neque codicillari potest. Sic nec filiusfamilias, nec usufructarius manifestus potest codicillari, quia de iure non potest testari. l. 2. ff. de legat. 1. c. quamquam, & ibi gloss. de usur. in 6. Olim autem erat necesse, ut Codicilli testamento confirmarentur, si testator superviebat. Sed hoc hodie non requiritur, quia etiam ab intestato fieri possunt, hoc est nullo precedente testamento; quo casu intelliguntur rogati ab intestato venientes restituere nominato in Codicillis. Sin autem postea factum sit testamentum, intelliguntur confirmati, nisi constet de contraria voluntate testatoris.

§. Fin.

Codicillos plures, eosque sine ullis solemnitatibus (idest de re quistis in testamento solemniter) facere ius est. Nonnulli tamen desiderantur, ut sunt quinque testes &c.


Plures autem intelliguntur, nisi contrarii sint. Regula enim est, quod posterior dispositio siue facta in testamento, siue in Codicillis respectu de derogat priori, ubi est contrarietas, alioquin utraque valet. Sin autem duo reperiantur Codicilli contrarii, nec dignoscatur qui nam priores sint, & qui posteriores, neutri valebunt, utpote si sint facti eadem die, nec sit apposta hora, propter incertitudinem. Si vero contrarii non sint, ambo valebunt, veluti particularia relicta, & separata legata l. 1. & 3. C. eodem.

In testamentis autem semper solet apponi clausula Codicillaris, qua testator declarat, illud esse suum testamentum, quod si non valet iure testamenti, vult valere iure Codicillorum, & omni alio meliori modo, quo valere potest; quae clausula operatur, quod si institutio heredis non valeret, ut quia testamentum iure testamenti esset invalidum, ceterum tamen
dis.

Dispositiones, nempe legata, fideicommissa, & alia; quæ in
Codicillis fieri possunt, valebunt, & à venientibus ab
intestato erunt adimplenda, sine qua clau-
sula Codicillari testamentum
quod ad omnia
corrueret.



214
INSTITUTIONVM
IVRIS CIVILIS
LIBER TERTIVS



Issum est huc vsque de hereditatibus, quæ ex testamento deferuntur, seu ab homine, superest videndum de hereditatibus, quæ abintestato deferuntur, seu à lege. Quoniam autem in istis primis quinque titulis agitur de his successio- nibus abintestato, ad quas vocantur agnati, cognati, descendentes, ascendentes, & transuer- sales, ideo vt breuitati consulemus, & magis ordinatè de illis tra-ctemus, connectemus omnes istos titulos in vnum, & illorum doctrinam ad quasdam maximas, seu regulas reducemus, vt fa- cillimum Vobis sit vnico intuitu habere præ oculis vniuersam hanc materiam, quam magis diffusam in ipso textu videri epote- ritis, præcipue circa ea, quæ ad antiquitatem spectabant.

De Hereditatibus, quæ ab intestato deferuntur.

T I T. I.

De Legitima Agnatorum successione.

T I T. II.

De Senatus Consulto Tertulliano.

T I T. III.

De

De Senatus Consulto Orphiciano.

TIT. IV.

De Successione Cognatorum.

TIT. V.

PRO intelligentia totius istius materiæ debetis adnotare, quòd deferri hereditas dicitur, quando quis illam adeundo consequi potest, vel repudiare *l. delata ff. de verb. significat.* Intestatus, autem dicitur qui nullum fecit testamentum, vel si fecit illud fuit nullum ex defectu solemnitatis intrinsecæ, vel extrinsecæ. Sic etiam si fecit, sed postea ruptum est per natiuitatem posthumi-vel per agnationem sui heredis. Similiter si fecit, sed postea fuit factum irritum per capitis diminutionem. Ita pariter dicitur intestatus decedere, si nemo voluerit ex eo testamento heres existere; Quod intelligitur si testator poterat testari, alioquin si fuisset incapax testandi, non diceretur intestatus, sed intestabilis.

Plures maximæ, seu regulæ in hac materia assignari possunt quarum

Prima est, quòd in successione ab intestato est sublata omnis differentia suorum, & emancipatorum, *ut in auth. de heredib. ab intest. venient. in princ.*

Secunda quòd hodie est sublata omnis differentia masculorum, & feminarum *l. maximum titium C. de liber. prater.*

Tertia quòd hodie est sublata omnis differentia agnatorum, & cognatorum *ut in d. auth. ibid.*

Quarta est quòd descendentes admittuntur in locum præmortui parentis virtute representationis in stirpes, & non in capita. Pro quorum terminorum intelligentia notandum est, quòd tunc descendentes dicuntur succedere iure representationis in stirpes, quando habent id, quod haberet pater eorum si viueret. v.g. si morior relicto filio viuo, & ex filio mortuo relictis decem nepotibus, isti decem nepotes habebunt dimidium hereditatis, quia tantum habuisset eorum pater si vixisset: & alterum dimidium habebit filius meus viuos. Et hoc est succedere in stirpes. Sic etiam si sint plu-

res nepotes ex pluribus filijs præmortuis, succedunt pariter in stirpes. v.g. si morior relicto duobus nepotibus ex vno filio præmortuo, & ex altero filio similiter præmortuo relicto decem nepotibus, isti decem habebunt dimidium, & illi duo ex altero filio habebunt aliud dimidium meæ hereditatis, quia tantum habuissent eorum patres si viuerent, & ita dicuntur succedere in stirpes iure representationis. In capita verò dicuntur succedere, quando quodlibet caput, seu quilibet persona habet partem virilem, idest æqualem alijs.

Quinta est quòd quando plures sunt heredes in eodem gradu, quorum aliquis nolit, vel non possit adire, tunc pars istius acquiritur alijs, qui adiuerunt *l. unica C. quando non petent. &c.* Limitatur tamen, quando ius accrescendi impeditur per substitutionem, vel per transmissionem, quia substitutio, & transmissio impediunt ius accrescendi. Quid sit substitutio iam diximus *supr. in tit. de vulg. substit.* Transmissio verò sic definitur, est iuris in vnus persona consistentis in aliam translatio per mortem facta. Ita Bologniet. in *l. emancipata C. qui admitt. num. 2.* Triplex autem est transmissio. Prima ex capite suitatis, per quod transmittitur hereditas parentis ad quoscunque heredes *l. apud hostes C. de suis, & legitim.* Secunda est ex capite sanguinis, per quod hereditas ascendentium transmittitur in quemcumque descendentem, non tamen ad alios *l. unic. C. de his, qui ant. apert. tab.* Tertia est ex capite Juris deliberandi, vt si quis pendente termino ad deliberandum moriatur, transmittit reliquum tempus, quod superest, ad quoscunque heredes *l. fin. C. de Jur. delib.*

Quoniam autem triplex potissimum est successio ab intestato, scilicet descendentium, ascendentium, & transuersalium, id circo pro vna quaque proprias regulas assignabimus. Et quoniam prima causa successionis est descendentium, idcirco à descendentibus incipiamus.

Pro Successione Descendentium hæ Regule assignantur.

Prima est, quòd omnes filij naturales, & legitimi cuiuscunque sexus ex eodem matrimonio primùm succedunt, siue fiat in potestate, siue emancipati, siue nati, siue posthumi, tam patri, quàm matri ex dispositione S. C. Orphiciani.

Secunda est, si ex pluribus filijs aliquis mortuus fuerit, relictis ex se filijs, hi succedunt Auo cum patris loco sui patris in stirpes, vt supra explicauimus. Monstruosus verò partus non succedit, quia non est de numero liberorum *l. non sunt liberi ff. de stat. homin.*

Tertia est, quòd liberi secundi, vel vltioris gradus, hoc est nepotes, vel pronepotes succedunt præ ceteris omnibus Auo suo in stirpes, non in capita, siue fuerint in linea æquali, siue inæquali, hoc est siue fuerint omnes nepotes, siue omnes pronepotes, siue partim nepotes, & partim pronepotes, seruato tamen iure representationis, vt vnusquisque locum sui patris præmortui obtineat.

Quarta est, quòd liberi diuersarum nuptiarum succedunt parentibus suis præ omnibus alijs in bonis dotalibus illius matrimonij, ex quo nati sunt. In alijs verò bonis succedunt æqualiter parentibus *§. nec illud auth. de non elig. secund. nubent. iuncto §. si verò auth. neque vir. quod ex dot. est &c.*

Quinta est, dati in adoptionem à parente personæ extraneæ succedunt simul cum alijs filijs illius æqualiter. Sed non existentibus alijs filijs succedunt parenti adoptiuo in omnibus bonis *l. penult. §. sed ne versic. sed si quidem C. de adoptionib.* Patens autem adoptiuus extraneus si testamentum faciat, eos impunè præterire potest.

Sexta est, dati in adoptionem Auo paterno, vel materno, sunt sui heredes, & non aliter succedunt, quàm naturales, & legitimi. Arrogati autem succedunt Arrogatori, sicuti adoptati, nisi fuerint ab eo emancipati.

Septima est. legitimati succedunt tanquam sui ex legitimo matrimonio nati *auth. quib. mod. natural. efficitur legitim.*

Octaua est, Liberi naturales tantùm ex concubinato succedunt patri in sextante, hoc est in duabus vncijs, simul cum matre sua; quod contingit etiam si mater ipsorum mortua fuerit: in reliquis verò bonis succedunt proximi cognati, *auth. quib. mod. natural. efficiant. sui §. discretis, & §. si quis igitur.* Ad hoc verò etia requiruntur. Primo quod nulli liberi naturales, & legitimi superint. Secundo quod legitima vxor non supersit. Terto quod concubina in domo patris manserit, vt ibi disponitur.

Nona est, quod spurij, vulgo concepti patri non succedunt *§. si aduersus supr. de nupt.* Matri verò, vel Auiæ succedunt *l. si quis illustris C. ad S. C. Orphicianum.* Incestuosi verò ex consanguineis transuersalibus: nefarii ex ascendentibus, & descendentibus: adulterini ex coniugatis: & sacrilegi ex personis Deo Sacris, vtriuf-

que sexus succedere non possunt. Alimenta tamen eis ex æquitate canonica debentur.

*Pro Successione Ascendentium
hæ Regula assignantur.*

Prima est, quòd parentes naturales, & legitimi succedunt liberis suis præ ceteris cognatis, siue liberi sint in potestate, siue emancipati; nec pater hodie præfertur matri, sed æqualiter admittuntur ex dispositione S. C. Tertylliani; & si alter ex illis supersit, ceteris exclusis solus vocatur; quod est verum, si descendentes defuncti non relinquunt liberos post se, quia liberi præferuntur parentibus, etiam quòd habeant eos in potestate.

Secunda est, Patre, & Matre defunctis, succedunt Aui, & Auiæ paterni, & materni, sed in stirpes. Et hoc intelligitur de bonis aduentitijs: in bonis verò profectijs, quæ à Patre sunt profecta, vel ex linea paterna, pater excludit matrem: & in illis, quæ à matre sunt profecta, vel ex linea materna, mater excludit patrem. Hoc autem limitatur primo in usufructu peculij aduentitij, quia in eo pater est potior matre. Secundo in lucris nuptialibus, quia in his ille parens præfertur, à quo prouenerunt. Tercio quando fratres, vel sorores ex utroque latere coniuncti, aut etiam eorum filij superunt simul cum patre, & matre defuncti, quia tunc omnes succedunt æqualiter, & in capita non in stirpes *anth. defuncto C. ad S. C. Tertyllian. & S. hoc itaque anth. ut frat. fil. filij tamen fratris, aut sororis superstites succedunt in stirpes d. S. hoc itaque.*

Tertia est. Parentes legitimi tantum siue adoptiui, siue arrogatores succedunt liberis suis adoptatis, si habeant illos in potestate, ut si sint nepotes ex filia, vel ex filio emancipato, tunc succedunt tanquam si essent legitimi, & naturales parentes *S. Sed hodie supr. de adoption.* Si verò illos non habeant in potestate, non succedunt. Arrogatores verò liberis puberibus succedunt non aliter, quàm naturales, & legitimi parentes *S. mortuo infr. de acquist. per arrogat. secus si defunctus sit impubes, quia tunc arrogator tenetur restituere venientibus ab intestato successionem ipsius S. cum autem impubes supr. de adoption.*

Quarta est, parentes naturales tantum ita succedunt liberis ex concubinato, sicut liberi talibus parentibus. & si pater, & ma-
ter

ter in bonis filij naturalis concurrant , pater habebit sextantem idest duas vncias , & mater dextantem idest decem vncias , dummodò ille filius non relinquat vxorem , nec filios legitimos , & naturales .

Quinta est , quòd filijs spurijis pater non succedit , cum incertus sit : mater verò , quia est certa succedit .

Sexta est , quòd parentibus ex damnato coitu nulla successio debetur , quamvis eis alimenta ex æquitate canonica , sicut ipsis liberis , debeantur .

*Pro successione Transuersalium
he Regule assignantur.*

PRima est , si quis decesserit sine liberis , & parentibus , vocantur ad eius successionem fratres , & sorores vtrunque coniuncti , & fratrum , fororumue filij . Fratres ipsius defuncti naturales , & legitimi succedunt ei æqualiter in capita secundum numerum personarum , filij verò fratrum fororumue in stirpes . Succedunt etiam sorores vtrunque coniunctæ , etiam si ab eorum parentibus dotatæ fuerint , nec dotem in hac successione tenentur conferre ; quamvis si ageretur de successione patris , tenerentur eam conferre , ne plus haberet filia de bonis paternis , quàm filius , *ut tot. tit. ff. de collat. dot.*

Secunda filij fratrum vtrunque coniunctorum præferuntur fratribus ex altero parente tantum coniunctis : cum fratribus verò germanis ipsius defuncti , & eiusdem ascendentibus simul admittuntur , *ut in prim. auth. ut frat. fil. ut supr. diximus .*

Tertia filij fratrum quoties concurrunt cum defuncti fratribus , vel sororibus , succedunt in stirpes loco sui patris præmortui ; quod non ultra filios fratrum egreditur , *ut in §. huiusmodi , auth. de hered. ab intest. ventent.* Sed si filij fratrum sint soli superstites sine patruis , tunc succedunt in capita , ita ut tot partes æquales fiant , quot filij fratrum superstites sunt *auth. cessante , & ibi gloss. in verb. in stirpes C. de legitim. heredib.*

Quarta si fratres germani extent cum fratribus , vel sororibus consanguineis , vel vterinis , tunc fratres vtrunque coniuncti excludunt alios §. quia verò *auth. de consangu. & vterin. fratrib.*

Quinta si sint fratres consanguinei , vel vterini simul cum filijs fratrum germanorum ipsius defuncti , præferuntur filij fratrum ger-

manorum ; quod tamen non egreditur filios fratrum :

Sexta, fratres consanguinei, vel vterini solum succedunt æqualiter, & in capita : filij tamen præmortuorum succedunt in stirpes, sicut diximus de fratribus germanis, eorumque filijs .

Septima, si defunctus habet tam consanguineos fratres, quam vterinos, & quorundam similium fratrum præmortuorum filios, tunc in bonis paternis præferuntur consanguinei, in maternis vterini : fratres verò simul succedunt æqualiter, filij verò præmortuorum in stirpes d. §. quia verò auth. de consangu. & vterin. fratrib.

Octava, cum neque fratres, neque filij fratrum supersunt, tunc omnes deinceps à latere cognati admittuntur, seruatis gradibus, vt proximiores præcedant, pares simul admittantur in capita, reiecta omni differentia agnationis, & cognationis, masculorum, & feminarum, vt in auth. de hered. ab intest. venient. in princ.

Nona, fratres legitimi tantum si ab Auo fuerint adoptati, succedunt sibi quoque mutuò. Sin autem ab extraneo adoptentur, quamuis parentis adoptiui successionem habeant, ipsi tamen inter se non succedunt.

Decima, fratrum legitimorum eadem est successio, quæ naturalium, & legitimorum : sed inuicem legitimi, & legitimati non succedunt. §. filium verò auth. quib. mod. natur. eff. sui.

Vndecima, fratres naturales tantum, siue consanguinei ex eodem patre, siue vterini ex eadem matre succedunt sibi mutuò, nisi fratres naturales, & legitimi, hoc est ex iusto toro nati, consanguinei, vel vterini simul extent, qui illegitimos excludunt.

Duodecima, fratres spurij sibi succedunt inuicem si ex eodem patre nati sint, vt puta si quis ex pluribus meretricibus filios susceperit. §. vulgo quesitos, hic de success. cognat. iuncta l. si spurius ff. vnd. cognat. Secus si plures ex eadem meretrice filios susceperit, quia tunc pater est omnino incertus.

Vltima est. Si neque liberi, neque parentes supersunt, succedunt agnati, & cognati tranuersales successiue vsque ad decimum gradum. Et si neque isti vsque ad decimum gradum extent, tunc successio ad coniugem superstitem deuoluitur iure ciuili l. 1. C. vnd. vir, & vx. Et prædictis omnibus deficientibus, bona censentur vacantia, & Fisco applicantur, vt tot. tit. C. de bon. vacant. lib. 10.



De Gradibus Cognationum.

TIT. VI.

Quoniam in successione ab intestato habetur respectus ad gradum cognationis, ideo subnectitur præfens tit.

Triplex autem est linea cognationis, ascendentium, descendentium, & collateralium, siue supra, infra, & ex transverso. Superior, & inferior incipit à primo gradu ascendentiæ, & descendentiæ: ex transverso verò incipit à secundo. Videre, quæ diximus supra in titulo de nuptiis.

Ceterum nomina, & gradus cognationum legite in hoc ipso textu, in quo satis clarè, & diffusè explicantur.

De Servili Cognatione.

TIT. VII.

De Successione Libertorum.

TIT. VIII.

Omittuntur istiduo tituli, quia hodie non sunt in usu, eadem enim cognatio est inter servos, quæ est inter liberos. Et cum hodiè inter liberos sit sublata omnis differentia, & manumissus fiat Cuius Romanus, ut diximus in tit. de libertin. eandem successionem habent liberti, quam habent liberi, & Cives Romani.

De Affignatione Libertorum.

TIT. IX.

Affignare libertum est, cum Patronus plures habens filios, qui omnes ex legis dispositione successuri essent in bonis ipsius
li.

liberti, declarat, quem vult ex suis filiis esse Patronum post mortem suam l. assignare ff. de verb. signific.

S. Datur autem.

Assignato autem liberto vni ex liberis Patroni, siue filijs, siue nepotibus in potestate existenti, ille solus succedit liberto, exclusis alijs etiam in eodem gradu constitutis.

Euanescit autem hæc assignatio. Primo: si filius, cui facta est, emancipetur. Secundo si ille filius, cui facta est assignatio, decedat sine liberis. Quo casu ceteri filij, fratres huius assignatarij recipiunt pristinum ius, quod habebant in bonis liberti assignati, cui successissent, si assignatio à patre facta, non fuisset, ut dicitur *supr. in princ. huius tit.* Tercio si post factam assignationem assignatarius exheredetur l. 1. §. sed si post ff. eod. Hæc autem assignatio potest fieri in omni voluntate, tam inter vivos, quam causa mortis, & quibuscumque verbis, ut dicitur *in fine huius tit.*

De Bonorum Possessionibus.

TIT. X.

Dictum est de successione civilibus, erat videndum de Prætorij, quæ dicuntur bonorum possessiones, & ideo ponitur præsens titulus.

S. Quos autem, cum omnibus §§. seqq.

Bonorum possessio est inuenta à Prætoribus, ut is, qui à legibus ad hereditatem non admittebatur, & erat æquum admitti, per bonorum possessionem admitteretur. Prætor enim non potest facere heredem, idest dominum directum bonorum defuncti: facit tamen dominum de facto, mittendo eum, qui ex æquitate erat admittendus in bonorum possessionem defuncti, ut ita sit dominus utilis, & heres prætorius, si non directus, & civilis. Quamvis postea ad confirmationem Iuris civilis Prætor dederit eandem successionem prætoriam etiam vocatis à Iure civili. Et ita bonorum possessio fuit inducta ex triplici causa.

Prima fuit emendandi Ius civile, quoniam emancipati non succedebant de Iure civili. Sed Prætor animaduertens iniuriam esse

esse, ut filius legitimus non succederet patri, quia esset emancipatus; dedit ei ab intestato bonorum possessionem ex capite unde liberi: & si fuisset præteritus in testamento, dabat ei bonorum possessionem contra tabulas testamenti.

Secunda fuit supplendi Ius civile, ut posthumus alienus si esset institutus, quamvis non potuisset esse heres de Iure civili: tamen haberet bonorum possessionem secundum tabulas testamenti. Sic etiam plures alios ad misit Prætor, supplendo Iuri Civili.

Tertia fuit confirmandi Ius civile, ut heredes scripti in testamento, vel venientes ab intestato peterent bonorum possessionem secundum tabulas, vel ex capite unde liberi. Nam iuste possidet qui auctoritate Prætoris possidet *l. iuste possidet ff. de acquir. possess.*

Bonorum possessio sic definitur. Est ius acquirendi, retinendique patrimonij, siue rei, quæ cuiusque cum is moritur, fuerit *l. 3. ff. hoc eod. tit.*

Dicitur Ius, ad distinctionem possessionis bonorum, quæ consistit in facto. Sed melius ista appellatur rerum possessio, quia nomine bonorum veniunt etiam iura successionis *l. 3. §. bonorum ff. eod. & l. bonorum la 2. ff. de verb. signific.*

Dicitur retinendique, ad differentiam hereditatis, quia hereditas est ius acquirendi, non retinendi. Hinc est quod bonorum possessor concurrens cum herede, semper vincit, quia si heres occupat, bonorum possessor superueniens abstrahit, cum heres non habeat ius retinendi: sed si bonorum possessor occupat, heres non vincit, quia bonorum possessor habet non solum ius acquirendi, sed etiam retinendi, & sic est potentior.

Diuiditur bonorum possessio quod alia est edictalis, alia decretalis. Edictalis est, quam proposuit Prætor in edicto, pollicens se illam daturum petentibus: Decretalis est, quam postea vocatis petentibus decernit. Sed Constantinus Imperator in *l. fin. C. qui admitt.* substituit decretalem, & induxit iudicalem, disponendo quod sufficiat illam petere in iudicio, licet non decernatur.

Rursus bonorum possessio alia tribuit ius in proprietate: alia in possessione tantum, non in proprietate.

Quæ tribuit ius in possessione tantum triplex est!

Prima dicitur Carboniana, quæ datur filio pupillo, quando agnati opponunt, quod non sit filius; nam Iudex habita informatione à vicinis, quod reputetur filius, mittit ipsum in possessionem, quousque fuerit pubes, & postea discutiatur an sit filius, ut *tot. tit. ff. de Carbon. edict.*

Secunda dicitur, causa litis agnoscendæ, quæ datur quando fili-

lius

lius emancipatus est exheredatus valide, nam cum de Iure civili non habeat aliquod remedium, quia querela inofficiosi testamenti datur suis, non autem emancipatis: & bonorum possessio contra tabulas datur præteritis, non autem exheredatis; ideo Prætor admittit emancipatum exheredatum per hanc bonorum possessionem, ut interim sit custos. quousque discutatur an causa exheredationis sit vera, vel non.

Tertia dicitur, quæ ventris causa, quæ datur mulieri prægnanti ex defuncto marito, si agnati opponant, quod non sit prægnans; tunc enim Prætor sumpta informatione summaria per obstetrices, quod sit prægnans, mittit ipsam in possessionem ventris nomine, pro custodia, quousque pepererit, & postea filius natus habebit bonorum possessionem ex capite vnde liberi.

Quæ verò tribuit ius in proprietate alia est ex testamento, alia ab intestato.

Ex testamento alia est secundum tabulas; quæ datur scriptis heredibus. Alia contra tabulas, quæ datur præteritis in testamento, siue sint in potestate, siue emancipati.

Ab intestato multiplex est. Prima dicitur vnde liberi, quæ datur liberis. Secunda vnde agnati, quæ datur agnatis. Tertia vnde cognati, quæ datur cognatis. Quarta vnde vir, & vxor, quæ datur coniugi decedente altero coniuge sine cognatis usque ad decimum gradum. Vltima, quæ dicitur extraneæ, seu extraordinaria; seu quæ ut ex legibus, est illa, quæ datur illis, qui ex nouis legibus vocantur ad successionem.

Quæritur ex quo capite veniant parentes? Et aliqui dixerunt quod veniant ex capite vnde parentes. Sed non videtur verum, quia hoc caput non reperitur in Iure. Vnde alij dixerunt, quod veniant ex capite vnde liberi. Sed hoc videtur inconueniens quod parentes veniant ex capite vnde liberi. Alij demum dixerunt quod veniant ex capite vnde agnati, vel vnde cognati. Sed neque hoc videtur verum, quia agnati habent ad petendam bonorum possessionem centum dies utiles, hoc est dies iudicarios, in quibus Iudex reddit ius: & parentes habent annum. Vera tamen opinio est, quod parentes veniant ex capite vnde cognati, quia si hodie ius agnationis sublatum est, est etiam per consequens sublatum caput vnde agnati. Nec obstat quod cognati habeant solum centum dies, quia responderetur, quod quando liberi, vel parentes veniunt ex capite vnde agnati, vel vnde cognati, semper habeant annum in honorem sanguinis. Ita *tex. in l. 1. §. largius ff. de success. edit.*

Aduertendum autem est, quod hodie in omnibus successioneibus ha-

habet locum successorium edictum, per quod fingitur quod præcedens persona, seu gradus, qui non vult, vel non potest succedere, habeatur perinde ac si non esset in rerum natura, & ideo non obstat sequenti gradui, seu personæ, quò minus statim atque certum est illum nolle, vel non posse succedere, possit hic petere bonorum possessionem, licet adhuc non sit lapsum tempus, quod competit præcedenti gradui, vel personæ ad petendam bonorum possessionem, *ut in d. l. 1. ff. de success. edict.*

De acquisitione per arrogationem.

T I T. X I.

IN §. *fin. vers. hactenus supr. per quas person. nob. acquiritur* dixerat Imperator, quod dominium ex titulo vniuersali nobis acquiritur per hereditatem, per bonorum possessionem, per arrogationem, & per additionem bonorum. De duobus prioribus modis huc usque vidimus. Modò de duobus posterioribus est videndum in præsentì, & in sequenti tit.

Parentibus itaque arrogatoribus acquiritur per liberos arrogatos eisdem modis, & cum eisdem distinctionibus, quibus acquiritur nobis per liberos legitimos, & naturales, *ut in §. Igitur liberi supr. per quas pers. nob. acquir. & in §. cum autem supr. de adoptionib.* Videte quæ ibi diximus.

De eo, cui libertatis causa bona addicuntur.

T I T. X I I.

PRo intelligentia huius ultimi modi acquirendi adnotandum est, quod libertates relictæ in testamento, hereditate non adita corruunt, sicut cetera in testamento contenta. *l. si nemo la. 1. ff. de testam. tutel. & l. si nemo ff. de reg. iur.* Quod propter fauorem libertatis nimis graue videbatur. Quare Marcus Imperator constituit, ut si nemo heres extiterit ex testamento, vel ab intestato, & fuerit libertas relicta seruis, possit vnus ex illis, vel etiam aliquis homo liber petere, ut sibi addicantur illa bona hereditaria, præstita tamen cautione de satisfaciendo creditoribus. Quæ additione facta serui libertatem consequebantur, siue libertas

data esset in testamento, siue in codicillis. Hæc autem additio, seu libertatum præstatio præfertur Fisco bona illius defuncti occupanti; & ita causa libertatis fauorabilior est causa Fisci. Præterea impedit venditionem bonorum defuncti à creditoribus faciendam.

Ex his colligitur primo quòd per hanc additionem prospicitur defuncto, cuius famæ interest ne bona eius nomine alienentur. *§. licet supr. quib. ex caus. manum. non lic.* secundo prospicitur libertati, quæ per eam conseruatur *ad illi nemo.* & demum publicæ vtilitati; nam interest ciuitatem impleri hominibus liberis.


De Successionibus sublatis, quæ fiebant per Bonorum venditionem, & ex S. C. Claudiano.

T I T. X I I I.

ERant olim duo alij modi acquirendi dominium ex tit. vniuersali, præter quatuor supra enumeratos, quos Imperator hoc loco substulit.

Primus erat per venditionem bonorum debitoris, quæ olim solemniter fiebat; quo casu emptor fiebat dominus illorum bonorum tit. vniuersali. Hodie verò debitore defuncto, creditores possident officio Iudicis, & constituitur à Iudice curator, à quo venduntur dicta bona, non vni tantum sicut olim, sed diuersis, & pluribus emptoribus, absque infamia defuncti debitoris. *l. debitorum C. ex quib. caus. infam. irrog.*

Secundus modus proueniebat ex S. C. Claudiano, & erat quando mulier capta amore alicuius serui, si post trinam denunciationem à Domino serui ei factam, nihilominus commiscebatur seruo, omnia bona illius mulieris acquirebantur Domino serui ex tit. vniuersali, & ipsa mulier efficiebatur eiusdem Domini serua. *ut tot. tit. C. de S. C. Claudiano.*



De Obligationibus.

T I T. X I V.

Dictum est de duobus prioribus subiectis Iuris Civilis, quæ sunt personæ, & res, Erat modò videndum de tertio, nempe de actionibus. Verùm quia actio oritur ab obligatione tantquam à matre *l. licet §. ea obligatio ff. de procurat* idcirco prius de ipsis obligationibus agendum est.

Aduertendum autem est, quòd in nostris operationibus ad consequutionem eius, quod nobis debetur, plura sunt considerabilia, prius enim in nobis est quidam animi motus circa id, quod intendimus agere: ex animi motu nascitur consensus: ex consensu oritur conuentio: ex conuentione pactum: ex pacto obligatio: ex obligatione actio, ex actione iudicium: ex iudicio sententia: ex sententia res iudicata: ex re iudicata exequutio: ex exequutione demum consequutio iusti.

Obligatio dicitur quasi circumligatio; vnde dicimus obligare vulnus, idest circumligare vulnus. Inde sumpra est metaphora ad incorporalia, vt ex quodam vinculo Iuris intelligatur animus nosster circumligatus in eo, quòd vel natura, vel possessio, vel lex necessitat. Hinc percipitur in obligatis quædam synderesis interior, & apparet rubor quidam exterior, donec satisfecerint ei, cui sunt obligati.

§. Omnium.

Obligatio diuiditur primo quòd alia est naturalis, alia civilis.

Naturalis vno modo consideratur prout est tacite induc[t]a à natura, quæ etiam communis est brutis, vt ad conseruationem sui ipsius, & speciei, ad alendam sobolem, & similia; & hæc propriè appellatur instinctus naturalis. In hac etiam continetur obligatio antidotalis, idest remuneratoria, vt benefacienti benefaciamus *l. sed & si lege §. consuluit ff. de petit. heredit.* Hæc autem obligatio communis est cum brutis in effectu, idest in ipso instinctu: non autem in cognitione, vt dicunt DD. *hic.* Explicate eo modo, quo diximus supra de Iure naturali esse vnicum, vt in *tit. de Iur. nat. gent. & civil. in princ.*

Alio modo consideratur obligatio naturalis prout proueniens ex consensu: & ita consideratur in Iure, quæ sola est sufficiens ad producendam exceptionem, non autem actionem, ut in omnibus pactis nudis. Sed si ista naturalis coniungatur cum civili, idest si iste consensus nudus vestitur aliquo vestimento à Iure civili inducto, vel aliquo additamento Prætoris, ut infra dicemus, tunc ita mixta sufficit ad producendam actionem, qua consequi possumus quod nobis debetur. Ista autem ita coniuncta est illa, quæ definitur in princ. huius tit. scilicet obligatio est Iuris vinculum, quo necessitate adstringimur alicuius rei soluendæ secundum nostræ Ciuitatis Iura.

Ciuilis autem obligatio alia est simpliciter ciuilis, alia Prætoriana, seu honoraria, & Aedilitia. Prætoriana est quæ oritur ex edictis Prætorum, seu Aedilium. Ciuilis est quæ oritur ex reliquis partibus Iuris.

S. Fin.

Alia est obligationum diuisio, quod quædam sunt ex contractu, quædam ex quasi contractu, quædam ex maleficio, & quædam ex quasi maleficio. Nunc videndum est de his obligationibus, quæ ex contractu nascuntur, quarum quatuor sunt species; aut enim contrahuntur re, aut verbis, aut litteris, aut consensu, de quibus omnibus singillatim dicendum est.

Quibus modis re contrahitur obligatio.

T I T. X V.

AD intelligentiam notandum est primo contractum sic defini-
ri. Est duorum, seu plurium in idem placitum, & consensu l. 1. §. pactum ff. de pact. Contractus autem sic descriptus idem est quod pactum. Pactum verò aliud dicitur nudum, aliud vestitum. Nudum est quod in puris terminis naturalis promissionis consistit, ut si dico, promitto tibi vendere domum meam, & tu respondes, etiam; Nam hoc pactum est nudum à nomine, à forma à solemnitate, ab approbatione ciuili, & cum pariat solum naturalem obligationem, non est sufficiens ad producendam actionem. Vestitum autem est quod habet aliquod additamentum à lege, vel à Prætore, ad effectum ut habeat valorem ad producendam actionem.

actionem, vel sit confirmatum à iure civili.

Doctores autem dicunt pactum nudum vestiri principaliter quatuor modis.

Primò re, quando intercedit res, quæ datur, & quæ recipitur, & propter rei receptionem obligatur recipiens ad restitutionem, eiusdem rei, vel alterius eiusdem tamen qualitatis, & quantitatis, *vt in presenti tit. explicatur.*

Secundo verbis, vt per stipulationem, de qua *infra in tit. de verb. obligacionib.*

Tertio litteris, vt per confessionem mutui recepti, factam in litteris post lapsum biennij, vt *infr. in tit. de litterar. obligat.*

Quarto consensu, vt in emptione, & venditione &c. de quibus *infr. in tit. de obligat. ex consens. cum seqq.*

Alijs etiam modis dicuntur vestiri pacta nuda, vt per gloss. *hic*; veluti coherencia contractus, stipulatione pœnali, legis auxilio, principio rei, iure iurando, coherencia voluntariæ traditionis, conditionis implemento, auctoritate legis, calore iudicij, constituto &c. de quibus per DD. *in rubr. C. de pact. & præcipue per Fortun. Garz. in l. Iuris gentium §. quin imò ff. de pact.*

Notandum est secundo contractum multipliciter diuidi per DD. *in d. rubr. C. de pact.*

Prima diuisio est quod contractus quidam sunt proprii, quidam improprii, & quidam impropriissimi. Seu quidam accipiuntur strictè, quidam latè, & quidam latissime.

Proprii, seu stricti sunt illi, qui ab vtraque parte producant obligationem, vt emptio, & venditio, locatio, & conductio &c. qui etiam dicuntur respectiui. Talis autem contractus definitur *in l. Labeo libro primo ff. de verb. signific. est vtrò, citroque obligatio.*

Improprii, seu lati comprehendunt quodcumque pactum obligatorium, & est quando ex vna tantum parte nascitur obligatio, vt est in donatione &c.

Impropriissimi, seu latissimi sunt illi, ex quibus nulla nascitur obligatio, & si nascitur, statim dissoluitur de communi consensu contrahentium; & hi propriè distractus appellantur *l. 1. vbi DD. C. quand. lic. ab empt. disced.*

Interest autem cognoscere has species ob verba statutorum, quæ cum strictè, & propriè interpretari debeant *l. 3. §. hac verba ff. de negot. gest. Carpanus ad statut. Mediolan. cap. 122. num. 2. volum. 1. & in prælud. num. 247.* vbi plures DD. adducit, proprios contractus solum complectuntur, vt aduertit *las. in addition.*

dition. ad Port. in rubr. tit. preced. num. 2.

Secunda diuisio contractuum est, quod quidam sunt de iure gentium, prout sunt fere omnes *l. Iuris gentium ff. de pact. l. ex hoc Iure ff. de Inst. & iur.* Quidam verò sunt de iure civili, & sunt quatuor, nempe sponsalitia largitas, stipulatio, litterarum obligatio, & emphiteusis. Contractus verò feudales non ex iure scripto, sed ex consuetudine ortum habuere, vt per feudistas in *præfat. feudor.*

Tertia diuisio est, quod quidam sunt nominati, & quidam, innominati. Nominati sunt qui habent speciale nomen, vt mutuum, depositum, emptio, venditio &c. Innominati sunt qui non habent speciale nomen, sed remanent in generico nomine contractus, vt in *d. l. Iuris gentium §. igitur nuda, & ibi gloss. ff. de pact.*

Innominatorum autem quidam sunt innominati simplices, & quidam innominati corresponsiui. Simples sunt, qui nec nomen speciale habent, nec ullam corresponsiuitatem ad aliquid, prout sunt pacta nuda, vt supra diximus. Corresponsiui sunt, qui licet nomen speciale non habeant, habent tamen corresponsiuitatem, ad aliquid, & istorum quatuor sunt species, scilicet, do vt des, do vt facias, facio vt des, & facio vt facias, de quibus omnibus habetur in *l. naturalis ff. de præscript. verb.*

Interest autem cognoscere, an contractus sint nominati, vel innominati, quia nominati fuerunt approbati à Iure: innominati verò nec approbati, nec reprobati fuerunt, vt notant DD. in *rubr. ff. de verb. obligat.* Præterea contractus nominati pariunt obligationem efficacem: innominati verò inefficacem. Demum in contractibus nominatis non habet locum pœnitentia: in innominatis verò simplicibus, & in corresponsiuis ante adimplementum ab vna parte habet locum pœnitentia *l. si pecuniam ff. de condict. caus. dat. caus. non sequit.*

Quarta diuisio est quod quidam contractus sunt gratia dantis tantum, vt est depositum: quidam gratia recipientis tantum, vt est commodatum: & quidam gratia vtriusque, vt emptio, & venditio &c.

Interest autem cognoscere has species, quia in contractu gratia dantis tantum non venit nisi dolus, & culpa lata ipsius recipientis: in contractu gratia vtriusque venit etiam culpa levis: & in contractu gratia recipientis tantum venit etiam culpa lenissima. *l. si vt certo §. nunc videndum ff. commodat.*

Quinta diuisio est quod quidam sunt contractus bonæ fidei, & quidam stricti iuris, vt dicemus in §. actionum infr. de actionib.

Sexta demum diuisio est, quod quidam contractus celebrantur

re, quidam verbis, quidam litteris, & quidam consensu, ut iam supra diximus.

His adnotatis incipiamus modò ab obligationibus, quæ ex contractu nascuntur, inter quas primum locum obtinent illæ, quæ re contrahuntur, de quibus in præsentî tit.

Quinque sunt species harum obligationum, scilicet mutuum, receptio indebiti, commodatum, depositum, & pignoris receptio; In his enim omnibus semper intercedit res, quæ datur, & recipitur, & ad cuius restitutionem recipiens tenetur, vel alterius eiusdem qualitatis, & quantitatis.

Primum exemplum, quòd ponitur in princ. huius tit. est in mutuo. Mutuum autem dicitur, ex eo quòd de meo fit tuum, quasi meum tuum. Ita autem de meo fit tuum, ut id quòd datur debeat redire ad dantem; & hæc est ratio, cur emptio, & venditio v.g. non dicatur mutuum, licet res vendita de mea fiat tua, quia in emptione, & venditione ita meum fit tuum, ut amplius res non debeat redire ad dantem, sicut debet redire in mutuo.

Mutuum autem sic definitur. Est contractus consistens in traditione rei vel ponderabilis, vel numerabilis, vel mensurabilis. Ratio autem quare potius in his rebus consistat mutuum, quam in aliis est registrata in l. 2. §. *mutui datio ff. si cert. per.* quia res quæ sunt ponderabiles, numerabiles, & mensurabiles recipiunt omnimodam functionem, idest similitudinem in genere suo, ita, ut restituendo tantumdem eiusdem qualitatis, & quantitatis, videtur restitui eadem res, & sic res data dicitur quodamodò redire ad dantem.

Plura igitur ad mutuum requiruntur.

Primum requisitum est, ut res quæ traditur, sit ponderabilis, vel numerabilis, vel mensurabilis. Sed ad hoc sufficit quòd potentia, & natura sua sit talis. Vnde etiam in unitate potest fieri mutuum, quia licet unitas non sit numerus, sed principium numeri, ex quo numerus est collectio plurium unitatum, tamen idem iudicamus de principio actus, ac de ipso actu l. *non ideo minus, & ibi gloss. C. de hered. instit.* Imò numerus duplex est, alius dicitur numerabilis, ut est unitas: alius dicitur numeratus, ut sunt duo, tria &c. Possumus autem dicere, quòd intelligitur textus noster de numero generaliter, tam numerato, quàm numerabili, cum dicat simpliciter, & indefinitè, mutui datio consistit in rebus, quæ pondere, numero, & mensura constant.

Secundum requisitum est, quòd trasferatur dominium rei, & detur potestas consumendi, & recipiens obligetur ad tantumdem, idest

ideſt ad aliam rem eiſdem generis, qualitatis, & quantitatis. Sed ſi recipiens poſtea non egeat, & reſtituat eamdem rem dicitur nihilominus mutuum eſſe contractum, quia ſufficit ea intentione fuiſſe datam rem.

Tertium requiſitum eſt, quòd res illa de ſui natura ſit ponderabilis &c. Vnde non poteſt fieri mutuum dando librum v. g. ad pondus, quia hic de ſui natura non eſt ponderabilis.

Quartum requiſitum eſt, vt ſit conſuetudo in illa regione, quòd illa res detur ad pondus &c. Ita DD. communiter.

Porrò mutuum aliud eſt regulare, aliud irregulare. Regulare eſt quando intercedunt prædicta requiſita. Irregulare, quando aliquod ex illis deficit.

Item mutuum aliud eſt naturale, aliud ciuile. Naturale eſt quando verè intercedit pecunia data à domino, qui poteſt tranſferre dominium. Ciuile eſt, quando non apparet an pecunia interceſſerit, ſed eſt facta apoca, in qua conſtitetur quis ſe recepiſſe mutuum, & promittit certa die ſe reſtituturum, & poſtea lapſum ſit biennium, vt videbimus *infra in tit. de litter. obligat.*

Rurſus diuiditur, quia aliud eſt mutuum naturale, cui ius ciuile fauet, & aliud eſt mutuum ciuile, cui natura fauet. Primum eſt, vt ſi mutuauit tibi pecuniam, & ſtipulatus ſum eam à te mihi reddi certa die; ſtipulatio enim eſt iuris ciuilis fomentum. Secundum eſt, vt ſi mutuauit tibi pecuniam, & eram pupillus, poſtea factus maior ratum habui mutuum. Vel ſi mutuauit tibi pecuniam Titij, & poſtea Titius ſciens, mutuum ratum habuit. Quibus caſibus dicitur concillari mutuum. Primo per ſuperuenientem ætatem cum conſenſu. Secundo per ſcientiam cum ratificatione domini, vt per gloſſ. in l. 2. §. appellata in verb. tuum *ſſ. ſi cer. pet.*

Præterea mutuum aliud eſt verum, aliud palliatum. Verum eſt, cum verè mutuatur pecunia. Palliatum euenit in alijs contractibus v. g. vendidi tibi domum meam, vt ſolueres mihi pretium poſt annum; nam intelligitur quòd ſtatim mihi ſolueris pretium, & quòd poſtea ego illam pecuniam tibi mutuo dederim, reſtituendam poſt annum; quo caſu ſi ratione temporis aliquid ultra fortem recipitur, eſt uſura palliata. Item ſi ſolitus eram locare domum meam pro centum anticipatè ſolvendis, & deinde locaui illam pro centum & decem in fine ſoluendis, eſt mutuum palliatum, & uſura palliata, niſi tamen accipiantur illa decem loco intereſſe lucri ceſſantis, & damni emergentis, vt communiter dicunt DD. in c. 1. de uſur, quod tamen intereſſe pro-

probandum est concludenter, quia debet esse euidens, ut per eosdem DD. *ibid.*

Ex mutuo oritur actio, quæ appellatur certi conditio, quia nihil est certius mutuo, cum sciatur quid, & quale sit restituendum *l. certum ff. si cert. pet.* Et hæc actio est personalis; & cum transferatur dominium, mutuarius tenetur de dolo, lata, leui, & leuissima culpa, & etiam de casu fortuito, quia cum transferatur dominium, ut dixi, obligatur ad genus, quod perire non potest *l. incendium C. si cert. pet.*

S. Is quoque

Secundum exemplum est in receptione indebiti soluti per errorem; unde qui illud recepit obligatur perinde ac si mutuum recepisset. Sed si indebitum fuisset consulto solutum, esset donatio *l. cuius per errorem ff. de reg. iur.* Pupillus autem eo modo tenetur per receptionem indebiti, quemadmodum tenetur ex mutuo; ideoque si absque tutoris auctoritate illud recepit, & perdidit, non tenetur ad restitutionem, sicut si pecuniam mutuo recepisset sine tutoris auctoritate, eamque consumpsisset, ad nihil teneretur. Ex hoc autem contractu receptionis indebiti oritur actio personalis, quæ dicitur conditio indebiti.

S. Item is

Tertium exemplum est in commodato; commodatarius enim obligatur ad eiusdem rei restitutionem. Commodatum autem est traditio rei ad certum usum gratuito facta. Dicitur gratuito, quia si detur merces, est locatio; si aliquid aliud statuatur, est contractus innominatus.

Commodatum sumitur in genere, & in specie. In genere comprehendit etiam mutuum, in quo datur commodum pecunie; sed in specie, accipitur ut hic; & est traditio rei, quæ non sit nec numerabilis, nec ponderabilis, nec mensurabilis, cuius usus datur determinatus, alias si non esset determinatus, sed ad libitum dantis, esset precarium, ut tot. tit. ff. de precar. In commodato autem restituitur eadem res, & non transfertur dominium. Ex quo colligitur, commodatum duplex esse, regulare, & irregulare. Regulare est quando restituitur eadem res, & non transfertur dominium ut diximus. Irregulare est quando transfertur dominium, & commodatarius tenetur ad tantumdem, ut in *l. fin. in fin. ff. de*

praescript. verb. In commodato autem irregulari ex eo quod transfertur dominium, tenetur commodatarius etiam de casu fortuito. Sed in commodato regulari distinguitur. Aut commodatum est gratia commodantis tantum, & tunc commodatarius tenetur de dolo, & lata culpa, non de leui. Aut est gratia commodatarii tantum, & tunc tenetur etiam de leui, & de leuissima. Aut est gratia utriusque & tunc tenetur etiam de leui, non autem de leuissima, ut per gloss. *hic* & communiter DD. Ex commodato autem datur actio personalis, quæ dicitur commodatio.

S. Præterea.

Quantum exemplum est in deposito; Depositarius enim tenetur ad eiusdem rei restitutionem, & datur actio depositi personalis. Depositum autem est traditio rei causa custodiæ facta: Et duplex est, regulare, & irregulare. Regulare est, quando non transfertur dominium, & restituitur eadem res. Irregulare, quando transfertur dominium, & non restituitur idem, sed aliud, eiusdem tamen generis, qualitatis, & quantitatis, ut est pecunia numerata, quæ datur argentario causa custodiæ; tunc enim cum in argentarium, transferatur dominium, tenetur argentarius etiam de casu fortuito *l. die sponsaliorum §. i. ff. de posita*.

S. Finis.

Quintum, & ultimum exemplum est in receptione pignoris; creditor enim, qui recipit pignus à suo debitore, tenetur ad eiusdem rei restitutionem per actionem personalem, quæ dicitur pignoratitia, seu actio pignoratitia. Sed quia pignus custoditur tam gratia creditoris, quam debitoris, ideo non tenetur creditor recipiens pignus, nisi de dolo, lata, & leui culpa.

Agitur autem in hoc §. non de pignore iudiciali, quod contingit, cum Iudex mittit in possessionem actorem bonorum ipsius rei, ut sententia mandetur executioni: nec de pignore Prætorio, quod item à Iudice constituitur nulla præcedente sententia, quæ si præcederet, esset iudiciale, ut contingit in damno infecto, quando reus non vult canere, actor petit mitti in possessionem bonorum ipsius rei, ut caueat de damno infecto, id est de damno non dum factio, sed quod timetur. Gloss. in *l. fin. C. de prator. pign. in verb. pratorium*. Sed agitur *hic* de pignore conventionali, quod duplex est, expressum, & tacitum: Expressum est quod fit per pactum.

Taci-

Tacitum, quod etiam legale dicitur, est quod eo ipso intelligitur in aliqua re ex legis dispositione. v.g. quod bona inuecta in domum ab inquilino intelligantur tacite obligata pro pensionibus *l. item queritur §. qui impleto ff. locat. & l. interdum ff. qui potior. in pign. habcan.* vbi tacite est obligata illa res, quæ non potest conservari sine impensa alterius. Ita etiam bona mariti sunt tacite obligata pro dotis restitutione *l. assiduus C. qui potior. in pignor. hab. &c.*

De Verborum Obligationibus.

T I T. X V I.

Sequitur secunda species obligationum, quæ ex contractu nascuntur, quæ nuncupatur verborum obligatio; & quamvis pro stipulatione sæpe ponatur, nihilominus differunt, quia stipulatio est causa, & verborum obligatio est effectus; ex contractu enim stipulationis oritur obligatio, quæ verborum dicitur, quia sine verbis esse non potest.

Sic autem definitur stipulatio. Est verborum conceptio, quibus is, qui interrogatus est, se daturum, facturumve id, de quo interrogatus est, responderet. Quæ definitio est registrata in *l. stipulationum alia §. stipulatio ff. eod.* Dicta est autem stipulatio potius ab interrogante, quàm à promittente, quia creditores nobiliores, & potiores sunt debitoribus. Notatur in *rubr. ff. de reb. credit.* quæ non inscribitur *de rebus debitis*.

Stipulatio est contractus inductus à Iure civili propter necessitatem, & utilitatem. Necessitas est in illis actibus, qui sine stipulatione non subsistunt, prout sunt acceptilatio, fideiussio, & promissiones iudiciariæ, veluti de sistendo in iudicio, de iudicatum, soluendo &c. Utilitas est in contractibus Iuris gentium tam nominatis, quàm innominatis; innominati enim de se actionem non pariant: sed si deducantur in contractum stipulationis, producant actionem *l. ex placito C. de rer. permut.* Est etiam utilis stipulatio in contractibus nominatis, quia si contractus nominatus, qui sit Iuris gentium, deducatur in stipulationem v.g. si dicas vendis mihi stipulanti pro mille domum tuam? Et ego respondeam, vendo: non solum erit contractus venditionis, sed etiam stipulationis, ut concluditur per DD. in *rubr. ff. eod. & in l. singularia ff. si cert. petat.* & sic duæ competunt actiones.

Stipulatio ut fieri possit plura requiruntur. Primò ut ad sint

verba vocalia articulatiim expressa. Secundò quòd contrahentes sint presentes. Tertio quòd se exaudiant. Quarto quòd se intelligant. Quinto quòd habeant animum faciendi stipulationem. Sexto quòd sint personæ habiles ad contrahendum. Septimo quòd stipulatio fiat de re, quæ cadat in commercio hominum. Octauo quòd sit interrogatio, & responsio, & interrogatio præcedat, responsio sequatur. Nono quòd responsio sit congrua interrogationi. Decimo quòd responsio sit immediatè sequens ad interrogationem, quia si esset magnum intervallum, ut si quis post interrogationem veller prius prandere, & postea responderet, stipulatio esset inutilis *l. continuus ff. eod.*

Ex verborum obligatione duæ oriuntur actiones personales. Altera est conditio certi, quæ competit, si res, quæ in stipulationem deducta est, certa sit. Altera dicitur actio, ex stipulatu, quæ datur quandocumque res incerta est, ut si stipulatus sum à te damna, & interesse. Limitatur hoc in privilegio dotis, quæ licet certa sit, pro ea tamen datur actio ex stipulatu *l. unic. C. de rei uxor. actio. & §. fuerat infr. de actionib.*

§. In hac re.

Quamvis stipulatio esset verborum conceptio, idest formula, consistens in certis verbis, ut spondes? Spondeo. promittis? promitto, & cetera, quæ enumerantur in textu: hodie, tan en hæc sollemnitas verborum sublata est per constitutionem Leoninam: imò omnes formulæ hodiè sunt sublatae *l. 1. C. de formul. sublat.* Vnde quibuscunque verbis facta sit, stipulatio tenet, dummodò non sint verba hostilia, & per illa se intelligant contrahentes.

Ex quo dubitatur numquid stipulatio possit fieri per cifras. Et DD. concludunt quòd possit fieri, dummodò cifrae constant in verbis, & non in litteris; per litteras enim contrahi non potest, etiam si partes convenissent inter se de significatione illarum litterarum v.g. quòd A. significet promittis? B. mille. C. promitto, ut ad vertit gloss. *hic in verbo, quibuscunque.* Et ratio est, quia stipulatio non contrahitur sine verbis, cum sit conceptio verborum. Sed A. B. C. non sunt verba: sed characteres, & elementa verborum, cum verba sint voces articulatae, protrahæ in plures seu litteras, seu syllabas, secundum communem conceptum hominum; ergo non potest stipulatio fieri per cifras constantes ex litteris. Præterea si talis protestatio declarat elementa verborum, & est sufficiens, ut per eas fiat stipulatio, non videtur assignabilis ratio, quare

quare non possit etiam declarare nutus, ita ut per eas quoque possit stipulatio fieri. Sed per nutus non potest fieri stipulatio, etiam præcedente protestatione de illorum nutuum significatione, non nisi quia nutus non sunt verba, quæ requiruntur ad stipulationem *l. 1. §. si quis ita, & ibi D D. ff. eodem*. Ergo stipulatio non potest fieri per cifras constantes ex solis litteris, etiam præmissa significatione inter partes illarum litterarum.

S. Omnis stipulatio.

Stipulatio potest fieri purè, vel in diem, vel sub conditione.

Purè fit, ut si dicam, decem aureos dare mihi spondes? Et tu respondes, spondeo. Tunc autem confestim peti potest, quia iam cessit & venit dies *l. cedere diem ff. de verb. signif.* Hoc autem non intelligitur ita rigorosè, ut statim omninò peti possit, sed dato termino decem dierum, ut per gloss. *hic*, vel Iudicis arbitrio, ut per Sylvestr. post hanc gloss. Sed melius intelligitur, quòd confestim peti possit, idest illicò nascatur potentia petendi, quamvis exercitium, seu actus impediatur Iudicis arbitrio.

In diem stipulatio fit quando adijcitur dies v.g. promittis mihi dare centum primis Kalendis Augusti? promitto. Quo casu in ipsis Kalendis Augusti cedit dies, quia incipiunt deberi: non autem venit dies, nisi Kalendæ sint præteritæ *d. l. cedere diem*, & tunc peti possunt.

S. At si ita.

Sed dubitatur quid si quis ita stipuletur, promittis mihi dare decem annua quoad vivam, sit pura stipulatio, an verò in diem? ex quo tempus est adiectum. Et dicitur esse pura, & perpetuari; unde etiam me mortuo heres meus de rigore iuris petere poterit: sed de æquitate datur debitori exceptio pacti contra heredem petentem, quia intelligitur in illa stipulatione pactum, ut mortuo stipulatore non fiat amplius solutio. Ratio autem quare hæc stipulatio pura intelligatur, est, quia tempus nihil est; unde non est modus tollendi, aut inducendi obligationem *l. obligationum fere ff. de actionib. & obligat.* Et hoc declarat Corasius in *l. servitutibus ff. de servitut.* Nam obligatio imprimit quodammodò characterem in animo, qui non potest per tempus deleri sine alio hominis facto: sicuti si quis imprimeret characterem in equo, & diceret volo quòd duret per mensem, nihilominus ulterius durabit, quia illa

illa determinatio temporis non potest tollere characterem iam
impresum. Ita explicat idem Corasius, & etiam Bart. *ibid.*

S. Sub conditione

Sub conditione stipulatio fit, cum in aliquem casum differtur obligatio, ut promittis mihi decem, si Consul factus fueris? Quo casu non cedit, nec venit dies, idest non incipiunt deberi, nec debentur, nisi conditio extiterit *d. l. cedere diem*, cum possit esse quod conditio non existat: secus si conditio sit certa, ut promittis mihi decem, si Titius morietur?

S. Si quis ita

Si sit conditio potestatiua negatiue concepta, tunc perinde est, ac si stipulatus essem dari mihi decem cum moriar. Exemplum. Promittis mihi decem, si Capitolium non ascendero? cum non possit verificari ista conditio, nisi per mortem stipulatoris, cum viuens possit quacunque die ascendere; & ideo perinde est ac si stipulatus essem dari mihi decem, cum moriar.

Dubitatur autem, an stipulator possit aliquo modo petere promissum in vita sua? Et respondetur quod potest, offerendo cautionem Mutianam. Mutiana cautio est, quod ego caueo, idest promitto non facere, & si fecero, promitto me restitutum quod accepero cum toto interesse, obligando me &c. Quod habet locum in vltimis voluntatibus factis sub conditione potestatiua negatiue concepta. *l. Mutiana cautionis ff. de condition. & demonstrat.*

An autem ista cautio possit etiam offerri in contractibus, est questio. Et pro negatiua facit hic textus, cum dicat, perinde est ac si stipulatus essem dari sibi decem cum morietur; non enim ita esset, si posset peti statim, offerendo cautionem Mutianam. Tamen pro affirmatiua concluditur, ea ratione, quia valet argumentum de vltimis voluntatibus ad contractus, quando militat eadem ratio. Euerard. *in sua centur. in hoc loco argum.* Eadem autem ratio militat in utroque casu, scilicet, ut stipulatio fiat utilis in vita ipsius stipulatoris. Ad rationem in contrarium adductam respondetur, quod hic textus loquitur, quando non offertur ista cautio, & sic ex natura istius stipulationis. Secus autem si ista cautio offeratur, quia tunc statim peti potest.

S. Ex conditionali

Si stipulatio facta sit sub conditione, spes tantum vertitur; idest illud incertum conditionis, quod possit, vel non possit existere; & hoc incertum est in rerum natura *l. 1. C. de pass.* licet conditio ipsa non sit in rerum natura, nisi euenerit. Hæc autem spes conditionis in contractibus transmittitur ad heredes; quod non contingit in legatis, quia mortuo legatario conditione pendente, extinguitur legatum. Ratio autem differentie est, quia contractus sunt firmiores ultimis voluntatibus in hoc sensu, idest quatenus contractus descendunt ex voluntate duorum *l. 1. §. pactum ff. de pass.* & ultimæ voluntates descendunt solum ex voluntate vnius, nempe testatoris *l. non idcirco C. de Codicill.*

S. Loco

Locus solutioni adiectus in stipulatione facit, ut habeat tantum tempus adiectum v. g. si dicas, promittis mihi dare decem Neapoli? ideoque si quis stipulatur dari sibi hodie decem Neapoli, inutilis erit stipulatio, cum sit impossibilis repromissio. Dubitatur autem numquid interea detur exceptio, an verò non sit nata obligatio? Et communiter concludunt esse natam obligationem, & actionem, sed impediri per exceptionem.

S. Conditionis

Conditio respiciens tempus præsens, vel præteritum non est propria conditio, quia non suspendit obligationem, ex quo si in rerum natura ita est, ipso iure obligatio etiam nascitur; si verò ita non est, nunquam nascitur, nec suspenditur. Propria itaque conditio est illa quæ respicit tempus futurum, in quo potest esse, vel non esse.

S. Fin.

In stipulatione possunt deduci non solum dationes, sed etiam facta; & appellatione facti venit etiam non factum. Inter dationem autem, & factum seu non factum est discrimen, quia si stipulor mihi rem dari, debitor debet præcisè dare: si verò stipulor aliquid mihi fieri, vel non fieri, debitor potest soluere interesse,

se, & liberari *l. si insulam ff. cod.* In stipulatione autem facti, vel non facti optimum est adijcere pœnam, ne interesse aëoris incerto sit, ut dicitur in *tex.* sed hodie de Jure Canonico, & per statutum Urbis pœna conventionalis non potest peti ultra quàm interfuit; unde ad hoc ut possit peti quantitas ipsius, debet probari interesse.

De duobus Reis stipulandi, & promittendi.

TIT. XVII.

Postquàm visum est quomodò vnus obligetur alteri per stipulationem, sequitur videre, quomodò plures obligentur vni, vel vnus obligetur pluribus.

Rei in hoc tit. dicuntur non à reatu, sed à re, quia concurrunt ad eandem rem. Duorum autem appellatione veniunt etiam plures; unde & correi dicuntur, qui sunt insolidum vel creditores, qui dicuntur correi stipulandi, vel insolidum debitores, qui dicuntur correi promittendi.

Correi stipulandi fiunt, quando plures stipulantur eandem rem sibi dari insolidum, & tunc debitor potest vni soluere solidum, & liberari.

§. Duo, pluresuè, cum omnibus §§. seqq.

Correi debendi, seu promittendi fiunt, quando plures promittunt eandem rem insolidum. Et effectus est quòd creditor potest petere solidum ab vno tantum. Constituuntur etiam correi debendi, si fideiusor accesserit uti principalis principaliter, & in solidum, quæ clausula censetur apposita in obligatione camerali. Hoc tamen non procedit, quando est diuersitas obligationis, vel aliqua imparitas inter obligatos. v. g. quando vnus obligaretur purè, & alter sub conditione, vel in diem: vel quando vnus obligaretur pro determinata parte debiti, non pro toto: vel quando vnus obligaretur ad vnam rem tantum in stipulatione deductam, non ad omnia &c. Bart. in *l. fin. col. 1. versic. quandoque est diuersitas ff. de duob. reis.* Aretin. in *l. cum duos num. 2. ff. cod. tit. de duob. reis.*

Hodie autem correi debendi habent beneficium, per quod si alter sit soluendo, & sit præsens, non potest compelli ad soluendum

dum nisi partem suam *auth. hoc ita C. de duob. reis*. Habent etiam aliud privilegium, quod causa eorum communiter debet examinari, & omnes simul sint citandi. Quibus beneficijs non gaudent, quando illis renunciaverint. In obligatione autem camerali intelligitur facta renunciatio omnium iurium, & privilegiorum.

De Stipulatione Servorum.

TIT. XVIII.

Non solum per nos metipsos, sed etiam per servos nostros possumus stipulari. Servus autem cum non sit Cuius Romanus, non habet ius stipulandi, nisi ex persona Domini sui. Et si hereditas est iacens, & ipse sit servus hereditarius, habet ius stipulandi ex persona defuncti representati per hereditatem iacentem, quia hereditas iacens representat personam defuncti, non autem futuri heredis, cum defunctus sit certus, heres vero futurus incertus, cum possit nolle esse heres, ut alias diximus.

§. Siue autem.

Ceterum servus stipulando siue sibi, siue Domino, siue conferat, siue impersonaliter, ut quia dixisset, promittis centum? Et non dixisset, cui, semper acquirit domino *l. stipulatio ista §. sicut autem, & §. si quis ita ff. de verb. obligat.* Si vero ille, qui debet respondere, responderet etiam impersonaliter, nempe si diceret, promittitur tibi, vel satisfaciet tibi, & non diceret, a quo, inutilis esset stipulatio, quia non oritur obligatio, loquutio enim impersonalis non comprehendit personam loquentis. *l. inquisitio C. de solutionib. & clarius in auth. si quando C. de constit. pecun.*

Idem intelligitur in Monacho, qui ex persona sua non habet ius stipulandi, ex quo Monachi dicuntur mortui mundo *l. Deo nobis C. de Episc. & Cleric.* Vnde capacitatem habent a Monasterio, cui acquirunt, quatenus Monasterium sit capax acquirendi.

Filius familias autem habet ius stipulandi ex persona sua, cum hac tamen distinctione, ut si stipuletur ex causa castrensi, vel quasi v.g. dari sibi arma, vel libros, vel stipendium, vel honorarium, &c. totum sibi acquirit: Si vero ex causa profectitia, ut si stipuletur ab amico Patris, vel contemplatione Patris &c. totum Patri acquirit: Si ex causa adventitia, ut si stipuletur aliquid ab amico

suo, vel sui contemplatione, tunc proprietatem sibi acquirit, vsum, fructum verò Patri, vt dictum est supra in tit. per quas person. nob. acquirit.

S. Sed cum factum.

Seruus est capax facti, quia factum est quid naturale; vnde si stipuletur licere sibi ire, vel agere per fundum alterius, sibi stipulatur, & ipse solus poterit ire, vel agere, non autem Dominus. Item si stipuletur sibi dari vestem, vel prandium, quia ista naturalia sunt, quorum sunt capaces serui. l. quod attinet ff. de reg. iur. Neque obstat si quis dicat, quòd stipulatio est quid facti, cum sit contractus, & tamen seruus non est capax ipsius. Quia responderetur quòd stipulatio est factum ciuile, cuius non est capax seruus; sed ire, agere &c. est factum naturale, cuius seruus capax est. Et est notandum, quòd rectè dicitur in textu, ire, vel agere, & non dicitur, iter, vel actus, quia iter, & actus sunt ius, & non factum, vt diximus supr. in tit. de seruitiis. prædior. quod ius seruus acquireret domino, & non sibi; per stipulationem autem interpositam super factum naturale, seruus sibi acquirit.

S. Fin.

Si communis sit seruus, qui stipulatur, acquirit cuique ex dominis pro portione domini, nisi nominatim ad fauorem vnus tantum fuerit stipulatus, aut vnus tantum iussu, quia tunc ei solum acquirit, aut si alteri ex condominis acquiri non possit, ex eo quia incapax sit, tunc totum ceteris acquirit.

De Diuisione stipulationum.

TIT. XIX.

Stipulatio in genere sumpta, de qua huc vsque dictum est, plures sub se complectitur species; Alia enim est Iudicialis, alia Prætoria, alia communis tam Prætoria, quam Iudicialis, & alia est conuentionalis.

Iudicialis est quæ pendente iudicio incidenter interponitur, vt si ego peto à te iudicialiter equum, quem possides, peto etiam vt interea mihi promittas per stipulationem, quòd non facies do-

lo malo , quo minus ego ipsum consequar.

Prætoria est quando principaliter aditur Prætor , vt faciat interponere aliquam stipulationem. v. g. domus tua minatur , ruina- nam, vereor ne in meam corruat, peto à Prætorè quòd faciat , vt tū mihi promittas per stipulationem de damno infecto , idest non dum facto , sed quod timetur .

Communis tam Prætoria, quam iudicialis est illa, quæ peti potest tam principaliter , quàm incidenter , vt stipulatio, rem pu- pilli saluam fore &c. vt habet Theophilus *hic*.

Conventionalis est, quæ ex conventionione partium procedit ad eorum libitum , cuius genera innumera sunt , prout innumera sunt genera negotiorum .

De Inutilibus Stipulationibus.

T I T. X X.

Stipulationes de quibus diximus, varijs ex causis redduntur inutiles, quod vt intelligatur, ponitur præsens titulus .

Vtilis stipulatio dicitur, quæ tendit ad vtilitatem ciuium . Sed melius dicitur, quòd stipulatio utilis sit illa , quæ vti possumus in iudicio ad effectum consequendi quod nobis promissum est, & ideo ponitur in C. titulus de contrahenda, & committenda stipulatione, idest de stipulatione facienda , & ea facienda, quæ utilis est; cum enim utilis est, tunc dicitur committi, idest habere effectum. Vnde inutilis stipulatio dicitur, quæ & si facta sit, & habeat formam stipulationis, ea tamen vti non possumus, vt patet in exemplis positis in hoc titulo.

S. Idem Iuris est.

Si deducatur in stipulationem res quæ non est, nec potest esse in commercio hominum: vel quæ non est, nec futura est in rerum natura , vt si res sacra, liber homo , aut chimera , vel quid simile deducatur in stipulationem, stipulatio inutilis est. Nec valet, etiam si postea res illa fieret talis , vt posset deduci ad tex. in l. 1. §. fin. in fin. ff. commod. & in l. quod ab initio ff. de reg. iur. neque talis euentus exprimi potest in ipsa stipulatione, nempe si res sacra fiat profana, si liber homo fiat seruus &c. quia non sunt expectandi tristes futuri euentus. Et si res profana deducta in stipulationem

veniat ad casum, quo non possit amplius deduci, ut quia v.g. incipiat res illa esse sacra, tunc stipulatio cessat, nisi ex facto ipsius promissoris hoc euenerit, quia in tali casu remanet stipulatio pro danno, & interesse, ad quod teneretur promissor.

S. Si quis alium.

Si promittis quod Titius dabit mihi centum, vel quod scribet mihi librum, est inutilis stipulatio, quia cum pendeat a facto alieno, promissio nulla est, nisi principaliter promittatur factum proprium, ut si promitteres te facturum, quod Titius dabit mihi centum &c. quo casu si ex parte tua facies totum posse, liberatus es, nisi tamen ita promiseris, quod faciendo tuum posse, non intelligaris liberatus; tunc enim teneberis ad interesse, quia aliquo modo factum proprium promissisti. Item teneberis si mediò iuramento promiseris factum alienum, ut notatur in l. si Insulam ff. de verb. obligat. Item si pœna sit adiecta ut in §. versa vice, infr. hoc cod. tit. & sunt alij plures casus, ut per DD. hic.

S. Si quis alij.

Nemo potest stipulari ad fauorem extranei, idest eius, qui non habet ipsum in potestate, quia stipulationes sunt inuentæ, ut unus quisque acquirat quod sua interest §. alteri, infr. cod. & l. stipulatio ista §. alteri ff. de verb. obligat. Limitatur hoc in stipulatione ad pias causas, & in alijs casibus, prout in gloss. & per Aretinum hic.

S. Plane.

Solutio autem in extraneam personam conferri potest, dummodo id actum sit, ut stipulatori acquiratur v.g. si quis ita stipularetur, mihi aut Scio centum dare spondes? obligatio ad fauorem stipulatoris nascitur: solutio verò potest fieri Scio, etiam me stipulatore inuito, & promissor liberatur ipso iure. Sed stipulator habet tunc contra Scium extraneum actionem mandati, quasi ei mandasset, ut solutionem reciperet; quod si mandatum non præceisset habebit actionem negotiorum gestorum, ut per DD. hic.

S. Quòd si quis.

Si ego stipulor dari mihi, & extraneo rem diuiduam, valet stipulatio in parte pro mea persona, pro parte verò extranei non valet. Ex quo colligitur quòd in contractibus regulariter non habet locum ius crescendi. Si verò res quæ deducitur in stipulationem indiuidua est, vt si quis stipularetur sibi, & extraneo iter per fundum alterius, totum sibi stipulator acquirit, ex quo iter est quid indiuiduum, & non potest pro parte dari, & pro parte non *l. stipulationes non diuiduntur ff. de verb. oblig.*

Sed contra potest opponi de textu in *l. fundus ille ff. de contrah. empti.* vbi si emi fundum pro me, & Titio, totus fundus ad me pertinebit excluso Titio tanquam superuacaneo; ergo in contractibus habet locum ius accrescendi.

Respondet ibi gloss. quòd in emptione ideo est locus iuri accrescendi, quia aliàs venditor grauaretur, nisi totus fundus esset emptus, cum ipse totum fundum vendere intellexerit. Sed potest etiam responderi, quòd hoc in contractu emptionis est speciale, quia in emptione venit factum, nempe traditio, vt factum est quid indiuiduum *d. l. stipulationes non diuiduntur.*

S. Ei verò

Si Pater stipulatus est dari aliquid filio suo, stipulatio utilis est, & pater sibi acquirit. Sic si filius stipuletur aliquid dari patri suo, etiam patri acquirit, cum nec per momentum dominium rei apud filium esse possit *l. placet ff. de acquir. hered.* Sed si filius stipuletur sibi aliquid dari, etiam patri acquirit, quia vox patris vox filij, cum vna, & eadem persona iudicentur *l. fin. C. de impub. & alijs substitut.* Sed cum filius sibi stipulatur, est repetenda illa distinctio, quæ tradita est in *tit. supr. per quas person. nob. acquir.* an scilicet stipulatio sit ex causa castrensi, vel quasi castrensi &c.

Item potest seruus stipulari ad fauorem domini, & è contra, propter eandem rationem, & cum eadem distinctione, quam tradidimus *supr. in tit. de stipulat. seruor.*

S. Præterea

Si responsio non est congrua interrogationi, stipulatio non valet. Sed quæcumque sit diuersitas, si stipulator illico acceptat; stipu-

stipulatio valet, & utilis est, ut inquit glos. *hic in verb. non respondeat, per tex. in l. 1. §. cum adijcitur ff. de verb. obligat.* Si verò non acceptet, & tunc distinguendum est, aut est diuersitas in specie, aut in qualitate, aut in quantitate, aut in tempore, aut in persona, aut in modo.

Si est diuersitas in specie, non valet, ut si dicam, promittis mihi Schiccum? Et tu respondeas, promitto Pamphilum. Indiuidua enim apud Legistas appellantur species.

Si est diuersitas in qualitate, nec valet, ut si stipulatio sit pura, & responsio sit conditionalis. v.g. si dicam, promittis mihi Schiccum? Et tu respondeas, promitto, si naus ex Asia venerit.

Si est diuersitas in quantitate, & tunc valet in concurrenti quantitate, ut si dicam, promittis mihi centum? Et tu respondeas, promitto quinquaginta: vel è contra, si dicam promittis mihi quinquaginta? & tu respondeas, promitto centum, valet in quinquaginta.

Si est diuersitas in tempore non valet, ut si dicam, promittis mihi decem Kalendis Augusti? & tu respondeas, promitto Kalendis Ianuarij.

Sic etiam, si sit diuersitas in persona, quæ sit extranea, non valet, ut si dicam, promittis mihi dare decem? & tu respondeas, promitto dare Caio, qui Caius non sit in mea potestate, nec ego in potestate ipsius.

Si verò est diuersitas in modo, & tunc distinguendum est. Si interrogatio est coniunctiua, & responsio est alternatiua, vel è contra, non valet, ut si dicam, promittis mihi librum, & decem? & tu respondeas, promitto aut librum, aut decem: vel è contra, si dicam, promittis mihi aut librum, aut decem? & tu respondeas, promitto librum, & decem, non valet, quia, qui coniunctiue loquitur, utrumque determinatè dicit: qui verò alternatiue, neutrum dicit determinatè. Si verò interrogatio est simplex, & responsio est coniunctiua, vel è contra, valet in parte, ut si dicam, promittis mihi librum? & tu respondeas, promitto librum, & decem, valet in libro: vel è contra, promittis librum, & decem, & tu respondeas, promitto librum, valet pariter in libro: Sed si respondeatur incomplexè, seu absolute, ut promitto, nihil addendo, intelligitur ad omnia, de quibus facta est stipulatio, quia indefinita æquipollent vniuersalibus. Notatur in l. 1. ff. de verb. significat. Sed quid si respondeatur impersonaliter, ut si dicam, promittis mihi centum? & tu respondeas, promittuntur, nec dicas à quo. Et communiter DD. dicunt non valere, quia persona loquen-

quantis impersonali loquutione non continetur ad *tex. in auth. si quando C. de const. pecun. & l. si Insulam §. fin. ff. locat. & ibi gloss. in verb. extrariam, & l. inquisitio C. de solution. ut alias diximus.*

S. Isem inutilis

Si pater stipuletur à filio, vel è contra: vel Dominus à seruo, vel è contra, stipulatio inutilis est, quia perinde est, ac si quis stipulatus esset à se ipso propter fictam vnitatem personarum, *l. fin. C. de impubr. & alijs substitut.* Secus si filius esset emancipatus, vel illegitimus, vel si in aliquo casu haberetur pro patrefamilias, ut in causa castrensi, vel quasi. Sed an valeat talis stipulatio in vim pacti nudi ad inducendam solum naturalem obligationem? & dicitur quod neque valet per *tex. in l. an inutilis in princ. ff. de acceptilat.* Et ratio est, quia non habuerunt animum contrahentes faciendi pactum nudum, sed stipulationem; unde si non valet in vim stipulationis, nec valebit in vim pacti nudi.

S. Mutus

Mutus non potest stipulari, neque promittere. Idem in surdo; quod intelligitur de muto, & surdo, qui nihil loqui, aut nihil audire possit. Ratio est, quia in stipulatione debent proferri verba, & exaudiri *l. 1. ff. de verb. obligat.* Limitatur in muliere, quæ licet sit muta, vel surda, nihilominus dicitur stipulata dotem sibi reddi *Coras. in l. quiliberos ff. de rit. nupt.* Et hoc favore dotis. Neque obstat quod lex imitatur naturam §. *Minorem supr. de adoptioni;* & ita si mulier non possit loqui, non potest fingi stipulata; Respondetur enim, quod licet hoc sit impossibile in specie, non est tamen impossibile in genere, quia in genere mulier muta, vel surda potest habere seruum, per quem stipuletur; quod sufficit ad legis fictionem; lex enim imitatur naturam in eo, quod est, non autem in modo essendi, ut diximus *supr. in §. licet autem, de adoptionib.*

S. Furiosus

Furiosus non potest stipulari, neque promittere, quia non intelligit quod agit. & furiosi appellatione venit quilibet mente carens *l. in negotijs ff. de reg. iur.* Si verò habeat dilucida intervalia eo tempore potest omnes actus recte gerere.

S. Pupillus

Infans, & infantiz proximus non potest stipulari, neque promittere; tamen proximi infantiz, idest qui compleuerunt septennium, licet per paucos dies, quia iam habent aliquem consensum, ob eorum utilitatem possunt stipulari: promittere verò pupillus etiam proximus pubertati, non potest, nisi cum tutoris auctoritate. Sed impubes, qui est in potestate patris, nec cum patris auctoritate obligari potest. Ratio diuersitatis est, quia non est ita facilis regressus aduersus patrem, quemadmodum aduersus tutorem, quia pater non potest per filium conueniri in Iudicium, nisi impetrata venia, nec tenetur nisi quatenus facere possit, idest deducto eo, quo eget vt in §. penult. infr. de actionib. quod non contingit in tutore.

S. Si impossibilis

Impossibilis conditio apposita in stipulatione, vitiat ipsam stipulationem, licet apposita in vltimis voluntatibus, ipsa vitietur, & non vitiet. Ratio differentiz est, quia imputatur stipulanti, si illam conditionem adiecerit, vel passus sit adijci: scilicet in vltimis voluntatibus, quæ plerumque absentibus honoratis sunt l. non idcirco C. de Codicill. & sic non potest imputari heredi, vel legatario, quod passus sit conditionem illam impossibilem adijci. Quot modis autem dicatur conditio impossibilis inuimus *supr. in tit. de heredib. instituend. §. impossibilis*. Sed si dicatur, si non tetigero Cælum digito, vel si non volauero, promittis centum? tunc perinde est ac si purè facta esset stipulatio, quia statim certum est, quòd non potest conditio in contrarium existere, & ita non suspendit obligationem.

S. Item verborum

Inter absentes stipulatio fieri non potest. Et absentes in hoc loco intelliguntur, qui se exaudire non possunt, etiam quòd sint de facie ad faciem. Sic nec per nuncium, nec per epistolam potest stipulatio fieri, quia sunt necessaria verba stipulatoris, & promissoris voce expressa, & articulata, & exauditis aurium, vt sæpius diximus. Limitatur in dote, quia mulier absens bene dicitur stipulata dotem sibi reddi l. vnic. in princ. & ibi gloss. in verb.

verb. inutiliter C. de rei uxer. action. Potest tamen Notarius, vel Procurator stipulari ad fauorem absentis: sed tunc intelligitur stipulatio per interpositam personam.

Ceterum si reperiatur scriptum partes fuisse presentes, creditur scripturæ, nec potest opponi exceptio absentię, nisi probetur contrarium per manifestissimas probationes, idest per instrumenta, vel per testes idoneos, quod toto eo die, quo dicitur instrumentum esse confectum, ipse promissor, vel aduersarius in alijs locis fuerit. Et hic est modus probandi negatiuam, scilicet per contrariam affirmatiuam. Hoc etiam seruatur in libellis accusatorijs, vt in ipsis apponatur locus, & tempus commissi delicti ad effectum vt si aduersarius velit, possit probare contrarium, scilicet quod ipse toto eo die, quo dicitur commissum delictum illud, fuerit in alio loco *l. libellorum ff. de accusationib.*

S. Post mortem

Si stipulatus essem dari mihi decem post mortem, stipulatio non valebat, quia actio incipiebat ab herede, non à stipulatore. Sic si stipulatus essem dari mihi decem post mortem tuam, neque valebat, quia actio incipiebat contra heredem tuum, non contra te promissorem. Et erat regula, quod actio non inciperet ab herede, nec contra heredem. Quæ regula hodie cum sit sublata in *l. unic. C. ut actiones ab hered. & contra hered. incip.* potest fieri stipulatio his modis, & erit utilis. Sic si stipulator dari mihi decem prius quam moriar, vel prius quam morieris, non valebat propter incertitudinem temporis: sed hodie valet, quia certificatur sequuta morte, & actio hodie potest incipere ab herede, & contra heredem.

S. Item si quis

Præposterè concepta stipulatio erat inutilis, præterquam in dote, vt si dicatur, si naus cras ex Asia venerit, centum hodie mihi dare spondes? vel quia in formula verborum, erat prius cras, quam hodie, vel quia est contra ordinem naturæ, vt prius sit exequutio actus, quam existat conditio. Hodie tamen valet, & utilis est, quia attenditur ordo intellectus, in quo prius intelligitur existentia conditionis, quam exequutio ipsius actus; promissor tamen non prius compellitur dare, quam sit certificata conditio.

§. Ita autem

Stipulatio hoc modo facta, promittis mihi decem, cum ego moriar? vel cum tu morieris? valebat olim, & hodie etiam valet. Ratio autem quare olim ista erat utilis, & non erat utilis cum dicebatur, post mortem meam, vel post mortem tuam, est, quia in casu istius §. actio incipiebat à persona contrahentium; vnde non habebat locum regula, quod actio contra heredem, & ab herede non inciperet. Hoc autem patet, quia ille, qui moritur, non est mortuus, sed magis viuus; mors enim apud Legistas tractum habet successuum. Incipit enim quis mori, cum infirmatur ad mortem; moritur, quando laborat in extremis; finitur mori, cum emittit spiritum; dicitur mortuus post spiritus emissionem. Ita Bologneti. in l. 2. ff. si cert. petat. licet Philoſophi velint totum hoc expediri momento temporis, in ipsa emissionem spiritus.

§. Si Scriptum

Dicitur in hoc textu. Si scriptum sit in Instrumento aliquem promississe, perinde habetur ac si interrogatione præcedente responsum sit, hoc est intelligitur facta stipulatio.

Sed contra hoc facit textus in l. 1. C. de dot. promiss. vbi sunt hæc præcisa verba ab Imperatore Alexandro prolata, frustra existimas actionem tibi competere, cum nec certa quantitas, nec certa species expressa sit: sed solum in instrumento scriptum sit, quod ea, quæ nucebat, promiserit tibi dotem. Ergo licet scriptum reperiat in Instrumento verbum promitto, non per hoc intelligitur per stipulationem; stipulatio enim duplicem producit actionem, ut diximus sup. in tit. de verb. obligat. in princ.

Respondent DD. communiter, quod in casu illius l. 1. C. de dot. promiss. non producit actio, quia nihil certum promissum fuerat, ut in illo tex. dicitur, cum nec certa quantitas, nec certa species expressa sit. &c.

Dices hanc solutionem non esse bonam, quia quando dos absolute promittitur, nec certa species, aut quantitas exprimitur, intelligitur promissa arbitrio boni viri, l. cum post §. gener a socio ff. de iur. dot. ergo talis promissio licet absoluta, utilis est.

Sed respondetur hoc esse speciale aduersus socerum, id est patrem vxoris, qui cum teneatur filiam suam dotare, quando promisit dotem etiam nulla expressa specie, aut quantitate, reducitur ad arbitrium

trium boni viri secundum condecenciam sui status, ut dicitur in d. §. *gener a socero*: respectu verò ceterorum si promiserint dotem absolute, nulla expressa quantitate, aut specie, non datur actio propter illam incertitudinem, ut in casu d. l. 1. C. de dot. promiss.

Sunt modò explicandæ nonnullæ difficultates quæ occurrunt circa verba huius tex. supra adducta.

Primo quatenus dicitur, si scriptum, dubitatur numquid si voce tenus tantum à testibus fuerit dictum aliquem promississe, intelligatur per stipulationem? Et Plaut. in rubr. ff. de verb. oblig. tit. de promission. responder, quòd si testes sint periti, scientes quid sit stipulatio, & vim ipsius promissionis, intelligatur de stipulatione; si verò sint imperiti, & rustici, intelligatur solum de pacto nudo; debet enim testis reddere causam scientiæ sui dicti, aliàs non probat, ut dicunt DD. communiter.

Secundo dicitur, in Instrumento. Dubitatur, an intelligatur etiam de Instrumento priuato, cum in dubio appellatione Instrumenti veniat publicum. Sed idem Plaut. loc. cit. dicit intelligi etiam de priuato, cum generaliter loquatur hic textus, & in utroque militet eadem ratio, scilicet animus deliberatus promittentis, per scripturam expressus. Instrumentum autem publicum dicitur quod sit à publica persona, veluti Notario in forma publica, idest cum inuocatione diuini nominis, cum appositione anni decurrentis, & anni Principis regnantis, & Indictionis, mensis & diei, cum loco, subscriptione, & signo Notarij, & præsentia duorum testium; Quod si aliquid ex his deficiat, dicitur Instrumentum priuatum, seu apoca.

Tertio dicitur, promississe; dubitatur, an etiam verbum spondeo importet stipulationem? Et idem Plaut. vbi supr. respondet quod etiam verbum spondeo habet hanc efficaciam, quam habet verbum promitto. Quod comprobatur auctoritate Theophili, qui in paraphrasi græca huius §. habet, *spondidisse*. Quod tamen non competit verbo, *conuenio*, quod etiam si in Instrumento scriptum sit, tamen stipulationem non importat, ut dicunt communiter DD. teste eodem Plaut. vbi supra per rationes ab ipso assignatas.

Quartò dicitur, perinde habetur, dubitatur an ista verba denotent præsumptionem, seu potius fictionem. Et DD. communiter dicunt importare fictionem. Interest autem an sit fictio, vel præsumptio, quia contra fictionem Iuris nulla datur probatio in contrarium: sed præsumptio illam recipit, nisi sit præsumptio Iuris, & de Iure, scilicet quia lex præsumit, & statuit super præsumptione.

ptione, quia tunc non recipit probationem in contrarium, nisi manifestissimam, vt supr. diximus in §. si ab hostibus, quib. mod. ius. patr. pot. solu.

S. Quoties

Si plures res sint deductæ in stipulationem, & promissor simpliciter respondeat, promitto, tenetur ad omnes: si verò ad certas res se referat, ad alias non tenetur, quia inclusio vnius est alterius exclusio l. cum Prator ff. de iudic. & qui vnum ex pluribus illatis negat, cetera affirmare dicitur c. nonne, de presumptioni. vbi dicitur; quòd Christus Dominus imputatus à Fariseis, quòd esset Sammaritanus, & dæmonium haberet, respondit; ego dæmonium non habeo; vnde alterum tacendo affirmavit, scilicet se esse Sammaritanum, quod interpretatur custos. Ità infert D. Gregorius hom. 18. relatus in d. c. nonne.

S. Alteri, cum S. seq.

Ad fauorem extranei nemo potest stipulari, quia inuentæ sunt stipulationes, vt vnusquisque acquirat sibi quod sua interest. Vnde appositæ pœna poterit fieri talis stipulatio, quia licet non sit quærendum an principalis stipulatio intersit stipulatoris, tamen quoad stipulationem pœnæ certum est quòd interest.

Aliæ etiam afferuntur à DD. rationes, propter quas inuentæ sunt stipulationes, nempe firmandarum obligationum causa. Ita Paulus sentent. lib. 5. tit. de obligat. Item vt Populus Romanus proprio modo contrahendi vteretur. Ita Duaren. in l. in actionibus ff. de in lit. iurand. Item, vt amplior esset liberatio, & angustior obligatio. Ita Raynald. Corf. Indagat. iur. lib. 3. cap. 1. ad tex. in l. Arrianus ff. de action. & obligat. Demum alia ratio offertur à Vacò. declar. 56. nempe vt tollatur controuersia, an aliquid venerit in contractu, nec ne, cum per stipulationem quod non est dictum, nec censetur cogitatum l. quicquid astringende ff. de verb. obligat.

Stipulatio verò ad fauorem extranei, cui aliquid dari, vel fieri stipulatoris intersit, utilis est. Ita tutor potest stipulari ad fauorem pupilli, procurator ad fauorem sui principalis &c.

Sed vtrum de Iure Canonico valeat stipulatio facta ad fauorem extranei, quando stipulatoris non intersit, est quæstio valde agitata per DD. vt testatur Facchin. lib. 3. controuerf. Iur. cap. 19. ob plures rationes hinc inde. Et quod valeat tenet gloss. in can. quæ-

ties cordis l. *quasi*. 7. *in verb. & per te*. Butrius *in c. si cautio*, de *fid. instrum.*, quia hæc ratio posita in nostro textu, scilicet quia inuentæ sunt stipulationes ad hoc ut unusquisque acquirat quod suum interest, de Iure Canonico non attenditur. Contrarium tenuerunt Felin. *in proem. Decretal.* Abb. *in d. c. si cautio*. Alciat. *in l. stipulatio ista §. alteri ff. de verb. oblig.* Ioann. Faber. *hic*. Et sunt plures alij DD. pro utraque parte. Videte illos

§. *Verfa vice*

Supra dictum est, quod promissio facti alieni non tenet, nunc ponitur exceptio, scilicet quando est adiecta pœna.

§. *Item nemo*

Si ille, cui legatus est seruus v. g. sub conditione, si naus ex Asia venerit, stipulatus est ab herede testatoris dari sibi illum eundem seruum sub eadem conditione, si naus ex Asia venerit, dicitur in hoc textu, quod non valet talis stipulatio, quia nihil plus consequetur is ex hac stipulatione, quam ex legato consequuturus esset l. *nemo rem suam ff. de verb. oblig.* secus si purè stipulatus esset sine illa conditione.

§. *Si de alia re*

Cum in omni contractu sit necessarius consensus duorum in idem, si in stipulatione vnus intelligat de vna re, & alius de alia, non valet stipulatio l. *x. §. est pactio ff. de pact.*

§. *Quod turpi*

Promissio ex turpi causa non tenet l. *pacta qua contra C. de pact. c. fin. de pact.* Et si sit contra bonos mores naturales, ut quia sit inductiua peccati, nec valet, etiam adhibito iuramento *c. cum contingat, de iur. iurand.* Item nec apposita pœna utilis est. Si verò esset quid turpe solum de iure ciuili, si est adhibitum iuramentum, debet obseruari v. g. quod mulier recepta dote à patre renunciet medio iuramento hereditati paternæ *c. quamuis, de pact. in 6.*

S. Cum quis

Si stipulatio conditionaliter concepta sit, conditio illa transit ad heredes stipulatoris, si contingat illum decedere ante aduentum illius conditionis, ut diximus *supr. de verb. oblig. §. ex conditionali*.

S. Qui hoc anno

Qui stipulatus est dari sibi aliquid hoc anno, vel hoc mense, non potest petere, nisi toto anno, aut toto mense elapso: secus si stipulatus esset dari sibi decem annua, vel menstrua, quia tunc petere potest etiam in principio anni, vel mensis.

S. Fin.

Stipulatio licet pure facta sit, datur nihilominus tempus habile ad soluendum, & præstandum id, quod promissum est, ut diximus *supr. de verb. obligat. §. omnis stipulatio*.

De Fideiussoribus.

T I T. X X I.

Dictum est de his, qui per stipulationem pro debitis proprijs obligantur verum quia sunt nonnulli, qui per stipulationem pro debitis alienis obligantur, qui dicuntur fideiussores; ideo de illis modo videndum est.

Fideiussor dicitur à verbo fideiubeo, quod est, iubeo te esse sub fide mea. Sic autem definitur, est is, qui pro alienis debitis per stipulationem intercedit. Sunt etiam aliæ species eorum, qui pro alijs promittunt, veluti sponsores, constitutores, mandatores, & similes. Omnes autem hi comprehenduntur sub vocabulo intercessorum; Intercessores enim dicuntur omnes illi, qui pro alijs intercedunt, idest promittunt. *Gloss. in §. 1. auth. de fideiussor.*

Fideiubere possunt omnes illi, qui obligari possunt. Clerici tamen prohibentur frequenter fideiubere, non tamen omnino prohibentur *c. 1. de fideiuss.* Mulieres verò si fideiusserint, habent

re-

remedium S.C. Velleiani, quod prohibet ipsas obligari, & si obligentur, disponit quod non compellantur soluere. Sed si illi S. C. renunciauerint, & iurauerint, compellantur soluere *aube matri, & Aua C. quand. mul. off. tut. fung. poss.* Vxor verò non potest fideiubere pro marito, nisi cum iuramento, & cum tali renunciatione, & cum alijs solemnitatibus Statutarijs, de quibus per Statut. Urbis lib. 1. cap. 151. & quando per talem fideiussionem non remaneat indotata, ut quia habeat releuatorum, ex eo quia maritus habeat in bonis, super quibus vxor releuari possit, & quod non obligetur ultra dimidiam partem suæ dotis, mulier enim, cui remanet dimidia pars dotis, non dicitur indotata secundum communem DD. opinionem.

S. In omnibus.

Fideiussores assumi possunt in omnibus obligationibus, siue re, siue verbis, siue litteris, siue consensu, siue ex contractu, siue ex quasi contractu, siue ex maleficio, siue ex quasi maleficio. Imò si sit etiam obligatio naturalis tantum. Sed fideiussor in tali casu accedens obligatur naturaliter, & ciuilitur. Neque obstat, quod non possit in plus obligari fideiussor, quam principalis debitor, ut in §. *fideiussores infr. hoc eod. tit.* quia respondetur textum illum intelligi in maiorem quantitatem, vel in diuorem causam; hic autem non dicitur obligatus in plus, sed fortius, & strictius dicitur obligatus. Hinc est quod pro debitore chirographario potest intercedere fideiussor, qui obligetur in forma Camere Galles. ad form. Camer. oblig. de Instrum. qu. 3.

S. Fideiussor non tantum

Fideiussor cum personaliter obligetur, si moratur, relinquit heredem obligatum; omnis enim obligatio personalis ex contractu procedens transit ad heredem, & in heredem, ex quo heredes repræsentant personam defuncti.

S. Fideiussor &

Fideiussio potest præcedere, & sequi obligationem principalis. Neque obstat quod fideiussio est accessoria principalis obligationis d. §. *fideiussores infr. hoc eod. tit.* accessorium autem non potest esse sine principali l. cum principalis ff. de reg. iur. imò debet sequi suum

suum principale & *accessorium de rez. iur. in 6.* Respondetur enim quod accessorium potest præcedere suum principale forma, non verò effectū. Nam efficaciter non obligatur fideiusor, nisi principali obligatione sequuta. Aliquando tamen potest remanere fideiusor obligatus, licet non sit principalis obligatio, ut si contractus annulletur favore minoris, remanet tamen obligatus ipse fideiusor.

S. Si plures

Si plures fideiussores pro vno debitore interceserint, singuli tenentur in solidum; sed habent beneficium Epistolæ Adriani Imp. quod est, ut si ceteri tempore litis contestatæ sint præsentēs, & soluendo, creditor compellatur à singulis partes petere. Habent etiam fideiussores alia beneficia, nempe excussionis, scilicet quod prius excutatur principalis debitor, an sit soluendo. Hoc autem beneficium subtulit Statutum Urbis, disponens quod exceptio excussionis debitoris opponi non possit. *Ita lib. 1. cap. 155.* Habent etiam beneficium correorum, ut quia se obligauerint vti principales, principaliter, & in solidum. Dicitur autem obligatio in solidum, quando quis est obligatus in tota summa, cum solidum dicatur quod est integrum, & cui nihil deest *l. ergo §. creditoribus ff. de fideicom. libertat.* Hoc autem beneficium correorum est, ut si alij sint soluendo, & præsentēs, non compellantur soluere nisi partem suam *auth. hoc ita C. de duob. reis.* Habent similiter cetera beneficia correorum, nempe quod causa eorum communiter examinetur, & quod vnus sine alio conueniri non possit. Quæ omnia beneficia habent fideiussores, nisi illis renunciantur. Obligatio verò Cameralis continet renunciationem omnium priuilegiorum, & cuiusque legis auxilij.

Vnicum tamen beneficium fideiussores non amittunt etiam per obligationem Cameralem, nempe cedendorum iurium, & actionum, quia si principalis creditor nolit cedere fideiussori iura, & actiones suas contra principalem debitorem, non tenetur fideiusor ei soluere *l. Modestinus ff. de solut. magis autem interest habere actionem cessam, quam actionem mandati ad recuperandum quod solutum est pro principali debitore, ratione prioritatis, & potioritatis, quia tunc fideiusor subintrat in locum principalis creditoris à die, qua incæpit obligatio ipsius principalis debitoris.*

S. Fideiussores

Fideiussor non potest obligari in plus, quàm principalis debitor, idest in maiorem quantitatem, vel in duriores causam, quia cum fideiussio sit accessio principalis obligationis, nec possit esse plus in accessione, quàm in principali, ideo non potest in plus obligari. In minus autem potest, quia minus potest esse in accessione, quàm in principali.

Dubitatur autem numquid si fideiussor in plus se obligaverit, valeat ipsius obligatio in concurrenti quantitate? Et Veteres dixerunt in nihilum valere, per textum in *l. græcè* S. *illud commune* ff. *hoc eod. tit.* quia tunc excedit suam formam. & hæc erat communis opinio. Sed recentiores contrarium tenent, quia textus noster non dicit, quòd nihil debeant, sed quòd plus non debeant. Ad fundamentum verò Veterum desumptum ex illa *l. græcè*, responderetur, quòd ille textus secundum lectionem vulgatam legitur, *Illud commune est in univèrsis, qui pro alijs obligantur, quòd si fuerint in duriores causam adhibiti, placuit eos omnimodò non obligari, & ita nullo modo obligari.* Sed secundum lectionem Pandectarum Florentinarum legitur, *placuit eos non omnimodò obligari*, hoc est non omni modò, sed solum aliquo, idest pro concurrenti quantitate. Et hæc est verior lectura, & magis conformis nostro textui, qui non dicit quòd nihil debeant, sed quòd plus non debeant, ut supra dixi.

S. Si quid autem

Si quid fideiussor solvit pro principali debitore, habet contra illum actionem mandati ad repetendum quod solutum est. Sed numquid si adhuc non soluerit, possit agere contra eum, ut ipsum releuet? Et dicitur quòd sic, ut quando contra se est obligatio habens executionem paratam, ut est obligatio Cameralis. Item quando diu stetit in fideiussione, ut per Statutum Urbis lib. 1. cap. 94. Et diu stetisse dicitur, qui stetit per novem annos.

S. Fin.

Si repetiatur scriptum aliquem fideiussisse, intelligitur eum,

K K

om.

omnibus solemnitatibus, & sic intelligitur per stipulationem, sine qua fideiussio fieri non potest.

De Litterarum Obligationibus.

TIT. XXII.

Sequitur de tertia specie obligationum ex contractu, quæ sit litteris.

Litterarum obligatio inducitur, quando quis sub spe futuræ numerationis confessus est in apoca, se certam quantitatem pecuniarum recepisse, & promittit se certa die restitutum. Sed non constat de numeratione; tunc enim propter talem confessionem obligatur naturaliter, & ciuilitur, sed inefficaciter intra biennium: post biennium verò efficaciter. Vnde intra biennium si aduersarius petat, potest qui fecit apocam contra eum opponere exceptionem non numeratæ pecuniæ, per quam illa obligatio naturalis, & ciuilis iam orta ex confessione litteris facta, redditur inefficax; quo casu tenetur prætenso creditor probare se numerasse. Sed si aduersarius non peteret, potest ille, qui fecit apocam porrigere querelam intra biennium coram Iudice contra prætensum creditorem, dicendo quod extorsit à se apocam receptionis mutui, & quod non fuit numeratum; Et Iudex assignabit tempus prætenso creditori ad probandum se numerasse, aliàs lacerandam apocam, vel declarandum esse nullam, & haberi pro non facta. Et hoc dicitur Monitorium iactationis iactationum, vt in *l. diffamari C. de ingen. & manumiss.* Et ratio quare post elapsum biennium hæc obligatio orta ex illa confessione reddatur efficax, est, quia non præsumitur quod ille, qui fecit apocam, sit adeo stolidus, vt velit stare per tantum tempus sub illa confessione, nisi re vera pecuniam recepiisset.

Dubitatur autem, an lapso biennio, si creditor petat, possit ille qui fecit apocam opponere exceptionem non numeratæ pecuniæ. Et gloss. hic ponit plures opiniones, inter quas recitat vnam, quod possit opponi, sed quod teneatur ipse met opponens probare quod non fuerit numeratum. Quæ tamen negatiua est difficillimæ probationis, & moraliter quodamodò impossibilis; vnde Ceuall. in *suis commun. con. commun. qu. 38. & 39.* inquit quod tam de Iure Canonico, quam Ciuili non possit opponi ista exceptio post biennium, & sibi imputet qui fecit apocam, si per suam negligentiam inci-

incidat in talem præsumptionem iuris, & de iure quòd pecuniam receperit: Et hanc opinionem tanquam veriore, & magis communem, & tenendam refert, ita ut non admittatur probatio in contrarium, nisi manifestissima, puta si posset probari, quod ipse creditor confessus fuerit, se nunquam illam pecuniam numerasse: Et opinionem Ceuallus sequitur Facchineus *lib. 2. contron. l. 1. cap. 82.*

Item non potest opponi hæc exceptio, quando quis soluit partem debiti confessi in apoca *l. cum fidem C. de non num. pecun.* Similiter quando talis confessio fieret à testatore, quia non præsumitur tunc confesum fuisse sub spe futuræ numerationis, sed potius gratia exonerandi conscientiam suam. In alijs etiam casibus habet locum, de quibus apud Iasonem in *l. qui pecuniam ff. si cert. petat.*

Noto quòd multum tempus olim dicebatur quinquennium: hodiè verò dicitur biennium. Longum verò tempus dicitur decennium. Et quando non præfinitur tempus, intelligitur de decem annis. Sic condemnatus ad triremes sine præfinito tempore intelligitur per decem annos *l. sine præfinito ff. de penis.*

De Obligationibus ex Consensu.

T I T. X X I I I.

P Onitur modò quarta species obligationum ex contractu, scilicet de his, quæ ex consensu contrahuntur.

Obligationes ex consensu nascuntur ex quatuor contractibus, scilicet ex emptione & venditione, ex locatione & conductione, ex societate, & ex mandato. Et quamvis in omnibus contractibus sit necessarius consensus pro matèria ut in *l. 1. §. pactum ff. de pact.* tamen in alijs ultra consensum aliquid aliud requiritur pro forma: sed in his nihil aliud requiritur pro substantia, quia solus consensus hos perficit. Et licet etiam in his aliquid aliud requiratur, scilicet in emptione & venditione traditio rei, & traditio pretij: in locatione, & conductione traditio usus rei locatæ, & traditio mercedis: in Societate communicatio rerum: & in mandato implementum ipsius mandati, ista tamen magis requiruntur ad executionem ipsorum contractuum, quàm ad eorum substantialem perfectionem. Et hinc est quod isti contractus possunt fieri inter absentes, & per nuncium, & per epistolam. Semper autem in his requiritur bona fides, quia cum sint contractus ma-

ximæ bonæ fidei, illa exuberare debet, nec vlla fraus; aut dolus intercedere, prout inter bonos viros esse debet, vt potè contractus frequentissimi in humana societate.

De Emptione, & Venditione.

TIT. XXIV.

Empcio, & venditio, quæ est prima species obligationum, quæ ex consensu nascuntur, est contractus Iuris gentium, consistens in traditione rei ad effectum transferendi dominium, & in traditione pretij; quod intelligitur quoad executionem: in mutuo verò consensu quoad substantiam.

Contrahitur autem vel in scriptis, vel sine scriptis. Sine scriptis contrahitur statim atque conuentum est de pretio, nec possunt partes recedere, nisi sit data arrha, quia tunc videntur posse recedere, sed si recedit is, qui arrham dedit, ipsam amittit: si verò qui illam recepit, tenetur restituere duplum. Sed Statutum Urbis lib. 1. cap. 112. disponit, quòd si alter velit vt adimpleatur contractus, possit compelli, non obstante dicta poena amissionis arrhæ, vel amissionis dupli. In scriptis verò fit, quando conuentum est, vt fiat instrumentum, & tunc possunt partes recedere quousque instrumentum non sit confectum, & possunt recedere impune, nisi sit data arrha, quia tunc recedere non possunt, nisi de mutuo consensu, cum res non sit amplius integra, ex eo quia arrha est argumentum venditionis iam perfectæ, & executioni demandatæ, cum sit pars pretij.

§. Pretium.

Pretium debet esse certum, alioquin si in arbitrium contrahentis conferatur, non tenet *l. in vendentis C. de contrab. empt. & l. quod sapè §. 1. ff. de contrab. empt.* Sed si in arbitrium tertij conferatur, tenet, & habet in se tacitam conditionem, si ille tertius æstimauerit; vnde eo non æstimante resoluitur contractus: eo verò æstimante vel nimis carè, vel nimis vili, petitur reductio ad arbitrium boni viri.

Idem dicitur de locatione, & conductione, quando merces in alterius arbitrium confertur.

Emptori autem datur actio ex empto contra venditorem, vt sibi

sibi tradat rem emptam : & venditori datur actio ex vendito contra emptorem , vt sibi tradat pretium .

S. Item pretium

Pretium debet esse in pecunia numerata , idest nummis ; alioquin si aliz res dentur , erit permutatio . Permutationes enim , ab initio fuerunt introductæ de iure gentium l. 1. ff. de contrah. empt. Deinde ad hominum vtilitatem , & commoditatem inuenta est pecunia , quæ reciperet functionem , idest similitudinem omnium rerum . Potest tamen postquam pretium constitutum est , loco ipsius alia res dari in solutum , nec per hoc non erit emptio , & venditio , cum ab initio pretium sit constitutum .

S. Cum autem

Perfecta emptione , & venditione periculum rei pertinet ad emptorem , quia ei imputatur , si non soluit pretium , & rem non recepit ; ideoque si pretium obtulit , & venditor fuit in mora ad tradendam rem , periculum est venditoris : sicut etiam si venditor suscepisset in se periculum . Et quemadmodum periculum est emptoris , ita etiam & commodum , quod rei acciderit per vulgatam regulam qui sentit commodum debet etiam sentire incommodum , & e contra c. qui sentit de reg. iur. in 6. Si verò res sit degustanda v. g. vinum , periculum est venditoris vsque ad gustationem . Sed ponamus casum , quòd seruus post venditionem antequam à venditore tradatur emptori , aufugerit , qua actione poterit emptor agere ? & vtique non potest seruum vindicare per actionem realem , quia ante traditionem non dum est effectus dominus . Poterit tamen agere actione ex empto contra venditorem , non vt tradat sibi seruum , quem amplius tradere non potest : sed vt cedat sibi actionem realem , & ita virtute actionis realis certæ , quæ dicitur actio vtilis , poterit seruum illum persequi vbicumque reperiat .

Dubitatur autem numquid perfecta emptione , & venditione detur aliquod remedium ad illam rescindendam ? Et dicitur quod si est læsio ultra dimidium iusti pretij , potest rescindi , vel potest agi ad supplementum arbitrio ipsius læsi l. 2. C. de rescind. vendit. Quando verò dicatur læsus ultra dimidium , gloss. in d. l. 2. verb. Iudicis , versic. sed quæ est hæc dimidia refert plures opiniones . Ceual. tamen in suis comm. contr. commun. qu. 536. inquit , quòd emptor

ptor tunc dicitur læsus ultra dimidium, quando res valens centum v.g. fuit empta plusquam centum quinquaginta: & venditor dicitur læsus ultra dimidium, quando res valens centum fuit vendita minus quam quinquaginta. Testatur etiam de communi habere locum in omnibus contractibus bonæ fidei Vaccon. *declar.* 28. Sed per Statutum Urbis *lib. 1. cap. 154.* datur rescissio, quando læsio est ultra tertiam partem iusti pretij in omnibus contractibus, & negotijs. Si verò emptor, vel venditor sit deceptus in modico, non potest contra contractum venire, quia licitum est contrahentibus inuicem se circumscribere *l. item si pretio §. fin. ff. locat.* quod intelligitur, in modico, idest citra læsionem, & sine dolo, vt quia re ipsa, & non consilio contingat, vt explicat ibi glosf. *in verb. circumscribere.* Abb. *in c. in ciuitate, de usur.* & Vaccon. *ubi supr.*

S. Emptio

Emptio potest fieri purè, potest fieri in diem, & potest fieri sub conditione.

S. Fin.

Res Sacræ, religiosæ, & similes si fuerint venditæ, & emptæ scienter, emptio, & venditio non tenet: si verò emptor pro priuatis, & profanis deceptus à venditore emerit, emptio tenet, non ad effectum vt venditor tradat, quod fieri non potest: sed vt per actionem ex empto soluat interesse, quod patitur emptor. In hoc autem differt talis emptio à stipulatione, quia si in stipulatione deducetur res sacra &c. inutilis est stipulatio, nec tenetur promissor ad interesse, sicut tenetur venditor, in stipulatione enim venit datio rei, idest translatio dominij, quæ de re sacra &c. fieri non potest: in venditione verò, venit traditio rei, quæ est quid facti, & loco facti succedit obligatio ad interesse.

De Locatione, & Conductione.

T I T. X X V.

Sequitur de locatione, & conductione, quæ est secunda species obligationum ex consensu.

Locatio, & conductio est contractus Iurisperitorum consistens in tra-

traditione rei gratia vsus, & in traditione mercedis; quod pariter intelligitur quoad effectum, seu exequutionem: in mutuo vero consensu quoad substantiam, vt diximus de emptione, & venditione. Merces autem debet esse in re ponderabili, vel mensurabili, vel numerabili. Ex quo soluitur difficultas textus in *l. si olei C. de locat. & conduct.* vbi dicitur quodd locatio fuit facta, vt solueretur certa mensura olei. Neque obstat si dicatur quodd merces consistat in pecunia; quia non dicit textus noster, quodd sit pecunia numerata, vt pretium; nam pecuniæ appellatione veniunt res ponderabiles, & numerabiles, & mensurabiles, nec veniunt nummi, nisi addatur, numerata *l. 3. C. de consti. pecun.* Merces autem potest etiam consistere in vno nummo. Nec obstat tex. in *l. si quis conduxerit ff. locat.* in qua dicitur, si quis conduxerit vno nummo conductio nulla est. Respondetur enim, quodd ibi dicitur esse nulla, quia supponitur mercedem vnus nummi non esse condignam rei locatæ; quodd colligitur ex sequentibus verbis eiusdem legis, ibi, quia & hoc donationis instar habet. Si verodd reperiretur res adeo vilis, vt condigna merces ipsius esset vnus nummus, benedd posset fieri locatio in vno nummo. Quæ solutio probatur ex *l. si quis ante ff. de acquir. poss. cum gloss. ibi in verb. solum teneat.*

Locatio, & conductio alia est expressa, alia tacita. Expressa est quæ fit verbis expressis in sua forma. Tacita est, cum finito tempore locationis, conductor persistit in re conducta, & dominus patitur, quia si est in prædijs rusticis intelligitur per alium annum facta conductio *litem queritur §. qui impleto, versic. quodd autem ff. locat.* In vrbanijs verodd intelligitur de die in diem, nisi in Instrumento locationis sit appositum pactum, vt pars, quæ non vult amplius continuare, debeat facere disdictam per aliquod tempus ante, quia tunc disdicta non sequuta, intelligitur facta renouatio locationis, & conductionis per tantundem tempus.

Rursus alia est ad breue tempus, alia ad longum tempus, alia perpetua. Ad breue tempus dicitur facta intra nouennium. Ad longum tempus, cum fit ad decennium; quo casu aliqui putauerunt transferri vtile dominium; & hinc est quodd vulgo dicitur non posse fieri locationes vltra nouennium, sed de nouennio in nouennium. Perpetua est, quæ fit in perpetuum, idest quousque soluat pensio; & differt ab emphiteusi, quia in locatione perpetua pensio correspondet fructibus: sed in emphiteusi solum quidd minimum pro annua pensione soluitur in recognitionem directi domini. Iul. Clar. in *§. emphiteusis qu. 1.*

Dicitur *in prinē. huius tit.* quod locatio, & conductio proxima est emptioni, & venditioni. Differt tamen in aliquibus, quia in locatione non transfertur dominium, sicuti transfertur in venditione. Item in venditione datur potestas consumendi: sed in locatione datur solus usus.

Ex locatione autem, & conductione duæ oriuntur actiones altera dicitur actio locati, quæ datur locatori contra conductorem, ut tradat sibi mercedem conuentam, vel soluat æstimationem deteriorationis rei locatæ, si vel dolo, vel culpa lata, aut leui contigerit deteriorari; non verò leuissima, quia cum locatio, & conductio sit contractus gratia vtriusque, non tenetur conductor de culpa leuissima; & quamuis in §. qui pro usu *infra. hoc eod. tit.* dicatur, quod conductor debet adhibere custodiam, qualem diligentissimus paterfamilias: tamen illud superlatiuum resoluitur in positiuum. Ita gloss. *ibi in verb. diligentissimus*, explicat, idest *diligens*. Altera actio dicitur ex conducto, quæ datur conductori contra locatorem, ut det sibi usum expeditum rei locatæ, & si non potest uti, sit remissio mercedis, seu pensionis pro rata eius, quo non potest uti, sicut etiam ob sterilitatem sit remissio.

S. Præterea

Si non detur merces, sed conueniatur, ut quid aliud præstetur v.g. habeo vnum bouem, tu alium. Conuenimus, ut alternis diebus liceat alterutri alio uti boue; hæc conuentio non est locatio, & conductio, quia non datur merces: non est commodatum, quia non fit gratuitò; est autem contractus innominatus. do, ut des, scilicet do tibi usum bouis mei ut tu des mihi usum bouis tui; vnde datur actio, quæ appellatur, præscriptis verbis, idest petitur à Iudice, quod secundum verba præscripta, hoc est prænarrata in libello compellatur aduersarius ad dandum, vel faciendum prout promissit.

S. Adde

Erat quidam contractus, de quo dubitabatur, an esset locatio, & conductio, ex quo in perpetuum concedebatur res. Item an esset emptio, & venditio, ex quo soluebatur pensio, seu canon, singulis annis. Tamen per legem Zenonianam constitutum est, ut sit propria species contractus, qui dicitur *emphyteoticus*, di-

ctus

Aut à verbo græco *emphiteusis*, quod significat meliorationem, quia datur res ad meliorandum. Ita in *l. 1. C. de iur. emphiteot.* Hinc est quòd si *emphiteota* deteriorauerit rem, aut illam non meliorauerit, incidit in commissum, idest amittit ipsam rem, cum melioramentis, & omnibus accessionibus. Talis autem est natura istius contractus, vt si est *emphiteota* alicuius priuati, & non soluat pensionem, seu canonem per triennium, incidat similiter in commissum: & si est *emphiteota* Ecclesiæ, si non soluat per biennium, incidit pariter in pœnam legis commissoriæ. Item apponitur de sui natura pactum, quòd non possit res illa *emphiteotica* alienari per *emphiteotam* irrequisito proprietario, seu domino directo, alias incidat in commissum, & res deuoluatur ad eundem dominum directum cum omnibus melioramentis, & accessionibus. Et quando dominus directus consentit alienationi, pro noua inuestitura soluitur ei laudemium à recipiente consensum, siue sit emptor, siue sit quilibet alius particularis successor, nisi inter partes aliud sit conuentum. Et laudemium est quinquagesima pars pretij, idest duo pro quolibet centenario. Si verò res *emphiteotica* incidat in manus mortuas, idest perueniat ad Ecclesias, Collegia, seu Vniuersitates, & alia loca pia, tunc fit etiam promissio domino directo à recipiente consensum de soluendo illi quindennium, idest singulis quindecim annis vltimum laudemium, & recipiendo nouum consensum. Dicuntur autem Ecclesiæ loca pia Collegia &c. manus mortuæ respectu domini directi, quia res illa *emphiteotica* non exit amplius regulariter, de manibus illorum, & consequenter tollitur domino directo spes, caducitatum, deuolutionum, alienationum &c. & sic non tenetur præstare consensum acquisitioni factæ per Ecclesiam &c. nisi facta promissione, & obligatione de soluendo singulis quindecim annis quindennium, & recipiendo nouum consensum. De his omnibus, & alijs pertinentibus ad *emphiteusim* late agunt Iason in *l. 1. C. de iur. emphit.* Clar. in *d. 9. Emphiteusis.* Corbul. & Fulgin. in suis tractatib. de *Iur. Emphiteotic.*

Præter *emphiteusim* datur etiã feudum, quod habet aliquam similem naturam cum illa. Sed recipiens feudum fit homo ligeus, idest vassallus, quia præstat iuramentum, quod dicitur homagium, nempe de conseruando dominum infeudantem incolumentum, tutum, & honorificum, alioquin amittit feudum, vt in tit. de nou. form. fidelit. in vñb. feud. Et feudorum plures sunt species, quas non est huius loci enumerare, nec explicare; sunt enim inducta feuda de iure non scripto, & sic non agitur de illis

in corpore Iuris scripti. De illis tamen, si vultis, poteritis videre apud Rebuff. Marin. & alios Feudistas.

S. Item *quaritur*

Si quis dedit artifici materiam, ut ex illa faciat sibi speciem, est conductio operæ illius artificis: sed si non dederit ei materiam, sed conuenerit, ut artifex faceret speciem ex sua materia, est emptio illius speciei, nec consideratur opera; & sic in primo casu est causa mercedis, in secundo non.

Ex quo colligitur etiam operarum fieri locationem, & conductionem, etiam quod opera nihil producat ad extra permanens, ut est opera saltatoris, vel cantoris. Differt autem opera mechanica à virtuosa, quia mechanica recipit mercedem pro rata operæ, ut si conduxeris operarios in vineam, & non potuerunt operari nisi per tres horas, quia postea pluit, teneor solum soluere eis mercedem pro rata trium horarum; opera enim mechanica est diurnum officium à mane usque ad vespas *l. 1. ff. de oper. libert.* Secus est in opera virtuosa, quia si sit conductus aliquis Doctor, vel Dux exercitus, qui tamen ob aliquod accidens non potuit perficere suam conductam, per eum tamen non stetit, debet nihilominus habere totam mercedem, seu honorarium, quia minimus actus operæ virtuosæ est inestimabilis, & propterea semper meretur idem honorarium, seu mercedem. Secus si steterit per ipsum *l. qui aperas, & gloss. in l. si uno §. item cum quidam, in verb. personis ff. locat. & diem sumpto ff. de offic. assess.* ubi latissime notatur per DD.

S. Conductor

Cum conductio sit contractus bonæ fidei, debet bona fides in ea exuberare, adeo ut seruanda sint omnia pacta apposita, & si quid ultra pactum de bono, & æquo præstandum est, præstari oportet, ut notatur in *§. actionum infr. de actionib.*

S. Qui pro usu

Conductor tenetur de dolo, lata, & leui culpa, non verò de leuissima, cum iste sit contractus gratia vtriusque ut etiam diximus *supr. in princ. huius tit.*

S. Fin.

Locatio, & conductio transit ad heredes; vnde mortuo conductore intra tempus conductionis, heres eius in conductione succedit. Sic successor vniuersalis locatoris tenetur stare locationi per suum auctorem factæ: secus si est successor particulatis, vt emptor, donatarius, & qui rem causa dotis, aut legati accepit, quia isti non tenentur stare locationi per suos auctores factæ. Sed datur cautela pro conductore, vt ait Portius *hic*, scilicet vt conductor tempore contractus vltra hypothecam generalem omnium bonorum locatoris, faciat etiam sibi obligari ipsam rem conductam in specie pro manutentione contractus; & ita non poterit expelli durante tempore locationis, neque à successore particulari, quia tunc poterit retinere rem conductam loco pignoris, quousque durat tempus ipsius locationis.

Ceterum durante locatione non poterit expelli conductor *l. ade C. de locat. & conduct.* nisi in casibus assignatis in hac lege, scilicet si conductor sit morosus in solutione pensionis, & ubi est vsus, vel apponitur pactum, vt solvatur in principio, debet solui in principio, aliàs soluitur in fine. Gloss. in *d. l. ade in verb. necessariam*. Secundo si dominus velit ædificare, poterit expelli conductor, dummodo re vera ædificet. Tertio si dominus egeat re locata, & tempore locationis indigentiam non præuiderat. Quarto si conductor abutatur re conducta in detrimentum ipsius rei. Quinto si conductor mutauerit conditionem, vt si mulier honesta, quæ domum conduxit, sit effecta meretrix &c.

De Societate.

T I T. X X V I.

Societas est tertius contractus ex consensu. Et est contractus initus ad commodiorem vsus, & vberiorem quæstum. Et contrahitur vel omnium bonorum, vel alicuius negotiationis, vel alicuius rei particularis.

Item alia est expressa, alia tacita. Expressa est, quæ fit verbis expressis in sua propria forma. Tacita est, vt cum plures fratres mortuo patre in communione viuunt. Bart. in *tratt. de duob. fratrib.*

Societas ut licita sit requiritur, quod negotiatio sit licita, quòd res posita sit periculo ipsius conferentis, & quòd seruetur æqualitas in lucro, & damno secundum arbitrium boni viri.

Romæ contrahuntur societates super officiis Romanæ Curie, quæ licet in Iure sint ignotæ, tamen Princeps eas permittit propter Curialium necessitatem. De forma, & requisitis earum, ut licitæ sint, videte Castracan. Boccac. & Zacchiam in *tractatib. quos de societatis offic. conscripserunt*, & Salust. Tiber. in *sua prax. iudiciar. lib. 1. à cap. 13. usque ad 24.*

S. De illa, cum S. seq.

Societas potest contrahi cum pacto, ut vnus sentiat duas partes lucri, & vnâ partem damni, vel è contra. Quia sæpè contingit, ut plus valeat pecunia vnus, quàm industria alterius, vel è contra. Ceterum si de solo lucro actum sit, tantumdem etiam de damno intelligitur, & è contra.

S. Manet, cum S. seq.

Societas dissoluitur primo per renunciationem vnus socij. Sed si callidè fuerit renunciatum, ne lucrum obuenturum communicaretur, quod præuidebatur, nihilominus communicandum est, quia bona fides in contractibus bonæ fidei seruari debet.

Secundo dissoluitur per mortem vnus socij, etiam quoad omnes alios, nisi aliter concordatum sit inter eos, quia mortuo vno socio, non est amplius societas in illa forma, nec transit ad heredes, nisi hoc sit concordatum per pactum, ut mortuo vno transeat ad heredes illius. Et ratio est, quia in societate eligitur persona certa, cuius industria non transit ad heredes, nisi sint socij vtegalium, pro quibus heredes etiam obligantur.

Tertio soluitur, si negotium sit finitum.

Quarto si vniuersa bona socij publicentur, quia tunc pro mortuo habetur.

Quinto si socius fuerit decoctus, & ideo cesserit bonis.

S. Fin.

In societate datur actio pro socio contra socium, qui dolum, vel culpam latam, vel leuem commiserit, non verò leuissimam, quia societas est contractus gratia vtriusque, quæ actio ab vtraque par-

parte est directa, quia non mutatur nomen contrahentium, cum uterque appelletur socius, & uterque eodem modo sit dominus negotij. Et ita dignoscitur, an actio ab utraque parte directa sit, an verò ab una parte directa sit, & ab altera sit contraria; nam qui est dominus negotij, habet directam: qui verò est exequutor, habet contrariam. Sic mandator habet actionem mandati directam, mandatarius habet mandati contrariam. Pupillus habet tutelæ directam, tutor tutelæ contrariam &c.

De Mandato.

T I T. X X V I I.

Mandatum, quod est quarta, & ultima species obligationum ex consensu, sic definitur. Est officium voluntariè susceptum, gratuitò exequendum. Dicitur gratuitò, quia si merces constituatur, est locatio, & conductio. Si de alio dando, vel faciendo conventum sit, erit contractus innominatus.

Mandatum autem duplex est, expressum, & tacitum: Expressum est quod expressis verbis fit. Tacitum quod tacito consensu inducitur, veluti si quis præsens patiat, ut alius pro se fideiubeat *l. qui patitur ff. mandati*. Et licet mandatum solo consensu perficiatur, debent tamen in mandato expresso intercedere verba, veluti mando, rogo, & similia, & exequutio, seu implementum mandati. Verba autem exhortatoria, admonitoria, commendatoria, & laudatoria non inducunt mandatum. Gloss. & communiter DD. in *l. 1. ff. eod.*

Quinque autem modis mandatum fieri potest, vel gratia mandantis tantum: vel gratia mandantis, & mandatarij: vel gratia aliena: vel gratia mandantis, & aliena: vel gratia mandatarij, & aliena. Ita in *princ. istius tex.* Interest autem cognoscere gratia cuius mandatum factum sit, ut sciamus qua culpa quis teneatur. Si verò mandatum est gratia mandatarij tantum, non est propriè mandatum, sed consilium, quod nisi fraudolentum sit, non obligat *l. consilij ff. de reg. iur.* nisi tamen mandans approbaverit personam, ut si dixerim tibi, habes pecuniam otiosam, da illam mutuum Caio, qui est idoneus. Si verò simpliciter laudavi tibi personam, non teneor *l. sciendum tamen est ff. de adilit. edict.*

S. Mandantis, cum quinque SS. seqq.

Ponuntur in his SS. exempla omnium mandatorum, quæ in
textu videre poteritis.

S. Illud quoque

Mandatum contra bonos mores non est obligatorium, etiam
quod pœna sit promissa, vel iuramentum adhibitum *c. cum contin-*
gat de iur. iur. c. non est obligatorium § 8. de reg. iur. in 6. Imò mandans
dicitur esse in principalitate delicti *c. de cetero, de homicid.*

S. Is, qui exequitur

Mandatarius non debet excedere fines mandati *l. diligenter ff.*
mand. Sed si pinguis exequutus est mandatum, non dicitur exce-
sisse fines mandati *DD. in l. si quis mibi §. penult. ff. de acquir. hered.*
vbi si mandavi Titio, vt hereditatem adiret nomine meo, si com-
pererit me fuisse institutum heredem à Caio, & inuenit me esse
substitutum, & videns esse factum locum substitutioni, adiuit, non
dicitur excessisse fines mandati. Sed an si mandatarius excesserit
fines mandati, possit agere pro quantitate sibi mandata? Et dici-
tur quod de rigore iuris non potest. i. de æquitate tamen potest.

Duplex autem oritur actio ex contractu mandati, altera, quæ
dicitur mandati directa, quæ datur mandanti contra mandatarium,
qui fideliter non fuit exequutus mandatum: altera mandati con-
traria, quæ datur mandatario contra mandantem ad repetendas
expensas necessarias factas pro exequendo mandato.

S. Res

Mandatum re integra reuocari potest. Et dicitur res integra,
quoties non sunt facta præparatoria necessaria, licet sint facta vo-
luntaria. Necessaria sunt, sine quibus mandatum exequi non po-
test, vt sunt lapides &c. ad domum ædificandam. Voluntaria
sunt, sine quibus mandatum exequi potest, vt si mandavi tibi, vt
ires pro me Tusculum ad aliquod simplex negotium agendum,
& tu fecisti vestimentum, & duxisti quadrigam, & famulos, pos-
sum reuocare mandatum, & non teneor nisi ad conductam vnus
equi: sicuti teneor ad totale interesse si reuoco mandatum, quan-
do

do sunt facta præparatoria necessaria. Et hoc procedit in negotijs mandatis. In Iurisdictione autem mandata res dicitur integra; quousque Iudex non remisit primam citationem *l. more*, ubi Bart. ff. de iurisd. omn. Iudic.

Mandatum mortuo alterutro vel mandante, vel mandatario euanesceat. Sed si mandatarius ignorans mortem mandantis illud fuerit executus, habet nihilominus ex æquitate actionem contra heredem mandantis, ne iusta ignorantie causa ei damnum afferat *ut in hoc tex. dicitur versic. item si adhuc l. inter causas §. si quis debitor ff. mandat.*

§. Mandatum non

Mandatum ab initio est voluntarium, sed postquam susceptum est fit necessarium. Sic omnes contractus ab initio sunt voluntatis, postea fiunt necessitatis *l. sicut initio C. de action. & obligat.* Et propterea mandatarius debet exequi mandatum, vel illud tempelluè renunciare, ut mandator possit æquè commodè per alium expedire negotium, alioquin mandatarius tenebitur ad interese.

§. Mandatum &

Mandatum potest fieri sub conditione, & potest differri in diem.

§. Fin.

Dicitur in hoc tex. quòd mandatum debet esse gratuitum, ut explicauimus *supr. in princ. huius tit.*

De Obligationibus, quæ ex quasi contractu nascuntur.

TIT. XXVIII.

Post obligationes ex contractu, sequitur de his, quæ ex quasi contractu nascuntur iuxta ea, quæ diximus in *§. fin. supr. de obligationib.*

Quali contractus dicitur cum non est facta conuentio, tamen ex natura negotij intelligitur, quia creditur partes ita voluisse. Et ista dictio, *quasi*, in hoc loco est nota improprietatis; licet enim

enim aliquando sit nota veritatis, vt Ioan. cap. 1. Et vidimus gloriam eius, gloriam quasi vnigeniti à Patre. Gloss. in c. Parochianos, de decim. tamen regulariter est nota improprietas. Barbosa. in tract. de dictionib. in hac dict. quasi.

In quinque autem casibus oritur obligatio ex quasi contractu, qui enumerantur in hoc tit. in quibus cum nulla sit facta conuentio, neque sit obligatio ex maleficio, dicitur solum ex quasi contractu oriri obligationem.

S. Igitur

Primo quasi contrahitur inter Dominum, & negotiorum gestorem, etiam si minimum negotium gestum sit. Dicitur autem negotiorum gestor ille, qui sponte sine domini expresso mandato, imò ipso ignorante, aliena negotia suscipit. Et per hoc differt à procuratore, & mandatario, quia isti mediante mandato in iudicio, vel extra aliena negotia faciunt: & quia interest absentium negotia geri, ne pereant, ideo ex naturali æquitate obligatur dominus pro tali gestione.

Duplex autem datur actio negotiorum gestorum, alia directa, quæ datur Domino contra gestorem, qui aliquando tenetur solum de dolo, & lata culpa, aliquando etiam de leui: & aliquando etiam de leuissima, secundum distinctionem, quam affert gloss. hic in verb. exactissimam, per vos omnino videnda. Alia contraria, quæ datur gestori contra dominum, si aliquid pro eo impendit de suo, vel se obligauit, vt repetat, nisi pietatis causa præsumatur fuisse, vt si Victorius soluit honorarium Præceptoribus priuigni sui, non habet actionem repetendi, quod pro eo impendit, nisi à principio protestatus fuerit se soluere animo repetendi, quia alias præsumitur fecisse ex causa pietatis ad tex. in l. Nefennius ff. de negot. gest. & l. qui filium ff. ubi pupill. educar. debet. & ita à priuigno repetere non poterit: nec à Præceptoribus repetere poterit, cum non indebitum fuerit solutum; integrum enim, & amplum pro dignitate natalium ab Auditoribus solui debet honorarium Præceptoribus suis, vt inquit text. in l. cum plures § cum tutor ff. de administr. & peric. tutor. vel curat. & diximus supr. in S. si quis tutor, de suspect. tutorib. vel curatorib.

S. Tutores quoque

Secundo quasi contrahitur obligatio inter tutorem, & pupil-
lum

lūm; inter quos nulla est facta conuentio, tamen intelligitur; & propterea duplex datur actio, tutelæ directæ pupillo contra tutorem pro mala administratione, & tutelæ contraria tutori contra pupillum, si quid pro eo impendit, vel se obligauit. Idem inter curatorem, & aduultum.

§. Item si

Tertio quasi contrahitur inter eos, qui habent communem, rem sine societate, puta si aliquid eis legatum, donatumue sit; nam datur actio, quæ appellatur, communi diuidendo, quæ est ex vtraque parte directæ, ad diuidendam rem illam; in qua diuisione habetur ratio fructuum perceptorum, & expensarum factarum ex altera parte. Idem in iudicio familiæ eriscundæ, idest diuidendæ hereditatis. Idem in iudicio finium regundorum, idest partiendorum confinium, quando sunt confusi.

§. Heres quoque

Quarto quasi contrahitur inter heredem, & legatariū, quia heres adeundo hereditatem tacite conuenit cum legatarijs de soluendo illis legata. Et bene dicitur solum legatarijs, quia alijs creditoribus hereditarijs obligatur heres eo modo, quo erat obligatus defunctus, nempe si ex contractu, heres etiam tenetur ex contractu, si ex delicto, tenetur ex delicto; quia actiones transeunt ad heredes, & contra heredes, nisi sint actiones iniuriarum, vel ex dolo, ut dicemus *infr. in tit. de perpet. & temporal. action. &c.* Pro legatis autem, quæ procedunt non ex aliqua obligatione testatoris; sed ex mera ipsius liberalitate, heres non tenetur ex contractu, sed solum ex quasi contractu per actionem ortam ex ipso testamento, cum teneatur adimplere voluntatem defuncti.

§. Item si

Quinto quasi contrahitur inter eum, qui soluit indebitum, per errorem, & eum qui illud recipit etiam per errorem; licet enim nulla sit facta conuentio de restituendo, obligatur tamen recipiens tanquam si mutuum recepisset, per actionem, quæ dicitur conditio indebiti, quia hoc tacite intelligitur actum. Sed si scienter recepisset indebitum, esset obligatus ex delicto propter

dolum. Et si scienter fuisset solutum indebitum, recipiens ad nihil teneretur, cum esset donatio.

Dices. *In §. 1. supr. quib. mod. re contrah. oblig.* ponitur receptio indebiti. Vnde videtur hanc esse obligationem ex contractu, & non ex quasi contractu.

Respondent communiter DD. quòd ibi fuit positum de receptione indebiti, ad designandum solum, quòd per receptionem indebiti, oritur obligatio, *re*, sed ibi non firmatur an sit ex contractu, vel ex quasi contractu. *hic* autem statuitur esse ex quasi contractu, cum nulla præcesserit conventio. Sed verius dicamus hanc esse obligationem ex distractu, quia qui solvit facit animo distrahendi potius, quàm contrahendi obligationem: sed appellatur quasi contractus distractivus; ex parte enim soluentis est distractus, & ex parte recipientis est quasi contractus.

S. Fin.

In quibusdàm autem casibus non datur repetitio in debiti soluti per errorem, puta si quis soluerit aliquod indebitum per transactionem, repetere non potest; transactio enim habet vim rei iudicatæ, & res iudicata pro veritate habetur *l. non minorem C. de transact. & l. ingenuum ff. de stat. homin.* Item si solutio facta fuerit existente solum naturali obligatione, non datur repetitio, quia naturalis obligatio id habet, ut quamvis debitor non possit cogi de iure civili ad soluendum, si tamen solvit, non datur repetitio, quia fecit quod debebat. Demum non datur repetitio si solvatur Ecclesiæ aliquod legatum indebitum, prout dicitur *in fin. huius tit.*

Per quas Personas nobis obligatio acquiritur.

TIT. XXIX.

Quia possumus nobis acquirere obligationem etiam per interpositas personas, ideo subnectitur præsens tit. Pro quo ea, quæ dicta sunt supra *in tit. per quas person. nob. acquir.* *hic* intelliguntur repetita, cum eisdem distinctionibus, quæ ibi allatæ fuerunt; per easdem enim personas nobis obligatio acquiritur, per quas generaliter nobis acquiritur. Videte etiam quæ diximus *supr. in tit. de stipul. at. servor.*

Qui-

Quibus modis tollitur Obligatio.

T I T. X X X.

V Ifum est de modis, quibus obligatio inducitur, superest videre de modis, quibus tollitur.

Quatuor modis obligationem tolli dicunt communiter DD. qui enumerantur in hoc titulo, per solutionem eius, quod debetur: per acceptilationem: per nouationem: & per contrarium consensum.

Est autem dubium, an alijs modis tollatur? Et aliqui dixerunt quòd sic, vt præscriptione, re iudicata, & similibus, prout in *gloss. ult. huius tit. in verb. dictum est* omninò per vos videnda. Sed contrarium videtur verius, tum quia Imperator fuisset defectiuus in hoc tit. non assignando omnes modos: tum quia ex alijs modis potius datur exceptio; vnde contra agentem opponitur exceptio præscriptionis, vel rei iudicatæ, vel quid simile; & quamuis per interitum rei sine mora debitoris videatur omninò sublata obligatio: tamen non est ita, quia obligatio impressit quodammodo characterem, qui non tollitur nisi vno ex quatuor modis assignatis in hoc tit.: sed potius datur exceptio, quòd res præstari non possit, quia periit &c.

Primo igitur tollitur obligatio per solutionem eius, quod debetur, si is, cui debetur possit solutionem recipere, quia si solvatur pupillo, vel furioso, sine interuentu tutoris, vel curatoris, non tollitur obligatio. Item non tollitur, si aliud pro alio inuito creditore solvatur. Sed hoc limitatur, quando res debita non reperitur, quia tunc potest dari in solutum creditori alia res *auth. hoc nisi C. de solutionib.* Item si esset affectio ad rem debitam, dummodò obligatio non sit ex facto proprio, vt si pater legauit alicui libros, in quibus filius studuit, potest filius allegare affectionem ad eos libros, & dare æstimationem. Limitatur etiam alijs modis, de quibus per DD & in specie per Bolognett. in l. 2. §. *mutui datio ff. si cert. petat.*

Quod verò non possit aliud pro alio solui inuito creditore ampliatur, de re ad locum, de re ad tempus, de re ad personam, & de re ad qualitatem, quia valent omnia ista argumenta, & è contra, dummodò sit eadem ratio. Quæ distinctio valet in omnibus argumentis deductis à locis communibus. Euerard. in sua centur. in istis locis.

S. Item per acceptilationem

Secundo tollitur obligatio per acceptilationem. Acceptilatio est imaginaria solutio eius, quod debetur, qua fit per stipulationem, quoties obligatio est per stipulationem, ut si dicam, habes ne acceptum quod tibi debeo? & tu respondes, habeo. Et hoc fit, quia vnumquodque eo modo dissolvitur, quo ligatur *l. nihil tam naturale ff. de reg. iur.* Et sicuti vera solutio potest fieri in parte debiti, & pro ea parte tollitur obligatio: ita etiam in acceptilatione, quia tantum operatur fictio in casu ficto, quantum veritas in casu verò *l. filio quem ff. de liber. & posthum.*

Si verò obligatio alio modo sit inducenda, vel re, vel litteris, vel consensu, debet prius renouari per stipulationem, quæ Aquiliana dicitur, cuius formula ponitur in *textu*, ut si ego dicam tibi, pro omni eo, quod mihi quocumque modo debes, promittis solvere tot? & tu respondes, promitto. Et deinde tu stipularis à me, dicens, quod ego hodie tibi promisi per Aquilianam stipulationem, habes ne acceptum? & ego respondeo, habeo. Et ita tollitur obligatio.

S. Præterea

Tertio tollitur obligatio novatione. Novatio est prioris obligationis in novam facta translatio; & olim fiebat vel adiectione personæ, vel qualitatis, vel temporis: hodie verò non fit, nisi expresse dicatur, quod fit animo novandi *l. fin. C. de novationib.* vel quando in posteriori pacto est impossibilitas cum primo, quia tunc dicitur facta novatio, & tunc fideiussor liberatur. Caveat autem creditor, ne faciat novationem; quia sibi valde præiudicat in prioritatem, & potioritatem, quia cum per novationem extinguatur prior obligatio, non est amplius anterior, & prior ex illa causa; unde debet in nouo pacto apponere cautheam, & protestari, quod non intendit novare, & quod facit sine præiudicio suæ prioritatis; & potioritatis, imò etiam sine liberatione fideiussorum &c.

S. Fin.

Quarto demum tollitur obligatio contrario consensu in contractibus, qui ex consensu nascuntur, dummodo res integra sit.

fit, vt si emi a te rem aliquam, possumus ante traditionem pretij, & rei dissoluere hanc obligationem mutuo consensu in contrarium, scilicet de recedendo a tali emptione, & venditione, alioquin re non integra non resoluitur ipse contractus, sed alius faciendus esset, qui dicitur retrouenditio. Quapropter qui vendidit rem emphiteoticam, tradita re, & pretio, quamuis eam redimeret, non tamen effugeret pœnam legis commissoriz, si absque reservatione consensus domini directi rem illam vendiderat, vt notatur in l. 1. ff. de leg. commissor.




INSTITUTIONVM

I VRIS CIVILIS

LIBER QVARTVS

De Obligationibus, quæ ex delicto nascuntur.

TIT. I.



Explicatis obligationibus descendencibus ex contractu, & ex quasi contractu, incipit Imperator agere de obligationibus prouenientibus ex delicto, quæ licet ex æquitate prouenire dicantur; nam æquitas delicta puniri suadet *l. ita vulneratus vers. quod si quis ff. ad l. Aquil.* præsupponunt nihilominus consensum delinquentis, quia delinquens iure quodam annexionis, siue per concomitantiam dicitur pænæ pro delicto impositæ consentire *l. Imperatores ff. de Iur. Fisc.*

Ponitur hic tit. generalis vsque ad tit. *de obligationib. quæ ex quas. delict. nasc.* Delinquent autem homines vel dolo, vel culpa, vel casu *l. respiciendum §. delinquent ff. de pæn.* Et quamuis obligationes ex contractu quatuor modis deducantur in esse, scilicet, re, verbis, litteris, & consensu: tamen quæ ex delicto sunt, solum re contrahuntur, idest ipso facto, quia quamuis & verbis, & litteris etiam fiat delictum, tamen illud etiam in facto consistit; vnde maleficio dictum est, hoc est male factum, & ita ex re, quia factum, & res pro eodem sæpe ponuntur.

Obligationes autem ex delicto ex quadruplici causa proueniunt, scilicet ex furto, ex rapina, ex damno, & ex iniuria. De furto agitur in hoc primo titulo, de reliquis in tribus titulis immediate seqq.

S. Furtum

Furtum, cuius ethimologia ponitur in hoc textu, est contrectatio fraudulosa rei alienæ, lucri faciendi causa, inuito Domino, vel ipsius rei, vel etiam vsus eius, possessionisue.

Contrectatio communiter exponitur, idest amotio de loco ad locum; vnde in rebus immobilibus non committitur furtum, sed inuasio, & violentia, vt diximus in §. quod autem supr. de vsucapion. Sed ista expositio confunditur cum §. furtum autem fit infr. eod. vbi dicitur quod furtum fit non solum cum quis rem alienam amouet, sed etiam si aliquo alio modo contrectet. Et ita melius explicatur, contrectatio, idest præmanibus habere, quod probatur ex l. vulgaris in princ. ff. de furt.

Dicitur ipsius rei, vel vsus, possessionisue, quod interpretatur communiter, rei, idest dominij ab eo, qui erat dominus: vel vsus, vt in depositario, qui vtitur re deposita, seu commodatario, qui in alium vsum transfert rem commodatam: vel possessionis, vt subripiendo creditori rem illi pignoratam à debitore. Sed quatenus explicatur, rei, idest dominij, est aliqua difficultas, quia id, quod nostrum est, sine facto nostro à nobis auferri non potest l. id, quod nostrum ff. de reg. iur. Et probatur, quia domino adhuc competit rei vendicatio, quæ non datur nisi domino §. fin. infr. hoc eod. Itaque dum dicitur, vel ipsius rei, melius exponitur, idest corporis.

S. Furtorum

Furtum duplex est, manifestum, & nec manifestum: Manifestum est, cum quis apprehenditur in loco, in quo furtum fecit; vel in ipso furto, vel cum re furtiua, priusquam peruenerit ad locum, ad quem rem perferre destinauerat: imò & si visus sit furari: Glos. in l. furtorum ff. de furt. in figuratiōe casus; quæ glossa communiter approbatur teste Iul. Clar. in sua prax. crimin. in §. furtum in princ. Nec manifestum est, quod ita non est: Ex quo colligitur valere definitionem per remotionem contrarij, vt si dicatur, Dies est, cum Nox non est.

S. Conceptum

Erant etiam aliae species furtorum, nempe conceptum, oblatum, prohibitum, & non exhibitum, quae hodie non sunt in usu, nec eorum actiones, cum statutum sit, ut cum quis rem furtivam receperit, seu occultaverit scienter, teneatur tanquam fur, per regulam, quod agentes, & consentientes pari poena puniuntur c. 1. de officio delegati. Quid essent praedicta furtorum genera, videte hic in textu.

S. Pena

Poena furti manifesti est quadrupli, nec manifesti est dupli, ultra rei persecutionem, quae poena dabatur parti: sed hodie poenae non dantur parti, sed Fisco applicantur. Potest tamen pars civiliter agendo iurare in litem ad interesse. Imo communiter ex Statutis, & consuetudine imponitur poena corporis afflictiva, quam Praetores commutaverunt in poenam pecuniariam, iudicantes aequius esse, ut puniatur in pecunia, qui nos laesit in pecunia. Sed quia raro fures possunt solvere in pecunia, ideo resumpta fuit poena corporis afflictiva, prout hodie servatur; qui enim in aere lucere non potest, luat in corpore l. 1. in fin. ff. de poen. l. fin. ff. de in ius vocand. l. quicumque C. de serv. fugitiv. §. fin. infr. de poen. temer. litigant.

S. Furtum autem fit, cum S. seq.

Furtum etiam fit, cum alio modo res invito domino contrahatur, quam amovendo illam. Sic si depositarius utatur re deposita, vel commodatarius in alium usum transferat rem commodatam, furtum committit. Hoc autem intelligitur, si mala fide fiat, ut quia credat dominum non esse permitturum, & verè dominus non erat permitturus. Secus si erat permitturus, vel utens crederet esse permitturum, qui tamen non erat permitturus. Haec autem credulitas potest probari ex coniecturis v. g. si fuerit tanta amicitia inter partes, ut verisimiliter dominus esset permitturus.

§. Sed

S. Sed & si credas

Alquando verò accidit, ut ex voluntate domini res consecrata sit furtum, ut si dominus permittat seruo suo deferre res suas ad sollicitatorem in furto, prout dicitur in textu; nam non est furtum verè, datur tamen actio furti, & actio serui corrupti, quia non stetit per ipsum sollicitatorem, quò minus seruus fuerit corruptus, vel furtum factum. Corruptus dicitur in mente, cum de bono fit malus, vel de malo fit peior. Ex quo colligitur, quòd licet delictum non sit perfectum, sed solum attentatum, nihilominus ex hoc punitur ratione mali exempli, quod erat ad furtum perficiendum. Neque obstat tex. in l. qui falsam ff. de fals. ubi dicitur, si quis falsam monetam perculserit, si in totum reformare noluerit, suffragio poenitentiae absolvitur, & sic delictum non perfectum non punitur. Nam respondetur quod illud delictum attentatum non tendit ad exemplum delicti perficiendi, prout est delictum nostri textus; cum enim stat per eum, qui potest perficere delictum, & non perficit, tunc attentatum non punitur poena ordinaria, sed solum poena aliqua mitiori, nisi in atrocissimis, in quibus etiam conatus poena ordinaria punitur. In nostro autem casu non stat per sollicitatorem, sed per dominum, quò minus furtum vere fiat.

S. Interdum etiam

Liberorum hominum etiam furtum fit, ut si filius noster à nobis subreptus sit. Neque dicas, quòd rei, quæ non possidetur, non fit furtum l. si Apes ff. de furt. Sed liber homo à nemine possidetur ut in princ. suprad. inutilib. stipulat., ergo de libero homine furtum fieri non potest, Respondetur enim, prout respondet Theophil. hic, furtum committi, quia resultat interesse Patris v. g. si filius meus institutus sit heres, & antequam hereditatem adiret, tu illum subripuisti, ita ut tempore aditionis elapso amiserit hereditatem, potero ego, vel ipsemet filius, agere contra te ad interesset actione furti. Non autem habeo actionem ad rei vendicationem, cum in meo dominio non sit filius. Hoc autem intelligitur, si homo liber sublati, non fuit venditus; tunc enim est crimen plagiatus, ut dicitur infr. in tit. de public. Indic. §. penult.

S. Aliquando 2

Etiam rei propria furtum aliquando fit, & si debitor rem quam pignoris causa dedit creditori, ab eo subtraxerit, furtum committit, quoniam in eo creditorem ledit, quia spoliatur etiam commodo, & possessione rei, quæ in causa pignoris est.

S. Interdum quoque

Tenetur etiam furti, qui opem, & consilium præstitit ad furtum faciendum. Opem præstare dicitur qui commodat instrumenta, per quæ fit furtum scienter, & etiam qui associat. Sic qui excubias facit, opem præstare dicitur, quia fur fit audacior. Qui verò tantum consilium dedit, distinguitur, si aut fur erat omnino furaturus; & tunc non tenetur nisi poena extraordinaria: si verò sine illo consilio non erat furaturus, & tunc tenetur ut fur, imò consulens dicitur esse in principalitate delicti. Hæc autem doctrina procedit penè in omnibus delictis ut communiter dicunt DD. In atrocissimis verò, ut in crimine læsæ maiestatis tenetur consulens poena ordinaria etiam si delinquens erat omnino furaturus l. quisquis C. ad l. l. maiest.

S. Ii, qui

Qui sunt in potestate parentum, vel dominorum subripiunt a parentibus, vel a dominis, committunt furtum, & res fit furtiva, ita ut res capi non possit tanquam vitiosa: tamen contra illos non datur actio furti, quia inter eos nec ulla alia actio datur l. cum servis, ubi DD. ff. de reg. iur. Datur tamen actio furti contra eum, qui opem, vel consilium præstitit filio, vel servo ad furtum faciendum: Dicunt tamen aliqui DD. hoc quod si filius habeat peculium castrense, vel quasi, possit pater agere contra ipsum actione furti, quæ opinio non videtur vera, quia si inter maritum, & uxorem, etiam soluto matrimonio non datur actio furti, quæ infamat, in honorem matrimonij, vel memoriz illius, sed loco eius, datur actio rerum amotarum, quæ non infamat, quanto magis non debet dari actio furti inter patrem, & filium propter honorem sanguinis; unde solum dabitur in isto casu inter eos actio utilis rerum amotarum, cum directa sit inter virum, & uxorem, propter quos à lege fuit inducæ, ut tot. tit. ff. & C. rer. amotar.

S. Furt-

S. Furti autem, usque ad S. In summa

Erat olim magna controuersia cui daretur actio furti propter lucrum dupli, vel quadrupli; unde fuit decisum, ut daretur ei, cuius intererat rem non fuisse subreptam, ideoque si dedi vestem meam poliendam fulloni, qui sit soluendo, si vestis subrepta sit, datur fulloni actio furti, & non mihi, quia fullo iam est mihi obligatus actione locati: sed si fullo non sit soluendo, tunc actio furti datur mihi; quia tunc mea interest.

In re autem commodata hodie statutum est, quod electio sit commodantis agere contra furem, vel contra commodatarium: & vno electo, alter quoad ipsum liberatus est, quemcumque exitum habeat causa. Sed si ignorans furtum elegerit commodatarium, postea sciens furtum, poterit agere contra furem.

In deponente vero distinguitur. Si depositum est irregulare, ex eo quia transferatur dominium in depositarium, ut in l. de sponsaliorum ff. de positi. depositarius agit de furto, quia domini non interest, ex quo depositarius tunc tenetur etiam de casu fortuito. Sed si depositum sit regulare, ex eo quia non transfertur dominium, & tunc si depositarius comisit dolum, vel latam culpam, quæ in contractibus æquiparatur dolo; tenetur ut fur: de leui vero, & leuissima non tenetur, cum depositum regulare sit contractus gratia deponentis tantum; quò casu actio furti datur domino, cuius interest.

S. In summa

Impubes non dicitur committere furtum, nisi intelligat quid sit furtum. Dicitur autem intelligere, si sit doli capax, & proximus pubertati. Quando autem dicatur proximus pubertati declarat gloss. hic in verb. proximus pubertati, & nos alibi diximus Quatenus vero dicit textus quòd furtum sit ex affectu furandi obstat tex. in l. qui saccum ff. de furt. ubi qui subripit pecuniam in sacco, non habet animum subripiendi saccum, sed pecuniam, & tamen ibi dicitur quòd facit furtum etiam de sacco; ergo furtum fit sine affectu. Respondetur tamen ibi esse etiam animum implicitum subripiendi saccum, cum pecunia illa in sacco inclusa, sine sacco subripi non possit; & ideo sine aliquo affectu furandi, saltem implicito, furtum non committitur. Quod probatur ex l. qui iniuria ff. de furt. ubi qui fregit ostium domus alienæ ob iniuriam,

si postea furtum factum sit, non tenetur actione furti, quamvis ad damna, & interesse teneatur actione iniuriarum, quia in illo actu iniuriæ nullus affectus ad furtum continetur.

S. Fin.

Ex furto, quemadmodum ex omni alio delicto, dupliciter agi potest, scilicet ad rem persequendam, & ad pœnam dupli, vel quadrupli parti applicandam: & criminaliter ad publicam utilitatem, & ad pœnam applicandam Fisco, & ad pœnam corporalem infligendam. Cum agitur civiliter dantur quatuor actiones à lege introductæ odio furum *l. si pro fure §. furti actio ff. de condit. furtiv.* scilicet actio ad exhibendum, rei vindicatio, conditio furtiva, & furti actio.

Prima est actio ad exhibendum, quæ est præparatoria rei vindicationis, de qua *in §. præterea infr. de actionib.* & datur ad hoc, ut res, quæ furto subtracta est exhibeatur.

Secunda est rei vindicatio, quæ datur adversus furem, & quemcumque possessorem ad recuperandum tantummodo rem subreptam. Et hæc solum competit domino, eiusque heredibus *l. in rem la 1. ff. de rei vendit.*

Tertia est conditio furtiva, quæ est competens contra furem, eiusque heredes solum, non ad pœnam: sed ad ipsam rem persequendam, & ea non existente ad ipsius æstimationem *l. in re furtiva ff. de condit. furtiv.*

Quarta demum est actio furti, quæ respicit solum pœnæ persequutionem, dupli, si est furtum nec manifestum, quadrupli verò, si est manifestum, quæ olim dabatur parti: hodiè verò datur Fisco, & pars hodiè solum agere potest civiliter ad interesse ut supra diximus.

De Vi Bonorum raptorum.

TIT. II.

Sequitur de secunda specie obligationum ex delicto, quæ est rapina.

Rapina est furtum, quod fit palam, & per vim, cuius actio dicitur vis bonorum raptorum. Plures autem sunt species usurpationis rei alienæ.

Prima

Prima est furtum, de qua iam diximus in tit. præcedenti.

Secunda est rapina, quando res mobilis, vel se mouens per vim ab alio subripitur.

Tertia est inuasio, cum aliquis occupat rem immobilem per vim expulsiuam.

Quarta est crimen expilatæ hereditatis, cum quis ab hereditate iacente aliquid detrahit.

Quinta est raptus, cum quis causa libidinis hominem subripit, *ut tot. tit. C. de rapt. Virg.*

Sexta est plagiatas, cum quis subripit hominem, & vendit, *ut tot. tit. ad l. Flauian de plagiar.*

Septima est abigeatus, ut cum quis subripit gregem, vel armentum, *ut tot. tit. ff. de abigeis.*

Octaua est peculatus, cum quis subripit rem publicam, vel religiosam, *ut tot. tit. ff. ad l. Iul. peculat. & de sacrileg.*

Nona est sacrilegium, ut cum quis rem sacram subripit, vel profanam de loco sacro.

Decima est usurpatio, ut cum quis usurpat alienam Iurisdictionem.

Vndecima est usura, ut cum quis ultra sortem principalem mutuatam aliquid recipit *ut tot. tit. C. de usur.*

Duodecima est crimen repetundarum, ut cum quis extorquet pecuniam, ut ferat sententiam siue iustam, siue iniustam, *ut tot. tit. ff. ad l. Iul. repetund.*

Decimatertia est crimen de residuis, cum quis quæ supersunt ex administratione pro se retinet.

Decimaquarta dicitur concussio, cum Magistratus per metum impellit aliquem ad aliquid tibi dandum. Et hæ sunt species usurpationis rei alienæ. De prima specie fuit actum in tit. præced. De secunda agitur in hoc tit. De ceteris agitur in libris ff. & C. in proprijs titulis.

Pœna rapinæ intra annum vtilem est quadruplum, post annum verò est simplum, *ut tot. tit. C. eod.* In quadruplo autem continetur etiam simplum, hoc est ipsius rei persecutio, vel æstimatio; Unde pœna rapinæ solum est triplum.

Tres sunt difficultates in hoc textu.

Prima est, quia dicitur textus, quod qui rapit, tenetur etiam furti, non tamen dicit an teneatur furti manifesti, seu potius nec manifesti. Intelligunt tamen comuniter quod teneatur furti nec manifesti, quia si rapina est ad triplum, & furtum manifestum ad quadruplum, non potest rapina continere furtum manifestum, quis

quia continens debet esse magis amplum, quam contentum.

Secunda difficultas est, quia leuius videtur puniri raptor quam fur: & tamen grauius delictum est rapina, quam furtum, cum fur improbus dicatur qui scienter retinet rem alienam ab alio subreptam: improbius, qui ipse subripuit: improbissimus, qui per vim rapuit, contra quem potest agi tam actione furti, quam rapinae, ut scilicet per vnā actionem soluat quod in alia minus soluisset l. 2. §. *verum ff. eod.* Glossa hic in verb. qui clam ponit multas responsiones, quas vestrum erit videre. Melior tamen responsio videtur esse, quod licet leuius delictum sit furtum, quam rapina, tamen grauius debet puniri, quia frequentius accidit *argum. tex. in l. transigere C. de transaction.* vbi dicitur quod in crimine adulterij non est licita transactio, licet in aliquibus grauioribus licita sit, ea ratione, quia adulterium est magis frequens. Ita in casu nostro.

Tertia difficultas est, quia dicitur in text. siue comprehendatur raptor in ipso delicto siue non. Quomodo potest esse, quod sit raptor, & non comprehendatur in ipso delicto, cum rapina palam fiat? Respondetur communiter, quod rapina est contrectatio fraudulosa rei alienae cum dolo malo, vel ex proposito l. 1. & 2. ff. *eod.* Vnde raptor iudicatur ex animo inferendi violentiam, ut inquit glossa hic in verb. comprehendatur. Et ita si quis armatus ingressus fuerit domum alienam, ut per vim auferret aliquid, sed postea neminem inueniens, sine vi abstulerit, tamen punitur poena rapinae ex animo l. 2. §. *etiam ff. cod. tit.*

§. Ita tamen

Poterat olim qui rapuerat se excusare dicendo, quod credebat licere domino rem suam rapere, & quod credebat rem illam esse suam. Sed hodie non licet hoc asserere, quia nemo potest sibi ius dicere l. *extat ff. de eo quod met. caus. l. si quis in tantam C. unde vi.* vnde statuitur, quod si quis rem suam rapnerit, illam amittat, & si alienam rapuerit, puniatur poena rapinae. Glossa in d. l. *si quis in tantam*, in verb. *earundem verum* ponit multas limitationes, & est glossa magistralis per vos videnda. Imò tenetur etiam ex publico Iudicio ex l. Iul. de vi publica, si armis vim intulit: si vero sine armis, ex l. Iul. de vi priuata, ut *infra in tit. de public. iudic.* Hoc etiam procedit in inuasionibus, id est occupationibus rerum immobilium.

§. Fin.

S. Fin.

Actio de vi bonorum raptorum datur etiam si minima res rapta fuerit, & non solum datur domino: sed etiam ei, qui passus est vim, etiam, quod fuerit conductor, depositarius, creditor, vel alius, non quidem, ut per ipsam consequatur dominium, sed recuperet illud ius, vel detractionis, vel possessionis, quod antea habebat.

De Lege Aquilia.

TIT. III.

Visum est de damnis datis per furtum, & rapinam; erat videndum de ceteris damnis, pro quibus competit actio ex lege Aquilia, quæ fuit plebiscitum, sed lex in genere nuncupatur.

Appellatione damni vniuersaliter sumpti venit omnis diminutio patrimonij, & hac significatione iuspecta sub nomine damni, furtum etiam, & rapina continentur, l. 3. ff. de damn. infect. Strictè verò damnum non significat furtum, nec rapinam, sed de ætiorationem, & sic corruptionem alicuius rei, sine illius amotione: animo lucrandi l. si seruus la 2. §. si oliuam ff. ad l. Aquil.

Hoc autem damnum duplex est. Alterum quod datum nondum est, sed in futurum timetur, & hoc damnum infectum appellatur, idest non dum factum, veluti si domus vicini minatur ruinam, possum agere aduersus vicinum, ut præstet cautionem, de damno infecto l. 1. & 2. ff. de damn. infect. Alterum dicitur damnum datum, & est cum quis damnificatus est in re propria §. de maleficijs infr. de actionib. & de hoc damno loquitur hic titulus.

Lex Aquilia habet duo capita, primum, & tertium, secundum enim non reperitur.

Primum caput loquitur, cum quis alienum seruum, alienamue quadrupedem, quæ de pecudum numero sit, idest gregatim, pascatur, iniuria occiderit, ut puniatur quanti plurimi anno reo tior valuerit; vnde actio est pœnalis, quia ut plurimum potuit pluri res valere trecentis sexagintaquinque diebus retrò, quam vno die; & licet eo die aliquando potuerit plurimi valere, tamen leges se accommodant ad ea, quæ frequentius accidunt l. nam ad ea ff. de legib.

S. Iniuria, usque ad S. capite tertio

Colligitur ex hoc textu, quod in hoc primo capite iniuria venit largè, idest quod non fuerit ius occidendi, alioquin non tenetur qui occidit, ut si fecit ad sui necessariam defensionem. *l. ut vim ff. de iust. & iur.* & venit non solum dolus, verum etiam culpa, ut plura sunt exempla, quæ ponuntur in textu, per vos videnda. Item venit etiam imperitia, & infirmitas, quæ culpæ annumeratur. Item venit non solum interesse damni emergentis, verum etiam lucri cessantis, ideoque si servus meus non potuit adire hereditatem, in qua erat institutus, valentem mille, qui cum occidit, tenetur etiam ad illa mille. Et sic de alijs.

S. Capite tertio

Tertium caput loquitur de cetero damno, ut si quis vulneraverit, vel occiderit quadrupedem, vel quodcumque aliud animal, quod non sit de numero pecudum: vel mutilaverit, aut vulneraverit servum alterius, vel quadrupedem, quæ de numero pecudum sit, vel rem alienam ruperit, idest laceraverit, sciderit, combusserit, fregerit, eliderit, effuderit, vel quocumque alio modo deteriorem fecerit, tenetur ex hoc tertio capite, quod concordat cum primo quia venit etiam culpa, & interesse lucri cessantis, & damni emergentis, & venit etiam quanti plurimi: sed discordat, quia in hoc tertio capite venit solum quanti plurimi res valuerint triginta diebus retrò.

S. Fin.

Ex hac lege tres dantur actiones. Prima est actio directa legis Aquilæ, quando damnum datum est de corpore in corpus, ut si ego occidi servum, vel animal tuum, vel rupi rem tuam. Secunda est actio utilis legis Aquilæ, quando damnum datum est de non corpore in corpus, ut si ego persuasi servo tuo, ut descenderet in puteum, & mortuus est: vel damnum datum est de corpore in non corpus, ut si ego proieci anulum tuum in flumen, vel quid simile. Tertia est actio in factum legis Aquilæ, quando damnum datum est de non corpore in non corpus, ut si ego solui servum tuum, ligatum, qui aufugit, prout inquit gloss. *hic.*

De Iniurijs.

TIT. IV.

Quarta species obligationum ex delicto venit ex capite iniuriarum.

Iniuria generaliter sumpta significat omne id, quod non iure fit. In specie verò significat contumeliam, quæ à contemnendo dicta est, de qua agitur in præsentì titulo.

S. Iniuria

Iniuria committitur vel re, vel verbis, vel litteris, ut dicitur in *textu*, & in *l. item apud Labeonem ff. de iniur. & famos. libell.* Sed quæ litteris fit, habet speciale nomen, ut sit crimen de famosis libellis, ut *l. 1. C. de famos. libell.* Habet etiam iniuria speciale delictum ratione qualitatis, vel ratione loci, vel ratione personæ, ut si fiat in loco sacro, est sacrilegium: si fiat Principi, vel illis, qui sunt de latere Principis est crimen læsæ maiestatis &c.

S. Patitur, usque ad S. Pena autem

Iniuriam patitur quis non solum per semetipsum, sed etiam per liberos suos, quos habet in potestate. Item per uxorem suam, & per nurum, & hoc ob sanguinis coniunctionem; nam iniuria facta his personis intelligitur facta alteri coniuncto: si tamen fiat marito, vxor agere non potest, nisi quando maritus non posset agere per semet ipsum. Sed Dominus non patitur iniuriam per feruum, siue verum, siue putatum, nisi illa iniuria sit atrox, & Domini contumeliam aperte respiciat: & si communi seruo atrox iniuria facta sit, æstimabitur pro qualitate dominij.

S. Pena autem, cum S. seq.

Pœna iniuriarum ex legibus duodecim tabularum propter membrum ruptum, erat talio, idest manus pro manu, dens pro dente &c. Sicut etiam Romæ statutum est: sed propter os fractum erant pœnæ nummatix. Postea verò Prætores permiserunt, ut qui passi essent iniuriam, medio iuramento ipsam æstimarent, facta prius

taxatione à Iudice; nam si postea Iudex diuersimodè, taxaret, argueret eos de periurio. Et hæc pœna hodie, est in vſu, cum non poſſit ſtatui pœna certa, ex quo iniuria modò creſcit, modò minuitur, ex qualitate perſonæ, loci, & temporis circumſtantia.

Actio autem iniuriarum eſt prætoria, exceptis tribus caſibus legis Cornelie, vt ſi quis ſit pulſatus, vel verberatus, vel domus ipſius per vinum introita ſit, & propterea in hiſ tribus caſibus actio eſt perpetua, quia ex lege procedit, cum in ceteris caſibus ſit annalis; quia prætoria eſt; Prætores enim durabant anno: lex verò perpetua eſt.

S. Atrox

Atrox iniuria dicitur vel ex re, ſeu factò, vel ex loco, vel ex perſona, vel ex loco vulneris, vt dicitur in tẽxtu. In quibus caſibus inquit Bart. in l. 3. §. non ſolùm num. 4. ff. de adimend. legat. quod contrahitur inimicitia capitalis. Exempla iſtorum caſuum videre poteritis hic in tẽx, vbi diſtinctè ponuntur.

S. In ſumma

Prò iniuria poteſt agi ciuilitè, & criminaliter. Ciuilitè vt ſupra diximus. Criminaliter arbitrio Iudicis; quod arbitrium extenditur vſque ad mortem excluſiuè; eſt enim regula, vt per gloſſam hic, & communiter per DD. quòd quando pœna remittitur in arbitrium Iudicis, nunquam Iudex poſſit inferre pœnam mortis. Eſt etiam regula, quòd quando eſt imponenda pœna corporalis, id eſt à relegatione ſupra, non poteſt intercedere procurator, ſed reus debet ſe conſtituere, l. penult. §. fin. ff. de public. Iudic.

S. Non ſolùm

Non ſolùm qui iniuriam fecit, actione iniuriarum tenetur: verùm etiam qui mandauit iniuriam fieri, vt dicitur hic, & in l. non ſolùm in princ. & in l. item apud Labeonem §. ſed quod adſcitur verſ. feciſſe ff. de iniur. &c.

S. Fin.

Iniuria autem remittitur expreſſè, vel tacitè. Expreſſè, per pactum, vel per tranſactionem, iuramento vallatam, vt in d. l. non ſolùm

Item §. iniuriarum actio. Tacite remittitur per signa, & coniecturas; quarum vna ortum habet à dissimulatione, vt in d. §. *iniuriarum actio*: altera ex familiaritate cum iniuriante. Item si iniuriatus scripsit amicabiles litteras iniurianti. Item si simul cum iniuriante conuenit: non tamen si per accidens simul conuenerunt, puta in cœna communis amici, nisi ibi beneuolentiæ signa inuicem dederunt, vt notat Faber *hic*. Et pluribus alijs modis censetur tacite remissa iniuria, de quibus per DD. *in hoc §.*

Licet autem remissa iniuria non possit iniuriatus agere criminaliter, poterit tamen ciuilitate agere, quia per supradictas coniecturas non censetur remissum interesse, nisi hoc venerit ex pacto expresso. Fiscus etiam post remissionem iniuriæ factam à parte, potest agere criminaliter ex officio pro pœna infligenda.

De Obligationibus, quæ ex quasi delicto nascuntur.

T I T. V.

Supereft videre de obligationibus, quæ ex quasi delicto nascuntur, vt vniuersa obligationum tractatio compleatur.

Quasi delictum est cum proprius dolus abest: sed culpa, vel desidia est propria. Sic Iudex si per imprudentiam malè iudicauerit, tenetur ex quasi delicto, vt dicitur *in lex*.

§. Item is, cum §. seq.

Similiter ex quasi delicto tenetur dominus cœnaculi, ex quo aliquid est proiectum: vel effusum: vel si aliquid sit immisum, vel positum, vel suspensum ex parte, qua vulgo iter fit; imò datur etiam popularis actio, per quam quilibet de populo agere potest, vt inde auferatur illa res. Quod, si dominus cœnaculi sit fili usfamiliæ habitans seorsim à patre, contra ipsum datur actio, & pater ad nihil tenetur. Pœnas indicatas videte in textu.

§. Item exercitor

Tenetur etiam ex quasi delicto exercitor naui, stabuli, & cauponæ de dolo, & furto in naui, stabulo, & caupona commisso, si tamen proprius dolus non intercessit, quia tunc ex delicto teneretur. Ratio est, quia aliquatenus culpæ reus esse dicitur,

sur, eo quod opera malorum hominum utatur, ut dicitur *hic in fin.*

S. Fin.

Actio ex quasi maleficio est actio in factum, quæ datur quidem heredi, sed non transit contra heredem, quia ex parte actoris est rei persecutoria, & sic transit ad heredes; sed ex parte rei est actio pœnalis, & sic non transit contra heredes.

De Actionibus.

T I T. V I.

Expedita obligationum materia, aggredimur titulum de Actionibus, in Iure celeberrimum, qui recte hoc loco ponitur; postquam enim actum est de personis de rebus, & de obligationibus, quarum effectus sunt actiones, merito de his videndum est iuxta divisionem traditam ab Imperatore in *S. fin. supr. de Iur. nat. gent. & ciu.*

Actio in genere generalissimo significat quamcumque hominis operationem, siue in mente, siue in verbo, siue in facto.

In genere subalterno diuiditur illa, quæ in facto consistit; quædam enim dicitur factio, & est illa, quæ producit opus ad extra permanens, ut est scribere, pingere &c. quædam verò dicitur simpliciter actio, quæ non relinquit opus post se, ut est canere, sonare &c.

In genere autem infimo, seu in specie accipitur pro actione iudiciali, de qua agitur in hoc tit. Et sic definitur, est ius persequendi in iudicio quod sibi debetur; & ista consistit tam in intentione, quia actor debet primò mente agitare quid expressurus sit, quàm in verbis, quia deinde debet procedere ad actionem vocalem, seu verbalem in causis summarijs, dicendo Iudici, vel Notario quid prætendat. Consistit etiam in opere, seu in facto in causis ordinarijs, in quibus actor procedit secundum ordinem Iudicij, scribendo quid prætendat, quæ scriptio dicitur libellus, seu intentio scripta, seu edita actio *l. 1. ff. de edend.* In libello autem, seu petitione tres causæ poni debent. Prima est, coram quo, quis, à quo, & quæ res petitur. Secunda est causa propter quam petitur, nempe contractus, & obligatio. Tertia est conclusio

clusio quid velit fieri, idest condemnari aduersarij ad dandum, vel faciendum. Hodie autem non est necesse, sicut olim, vt ponatur in libello nomen actionis, sed sufficit ita factum narrare, vt Iudex possit colligere, quæ actio in tali causa competat.

S. Omnium

Actio prout definitur in principio huius tit. multipliciter diuiditur:

Prima diuisio est quod actiones alie sunt personales, seu in personam; alie reales, seu in rem.

Personalis, quæ etiam conditio nuncupatur, est per quam petimus, quod aduersarius det, vel faciat aliquid, siue sit obligatus ex contractu, siue ex quasi contractu, siue ex delicto, siue ex quasi delicto: & concludimus vt condemnetur ad dandum, vel faciendum id, de quo est obligatus.

Realis, quæ etiam petitio, & vindicatio appellatur, est quando aduersarius non est obligatus, sed dicimus rem, quæ ab ipso possidetur, nostram esse, & petimus vt Iudex declaret esse nostram: nec per hanc actionem agimus ad restitutionem; quia tunc esset actio personalis ad factum, sed restitutio venit ex officio Iudicis, postquam Iudex declarauit rem esse nostram.

Diuiditur personalis, quod alia est natia, alia datia. Natia est, quæ nascitur ex obligatione. Datia est quæ datur à legē, vt est illa certi conditio generalis, quæ datur ad petendum certum ex quacumque causa debitum *l. certi conditio ff. si cert. pet.* Sic etiam datia est illa, quæ competit cessionario, cui cessa est.

Rursus personalis alia dicitur edita, alia non edita. Editæ est quæ iam in libello concepta est, & est in actu. Non edita est illa quæ solum est in potentia, nec adhuc in Iudicium deducta est. Alia etiam est personalis scripta in rem, quæ datur in personam propter rem, quia illam possidet, vt est actio noxalis, actio ad exhibendum &c. de quibus infra, quia semper concomitatur possessorem, & datur vt vel ipse faciat, vel vt det, quamuis ex facto suo non sit obligatus.

Realis similiter alia est natia, alia datia. Natia est quæ datur ipsi domino, quia actio realis nascitur ex dominio. Datia est quæ datur cessionario.

Præterea realis alia est directa, alia utilis. Directa est quæ datur contra possessorem ad *tex. in l. fin. ff. de rei vendic.* Utilis est quæ datur contra eum, qui dolo desijt possidere ad *tex. in l. parem ff. de*

reg. iur. Sic etiam dicitur quòd realis directa competit habenti directum dominium, & realis utilis habenti utile dominium.

S. Acque

Actio realis rursus diuiditur, quòd alia competit pro rebus corporalibus, alia verò pro rebus incorporalibus. Pro corporalibus est illa, de qua supra diximus. Pro incorporalibus duplex est, alia dicitur confessoria, alia negatoria.

Confessoria est quæ competit domino fundi pro seruitute debita suo fundo contra dominum vicini fundi, impediētem ipsum uti ea seruitute, ut confiteatur seruitutem deberi.

Negatoria est, quæ datur domino fundi ad vendicandam libertatem sui fundi contra dominum vicini fundi prætendentem habere seruitutem in ipso fundo, & in effectu negetur illam seruitutem habere.

Quemadmodum autem in actione reali, quæ competit pro rebus corporalibus sequuta sententia sequitur officium Iudicis contra possessorem ad restituendum: ita etiam in confessoria, sequuta sententia declaratoria quòd debeatur seruitus, venit officium Iudicis ad cogendum aduersarium pati actorem uti ea seruitute. Et in negatoria, sequuta sententia declaratoria quòd prædium sit liberum, succedit officium Iudicis contra volentem uti ea seruitute, ut non molestat dominum, qui probauit prædium suum esse liberum.

Confessoria item, & negatoria duplex est, directa, & utilis. Directa datur illis, qui habent directum dominium in prædijs, siue rusticis, siue vrbis. Utilis est quæ datur habenti utile dominium, vel aliquod ius in prædijs siue vrbis, siue rusticis.

S. Sed ista, cum S. seq.

Secunda principalis diuisio actionum est, quòd quædam sunt Ciuiles, & quædam Prætorie.

Ciuiles sunt supra enumeratæ, & sunt illæ quæ à legibus introductæ sunt. Prætorie verò sunt propter æquitatem ab ipsis Prætoribus inductæ, & illæ quoque aliæ sunt in rem, aliæ in personam. Quæ sunt in rem

Prima dicitur Publiciana, quæ datur ei, qui erat in cursu usucapionis, sed antequam compleuerit illam, cecidit à possessione, vnde non potest intentare actionem realem ciuilem, quia illa competit

petit domino, & hic non est dominus, quia nec habuit rem a domino, nec usucapit. Tamen ex æquitate Prætor fingit eum usucapisse, vel quasi usucapisse, & ita possit agere ad rei vendicationem.

S. Rursus

Secunda actio Prætoria in rem dicitur rescissoria, quæ datur ei, cuius actio civilis extincta est per usucapionem ab alio factam rei propriæ; & datur præsentem contra absentem, ex quacunque causa fuerit absens: sed non datur absenti contra præsentem, nisi fuerit absens ex causa necessaria, ut Reipublicæ, vel probabili, ut studij Cyn. in l. fin. C. ex quib. caus. in possess. Et datur maioribus, & minoribus viginti quinque annis.

Datur etiam actio institutoria, quando aliquis fuit absens, & propter absentiam non est nata actio civilis, quæ quidem nata fuisset, si non fuisset absens. Exemplum. Titius legauit Caio centum, si Kal. Octobr. fuerit Romæ. Princeps mittit Caium in Hispanias; unde Kal. Octobr. non est Romæ, & consequenter non competit illi actio civilis ad legatum: tamen quia illa absentia necessaria Caio nocere non debet, datur illi actio institutoria, per quam Prætor fingit illum fuisse Romæ Kalendis Octobris, & ita agit ad legatum, ut communiter DD. hic.

Verum ut tam rescissoria, quam institutoria intentari possit, necesse est prius intentare remedium rescindens, id est restitutionem in integrum aduersus usucapionem, & aduersus absentiam per officium Iudicis, quæ datur intra quatuor annos continuos, & post restitutionem in integrum obtentam intentatur intra annum utilis actio rescissoria, seu institutoria. Et annus siue continuus, siue utilis constat ex trecentis sexaginta quinque diebus, siue successiuis, siue iuridicis respectiue, & sex horis, quæ spatio quatuor annorum faciunt vnum diem, qui additur mensi Februario, unde ille annus dicitur bissextus l. cum bissextus ff. de verb. signif. in quibus omnibus diebus actor possit agere sine vlllo impedimento, neque potest impediri per se, nec per Iudicem, nec per tempus l. 1. ff. de diuers. & temporalib. præscript.

Actio tam rescissoria, quam institutoria duplex est, directa, & utilis. Directa competit pro rebus immobilibus, utilis pro rebus mobilibus.

S. Item si quis in fraudem

Tertia actio in rem prætoriam dicitur reuocatoria, quæ datur quando impetrata restitutione in integrum aduersus alienationem factam à suo debitore intentatur hæc actio, per quam dicitur, quod bona illa alienata nunquam fuerint alteri tradita à debitore, sed semper mansisse apud debitorem; unde contra illa possit exequi pro suo credito. Quod autem prius debeat impetrari remedium rescindens, idest restitutio in integrum, probatur ex hoc eodem textu, quatenus dicitur, *rescissa traditione*. Ad hoc verò, ut competat hæc actio, requiritur fraus alienantis, si alienauit ex vitima voluntate, & requiritur etiam euentus, idest quod non possit alio modo creditori satisfieri. Si verò alienatio facta fuit ex contractu, distinguitur, aut fuit facta ex causa onerosa, & tunc requiritur fraus ex parte accipientis, & tradentis: aut ex causa lueratiua, & tunc sufficit fraus ex parte tradentis tantum. Hæc autem actio reuocatoria multiplex est.

Prima dicitur Pauliana, quæ datur creditori ad reuocandam alienationem rerum corporalium in ipsius fraudem factam.

Secunda dicitur reuocatoria in factum, quæ datur ad reuocandam alienationem rerum incorporalium.

Tertia dicitur Fauiana, quæ datur patrono ad reuocandam alienationem factam per libertum in ipsius fraudem, ne habeat legitimam, quam ei tenetur relinquere, si libertus non habeat liberos.

Quarta dicitur Caluisiana, quæ communis est creditorum, & patronorum, & fuit inducta, quia expedit plures habere actiones.

Quinta dicitur reuocatoria filiorumfamilias, quæ datur filio arrogato ad reuocandam alienationem factam in ipsius fraudem, per arrogatorem, quia arrogatus debet habere legitimam ex bonis arrogatoris, si emancipetur sine iusta causa, ut diximus *supra in tit. de adoptionib. §. cum autem*. Item datur filio legitimo, & naturali ad reuocandam alienationem factam per patrem in ipsius fraudem usque ad legitimam sibi debitam. Hostiens. in c. Raynuitius de testam.

Sexta dicitur interdictum reuocatorium, & datur quando tutor fecit, ut debitor pupilli soluerit creditori ipsius tutoris, quia si hoc in fraudem factum sit, potest pupillus reuocare ab illo creditore id quod fuit illi solutum l. pupilli debitor ff. de solutionib. in princ.

§. Item Seruiana

Quarta actio in rem prætoriam dicitur Seruiana, quæ habet locum, quando Dominus locauit prædium rusticum, & colonus, idest conductor prædij rustici obligauit res suas pro mercede, non soluta, vel pro deterioratione; nam dominus prædij habens in ipsis rebus hypothecam, vendicat illud ius hypothecæ pro conseruatione sui iuris, vt ex his rebus sibi satisfaciat.

Sed vtum ista habeat locum etiam in inquilino, idest conductore prædij vrbanum, est questio. Et aliqui dicunt quod non, quia textus loquitur solum de colono, & in prædijs vrbanis dicunt competere quasi Seruianam. Alij verò contrarium tenent, quia est omnimoda ratio in vtrisque.

Sed quicquid sit de hoc, certum est quod inuecta in prædium vrbanum sunt tacite hypothecata domino pro mercede, & deterioratione, etiam quod ab inquilino non sint obligata *l. item queritur §. qui impleto ff. locat. l. 4. ff. de pact.*

Sed vtum sint etiam tacite obligata inuecta in prædium rusticum est alia questio. Et magis communis opinio est, quod sic. Gloss. hic & de magis communi testatur Menocch. de adipisc. possess. remed. 3. num. 33. Sed ipse pluribus probat contrarium, scilicet quod non sint obligata, nisi expresse obligentur. Et dicit rationem differentie esse, quia dominus prædij rustici habet actionem, & regressum contra fructus prædij, non autem dominus prædij vrbanum, quod non producit fructus.

Sed stante, quod etiam tacite sint obligata inuecta in prædium rusticum, adhuc assignatur discrimen inter prædium rusticum, & vrbanum, vt in additione ad gloss. hic in verbo coloni, scilicet quod omnia, quæ sunt inuecta in prædium vrbanum sint tacite obligata, etiam si dominus prædij ignorauerit esse inuecta, exceptis venalibus, & illis, quæ non sunt inuecta, vt ibi perpetuo maneant, donec manet conductor: in rusticis autem non sint obligata, nisi ea, quæ dominus prædij sciuerit esse inuecta, & rationem affert eadem additio ad glossam, quia sancta rusticitas omnia habet palam: sed inquilinus multa etiam clam apportat, quæ locator ignorat, vt in l. certi iuris C. de locat. & conduct. & ibi gloss. in verb. nam ea quoque. Cogitate vos de ista ratione, quia Doctoribus non satis placet, vt aduertit apostilla ad d. gloss. in verb. coloni.

Vtrum autem contra tertios possessores possit agi, vt quia con-

ductor v. g. bona illa inuenta vendiderit alicui &c. est quæstio inter DD. Menocch. tamen loc. cit. inquit contra tertios possessores dari actionem quasi Seruianam, seu hypothecariam, & Saluianum interdictum, quia pignus, & hypotheca inhæret rei, & rem ipsam sequitur.

Quasi Seruiana est actio, quæ datur pro ceteris hypothecis, & obligationibus realibus. Sed cum esset nimis difficile agere actione seruiana, vel quasi seruiana, quia necesse erat probare dominium obligantis, ideo inductum fuit saluianum interdictum l. 1. ff. de saluian. interd. per quod sufficit solum probare, eum qui obligauit, fuisse possessorem de tempore contractæ obligationis; vel post. Et hoc saluianum est remedium possessorium, & actio personalis in rem scripta, & propterea contra illud non præscribitur nisi per triginta annos. Cauti autem causarum Patroni omittunt seruianam, & quasi seruianam, & intentant Saluianum; nam quamuis ipsum fuerit inductum in locum seruianz, usus tamen recepit, ut habeat locum in quacunque hypotheca, seu reali obligatione. Ita testatur Facehin. *controu. iur. lib. 8. cap. 92* Intentatur autem hoc Saluianum contra tertios possessores etiam non excusso principali debitore; quamuis enim de Iure videatur necessaria ista discussio, consuetudo tamen, & stylus Romanæ Curiz admittit, ut sine illa intentetur contra tertios possessores. Videatur Pacifici. *in suo tract. de salu. Interd. in cap. 2. secunda Inspectionis à num. 13. usque ad num. 18.*

Saluianum duplex est, directum, & utile. directum datur contra illum, qui obligauit, & est possessor: utile datur contra tertios possessores. Ita lason *hic*.

Actio seruiana, vel quasi seruiana dicta est à seruando, sicut etiam Saluianum dictum est à saluando, quia per has actiones iura creditorum saluantur, & conseruantur, cum melius sit, ut vulgo dicitur, pignori incumbere, quam in personam agere, ut inquit textus in *§. furti autem supr. de obligat. quæ ex delict. nascunt.* sic etiam hypotheca, vnde actio hypothecaria, dicta est ab hypothefi, idest subpositione, idest obligatione, per quam res obligatur creditori; idem enim est supponere, ac obligare. Probat hoc rubr. ff. de reb. cor. qui sub iuscl. vel; cur. sunt sine decret. non alien. vel supponend.

S. In personam, cum S. seq.

Actiones prætoriz in personam similiter plures sunt:

Pri-

Prima dicitur actio de constituta pecunia, quæ datur contra eum, qui constituit se soluturum pro se, vel pro alio in eo, quod antea debebat sine stipulatione, sed solum ex pacto nudo, quia si stipulatio intercedat, iam ex Iure civili tenebitur. Nec est necesse, ut exprimatur verbum, constituo, quia & si aliud verbum æquipollens exprimatur, nihil interest. Est tamen necesse quod præcedat debitum.

Erat etiam olim actio receptitia, quando argentarius constituisset se soluturum; sed in constituta pecunia solum veniebat debitum rei numerabilis, vel ponderabilis, vel mensurabilis: & hoc etiam si non fuisset argentarius, qui constituisset. Verum Imperator virtutem receptitiæ transtulit in actionem de constituta pecunia. Vnde hodie quisquis fuerit, qui constituerit, & quicquid fuerit debitum, potest per actionem de constituta pecunia peti *l. 2. C. de const. pecun.* quia appellatone pecuniæ venit etiam quicquid ad pecuniam numeratam redigi potest, *ut in d. l. 2.* Præterea in actione receptitia cauebatur ne posset compelli ad soluendum is, qui se constituisset, nisi post decem dies, quod similiter in actione de constituta pecunia statutum est.

S. Actiones autem

Secunda actio prætoria in personam est actio de peculio, quæ datur contra patrem, vel dominum, ut soluat, quatenus sit in peculio filij, vel serui ratione contractus gesti cum filio, vel seruo; quæ actio de peculio est adiectio, & sequitur naturam actionis, cui adijcitur; unde si filius emit aliquid, datur venditori actio ex vendito de peculio, quia pater non tenetur, nisi quatenus sit in peculio filij. Et hæc actio inuenta est ex æquitate, cum de Iure nemo ex facto alterius obligetur *l. 1. C. ne fil. pro patr.*

S. Item si quis

Tertia actio prætoria in personam est actio iuratoria, quæ datur ei, qui iuravit pecuniam sibi deberi, postulante aduersario, ut iuraret. Nec postea quæritur an pecunia debeat, sed an iurauerit. Et hoc intelligitur informiter, idest quod iurauerit non adiecta causa, quia si causa esset adiecta, daretur actio ex illa causa, & non iuratoria v.g. iuro Titium debere mihi centum, datur actio iuratoria: sed si dicam, iuro Titium debere mihi centum ex mutuo, datur actio utilis ex contractu mutui, idest certi condicio *l. actori C. de reb. cred.*

Noster autem textus loquitur principaliter de iuramento litis decisivo, per quod deciditur lis, quod dicitur voluntarium, quia deferretur ex voluntate partis, Iudice tamen approbante, & is, cui deferretur, non tenetur præcisè iurare, sed potest iuramentum referre deferenti *l. manifesta ff. de Iure iur.*

Contra iuramentum autem non admittitur probatio in contrarium; quod intelligitur ad retractandum iuramentum civiliter: sed admittitur probatio in contrarium ad puniendum criminaliter iurantem de periurio, si scienter falsum iuraverit, quo casu iuramentum fit nocivum.

Iuramentum autem est alicuius affirmati, vel negati confirmatio per invocationem diuini nominis; & aliud est iudiciale, aliud est extraiudiciale, & utrumque aliud est assertorium, aliud promissorium. Item aliud est iuramentum testium, quando testes deponunt super aliqua re; aliud partium, quod duplex est, suppletorium, & purgatorium. Suppletorium est quod datur auctori à Iudice, quando auctor plusquam semiplenè probauit, ut possit ferre sententiam condemnatoriam. Purgatorium est, quod datur reo à Iudice, quando minus quam semiplene contra ipsum probatum est, ut per iuramentum purget illam præsumptionem, vel indicium, quod est contra se, ad hoc ut possit absolui.

Præterea aliud est iuramentum in litem, quod triplex est, veritatis, affectionis, & singularis interesse. Veritatis est, quod deferretur à Iudice parti, quando res quæ petitur, non apparet, quia petens iurat quanti verè valebat illa res. Affectionis est, quando Iudex facta prius taxatione, deferret iuramentum parti, quanti æstimat illam rem ex affectione. Singularis interesse est, quando Iudex deferret parti, ut iuret, quanti sua interfit non habere illam rem. *l. in actionibus ff. de in lit. iurand.*

S. Penales

Aliæ sunt actiones personales prætorix, procedentes ex delicto. Et dicuntur personales, quia nascuntur ex obligatione, cum reus delinquens tacite se obliget ad pœnam. Harum ponuntur nonnulla exempla in textu, & illius glossis, quas videre poteritis.

S. Præiudiciales

Præterea sunt quædam actiones, quæ licet videantur esse in personam, sunt tamen in rem, quæ dicuntur præiudiciales, & sunt tres.

Pri-

Prima est, per quam quæritur, an aliquis sit liber, vel seruus?

Secunda, per quam quæritur, an aliquis sit libertus, vel ingenuus.

Tertia, per quam quæritur, an aliquis sit filius, vel non.

Istæ autem actiones dantur in rem, nempe ad vendicandam libertatem, vel ingenuitatem, vel filiationem *ad tex. in l. diffamari C. de ingenuis, & manumissi*. & è conuerso; nam dantur etiam domino dicenti aliquem esse suum seruum, & patrono dicenti aliquem esse suum libertum, & patri dicenti aliquem esse suum filium ad vendicandum illud ius, quod prætendunt habere.

Hæ autem actiones aliæ sunt directæ, aliæ utiles. Directæ sunt supra enumeratæ. Utiles dantur contra adscriptitios, & colonos, & è conuerso, quibus, vel contra quos non dantur directæ, quia isti non sunt propriè serui. *l. 1. C. in quib. caus. colon. lib. 11*

Dicuntur autem præiudiciales, tum quia sunt actiones principales, ex quo primum de his cognosci debet, & sententia lata in his, ponit exceptionem rei iudicatæ in alijs: tum etiam quia per has mouetur quæstio circa statum personarum, quod est valde præiudiciale.

S. Sic itaque

Stante prædicta diuisione, quod actiones quædam sunt in rem, & quædam in personam, constat quòd in actione reali non potest quis dicere rem suam sibi dari, ex quo verbum, dari, significat transferre dominium, & quod nostrum est, amplius nobis dari non potest. Sic in actione personali non potest dici rem suam esse, sed sibi dari, vel fieri aliquid &c.

S. Appellamus.

Actiones reales, seu in rem appellantur vendicationes, quia actor vendicat, idest attribuit sibi rem illam, quam prætendit: personales verò seu in personam dicuntur condictiones à verbo condicere, quod significat denunciare, quia olim fiebat denunciatio ad soluendum, priusquam ageretur: hodie tamen remansit nomen, licet denunciatio non fiat. Condictio autem multiplex est.

Prima dicitur condictio certi, quæ est generalis ad petendum quodcumque certum ex quacunque causa debitum *l. certi condictio, ubi notatur, ff. si cert. petat.*

Secund

Secunda est certi conditio, quæ est specialis, & datur ad petendum mutuum, *ut in rubr. ff. de reb. cred. si cert. pec. & de certi conditio.*

Tertia est conditio ob causam, quæ datur ad repetendum id, quod datum est propter aliquam causam, & postea causa non est sequuta, *ut tot. tit. ff. de condit. ob caus.*

Quarta est conditio sine causa, quæ datur quando aliquid datum est ob causam, quæ causa postea cessat, ut si fullo amisit vestimentum meum, & mihi soluit æstimationem, si postea vestimentum recuperet, agit contra me ad repetendam æstimationem, quam soluit *l. si fullo ff. de condit. sin. caus.*

Quinta est conditio ob turpem causam. Sed distinguitur: aut turpitudine est ex parte dantis tantum, & tunc hæc actio non datur, ut est id quod datur meretrici, quæ licet turpiter faciat, non tamen turpiter recipit mercedem sui corporis *l. 4. §. sed & quod meretrici ff. de condit. ob turp. caus.* aut turpitudine est ex parte recipientis tantum, & tunc datur hæc actio ipsi danti ad repetendum quod datum est, ut si dedit tibi pecuniam, ne occideres Caïum. Aut est ex parte utriusque. Et tunc ista conditio non datur partibus, sed ei contra quem erat facienda illa turpitudine, ut si Titius dedit tibi pecuniam, ut inferres calumnias Caïo, datur Caïo conditio ad illam pecuniam, *ut tot. tit. ff. de condit. ob turp. caus.*

Sexta est conditio indebiti, quæ datur ad repetendum id, quod per errorem solutum est, *ut tot. tit. ff. de condit. indebit.*

Septima est conditio triticaria, quæ datur ad petendum quodcumque debitum, nisi sit pecunia numerata, quia tunc datur actio si cert. pet. *l. 1. ff. de condit. tritic.*

Octava est conditio furtiva quæ datur ad petendam æstimationem eius, quod furto subtrahum est, *ut tot. tit. ff. de condit. furtiv.*

Nona est conditio ex lege, quæ datur quando lex dat actionem, sed illi nomen non dedit. Ita si canon inquit dari actionem, sed non nominat illam, dicitur conditio ex-canone.

Decima dicitur conditio in factum, quando Prætor dat actionem, sed non dedit illi nomen, appellamus illam conditionem in factum.

S. Sequens, cum S. seq.

Tertia principalis divisio actionum est, quod quædam sunt rei persequendæ tantum: quædam pœnæ persequendæ tantum: & quædam mixtæ tam rei, quàm pœnæ persequendæ.

Rei

Rei pefequendæ tantum funt illæ, quibus rem perfequimur vel noftram, vel nobis debitam, atque ideo fiue fit realis, fiue perfonalis, dicitur rei perfecutoria, cum hoc tamen difcrimine, quod quando potestas agendi defcendit ex iure, quod habemus in re, tunc dicitur actio realis c. c. rei vendicatio defcendit ex iure domini, quod quis habet in re l. 3. ff. de rei vendicat. confefforia defcendit ex iure feruitutis, quod quis habet in re l. 1. & 2. ff. fi feruit. vendicet. hypothecaria defcendit ex iure hypothecæ in re exiftente &c. Si verò potestas agendi defcendit ab obligatione aliqua, quæ quis eft adftrictus, tunc dicitur actio perfonalis, quia non defcendit ex iure ipfius rei, fed ex obligatione propter rem. Exemplificat huiufmodi actiones rei perfecutorias Imperator in conditione, quæ datur pro pecunia mutuata, in actione ex ftipulatu, in actione commodati, depofiti, mandati, pro focio, ex empto, ex vendito, ex locato, ex conducto &c. de quibus omnibus in fuis titulis iam dictum eft.

S. Ex Maleficijs

Ponuntur in hoc §. exempla actionum poenæ perfequendæ tantum, & earum quæ mixtæ funt, id eft poenæ, & rei perfequendæ. Poenalis eft actio furti, quæ in quadruplum, & duplum datur, præftandendo à rei perfecutione. Mixtæ verò actiones exemplificantur in tribus cafibus.

Primo in actione de vi bonorum raptorum, quia & fi pro eo delicto detur actio in quadruplum, in eo tamen quadruplo inest fimplum pro valore rei ablatae, & fic poena folum eft tripli, reliquum fimplum eft in perfecutionem illius rei; vnde dicitur mixta.

Secundo in actione legis Aquiliae in duobus cafibus. Primo cum damnum datum eft in re, quæ tempore antecedenti erat maioris æftimationis; nam quoad illud plus nemo dubitat actionem prædictam effe poenalem. Secundo quando ille, qui damnum dedit, negat fe damnum dediffe; hoc enim in cafu contra eum datur actio in duplum l. 2. ff. ad l. Aquil. & quoad illud, actio eft poenalis.

Tertio in actione ex teftamento, quæ datur pro legatis locis pijs; cum enim quis negat aliquid relictum fuiiffe loco pio, fi de mendacio conuincatur, tenetur ad duplum, & licet poftea confiteatur legatum, nihilominus poenam non poteft euitare. Ex quo colligitur, quòd mendacium in Iure ciuili, etiam punitur ad text. in l. fin. C. de fideicom.

S. *Quædam*

Præter actiones reales, & personales dantur etiam quædam, quæ mixtæ sunt, idest tam in rem, quàm in personam, & sunt tres. Prima est actio familiæ eriscundæ, idest diuidendæ hereditatis. Secunda est actio communi diuidundo, quæ datur ad diuidendum quod commune est sine societate, puta si quid pluribus insimul relictum sit. Tertia est actio finium regundorum, idest partiendorum consinium, quando sunt confusa. Quomodo verò istæ actiones possint esse mixtæ, idest reales, & personales simul, cum inter reales, & personales sit maxima contrarietas? Respondent DD. quod de sui natura reales sunt, dicuntur tamen mixtæ, propter præstationes personales, quæ in illis includuntur, quæ præstationes duæ sunt, altera, quod si vnus recepit fructus, tenetur ad eorum restitutionem pro rata ceteris: altera, quod si vnus fecit impensas in re communi, ceteri pro rata ad illas tenentur. Cum verò in his tribus iudicijs veniant etiam istæ præstationes personales, idest obligationes ad restituendum partem fructuum, vel ad reficiendum partem impensarum, idè dicuntur etiam personales, & sic mixtæ.

Sunt etiam quædam actiones personales, quæ dicuntur in rem scriptæ, quia sunt ad similitudinem realium; sicut enim reales sequuntur rem, & dantur contra quemcumque possessorem: ita etiam & istæ. Et tales sunt actio ad exhibendum, actio noxalis, & omnia interdicta l. interdicta ff. de interdict. de quibus infra,

S. *Omnes autem, vsque ad S. Actionum*

Quarta principalis diuisio actionum est, quod quædam sunt in simplum, quædam in duplum, quædam in triplum, & quædam in quadruplum. Vterius autem nulla actio extenditur.

Sed distinguitur, aut loquimur de pœna legali, aut de pœna conuentionali. Si de pœna, legali, & tunc aut lex loquitur per verba multiplicatiua, vt duplum, triplum &c. & tunc non extenditur vltra quadruplum: aut loquitur per verba numeralia, & tunc si quantitas est certa, & inuariabilis, vt centum, mille &c. & tunc illa pœna seruatur: si verò est variabilis, vt quanti plurimi &c. & tunc extenditur vltra quadruplum, vt in lege Aquilia, in qua pœna potest excedere decuplum, vt si, occidi animal tuum

tuum; quod hodie valebat decem; sed per annum retro valebat centum, & plus, ut diximus *supr. in tit. de l. Aquil.*

Si verò loquimur de pœna conuentionali, & tunc etiam distinguitur, aut pœna apponitur quantitati, & non potest excedere, quia esset in fraudem vlturæ *l. Iulianus §. item Papinianus ff. de action. empt. v. g. promittis mihi dare decem? & si non dederis, pœnæ nomine promittis quinquaginta? Aut pœna apponitur rei, ut promittis dare mihi bouem? & si illum non dederis, pœnæ nomine promittis centum? quo casu potest peti: sicut etiam si apponeretur facto, ut promittis mihi scribere librum? & si non scripseris, pœnæ nomine promittis centum? Hodie verò pœnæ conuentionales non possunt peti ultra quam intersit; quod etiam per Scaturum Urbis dispositum est. *lib. 1. cap. 163.**

In simplum actiones sunt persecutoriæ rei ex vtraque parte, veluti ex stipulatu, ex mutui datione, ex empto, & vendito &c.

In duplum actiones quædam sunt, in quibus simplum non inest, ut est actio furti nec manifesti, & actio serui corrupti: & quædam, in quibus inest simplum, ut est actio damni iniuriæ ex *l. Aquilia*, depositi ex quibusdam causis, veluti tumultus, incendij, ruinae &c. & omnes actiones mixtæ, quæ ad duplum sunt.

Item quædam sunt, in quibus pœna de sui natura inest: quædam in quibus non, sed ex accidenti fiunt pœnales, ut in relictis venerabilibus locis, quæ si heres dare distulerit, obligatur tunc ad duplum, & non antea.

In triplum actio est contra eos, qui maiorem vera æstimatione quantitatem in libello conuentionis inserunt, ut ex hac causa exequutores litium maiorem summam sportularum nomine exigant; tunc enim id, quod ob hanc causam damnum passus fuerit reus, in triplum ab actore consequetur, ita ut in hoc triplo etiam simplum, in quo passus est connumeretur. Hæ autem sportulæ sunt salaria Iudicum, Notariorum, & executorum.

In quadruplum actiones quædam sunt, in quibus continetur simplum, ut in actione de vi bonorum raptorum: & quædam, in quibus simplum non continetur, ut in actione furti manifesti. Item quædam sunt, quæ de sui natura sunt in quadruplum, ut est actio furti manifesti, & actio de vi bonorum raptorum: quædam verò quæ ex accidenti fiunt quadrupli, ut in actione quod metus causa; nam si is, qui metum intulit, ab initio restituit id, quod ex metu dantis accepit, ad simplum solum tenetur: sed si expectet, ut iussus Iudicis intercedat, & lis contestetur, tunc tenetur ad quadruplum.

Datur autem hæc regula ad cognoscendum, an in duplo, triplo, & quadruplo insit simplex, nec ne; nam si lex expressè dicat non inesse, non inest, aliàs semper inest, ut dicunt communiter DD. *hic*.

S. Actionum

Quinta principalis diuisio actionum est, quod quædam sunt bonæ fidei, & quædam stricti iuris. Bonæ fidei sunt sexdecim, quæ enumerantur in hoc §. non enumeratis contrarijs, ut tutelæ directæ, & contrariæ, depositi directæ, & contrariæ &c. quæ pro vna accipiuntur. Istæ autem sunt actio ex empto, ex vendito, ex locato, ex conducto, negotiorum gestorum, depositi, mandati, pro socio, tutelæ, commodati, pignoratitia, familiæ erciscundæ, communi diuidendo, præscriptis verbis, quæ duplex est, de æstimatione, & ex permutatione, & hereditatis petitio. Hæ autem actiones dicuntur bonæ fidei, non quia illæ; quæ sunt stricti iuris, non habeant bonam fidem, sed quia in istis bona fides exuberare debet. Et bona fides est, ut nulla adsit calliditas, versutia, vel dolus: sed agatur sicuti inter bonos viros agi debet. Sic etiam stricti iuris dicuntur, quia angustè, & strictè procedit lex in illis. Ceteræ omnes actiones, præter illas sexdecim enumeratas, dicuntur stricti iuris, ita ut valeat consequentia, non est actio ex his, quæ enumerantur in §. *Actionum Inst. de actionib.* ergo est actio stricti iuris ita Duaren. in *l. in actionib. ff. de in lit. iurand.*

S. Fuera antea

Dabatur olim actio, quæ dicebatur rei uxoriæ, quæ erat vna ex actionibus bonæ fidei: sed hodie est sublata, & in eius locum inducta est actio ex stipulatu pro dote, quia etiam si mulier non sic stipulata dotem sibi reddi, nihilominus intelligitur stipulata *l. vnic. C. de rei uxor. actio.* Quod procedit etiam si mulier fuerit muta. *Cors. in l. qui liberos ff. de rit. nupt.*

Ex quo colligitur quod mulier ratione dotis habet plura priuilegia, de quibus agitur per DD. in *l. 1. ff. solut. matrim. quemad. dos pet. vibi dicitur, Dotis causa semper, & ubique præcipua est, quia publice interest dotes mulieribus conseruari, ut Ciuitas liberis impleatur.* Ex isto autem nostro §. quatuor colliguntur priuilegia: Primum est, ut fingatur stipulata illa, quæ verè stipulata non est. Secundum ut actio ex stipulatu, quæ de sui natura est stricti iuris, in

exactione dotis sumat naturam actionis bonæ fidei. Tertium ut actio ex stipulatu, quæ datur ad incertum, ut *supr. de verb. obligat. in princ.* in causa dotis detur ad certum, nempe ad dotem, quæ certa est. Quartum ut mulier pro sua dote præferatur omnibus alijs creditoribus mariti habentibus hypothecam. Quod præferatur omnibus habentibus hypothecam tacitam, quæ legalis dicitur, non est dubium. Quod autem præferatur etiam habentibus expressam, est maxima, & ardua quæstio inter DD. quam examinat Gloss. in *l. assiduis C. qui potior. in pign. hab. in verb. licet anteriores sint.* Et ex lectura textus apparet quod præferatur omnibus. Ita tenet Coras. in *d. l. qui liberos.* Quod verò non præferatur anterioribus habentibus expressam tenet Bologniet. in *d. l. i. ff. solut. matr.* sequens præd. gloss. in *versic. tu dic tertio.* Verior tamen, & communior sententia est, quod præferatur omnibus creditoribus mariti indistinctè per tex. in *d. l. i.* in illis verbis, *Dotis causa semper, & ubique præcipua est,* quæ non verificarentur, si admittatur casus, in quo mulier pro sua dote non præferretur omnibus absolute, & indistinctè.

S. In bonæ fidei

In pluribus differunt actiones bonæ fidei ab actionibus stricti iuris.

Primo quia dolus dans causam contractibus bonæ fidei reddit ipsos nullos, dans verò causam contractibus stricti iuris, non reddit illos nullos ipso iure, sed actio orta ex illis infirmatur deinde per exceptionem doli. *l. dolo C. de inutili stipul.* Sed si dolus, non det causam, sed solum incidat in contractibus bonæ fidei, non reddit nullum illum contractum, sed potest ille dolus purgari per actionem ex eo contractu. *l. Iulianus §. si venditor ff. de actionib. empt.* Si verò incidat in contractu stricti iuris, & tunc agitur, vel excipitur de dolo *l. & eleganter §. non solum ff. de dol. mal.* Dare autem dolum causam contractui, est inducere aliquem dolosis suasionibus ad vendendum sibi aliquid v. g. ut ipsum decipiat, quod alias non esset venditurus: incidere verò dolum in contractu contingit, quando quis alias esset venditurus, sed dolo, & machinatione quis operatur, ut minoris vendat, quam esset venditurus, puta si suadeat per dolum rem illam vitium aliquod habere, quod venditor ignorat, ut sic minori pretio emat; quod tamen vitium res illa non habebat.

Secundo differunt, quia in actionibus stricti iuris non veniunt

fructus ex mora : secus in actionibus bonæ fidei d. *J. Iulianus §. ex venditio*. Item in actionibus stricti iuris si peto quod fuit meum, veniunt fructus ex mora : sed si peto quod nunquam fuit meum, non veniunt fructus ex mora, nisi à lite contestata : Secus in actionibus bonæ fidei, in quibus indistinctè semper veniunt fructus ex mora. Benincas. *hic sub num. 327.*

Tertio in actionibus stricti iuris non venit interesse, si rem dari sit in obligatione *l. ubi autem §. fin. ff. de verb. obligat.* sed solum si rem tradi, vel factum in obligatione sit *l. si fundum ff. eod. tit. de verb. oblig. & l. si quis ab alio §. fin. ff. de re iudic.* sed in actionibus bonæ fidei venit interesse indistinctè *l. 1. in princ. ff. de action. empt.* Piccard. *hic quest. 15. num. 1.*

Quarto in actionibus bonæ fidei iuratur in litem : secus in actionibus stricti iuris *l. in actionibus ff. de in lit. iurand.*

Quinto in actionibus bonæ fidei venit etiam, quod dictum non est, neque cogitatum, si de bono, & æquo præstandum est ut sunt deteriorationes &c. *l. fundi ff. de actionibus empt.* sed in actionibus stricti iuris venit solum illud, quod continetur in natura actionis, & quod dictum non est, nec censetur cogitatum *l. quicquid adstringenda ff. de verb. obligat.*

Sexto in actionibus bonæ fidei pinguius Iudex exercet officium suum, quam ad ea, quæ sunt in actionibus stricti iuris. Benincas. *hic sub. num. 373.*

Septimo differebant olim actiones bonæ fidei, & stricti iuris, quia in actionibus bonæ fidei inducebatur ipso iure compensatio, sed in actionibus stricti iuris non poterat induci, nisi opposita doli mali exceptione, nempe dolo malo facis, quia petis à me quod, restituere debes. Sed hodie indistinctè in omnibus actionibus tantum bonæ fidei, quam stricti iuris inducitur compensatio, pro qua debitum debet esse liquidum, & certum ab utraque parte *l. fin. C. de compens. vel statim liquidandum, quod sit arbitrio Iudicis d. l. fin.* Non potest autem fieri compensatio de debito particulari ad debitum sociale Salicet. *in l. eius num. 3. C. de compens.* Nec procedit in eo, qui primò negavit debitum. Compensatio verò fit in rebus, quæ recipiunt functionem, idest similitudinem, ut de quantitate ad quantitatem, de specie ad speciem *l. si creditor in princ. ff. de pecul.* & fit in omnibus actionibus, siue in rem agatur, siue in personam, excepta vnica actione depositi, in qua non potest induci compensatio, ne retardetur eius exactio sub pretextu compensationis, contra bonam fidem, quam sequutus est deponens, quæ maior, & exuberantior esse debet in deposito, quam in quocumque

alio contractu, vt inquit Iustinianus Imp. in *d. l. fin. C. de compens.*
& in l. si quis C. deposit.

Sunt etiam alie differentie inter istas actiones, & alie utilitates
 in actionibus bonae fidei, quas congerit Benincas. *loc. supr. cit.*

S. Præterea

Sexta principalis diuisio actionum est, quod quædam sunt arbitrarie, & quædam non. Et quæ sunt arbitrarie quædam de sui natura tales sunt, & quædam fiunt ex accidenti tales. De sui natura arbitrarie sunt omnes actiones bonæ fidei, & actiones reales. Et dicuntur arbitrarie, quia Iudex arbitratu quanti interfit vel actoris, vel rei *l. in actionibus ff. de in lit. iurand.* Ceteræ, quæ sunt stricti iuris possunt fieri arbitrarie ex accidenti. v.g. ratione loci, vt si Titius debet dare mihi centum Neapoli ex causa mutui, hæc actio est stricti iuris: sitamen ego peto vt soluat Romæ, cum commemoratione quod mihi debeantur Neapoli, tunc actio fit arbitraria, quia arbitratu Iudex, quanti interfit Titij soluere Romæ, & non Neapoli. Idem si esset interesse actoris. Sic etiam fit arbitraria actio ratione contemptus iussus Iudicis; omnes enim actiones possunt fieri arbitrarie ratione contemptus iussus Iudicis, vt si Iudex iubeat rem restitui, vel exhiberi, & non restituatur, vel exhibeatur, tunc Iudex defert iuramentum in litem actori, vt iuret quanti sua interfit rem non esse exhibitam, vel non esse restitutam, & in eo condemnat reum *d. l. in actionibus*. Hoc autem iuramentum triplex est, veritatis, affectionis, & singularis interesse, vt diximus *supr. in §. Item si quis hoc cod. tit.*

S. Curare

Iudex curare debet quantum possibile sit, vt ferat sententiam certam, quamuis de incerta quantitate actum sit; petitio enim debet esse certa, id est certa res, quæ petitur, vt sententia certa possit sequi, quia sententia debet esse conformis libello *l. ut fundus ff. commun. diuidund.* Sed si petitio fuit incerta, non debet sequi condemnatio, nisi incertitudo ante sententiam reducatur ad certitudinem *l. si quis ff. de iudic.* In actione autem vniuersali, vt est petitio hereditatis, licet res hereditarie sint incertæ, nihilominus hereditas ipsa est certa, & sufficit quod in executione sententiæ res certificentur. Si verò est actio generalis, vt est actio pro socio, & actio tutelæ, tunc debent res certificari ante sententiam *l. si*
cui

quæ libertas ff. de condition. & demonstrat.

Sententia duplex est, alia diffinitiva, quæ definit, & terminat totum negotium principale: alia interlocutoria, quæ solum fertur super aliquo incidenti, & fertur super emergentibus à litis contestatione usque ad conclusionem in causa.

S. Si quis agens, usque ad S. sunt præterea

Plus petens olim à causa cadebat: tamen si erat minor viginti quinque annis, vel maior, qui iustam causam habuisset, restituebatur in integrum. Sed hodie per constitutionem Zenonianam, plus petens loco, re, aut causa, tenetur ad triplum totius damni, quod passus est reus propter istam plus petitionem: & si post litis contestationem petens dolo voluerit habere cautionem de eo, quod plus petijt, tunc cadit etiam à tota causa, non autem ante litis contestationem *l. vnic: C. de plus petit*. Si verò petatur plus tempore, tunc duplicantur induciæ, idest tempus, quod supererat ad solutionem faciendam *S. hodie infr. de exceptionib.* Quatuor autem modis dicitur aliquid plus peti, scilicet re, tempore, loco, & causa, quæ omnia latè declarantur in textu, Et ex ultimo modo plus petendi, scilicet causa, colligitur ex textu, quod par est aliquid esse debitum alternativè, ac esse debitum in genere, ut si dicam, promitto tibi aut Sticchum, aut Pamphilum servos meos, idem est ac si dicam, promitto tibi vnum ex servis meis, quia si non possum vnum totum dare, aliud totum dare possum *l. 2. S. & barum ff. de verb. obligat.* Vnde debitum alternativè dicitur diuiduum natura, indiuiduum effectu.

Si quis verò perierit rem deteriolem potest dari casus, in quo plus petere dicatur, quia potest esse quod sic faciat meliorem suam conditionem, & aduersarij deteriolem, cum possit esse, quòd facilius sit debitori dare meliorem, quàm deteriolem propter affectionem, quàm habet ad illam rem deteriolem.

Quòd si minus sit petitum, nihilominus Iudex in eodem iudicio, idest in eadem instantia potest in totum aduersarium condemnare: sed debet hoc ei constare ex actis, quia non potest Iudex aliter iudicare, quàm ex actis, idest secundum allegata, & probata; tunc enim dicitur iudicare, ut Iudex, etiam quod ut prius certò contrarium sciat. Rebuff. in *l. quod iussit ff. de re iudic.* quamvis in tali casu detur consilium, quòd si potest renunciare tali iudicio, renunciaret, ne iudicet contra propriam conscientiam. Idem Rebuff. *ubi supr.* Sed si ex instrumentis, vel ex par-

partitis librorum non productis appareat Iudici quòd creditori plus debeat, tunc potest dicere auctori, ut producat illas partitas, & illud plus petat, vel etiam eidem Notario iubere, ut faciat illas partitas de actis, & ita possit iudicare.

Acta dicuntur gesta coram Iudice exercente suam Iurisdictionem, quæ si scribantur per Notarium dicuntur acta scripta, & Notarius dicitur actuarius; acta autem ut probent, debent esse producta. Verbum autem producere significat propriè facere de actis, idest ponere illa in actis. & quòd sint admissa per decretum Iudicis citata parte ad dicendum contra Iura &c. Quod non est in verbo exhibeo, vel præsento DD. in auth. si quis C. de edend.

Sin autem aliud pro alio per errorem fuerit petatum, probato errore poterit actor corrigere libellum ante conclusionem in causa, quia talis error ipsi præiudicare non debet.

S. Sunt Præterea cum omnibus SS. seq.

Demum septima, & ultima diuisio actionum est, quòd quædam sunt per quas solidum, quod nobis debetur, persequimur, & quædam, per quas solidum non semper obtinemus. Huiusmodi est actio de peculio, quia si tantum habet filius, vel seruus in peculio, quantum nobis debetur, solidum persequimur, & consequimur: si verò minus, & minus persequimur. Item actio de dote est talis, quæ datur vxori contra maritum, qui vergit ad inopiam; quo casu solum agere potest vxor ad repetitionem dotis constante matrimonio l. si constante ff. solut. matrim. c. per vestras de donat. int. vir. & vxor. Nam maritus habet beneficium, ut non teneatur, nisi quatenus facere possit, idest deducto eo, quo eget l. in condemnatione ff. de reg. iur. Item si maritus impensas necessarias fecit in rebus dotalibus, minus solido vxor persequetur, quia impensæ necessariæ minuunt dotem l. impense ff. de impens. in reb. dotal. fact. Sic etiam propter compensationem minus solido persequimur, cum compensatio ipso iure minuat creditum. Talis etiam est actio, qua agit filius contra patrem, vel libertus contra patronum, cum pater, vel patronus non teneatur, nisi quatenus facere possit, idest deducto eo, quo egent. Idem beneficium habet socius, si iudicio societatis conueniatur. Idem habet donator, quia non tenetur donatario; nisi quatenus facere possit. Idem habet miles, qui stipendia meruerit. l. miles in princ. ff. de re iudic. Idem habent Doctores, Aduocati, & Clerici, ut ibi gloss. in verb. potest. Et pro Clericis est

est textus expersus in c. Odoardus, de solutionib. Demum idem beneficiū habet is, qui bonis cessit, si postea ad pinguiorem fortunam deuenierit, ut dicitur hic in §. fin.

In hac materia actionum, præter Oinotimum, Mysingerum Arcetinum, Benincasium, & alios, videre præcipue poteritis autem tractatum Iasonis de Actionibus.

*Quod cum eo, qui in aliena potestate est,
negotium gestum esse dicitur.*

T I T. V I I.

Agitur in hoc tit. de sex actionibus, quæ dantur pro contrahentibus seruorum, & filiorumfamilias.

S. Si igitur cum omnibus §§. seqq.

Prima est actio quod iusu, quæ datur contra patrem, vel dominum, qui iussit filium, vel seruum contrahere, & datur infolidum pro toto eo, quod iussum est.

Secunda est actio exercitoria, quæ datur contra patrem, vel dominum, qui præposuit filium, vel seruum exercitio naui, quia si eius causa præpositus, seu exercitor aliquid debet, datur actio contra patrem, vel dominum, quatenus eius exercitij causa debetur.

Tertia est actio institoria, quæ datur contra patrem, vel dominum, qui præposuit filium, vel seruum alicui negotiationi, quia si per eos quid sit debitum, tenetur præponens, quatenus eius causa debetur.

Quarta est actio de in rem verso, quando filius, vel seruus vertit negotium, quod gerit in utilitatem patris, vel domini, & datur quatenus versum est; ideoque si seruus, vel filius accepit mutuam pecuniam, & partim vertit in utilitatem domini, vel patris, & partim consumpsit, duplex datur actio, & duplex condemnatio, vna de in rem verso pro parte versa in utilitatem patris, vel domini, ad quam infolidum tenetur pater, vel dominus: ad aliam partem consumptam tenetur solum de peculio. quatenus sit in peculio filij, vel serui.

Quinta est actio de peculio, quæ datur contra patrem, vel do-

dominum; quatenus sit in peculio filij, vel serui; in qua actione pater, seu dominus est potior, quia prius deducit quod sibi debetur a filio, vel seruo, & reliquum creditoribus soluit.

Sexta est actio tributoria, quæ datur patri, vel domino respectu alicuius mercis peculiaris, super qua negotiatur filius, vel seruus; in qua actione pater, seu dominus non est potior, sed par cum ceteris creditoribus.

Itaque cautus debet esse actor in eligenda actione, quia si intelligat negotiari filium, vel seruum in maxima parte peculij, & plurimum debere patri; vel domino, melius erit, ei intentare actionem tributoriam, quam de peculio; quia in tributoria pater vel dominus non præfertur: sed est par cum alijs creditoribus, vt modò diximus. Sic etiam in alijs actionibus, quia si potest probare iussum, melius erit intentare actionem quod iussu, quam alias; & si non potest probare iussum, sed potest probare quod id quod accepit, versum sit in utilitatem patris, vel domini, melius erit istam actionem intentare, & sic de singulis. In libris autem Digestorum habentur tituli speciales de his omnibus actionibus.

Ceterum in filijsfamilias hoc est speciale, quod non potest eis dari mutua pecunia, & si detur, datur periculo dantis, quia S. C. Macedonianum hoc prohibuit in odium cuiusdam Macedonis, qui mutuabat pecunias filijsfamilias, qui postea grauati ære alieno, quod in luxuriam, & alia vitia consumeabant, vitæ parentum insidiabantur, vt possent restituere Macedoni quod acceperant, à quo vexabantur pro restitutione. Vnde filij non possunt huic privilegio renunciare, licet mulier possit renunciare privilegio S. C. Velleiani; quia Macedonianum est inductum in odium creditorum: sed Velleianum in fauorem mulierum. Ita Facchin. lib. 2. controu. Iur. cap. 61. Macedonianum verò cessat in multis casibus, vt per gloss. hic in §. illud propriè in verb. Senatus, quæ vndecim casus enumerat, per vos omnino videndos. Extra quos casus Macedonianum semper habet locum, ita vt actio non datur nec contra filium, filiamue, nepotem, neptemue, siue in potestate sit, siue sit factus sui iuris per mortem patris, vel per emancipationem: nec detur aduersus patrem, aumque siue eos habeat in potestate, siue non, quia eos emancipauit, ita vt nec de peculio teneatur: siue nec fideiussor ex hac causa tenetur; imò nec heres ipsius filij facti iam sui iuris, vt expressè habetur in d. §. illud propriè.

De Noxalibus Actionibus.

TIT. VIII.

Dantur etiam actiones pro delictis seruorum, quæ dicuntur noxales, de quibus in hoc tit.

S. Noxa, usque ad S. fin.

Noxa, seu noxia dicitur à nocendo, & licet propriè noxa sumatur pro corpore, quod nocuit, & noxia pro ipso nocumento tamen indistinctè accipitur pro maleficio seruorum, pro quo actio noxalis prodita est, per quam agitur contra dominum serui, ut vel soluat æstimationem damni, vel ipsum seruum dedat pro noxa.

Actio autem noxalis est actio personalis in rem scripta, quia ad similitudinem realis semper concomitatur ipsum seruum, & datur contra illius possessorem. Unde si seruus tuus mihi nocuit, datur contra te actio noxalis: & si eum alteri vendidisti, datur actio contra emptorem: & si seruus fiat liber, cessat noxalis, & fit directa contra ipsum manumissum; & si homo liber mihi nocuit, actio directa est: & si deinde fiat seruus, cessat directa, & incipit noxalis contra dominum. Si verò proprio domino seruus noxiam commisit, nulla actio nascitur, cum inter dominum, & seruum, qui in dominio eius est, nulla actio nasci possit.

Actio autem noxalis propriè directa non est, sed est adiectio ad propriam actionem; unde si seruus commisit furtum, datur contra dominum actio furti noxalis, quæ qualitas noxalis significat, quod vel dominus dedat seruum pro noxa illi, qui damnum passus est, vel soluat æstimationem damni, ut supra diximus.

Harum autem actionum quædam sunt ex legibus, & quædam ex edicto Prætorum. Ex legibus, veluti ex furto, quia prouenit ex legibus duodecim tabularum, vel pro damno iniuriæ ex lege Aquilia. Ex edicto Prætorum, veluti pro iniurijs, & pro vi bonorum raptorum.

S. Fin.

Olim istæ actiones noxales dabantur etiam pro delictis filiorum.
Sed

Sed hodie est antiquatum, quia non creditur, quod pater sit tam inhumanns, ut velit dare filium, & maxime filiam pro noxa, cum magis crucietur pater in persona filij, quam in persona sui ipsius. *l. isti quidem ff. de eo, quod metus causa.*

Si quadrupes pauperiem fecisse dicatur.

T I T. I X.

Etiam ab irrationalibus possunt inferri damna, propter quæ datur actio noxalis, quæ dicitur de pauperie. Pauperies autem est damnum sine iniuria facientis datum, quia irrationalia cum non intelligant quid sit Ius, non possunt inferre iniuriam. Dicitur etiam hæc actio de pauperie noxalis, quia est in potestate Domini vel dare animal pro noxa, vel soluere æstimationem damni.

S. Hæc autem actio

Actio ista duplex est, directa, & utilis. Directa datur, quando quadrupes dedit damnum, si tamen contra naturam sui generis damnum dederit, ut si equus calce percusserit, bos cornu petierit &c. ac si secundum naturam sui generis damnum dederit, cessat hæc actio, ut si felis subripuerit piscem. Sed si pecora passa fuerint in alienis agris, datur actio specialis, quæ dicitur de pastu pecorum *l. qui servandarum §. fin. ff. de præscript. verb.* Utilis verò datur, quando bipes damnum dederit, quia licet pro bipede verba legis deficient, cum lex solum loquatur de quadrupede, tamen cum sit eadem ratio in bipede, ac in quadrupede, fit interpretatio legis intensius, & datur actio utilis.

S. Fin.

Hæc actio aliquando est ædilitia, quæ datur ei, qui passus est damnum ab animali, quod habitum fuerit ea parte, qua vulgo iter fit, ut canis, fuscus, amia, & simile; & est actio ad duplum damni dati. Sed si libero homini nocitum fuerit, Iudex arbitratur ex bono, & æquo interesse.

Est tamen adnotandum, quod licet detur actio noxalis de pauperie, quæ tendit ad hoc, ut dominus dedat animal pro noxa, vel

soluat extinctionem damni : potest tamen dari etiam actio ædilitia, quæ est ad duplum, quia actiones pœnales circa eandem rem concurrentes, una aliam non consumit; quod intelligitur quando actum est actione leuiori, quia tunc potest agi ad excessum, quem habet alia actio. Sed si actum sit actione grauiori, non potest deinde agi actione leuiori, quia grauior consumit leuiorem; unde si egi actione de pauperie, quæ est ad simplum, possum deinde agere ad aliud simplum per actionem ædilitiam, & sic ad excessum: sed si egi actione ædilitia, quæ est ad duplum, non possum deinde agere actione de pauperie ad aliud simplum, quod non habui, sed debeo per eandem actionem ædilitiam petere aliud simplum: Ita communiter DD. hic.

De his, per quos agere possumus.

T I T. X.

SI impediamur agere per nos, met ipsos, possumus agere per alios, vt per coniunctos, sed coniunctus debet comparere, vt coniunctus est, sed & ha persona in princ. & ibi glossa in verb. liberi; & in verb. liberi ff. de procurat. Item possumus agere per procuratores. Et procurator est is, qui mandato domini aliena negotia administrat. Hodie autem quilibet potest constituere procuratorem ad agendum, & constituitur non solum expressis verbis, sed etiam tacite, vt tradendo instrumenta, & scripturas alicui, vel patiendo eum agere nostro nomine. Potest autem constitui ad agendum, & defendendum in causis civilibus: sed in causis criminalibus, in quibus pœna corporalis venit instigenda, non potest constitui procurator ad defendendum: sed reus debet se constitui, ne eludatur Iudicium l. penult. §. ad crimen ff. de publ. iudic. Agimus etiam per tutores, & curatores, de quibus in primo lib. dictum est.

De Satisfactionibus.

T I T. XI.

PROPOSITIS actionibus contingit aliquando, quod debeat satisfdari, ideo ponitur hic tit. in cuius princ. recensentur ea, quæ seruabantur antiquitus in Satisfactionibus.

§. Sed

S. Sed hodie, cum omnibus SS. seqq.

Hodie verò quatuor sunt Satisfactiones, quæ iudiciales dicuntur, quia dantur in Iudicijs, in quibus proponuntur, actiones.

Prima est Satisfactio iudicatum solui, quæ habet tres clausulas. Prima est de soluendo iudicatum. Secunda est de defendendo. Tertia est de dolo *l. iudicatum solui la 1. ff. Iudicatum solu.* Et istam tenetur dare ille, qui vult alium defendere, & non habet mandatum procuræ, aut mandatum non est confirmatum à domino in Iudicio.

Secunda est Satisfactio solui iudicatum, quæ continet solam clausulam de soluendo quòd fuerit iudicatum. Et istam tenetur dare reus, qui non possidet immobilia in loco, in quo convenitur, aut mobilia magni valoris.

Tertia est Satisfactio Iudicio sisti, idest quòd sistet in Iudicio vsque ad finem litis, quam tenetur dare idem reus, qui non possidet, vt supra, quia periculum est ne aufugiat pendente Iudicio.

Quarta est Satisfactio de rato, idest rem ratam dominum habiturum, quam tenetur dare is, qui sine mandato vult pro alio agere, seu intentare actionem, quia periculum est, ne postea dominus iterum agat.

In omnibus autem Satisfactionibus debet seruari stylus, qui viget in foris, & si in aliquo foro non est stylus proprius, debet seruari stylus Romanæ Curiae, vel Ciuitatis dominantis, quod colligitur ex *S. fin. huius tituli.*

De perpetuis, & temporalibus actionibus, & qua ad heredes, & in heredes transeunt.

T I T. X I I.

Actiones omnes aut sunt perpetuæ, aut temporales: & aut ad heredes, aut in heredes transeunt.

Pro prima parte huius tit. notandum est, quòd hodie actiones perpetuæ dicuntur illæ, quæ durant triginta annis, & vltra: temporales verò dicuntur, quæ intra triginta annos expirant.

Actiones reales ad rem mobilem durant per tres annos: ad res immobiles durant decem annis inter præsentis, & viginti inter
absen-

soluat æstimationem damni; potest tamen dari etiam actio ædilitia, quæ est ad duplum, quia actiones penales circa eandem rem concurrentes, una aliam non consumit; quod intelligitur quando actum est actione leuiori, quia tunc potest agi ad excessum, quem habet alia actio. Sed si actum sit actione grauiori, non potest deinde agi actione leuiori, quia grauior consumit leuiorem; unde si egi actione de pauperie, quæ est ad simplum, possum deinde agere ad aliud simplum per actionem ædilitiam, & sic ad excessum: sed si egi actione ædilitia, quæ est ad duplum, non possum deinde agere actione de pauperie ad aliud simplum, quod non habui, sed debeo per eandem actionem ædilitiam petere aliud simplum: Ita communiter DD. hic.

De his, per quos agere possumus.

T I T. X.

SI impediamur agere per nos, met ipsos, possumus agere per alios, vt per coniunctos, sed coniunctus debet comparere, vt coniunctus est. *sed & ha persona in princ. & ibi gloss. in verb. liberi; & in verb. liberi ff. de procurat.* Item possumus agere per procuratores. Et procurator est is, qui mandato domini aliena negotia administrat. Hodie autem quilibet potest constituere procuratorem ad agendum, & constituitur non solum expressis verbis, sed etiam tacite, vt tradendo instrumenta, & scripturas alicui, vel patiendo eum agere nostro nomine. Potest autem constitui ad agendum, & defendendum in causis civilibus: sed in causis criminalibus, in quibus pena corporalis venit infligenda, non potest constitui procurator ad defendendum: sed reus debet se constitui, ne eludatur Iudicium *l. penult. §. ad crimen ff. de publ. iudic.* Agimus etiam per tutores, & curatores, de quibus in primo lib. dictum est.

De Satisfactionibus.

T I T. XI.

Propositis actionibus contingit aliquando, quod debeat satisfdari, ideo ponitur hic tit. in cuius princ. recensentur ea, quæ seruabantur antiquitus in Satisfactionibus.

§. Sed

S. Sed hodie, cum omnibus SS. seqq.

Hodie verò quatuor sunt Satisfactiones, quæ iudiciales dicuntur, quia dantur in Iudicijs, in quibus proponuntur, actiones.

Prima est Satisfactio iudicatum solui, quæ habet tres clausulas. Prima est de soluendo iudicatum. Secunda est de defendendo. Tertia est de dolo *l. iudicatum solui la 1. ff. Iudicatum solu.* Et istam tenetur dare ille, qui vult alium defendere, & non habet mandatum procuratoris, aut mandatum non est confirmatum à domino in Iudicio.

Secunda est Satisfactio solni iudicatum, quæ continet solam clausulam de soluendo quòd fuerit iudicatum. Et istam tenetur dare reus, qui non possidet immobilia in loco, in quo conuenitur, aut mobilia magni valoris.

Tertia est Satisfactio Iudicio fisci, idest quòd sistet in Iudicio usque ad finem litis, quam tenetur dare idem reus, qui non possidet, vt supra, quia periculum est ne aufugiat pendente Iudicio.

Quarta est Satisfactio de rato, idest rem ratam dominum habiturum, quam tenetur dare is, qui sine mandato vult pro aliò agere, seu intentare actionem, quia periculum est, ne postea dominus iterum agat.

In omnibus autem Satisfactionibus debet seruari stylus, qui viget in foris, & si in aliquo foro non est stylus proprius, debet seruari stylus Romanæ Curiae, vel Ciuitatis dominantis, quod colligitur ex *S. fin. huius tituli.*

De perpetuis, & temporalibus actionibus, & qua ad heredes, & in heredes transeunt.

T I T. X I I.

Actiones omnes aut sunt perpetuæ, aut temporales: & aut ad heredes, aut in heredes transeunt.

Pro prima parte huius tituli notandum est, quòd hodie actiones perpetuæ dicuntur illæ, quæ durant triginta annis, & ultra: temporales verò dicuntur, quæ intra triginta annos expirant.

Actiones reales ad rem mobilem durant per tres annos: ad res immobiles durant decem annis inter præsentis, & viginti inter absen-

absentes, *ut sup. de usucapion. in princ.* si possessor habeat titulum: si verò non habeat titulum, durant per triginta annos *l. 1. C. de usucap. transformand.* *ut etiam inquit Piccard. hic in princ. num. 22.*

Actio hypothecaria durat similiter decem annis inter presentes, & viginti inter absentes, quando extraneus possidet cum titulo, & bona fide: triginta verò annis quando quis possidet mala fide, vel sine titulo *l. cum notissimi in princ. & ibi gloss. in verb. spatij C. de prescript. 30. vel 40. annor.* durat verò quadraginta annis contra verum debitorem, vel eius heredem, vel alterum creditorem *ut ead. gloss. ibid. & in l. si a creditore C. de actionib. & obligat. in verb. vel longi temporis prescriptione.*

Actiones personales chirographariæ durant sexdecim annis *DD. in rubr. ff. de reb. credit.*

Actiones personales simplices, vel personales in rem scriptæ durant triginta annis *l. sicut C. de prescript. 30. vel 40. annor.*

Actio mixta, idest realis, & personalis simul durat triginta annis *l. hereditatis C. de petit. heredit. Gloss. in l. 3. in verb. cum neque C. in quib. caus. cesset long. tempor. prescript.*

Actiones, quæ ad Ecclesiam pertinent, vel quæ in Iure innominatæ sunt, durant spatio quadraginta annorum *auth. quas actiones, ubi Ias. & DD. C. de Sacros. Eccles.*

Quæ verò ad Ecclesiam Romanam pertinent, durant spatio centum annorum. Ita in *auth. ut Eccl. Rom. cent. annor. Gaud. prescript.*

S. Non autem

Pro secunda parte huius tit. actiones quædam dantur heredibus, & contra heredes: quædam dantur heredibus, sed non contra heredes: & quædam nec dantur heredibus, nec contra heredes.

Quæ dantur heredibus, & contra heredes sunt actiones, quæ ex contractu, vel quasi contractu proueniunt. Similiter actio ex delicto persecutoria transit ad heredes, & contra heredes.

Actio pœnalis regulariter datur heredibus, excepta actione iniuriarum, quæ non datur heredi, quia persona afficitur. Ita Theophil. *hic.* Et ista regulariter non datur contra heredes, nisi vel quando lis est contestata, vel quando ex eo dolo aliquid peruenit ad heredes.

Actiones, quæ nec dantur heredibus, nec contra heredes sunt illæ, in quibus agitur criminaliter ad pœnam Fisco applicandam, nisi

nisi condemnatio delinquentis fuisset sequuta ante mortem ipsius, quia tunc executio sententiæ transiit contra heredes secundum ea, quæ traduntur in *l. publica accusatio ff. de public. Iudic.* In criminibus autem atrocissimis, ut hæresis, læsæ maiestatis, & similibus propter eorum enormitatem actio pœnalis Fisco applicanda extenditur contra heredes etiam sequuta condemnatione post mortem delinquentis.

S. Fin.

Actore non probante reus absoluitur *l. qui accusare C. de edend. probante* condemnatur *l. ult. C. de rei. vendic.* Absoluitur etiam reus, si ante condemnationem satisfecerit actori, quæ satisfactio sit de voluntate creditoris *l. si rem la 1. §. omnis ff. de pignorat. actio.* An autem possit absolui invito creditore, est controuersia: Et communiter distinguitur, aut offere quod debet ante litem contestatam, & omnino potest absolui: aut offert post litem contestatam, & de rigore non videtur posse absolui, cum non liceat altera parte inuita pœnitere tamquam ex contractu, recedendo à Iudicio: de æquitate tamen potest absolui, resectis tamen, expensis; nam satisfactio non tam est pœnitentia, quam eius quod debetur, solutio, quæ omnem obligationem tollit, ut *supr. quib. mod. toll. oblig. in princ.*, & consequenter etiam tollit actionem, quæ est ipsius obligationis effectus *l. licet §. ea obligatio ff. de procurat.* Ita Oinotim. hic.

De Exceptionibus.

T I T. X I I I.

H Vc vsque de actionibus egimus, quæ sunt arma actoris. Sequitur ut de exceptionibus videamus, quæ reorum propugnacula, & defensiones nuncupantur.

Exceptio autem est actionis exclusio *l. 2. in princ. ff. hoc eod. tit.* Cuius effectus est aliquando: excludere intentionem agentis sine actione, ut si quis promiserit tibi aliquid contra bonos mores naturales, ex qua promissione non oritur obligatio, nec actio, si deinde agas ad adimplementum, excluderis per exceptionem defectus obligationis, per quam intentio agentis eliditur. Aliquando est excludere actionem, sed non intentionem agentis, veluti

si petieris à me actione depositi, quod tibi debebam actione mutui, & ego excipiam non teneri ex deposito, excludo actionem, sed non intentionem agentis, quia adhuc es meus creditor, sed ex alia causa. Aliquando est excludere intentionem, & actionem, veluti si petas à me centum; & ego excipiam quòd promiseras nunquam petere. Aliquando verò est non excludere intentionem, vel actionem, sed solum illam debilitare, vi si opponatur exceptio Velleiani, vel Macedoniani. Aliquando verò est illam diminuerè tantum, vt si petas à me viginti, & ego excipiam, quòd non teneor nisi ad decem, cum alia decem iam soluerim. Ex quibus exemplis constat, matrem exceptionis esse æquitatem; vnde si quis habens aliquam exceptionem, soluerit illa non opposita, non poterit repetere solutum, vt notatur per gloss. & per DD. in l. qui exceptionem in princ. ff. de condit. indebit. Quoniam, exceptio pendet ex æquitate, & opponitur rigori, & ita postquam rigor habuit effectum per solutionem, non potest intentari exceptio æquitatis cum melior sit conditio rigoris in possessione existentis. Quæ conclusio est intelligenda ceteris paribus, & cum distinctione, quam ponunt gloss. & DD. ubi *supr.*

S. Verbi gratia, usque ad S. Item si

In his §§. proponuntur nonnullæ exceptionum species, videlicet metus, doli, erroris, non numeratæ pecuniæ, pacti de non petendo, iurisiurandi, & aliæ, quas videte in *textu*.

S. Item si

In hoc §. ponitur exceptio rei iudicatæ, quæ pro veritate habetur l. ingenuum ff. de stat. homin. Et res iudicata inducitur, quando reus non appellauit à sententia diffinitiuâ, intra decem dies; vel appellauit, sed non fuit prosequutus appellationem intra annum, vel ex causa intra biennium; quò casu appellatio dicitur deserta. Iudex autem potest præfigere terminum ad prosequendam appellationem, scilicet ad incipiendam prosequutionem appellationis, producendo acta, & scripturas coram Iudice ad quem. Appellans enim tenetur etiam intra triginta dies post interpositam appellationem redire pro apostolis, eosque instantèr, instantius, & instantissimè petere à Iudice à quo. Qui apostoli dicuntur litteræ dimissoriæ, idest facultas obtenta ab eodem Iudice à quo extrahendi acta, & scripturas à suo Tribunali, eaque producendi coram Iudice.

de ad quem; quod si non faciat intra triginta dies, appellatio etiam dicitur deserta, & sententia facit transitum in rem iudicatam. Tres quoque sententiae conformes super eadem re, habent vim rei iudicatae. Transiit autem in rem iudicatam sententia, etiam quando est iniusta, idest contra ius parris; ceteroquin si sit nulla, idest contra notorium Iuris, numquam transiit in rem iudicatam. Quando autem transiit in rem iudicatam, debet mandari executioni, nec potest amplius in dubium renocari, tribus simul concurrentibus, nempe identitate personarum, rerum, & causarum *l. 1. §. an eadem ff. de except. rei iudicat.* ut docet Aretin. hic; Vnde si postea iterum vellet agi, opponitur exceptio rei iudicatae, quae est exceptio litis finitae, impediens litis ingressum, ut dicemus *infra in §. appellantur autem.*

S. Hac exempli causa

Concludit Imperator innumeras alias esse exceptiones, de quibus se remittit ad latiores Digestorum, seu Pandectarum libros. Dicit etiam quasdam exceptiones fuisse introductas à Praetore, quales sunt supra enumeratae, & quasdam à Iure civili, ut exceptio incompetentiae Iudicis *l. fin. C. hoc eod. tit.* Exceptio Velleiani, & Macedoniani, ut *ff. ad S. C. Velleian. & ad S. C. Macedon. per tot. tit. &c.*

Præterea exceptiones aliae dicuntur facti, & intentionis, quae de Iure non competunt, sed de facto opponuntur, & hae sunt illae, quae non nominantur in Iure, sed generali appellatione dicuntur exceptiones in factum *l. 2. §. & generaliter ff. de dol. except. & l. exceptiones la 3. ff. hoc eod. tit. de exceptionib.* Aliae dicuntur Iuris, quae de Iure competunt, ex eo quia nominantur in Iure, ut est exceptio doli, pacti de non petendo, rei iudicatae &c.

S. Appellantur autem usque ad S. fin.

Diuiduntur exceptiones in hoc §. quod aliae sunt perpetuae, & peremptoriae; aliae temporales, & dilatoriae.

Peremptoriae sunt illae quae semper opponi possunt, & perimunt ipsam litem, quarum aliae impediunt litis ingressum, & dicuntur exceptiones litis finitae, ut exceptio transactionis, praescriptionis, rei iudicatae, solutionis, iuris iurandi &c. Aliae sunt simplices, & non litis finitae, quae non impediunt litis ingressum, sed litis progressum, ut est exceptio doli, metus, & similes.

Dilatorie verò sunt, quæ differunt, non perimant litem, & ad tempus opponi possunt, quarum alie sunt declinatorie Iudicij, alie non declinatorie. Declinatorie sunt exceptio incompeten-
tiae, seu suspicionis Iudicis, ineptitudinis libelli &c. Non declina-
toriae sunt exceptio pacti de non petendo ad tempus, exceptio quod
non dum venerit conditio, & similes.

Est autem differentia inter peremptorias, & dilatorias, quia
peremptoriae semper opponi possunt, etiam post litem contestatam
ante conclusionem in causa. De dilatorijs verò distinguitur, nam
declinatoriae debent opponi, & probari ante litem contestatam.
L. fin. C. hoc eod. tit. dilatoriae verò simplices, & non declinatoriae
debent opponi ante litem contestatam, sed probari possunt etiam
post litem contestationem.

Dantur etiam quaedam exceptiones, quæ anomalæ dicuntur,
idest irregulares; procedunt enim contra regulas communes excep-
tionum v.g. est regula quod excipiens debet probare suam excep-
tionem *Gloss. in l. frustra C. de probation. in verb. exigitur*. Sicut
actor tenetur probare suam intentionem *L. actor C. eod. tit. de proba-
tionib.* Vnde quando contra exceptionem debet probare actor, illa
exceptio dicitur anomala, prout est exceptio non numeratæ pecu-
niae opposita intra biennium, quia tenetur probare actor se nume-
rasse, vt diximus *supra in tit. de litterar. obligat.* Similiter est alia re-
gula, quod exceptio dilatoria debet opponi ante litem contesta-
tam, vnde quando potest opponi post litem contestationem, dicitur
irregularis, prout est exceptio excommunicationis, exceptio nulli-
tatis matrimonij, & similes.

Datur etiam alia exceptio dilatoria, quæ est ex persona, & pro-
curatoria nuncupatur, & datur aduersus procuratorem, qui non
habet mandatum procuræ *licet, vbi Bay. C. de procurat.* & etiam
contra eos, qui fungi non possunt procuratoris officio, prout est
milites *L. militem C. eod. tit. de procurat.* Item potest opponi hæc excep-
tio ratione causæ, vt in crimine publici Iudicij, in quo nemo
potest esse procurator, sed reus debet se constituere, ne Iudicium
reddatur elusorium *L. penult. S. ad crimen ff. de public. Iudic. vt aliàs
diximus.*

S. Fin.

Olim opponebatur exceptio contra procuratores propter infamiam, vel ipsius constituentis, vel ipsius procuratoris. Sed hoc non
est amplius in usu, cum hodie infamis possit esse procurator, nisi
age-

ageret coram Principe, & nisi esset infamis infamia iuris, vel per sententiam capitalem. Hoc autem intelligitur, si sit procurator Laicorum: secus si Ecclesiasticorum, qui debent habere procuratores bonæ famæ, & boni nominis, secundum distinctionem, quam affert Aretin. hic, quem proponite vobis pro exemplari in hac materia exceptionum, ab ipso egregie pertractata.

De Replicationibus.

TIT. XIV.

Replicationes dantur actoribus ad repellendas reorum exceptiones; replicatio enim est exceptionis exclusio, sicuti duplicatio, replicationis exclusio, triplicatio, duplicationis exclusio, & sic deinceps, ut exemplificatur in textu.

Replicatio duplex est, dilatoria, & peremptoria. Prima est, quæ differt, non perimit negotium. Secunda est, quæ perimit negotium in totum. c. c. Duo fecerunt transactionem, ad quam alter ipsorum dolo alterius fuit inductus. Agit alter ex primæ obligatione: opponit alter exceptionem transactionis: replicat agens se fuisse inductum ad ipsam transactionem per dolum; & ita exceptio transactionis per hanc replicationem doli; probato dolo in totum petimitur; ideoque sicuti se habet exceptio ad actionem: ita se habet replicatio ad exceptionem &c. ut dicunt DD. hic.

§. Exceptiones

Dicitur in text. quod Exceptio quæ datur reo principali, datur etiam fideiussori, sic de replicatione, quæ competit, de duplicatione &c.

Sed aliquando datur exceptio principali, non tamen fideiussori, ut est exceptio cessionis bonorum, quia ad hoc assumuntur fideiussores, ut si principales non sint solvendo, ipsi solvant. Item exceptio non numeratæ pecuniæ competit principali, non autem fideiussori. Sed poterit principalis ipse petere admitti ad causam pro suo interesse, & admissus poterit opponere suam exceptionem ad excludendum agentem contra fideiussorem, sicut in illa exceptione, quæ competit marito, ut non teneatur ultra quam facere possit; si enim vxor agat contra fideiussorem mariti, quamvis fideiussori non competat illa exceptio, tamen maritus ipse ad cau-

sam. admissus potest illam opponere contra uxorem, agentem contra fideiussorem; alioquin nihil proderet marito illa exceptio, ex quo fideiussor conuentus ab uxore, posset conuenire maritum, qui promisit eum releuare indemnem, & maritus contra fideiussorem non potest opponere exceptionem, quod non teneatur ultra quam facere possit.

Sic e contra sunt quædam exceptiones, quæ dantur fideiussoribus, non tamen dantur principali debitori, vt est exceptio non excussionis principalis debitoris. Sic exceptio cedendorum Iurium, & actionum l. *Modestinus ff. de solution. Et diximus supr. in tit. de fideiussor. §. si plures.*

Exceptiones autem, quæ competunt solum principalibus, dicuntur personales: quæ verò competunt solum fideiussoribus dicuntur reales, vt noratur in l. 2. ff. de exceptionib. Et idem intelligitur de replicationibus, duplicationibus &c.

De Interdictis.

T I T. X V.

Iudicia non solum instruantur per actiones, sed etiam per interdicia; & ideo, bene ponitur præfens tit.

Interdicta autem, quæ actiones etiam lato sumpto vocabulo appellantur, fuerunt quædam verba præcipientia, vel prohibentia, aliquid fieri, vel non fieri à Prætoribus concepta cum certa quadam solemnitate, inter duos contendentes proposita, præsertim quando de possessione, vel quasi possessione disceptabatur, vt dicitur hic in princ. Nam sicut olim circa actiones intentandas certæ solemnitates introductæ erant, quippè quæ cum certa formula verborum erant proponendæ, adeout si quis cadebat à syllaba, caderet à tota causa: ita interdicia, quæ à Prætoribus proponebantur, erant cum certa solemnitate seruanda, sed quemadmodum, nimis curiosa illa solemnitas verborum hodiè tam in actionibus ciuilibus, quàm Prætorijs sublata est, vt tot. tit. C. de formul. & impetrationib. ita quoque solemnitas illa verborum conceptio in interdiciis proponendis recessit ab vsu, & hodie interdicia proponuntur absque vlla solemnitate, & sufficit pro illis actiones in factum pro ponere §. fin. infr. hoc eod. tit. v.g. si Titius ædificat in aliqua via publica, sufficit dicere in libello, quod Titius ædificat in tali via publica, ideo Prætor ipsum prohibeat &c.

Inter:

Interdicta differunt ab edictis Prætorum, tanquam genus à specie; interdicta enim sunt edictorum species, quasi denunciationes, vel prohibitiones inter duos controuertentes obiter dictæ. Ita Myssinger hic num. 5.

Interdictorum autem quædam respiciunt religionem: & quædam Ius humanum.

Respicientia religionem sunt interdictum de mortuo inferendo, de sepulchro ædificando, & interdictum ne quid in loco sacro fiat.

Respicientia verò ius humanum quædam respiciunt utilitatem publicam, & quædam priuatam.

Quæ respiciunt utilitatem publicam sunt, ne quid in loco publico, ne quid in flumine publico, de via publica rescindenda, ne quis via, seu ut iter agere per viam publicam liceat, de ripa munienda, de fluminibus, ut in flumine publico nauigare liceat, de loco publico fruendo.

Quæ respiciunt priuatam utilitatem sunt interdictum de arboribus cædendis: de arboribus coercendis, seu collocandis, aut sub lucandis: de aqua pluvia arcenda: de aqua quotidiana, & æstiuæ: de aqua ex castello: de riuis: de fonte: de cloachis: de præcario: de glande legenda: de operis noui nunciatione: de remissionibus, ut liceat ædificare illi, cui denunciatum est ne ædificet: de migrando: de superficiebus: de itinere, actuque priuato: quod vi, aut clam: Saluianum: uti possidetis: utrobi: vnde vi, & de vi, & vi armata: de libero homine exhibendo: de liberis exhibendis: de tabulis exhibendis: quorum bonorum: quorum legatorum: ne vis fiat ei, qui in possessionem missus est: interdictum noxale: & interdictum fraudatorium.

In libris autem Digestorum de his omnibus interdictis habentur tituli speciales, quorum explicationem copiosam inuenietis in Lexicon Juris, in verbo Interdictum.

S. Summa autem diuiso

Proposita generali diuisione Interdictorum deueniamus ad primam principalem diuisionem, quam tradit Imperator; ait enim quod interdictorum quædam sunt prohibitoria, quædam restitutoria, & quædam exhibitoria.

Prohibitoria rem fieri verant, ut est interdictum, ne vis fiat ei, qui in possessionem missus est. Sic etiam interdictum de mortuo inferendo, quod datur ei, qui habet ius inferendi mortuum in aliquem locum contra eum, qui impedit ne inferatur l. 1. ff. de mort. infer. & similia.

Resti-

Restitutoria rem restitui iubent, ut est interdictum unde vi, quod intentatur ab eo, qui per vim de possessione rei immobilis deiectus est, ad recuperandam possessionem; una cum rebus mobilibus ablatis l. 1. ff. de vi, & vi armat. & similia.

Exhibitoria rem exhiberi mandant, ut est interdictum de libero homine exhibendo, de liberis exhibendis, de tabulis exhibendis.

§. Sequens divisio

Alia est divisio interdictorum circa iudicium possessorium, proposita hic ab Imperatore, quod quaedam sunt interdicta adipiscende possessionis, quaedam retinendae, & quaedam recuperandae. Dixi circa iudicium possessorium, quoniam est aliud iudicium, quod dicitur petitorium. Pro qua re intelligenda.

Sciendum est, duplex dari iudicium, alterum, quod proprietatis, seu petitorium dicitur, alterum, quod possessionis, seu possessorium appellatur c. pastoralis, de caus. possessi & propriet. & notatur post tex. in l. naturaliter §. nihil commune ff. de acquir. possessi.

Iudicium petitorium, seu proprietatis dicitur, quando agitur ad rem iure dominij, vel quasi dominij, quia actor in libello petie declarari, fundum v.g. quem Titius iam possidet ad se spectare, & pertinere, & reum conuentum condemnari ad restitutionem illius. Et in summa ubi est quaestio de iure, vel dominio rei, ibi est iudicium petitorium.

Iudicium possessorium, seu possessionis dicitur, quando agitur solum ad possessionem rei, & sic ubi de nuda possessione est contentio, ibi est iudicium possessorium.

Melius autem est intentare possessorium, quam petitorium l. is, qui destinavit ff. de rei vindicat. tum quia in petitorio, est probandum dominium, quod est difficilis probationis, cum non possit probari, nisi doceatur de titulo acquisitionis, quod in antiquis praecipue est valde difficile. Hoc autem non requiritur in possessorio, in quo sufficit probare possessionem, quod est facilioris probationis; per quemcumque enim actum possessorium probari potest: tum quia sententia lata in possessorio habet executionem paratam, & non impeditur per appellationem, quod non contingit in petitorio, in quo sententia lata suspenditur per appellationem. Bart. in l. 2. ff. de appellat. recipiend. & in l. fin. ff. de appellat. Corasius in l. naturaliter §. nihil commune ff. de acquir. possessi. num. 30.

S. Adipiscenda

Triplex autem est Iudicium possessorium, scilicet adipiscendæ, retinendæ, & recuperandæ possessionis, ut diximus.

Interdictum adipiscendæ possessionis datur ei, qui non habet possessionem, ut illam acquirat, prout contingit in Saluiano interdicto, de quo diximus *supr. de actionib. in §. Item Seruiana*. Et in interdicto quorum bonorum, quod datur bonorum possessori ad acquirendam possessionem bonorum defuncti contra eum, qui possidet pro herede, vel pro possessore, ut restituat ei, cui bonorum possessio data est. Pro herede dicitur possidere ille, qui putat se heredem esse: pro possessore verò ille dicitur possidere, qui nullo iure hereditatem totam, seu aliquam illius partem sciens ad se non pertinere possidet. Sunt autem plura remedia adipiscendæ possessionis, quæ ponit Menoch. in suo tract. de adipisc. possess.

S. Retinenda, usque ad S. recuperanda

Interdictum retinendæ possessionis duplex est, alterum dicitur, utrobi: alterum dicitur, uti possidetis.

Interdictum utrobi competit pro rebus mobilibus, quando quis turbatur in possessione rei mobilis contra turbantem. Dicitur autem utrobi, quia hæc sunt verba huius interdicti; Inquit enim Prætor, utrobi is homin, de quo agitur, maiore parte anni fuit, quò minus is eum ducat, vim fieri veto *l. unic. ff. utrobi*. Et illud verbum, utrobi, exponitur, idest apud quem, ut per gloss. ibi in verb. *utrobi*.

Interdictum uti possidetis competit pro rebus immobilibus; & dicitur, uti possidetis, quia verba interdicti sunt ista, dum Prætor ait, uti possidetis, quò minus ita possideatis, vim fieri veto *l. r. ff. uti possidetis*.

In utroque autem interdicto uterque dicit se possidere, & aduersarium non possidere, & is vincebat olim, & manutenebatur in possessione, qui maiore parte anni possederat, sed hodie is vincit, & manutenebatur à Iudice, qui tempore litis contestatæ probat se melius possedisse.

Velius autem est prius intentare possessorium, quam petitorium, ut supra diximus, tum propter rationes supra allatas: tum etiam quia per iudicium possessorium in dubio iudicatur pro possessore *c. in pari de reg. iur. in 6.* Præterea quia possessor facit fructus

bus suos. Item, quia in possessorio, ex eo quia est summarissimum iudicium, non datur appellatio quoad effectum suspensiuum, quamuis detur quoad effectum deuolutiuum; licet aliqui velint in hac momentanea actione nullam dari appellationem.

Possidere autem dicitur quis non solum per se, sed etiam per alium, vt per filium, per seruum, per colonum, per inquilinum, per depositarium, per commodatarium &c. Possessio autem potest retineri solo animo sine corpore, licet solo animo sine corpore acquiri non possit. Et possessio, quæ ex corpore est, dicitur naturalis, quæ verò in animo consistit dicitur ciuilis.

S. Recuperanda

Interdictum recuperandæ possessionis datur cuilibet spoliato, id est priuato possessione, siue per vim, siue alio modo; quia etiam iudex, qui non seruat iuris ordinem, dicitur spoliare. Est autem regula, quod spoliatus in primis, & ante omnia, per omnia, & quoad omnia restituendus est l. si quis ad se fundum C. ad l. l. de vi publ. & can. redintegranda 3. q. 1. qui canon maxime est in usu, Hæc autem regula plusquam sexaginta modis ampliatur, & plusquam sexaginta modis limitatur, vt per Ant. de Matthæis in l. naturaliter §. nihil commune ff. de acquir. possess.

S. Tertia diuisio

Hic ponitur vltima diuisio Interdictorum, scilicet quod quædam sunt simplicia, & quædam duplicia. Simplicia sunt illa, in quibus apparet quod alter ex litigantibus est actor alter vero reus. Sic etiam habetur in l. 2. ff. hoc eod. tit. de Interdict. Duplicia sunt, quando vterque intendit esse actor, cum vterque prætendat esse possessor, vt contingit in interdicto, vtroque vt possidetis &c.

S. Fin.

Hodie in proponendis actionibus, & interdictis non est necesse seruare illas solemnitates, quæ olim seruabantur, vt diximus in princ. huius tit.

De Poena temerè litigantium.

TIT. XVI.

Quia sunt nonnulli, qui in Iudicijs temerè proponunt actiones, & temerè opponunt exceptiones, quos puniri æquum est, ideo ponitur hic tit. Hæc autem poena triplex est, periurij, pecuniaria, & infamiz.

§. Ecce enim insinrandum, usque ad §. fin.

Pœna periurij irrogatur quando quis subit falsum iuramentum calumniæ; tenetur enim tam actor, quam reus, si petatur, iurare de calumnia. Iurat actor quod agit non animo vexandi adversarium in Iudicio, sed quia putat habere iustam causam, & bonum ius fouere. Et iurat reus, quod non opponit animo vexandi adversarium in Iudicio, sed quia putat se bona exceptione vri ad contradicendum. Dicit autem textus *hic in §. unusque* quod etiam Advocati causarum iurant de calumnia. Sed glossa dicit, quod hodie non est in usu, ut Advocati iurent, quia solum Procuratores tenentur iurare tam in animam Domini, quam in animam suam, si petatur: sed in animam Domini iurare non possunt, nisi habeant speciale mandatum. Iurant autem quod putant se bonum ius fouere suorum Principalium, si sunt Procuratores actorum: & quod iustam causam se putant defendere, si sint Procuratores reorum *l. 1. ff. de iur. iur. prop. cal. dand.* Et ideo si falso de calumnia quis iurasse compertum fuerit, de periurio tenetur.

Pœna pecuniaria non est illa, quæ erat olim, scilicet decimæ partis litis, quia hoc non fuit servatum. Sed pœna est quod victus victori in expensis condemnatur. Imò aliquando est, ut condemnatur ad duplum v.g. in eo, qui negavit, ut in legatis venerabilibus locis, in lege Aquilia, & similibus, in quibus negando lis crescit, ut diximus in §. omnes *supr. de actionib.*

Pœna verò infamiz habet locum in quibusdam casibus, quia condemnati ex quibusdam Iudicijs fiunt infames, ut furti, de vi bonorum raptorum, iniuriarum, de dolo. Item in actione

tutela directa, depositi directa, mandati directa &c. quam poenam incurrunt etiam illi, qui super his criminibus transegerunt non tamen si solum pactum fuit; in his enim etiam si permissum sit pacisci, non tamen licet transigere; pactum enim est gratuitum, transactio vero non est gratuita. Sic dicit *tex. in l. 1 ff. de transact.*

S. Fin.

Pœna etiam imponitur respectu citationis, quæ est prima pars Iudicii, si temerè fiat; nam si filius, vel libertus vocaverit patrem, vel patronum in Ius non impetrata venia, puniatur in quinquaginta aureis. Et quia mentionem fecimus de citatione, est adnotandum, quod citatio est iuridica vocatio ad Iudicis conspectum, quæ fieri potest quatuor modis, per nuncium, seu per litteras citatorias, per præconem, per edictum, & per ipsum Iudicem; & illa quæ per Iudicem fit, dicitur monitio. Illa autem, quæ fit per nuncium, seu per litteras citatorias, est illa, quæ communiter utimur in Iudicio, ad cuius validitatem plura requiruntur. Primo nomen Iudicis, & Notarii. Secundo nomen & cognomen citantis, & citati *et cum in multis per rescript. in 60 Tertio causa citationis & præterea de citatione. Quarto locus Iudicii, & tempus comparendi l. aut qui aliter S. si quis, & aliam, & idem nuncij relatio, necesse est, ut sit, quæ debeat esse in fine. Cuius de Cornelia de falso. Quæ relatio tribus modis fieri potest, sicut tribus modis citationes exequentur, aut per se, maliter, aut in magna domo, si dorum, aut domi dimissa coram. Marano in suo specul. & part. l. principalis, ubi plura de citatione congerit.*

De Officio Iudicis.

Officium Iudicis, est ministerium quoddam ad Ius, & Iusticiam ministrandam; & quia Iudicia Civilia instituntur non solum per actiones, & interdita, sed etiam per Iudicis officium, adeo ponitur, præsens sit, Officium autem Iudicis

cis

is duplex est nobile, & mercennarium. Nobile est quod Iudex impartitur ex nobilitate officij, & ex nulla necessitate, sed solum ex æquitate, & datur quovis actio cessat, sed æquum est aliquid prastari; unde si filius petat palamentum à patre, vel Monachus ab Abbate competit officium Iudicis nobile, cum inter istos non detur actio. Item pro concedenda restitutione in integrum, pro dandis tutoribus, & curatilibus, petitur officium Iudicis nobile. & mercennarium est quod inferuit actioni intentate, accusationi, & exceptioni; quamvis pro exceptione dicatur adversarium officium. Et sic Iudex recipiendo libellum, assignando terminos ad probandum, admittendo probationes, ferendo sententiam, & ceteras partes Iudicij exequendo, dicitur exercere officium mercennarium. Sic habendo rationem fructuum, & expensarum, cum agitur actione mixta in divisionibus, assignando unicuique partem, vel rem, & si sit res, quæ dividi non possit, assignando rem vni, & eundem condemnando ad tantam pecuniam dandam alteri pro sua parte, & in alijs casibus, qui in SS. *libra de* enumerantur, dicitur exercere officium mercennarium. Qui autem Iudex aliquid ita addixerit, statim id eius sit, vel dicitur *hic in S. fin. in fin.*

De Publicis Iudicijs.

TIT. XVIII. & Ultimus.

Dicuntur est de privatis Iudicijs, quæ instruuntur per actionem, vel per officium Iudicis, erat dentum videndum de publicis Iudicijs, quæ instruuntur per accusationem, vel per inquisitionem, vel per denunciationem.

Accusatio fit in forma libelli, cum loco, & tempore commissi delicti, & inscriptione ad poenam rationis l. 3. ff. de accusat. sed ista inscriptio hodie non est in usu. Inquisitio fit per Iudicis officium. De consuetudine autem, & ex constitutionibus Principum raro Iudices procedunt per accusationem, sed frequentius ex officio per inquisitionem, ne delicta remaneant impunita, quia quando Iudex procedit per accusationem tantum, non potest facere nisi quatenus vult accusator, sed si procedit ex officio, tunc etiam cessante accusatore.

facit ex se per inquisitionem. Inquisitio autem triplex est. Generalissima, quando nouus Magistratus inquit de malis hominibus, vt purget Ciuitatem *l. congruit ff. de offic. Presid.* Altera est generalis, quando est commissum aliquod delictum, & ignoratur auctor, tunc fit inquisitio generalis de inimicis, vicinis, & alijs; & si reperiatur aliquis inditiatus, vt quia aufugerit, vel trepidet, vel sit mendax, tunc fit inquisitio specialis contra eum, quæ est tertia species inquisitionis.

Denuntiatio duplex est, altera Euangelica, quæ fit de Iure Canonico, quando aliquis persistit in peccato, quia denunciatur Iudici Ecclesiastico, vt faciat illum desistere. Altera est denunciatio de Iure Ciuili, quæ fit per officiales, seu delatores Curie.

S. Publica. cum omnibus SS. seqq.

Publica Iudicia quædam sunt capitalia; & quædam non, etiam si infamiam irrogent. Capitalia sunt, quibus amittitur vita, vel libertas, vel ciuitas, vel imponitur exilium perpetuum. Quæ non sunt capitalia sunt illa, quibus non supradictæ pœnæ, sed aliæ leuiores irrogantur.

Sunt autem publica Iudicia illa, quæ ponuntur in hoc titulo; & dicuntur publica, quasi populi, quilibet enim de populo potest illorum accusationem intentare.

Primum autem est Iudicium ex *l. Iulia maiestatis læsæ*, quæ habet duo capita. Primum est si quis contra Principem, vel eos, qui sunt de latere Principis aliquid molitus est, vel contra Remp. Et pro hoc capite est pœna ultimi supplicij, damnationis, memorie confiscationis omnium bonorum, filijs nihil reservatur, filiabus solum dos materna, vt nubere possint *l. quisquis C. ad l. Iul. maiest.* Secundum caput est si quis contra statuum Principis, vel eius Imaginem conspuerit, vel lapides iecerit, vel Principi maledixerit &c. & tunc est minor pœna, quam in primo capite, vt notatur ex *d. l. quisquis.*

Secundum est ex *l. Iul. de adulterijs*. Adulterium in genere sumptum continet omnem illicitum concubitum. Sed in specie adulterium est ad alterius torum accessus. Et de Iure Ciuili non est punibile, nisi cum solutus, vel coniugatus accedit ad coniugatam; secus si coniugatus accedat ad solutam. Iul. Clar. in *suâ prax. in §. adulterium*. De Iure autem Canonico

ita punitur si coniugatus accedit ad solutam, sicut si ad coniugatam; & in vtroque casu est poena separationis tori de iure canonico, & poena civilis est amissio dotis in muliere, & amissio donationis propter nuptias in viro, *ut in §. quia verò plurimas auth. ut lic. matr. & auia*. Poena autem criminalis est poena ultimi supplicij; & sub nomine adulterij venit etiam stuprum, quod committitur cum Virgine, vel cum Vidua honestè viuentē.

Tertium est ex l. Cornel. de sicarijs, quæ punit homicidas siue ferro, siue veneno, siue alio modo, & etiam eos, qui ambulant cum telo, gratia occidendi hominem. Sed de consuetudine non seruatur, ut puniantur poena mortis, nisi sequuto effectu, per regulam quod non punitur affectus, scilicet poena ordinaria, nisi sequatur effectus, exceptis atrocissimis. Sicarij autem dicti sunt à sica, quod est ferreum cultrum. Et ex eadem lege tenentur qui artibus magicis hominem necauerint, vel scienter ad hoc venena vendiderint. Homicidium verò quadruplex est, deliberatum, voluntarium, necessarium, & fortuitum. Duo priora puniuntur: posteriora duo non.

Quartum est ex lege Pompeia de parricidijs, quæ punit eos, qui ascendentes, vel descendentes, vel etiam affines, qui parentum, liberorumque nomine continentur, fratremque aut sororem necassent. Et poena est, ut sanguineis virgis verberati includantur culleo cum cane, gallo gallinaceo, vipera, & simia, & projiciantur in mare, vel in amnem *l. poena ff. ad l. Pompei de parricid.* quæ poena hodie non est amplius in vso: sed est poena ordinaria ultimi supplicij.

Quintum est ex l. Cornel. de falsis. Falsum est immutatio, seu imitatio veritatis. *Gloss. in auth. de instrument. cauth. & fid.* Falsitas autem ut puniatur, tria debent concurrere, Primo quod sit perfectæ *l. qui falsum ff. ad l. Cornel. de fals.* Secundo quod fiat dolo malo *l. nec exemplum C. ad l. Cornel. de fals.* Tertio, quod sit nocibilis, quia est regula, quod falsitas non nocibilis, non punibilis, scilicet poena ordinaria. *Iul. Clar. in sua prax. §. falsum versic. Item excusatur in fin.* Et si falsitas commissa est à publicis personis v. g. Notarijs est poena ultimi supplicij.

Sextum est ex l. Iul. de vi publica, vel priuata, quando vis commissa est cum armis, vel sine armis. Et si per vim raptus fiat, est poena ultimi supplicij, & bona raptoris fiunt raptæ, & potest interfici raptor in ipso flagitio *l. unic. C. de rapt. Virg.* In Monialibus autem raptus attentatus, licet non perfectus, punitur poena vlti-

vicini supplicij, quia est de atrocissimis l. ff. qui non dicam. C. de
Episc. & Cleric.

Septimum est ex l. Iul. peculatus, quæ punit eos qui publicam
pecuniam, vel rem sacram, aut religiosam furati sunt ut tot. tit.
ff. ad l. Iul. pecul. & de sacrileg.

Octavum est ex l. Flau. de plagiarijs, quæ punit eos, qui subri-
puerint seruum alienum, vel hominem liberum, & vendiderint,
ut tot. tit. ff. ad l. Flau. de plagiar.

Nonum est ex l. Iul. de ambitu, quæ punit eos, qui clam pecu-
niam dederint, ut consequantur honores, & dignitates. Quod
hodie cessat, cum à Principe, & non per suffragia dentur hono-
res, & dignitates l. vnic. ff. ad l. Iul. de ambit.

Decimum est ex l. Iul. de repetundis, quæ punit eos, qui pecu-
niam receperint, ut sententiam vel iustam, vel iniustam ferant,
ultra proprium Salarium ut tot. tit. ff. ad l. Iul. repetundar. Sed ex-
culenta, & poculenta, quæ citò consumuntur, recipere possunt l.
plebiscito continetur ff. de offic. Præsid. Sed hodie neque ista accipere
debent, nisi in defectum salarij, secundum ea, quæ notat gloss.
ibi, in verb. poculentum.

Undecimum est ex l. Iul. de annona, quæ punit eos, qui faciunt
ut carior vendatur annona, idest ea quæ quot annis colliguntur,
ut frumentum, vinum &c. ut tot. tit. ff. ad l. Iul. de annon.

Duodecimum & ultimum est ex l. Iul. de reſiduis, quæ punit
eos, qui residuâ ex administratione pro se retinent, ut tot. tit. ff.
ad l. Iul. pecul. & de sacrileg. & de residuis.

De his omnibus Iudicijs non solum agitur in hoc tit. sed etiam
in libris Digestorum habentur tituli speciales, cum pœnis, qui-
bus delinquentes singuli puniendi sunt.

Atque hæc pro Institutionum Iuris Civilis breui dilucidatio-
ne dicta sint satis ad laudem, & gloriam Omnipotentis Dei.

FINIS.

Errata

Corrige

24 335

| pag. | lin. | | |
|------|------|--------------------|------------------|
| 1 | 15 | desperarent | desperarent |
| 2 | 16 | respiciunt | respiciant |
| 7 | 4 | pari passu | pari passu |
| | 25 | punitur | punitur |
| 10 | 9 | ad alteram | ad alterum |
| 11 | 14 | aliquorum | aliquarum |
| | 36 | lib. de | lib. 1. de |
| 13 | 39 | dicere | diceret |
| 19 | 31 | scriptura | scriptum |
| 20 | 5 | . derogatur | l. derogatur |
| 22 | 14 | Curul s | Curules |
| 32 | 16 | libertas | libertus |
| 39 | 15 | videri | videre |
| 47 | 33 | Item | Idem |
| 78 | 15 | §. At qui patrano | §. Atqui patrono |
| | 26 | continuent | continuant |
| 89 | 32 | §. Item tria oner. | onera. |
| 99 | 28 | nunc admonendi | nunc admonendi |
| 107 | 4 | l. naturali | l. naturalem |
| 109 | 12 | non posset | non possit |
| 146 | 12 | tempora | tempore |
| 188 | 12 | nunc etiam | nutu etiam |
| 194 | 14 | quoad parte | quoad partem |
| 196 | 5 | dotis confectæ | confectæ |
| 236 | 41 | per eas | per ea |
| 237 | 3 | per eas | per eos |
| 238 | 27 | l. Mutiana | l. Mutiana |
| 255 | 31 | moratur | moriatur |
| 272 | 27 | fuisse | fecisse |
| 276 | 4 | qua fit | quæ fit |
| 306 | 37 | vibi | vbi |
| 310 | 2 | desinit | disinit |

Cetera leniora humanitas legentis excusabit.



| Year | 1900 | 1901 | 1902 | 1903 | 1904 | 1905 | 1906 | 1907 | 1908 | 1909 | 1910 | 1911 | 1912 | 1913 | 1914 | 1915 | 1916 | 1917 | 1918 | 1919 | 1920 | 1921 | 1922 | 1923 | 1924 | 1925 | 1926 | 1927 | 1928 | 1929 | 1930 | 1931 | 1932 | 1933 | 1934 | 1935 | 1936 | 1937 | 1938 | 1939 | 1940 | 1941 | 1942 | 1943 | 1944 | 1945 | 1946 | 1947 | 1948 | 1949 | 1950 | 1951 | 1952 | 1953 | 1954 | 1955 | 1956 | 1957 | 1958 | 1959 | 1960 | 1961 | 1962 | 1963 | 1964 | 1965 | 1966 | 1967 | 1968 | 1969 | 1970 | 1971 | 1972 | 1973 | 1974 | 1975 | 1976 | 1977 | 1978 | 1979 | 1980 | 1981 | 1982 | 1983 | 1984 | 1985 | 1986 | 1987 | 1988 | 1989 | 1990 | 1991 | 1992 | 1993 | 1994 | 1995 | 1996 | 1997 | 1998 | 1999 | 2000 | 2001 | 2002 | 2003 | 2004 | 2005 | 2006 | 2007 | 2008 | 2009 | 2010 | 2011 | 2012 | 2013 | 2014 | 2015 | 2016 | 2017 | 2018 | 2019 | 2020 | 2021 | 2022 | 2023 | 2024 | 2025 | 2026 | 2027 | 2028 | 2029 | 2030 | 2031 | 2032 | 2033 | 2034 | 2035 | 2036 | 2037 | 2038 | 2039 | 2040 | 2041 | 2042 | 2043 | 2044 | 2045 | 2046 | 2047 | 2048 | 2049 | 2050 | 2051 | 2052 | 2053 | 2054 | 2055 | 2056 | 2057 | 2058 | 2059 | 2060 | 2061 | 2062 | 2063 | 2064 | 2065 | 2066 | 2067 | 2068 | 2069 | 2070 | 2071 | 2072 | 2073 | 2074 | 2075 | 2076 | 2077 | 2078 | 2079 | 2080 | 2081 | 2082 | 2083 | 2084 | 2085 | 2086 | 2087 | 2088 | 2089 | 2090 | 2091 | 2092 | 2093 | 2094 | 2095 | 2096 | 2097 | 2098 | 2099 |
|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|------|
| 1900 | 1901 | 1902 | 1903 | 1904 | 1905 | 1906 | 1907 | 1908 | 1909 | 1910 | 1911 | 1912 | 1913 | 1914 | 1915 | 1916 | 1917 | 1918 | 1919 | 1920 | 1921 | 1922 | 1923 | 1924 | 1925 | 1926 | 1927 | 1928 | 1929 | 1930 | 1931 | 1932 | 1933 | 1934 | 1935 | 1936 | 1937 | 1938 | 1939 | 1940 | 1941 | 1942 | 1943 | 1944 | 1945 | 1946 | 1947 | 1948 | 1949 | 1950 | 1951 | 1952 | 1953 | 1954 | 1955 | 1956 | 1957 | 1958 | 1959 | 1960 | 1961 | 1962 | 1963 | 1964 | 1965 | 1966 | 1967 | 1968 | 1969 | 1970 | 1971 | 1972 | 1973 | 1974 | 1975 | 1976 | 1977 | 1978 | 1979 | 1980 | 1981 | 1982 | 1983 | 1984 | 1985 | 1986 | 1987 | 1988 | 1989 | 1990 | 1991 | 1992 | 1993 | 1994 | 1995 | 1996 | 1997 | 1998 | 1999 | 2000 | 2001 | 2002 | 2003 | 2004 | 2005 | 2006 | 2007 | 2008 | 2009 | 2010 | 2011 | 2012 | 2013 | 2014 | 2015 | 2016 | 2017 | 2018 | 2019 | 2020 | 2021 | 2022 | 2023 | 2024 | 2025 | 2026 | 2027 | 2028 | 2029 | 2030 | 2031 | 2032 | 2033 | 2034 | 2035 | 2036 | 2037 | 2038 | 2039 | 2040 | 2041 | 2042 | 2043 | 2044 | 2045 | 2046 | 2047 | 2048 | 2049 | 2050 | 2051 | 2052 | 2053 | 2054 | 2055 | 2056 | 2057 | 2058 | 2059 | 2060 | 2061 | 2062 | 2063 | 2064 | 2065 | 2066 | 2067 | 2068 | 2069 | 2070 | 2071 | 2072 | 2073 | 2074 | 2075 | 2076 | 2077 | 2078 | 2079 | 2080 | 2081 | 2082 | 2083 | 2084 | 2085 | 2086 | 2087 | 2088 | 2089 | 2090 | 2091 | 2092 | 2093 | 2094 | 2095 | 2096 | 2097 | 2098 | 2099 | |

1. *Chlorophyll a* (Chl *a*) and *Chlorophyll b* (Chl *b*) were determined by the method of Lichtenthal and Whistler (1973). The total chlorophyll content was determined by the method of Arar and Cook (1977).

Errata prætermissa

336

In impressione aliorum;

Apponenda post Institutiones Iuris Ciuilis.



In ipsis Institutionibus Iuris Ciuilis

| | Errata | Corrige |
|-----------|-----------------|-----------------|
| pag. lin. | | |
| 19 23 | Emphiteufimo | Emphiteufim |
| 21 35 | Consul | consuli |
| 22 18 | de edilet. | de edilit. |
| 30 29 | vno vno ex | vno ex |
| 31 15 | & it. | & ita |
| 34 3 | anulos | annulos |
| 41 31 | auuerrucandorum | auerruncandorum |
| 48 9 | inducitur | dicitur |
| | 14 duos fratres | duo fratres |
| 83 22 | ætati | ætatem |
| 91 30 | l. Romæ | l. Roma |
| 143 16 | pignoratio | pignoratione |
| 180 3 | substinetur | sustinetur |
| 245 7 | ius crescendi | ius accrescendi |
| | 20 vt factum | & factum |
| 250 13 | finitur mori | finis mori |
| 264 35 | §. Adec | §. Adeo |

285 11 *ad l. flaviam* *ff. ad l. flaviam*
 303 5 C. C. C. C.
 316 29 *se constitui* *se constituere*



In Institutionibus Iuris Canonici

57 41 *conferat vt* *conferatur*
 89 20 *in conueniens* *inconueniens*
 148 29 *eiusdem causis* *eisdem causis*
 179 19 *fiat reus* *fiat actor*
 208 40 *M. Ferrarenfis* *M. Ferrariensis*
 220 34 *ciuli* *ciuili*
 226 31 *l. si quis conscribendo* *l. si quis in conscribendo*



In Fastis Legalibus

70 4 *Vittusius* *Vittutius*



*Si quæ alia prætermiffa essent;
 humanitas legentis excusabit.*



